

6


19-d

01



6-41-E-36

The image is extremely faded and lacks sufficient contrast to reveal any text or structural details. It appears to be a scan of a document with a grid or table layout, but the content is completely unreadable.





NIC PARTHENON
 Giannetta sive Soclesia
 PISCATORIA & NAUTICA

F. De Louvemont Fecit.

Neapoli Typis Regiis an. MDCLXXXV.





NICOLAI
PARTHENII

GIANNETTASII NEAPOLIT.
SOC. JESU.

PISCATORIA,

ET

NAVITICA.



*Ad Venerabilem Patrem Dionysium
à A. D. L. Nicolas Augustinum
Bivalvum Congreg. S. Basilii.*

*Est Confr. Jesu M. E. P. S. S. Calceat
L. Augustini.*

E R R A T A

Pag. 16. versu 23. lege proqignant , pag. 34. versu 23. lege aspiciens ,
Pag. 42. versu 15. lege, canibusque. pag. 202. versu 26. lege petat, pag. 224.
versu 13. lege fragrant.



ILLUSTRISSIMO, ET EXCELLENTISSIMO DOM.

D. CAROLO DE CARDENAS

FAMILIÆ PRINCIPI

Sacri Romani Imperi

PRINCIPI MERITISSIMO



Primo Laini, & Regni Neapol. Marchioni, Comiti Acerrarum, Comiti Palatino, Alcajdo perpetuo urbis Plutia in Regno Sicilia, Militum gravis armatura Praefecto, &c.

NIC. PARTHENIUS GIANNETTASIS SOC. JESTI.

Antiquus ille, EXCELLENTISSIME PRINCEPS, mos fuit, qui & maxime viget nunc temporis, ut elaborata jam naues, prorsusquam in mare deducerentur, nisi ex Numinibus, aut Heroibus consecrarentur: illius autem imago Numinis, cui navis solenniter jam dedicata erat, in eboze calata, vel in auro puppi praefigebatur. Hinc illa aurato fulgentes Apolline, & Minerva, & Marte puppes conspiciantur: ex quibus non decus modò, & orna-



mentū, verū etiam, & praesidium sibi, & inta-
men promittebant; quippe quae praesentes semper
in dubiis, facilesque in preces Divos sperabant.
sic & sub illorum tutela per insidum semper ma-
re, per insidos semper ventos tutius navigare
credebant. Hunc ego morem secutus, ab illo
enim ne latum quidem unguem recedere reli-
gio est, antequam navim hanc meam ex male
dolatis truncis, nulla arte, nullo ingenio com-
pactam in mare deducerem, tibi, VIR IMMOR-
TALITATE DIGNISSIME, nuncupandam puta-
vi, ut magnum ex te praesidium sortiretur, & de-
cus: cuiusque recta auspiciis ad aeternitatis por-
tum securus velificaret. Et sane non aliam profe-
cto metam sibi praescribere fas est, si te Auspice
se se mari committat, ac ventis credat. Quae &
felicior illa, cui speciosum nomen Victoria fecit,
quidquid Oceani terras ambit, alluitque, fortu-
nata navigatione lustrabit; perque geminos de-
vecta Orbes, ad immortalitatis portum victrix
perveniet. Et quidem (nec me meus animus fallit)
jam mihi tantam prosperitatem licet ominari:
Hoc duce, perpetuis sulcabitur æquora velis,
Felici intendunt semper quæ flamine Cori.

Et sane quis hanc sibi ex tanto Principe feli-
citatem, ex tanto Heroe praesidium, & decus non
spondeat? Summum profecto ex tuo genere decus,
summum ex tua virtute praesidium sibi nostra

hac

hac navis pollicetur. Non enim tibi ex Nobili tantum stirpe, sed ex Equeſtri, sed ex Senatoria, sed ex Regia sanguis est. quippè qui à Gothiſ Hispaniarum Regibus Divo Hermenegildo, & Recaredo longa annorum ſerie in te tranſfuſus eſt. Qui Sancti Reges, quoniam ab Arianis hæreticis Lupi vocabantur, hinc Lupos in ſtemmate Majores tui pro gentilitiis inſignibus aſſumpſere.

Quibus verò regius ille ſanguis trabeatus faſcibus, laureatus victoriis, & per quos, quantosque Heroes in te tranſmiſſus ſit, mitto dicere; nam & luce ſe produnt ſua, commendantur & fama, quin & me dies deficeret ſi ſingula percenſerem. unum autem, aut alterum omittere non poſſum. Celeberrimus ille eſt, cujus nomen, vel occuluit invidia, vel melioribus faſtis aſcripſit æternitas, qui innumeris victoriis, ac palmis ex barbaris ſua virtute, ſumma ſibi gloria partis, illam nobiliſſimam impoſuit coronidem, quæ quidem omnibus ſeculorum laudibus, atque omni poſteritatis memoria digna eſt: cum enim inter innumeras propemodum barbarorum copias, quæ confertiſſimus globus erat, & atrociffimum ſæviebat prælium, irrupiſſet, Manſam Maurorum Regem propria manu obtruncavit: quo caſo deletus omnis barbarorum exercitus eſt.

Nec minorem celebritatem Nominis compa-

ravit sibi ALPHONSUS DE CARDENAS, ad quem
unum tunc temporis cum Lusitanis pugnans,
tanquam ad egregium Militia præceptorem.
Isabella Castellæ Regina Consalvum Aquilarium
Cordubensem misit, ut sub tanto duce primas
militiarudimenta poneret: & posuit adeò egre-
giè, ut meritiò uni ALPHONSO Consalvum debeat
Hispania: quin & ipse Consalvus ab hoc solertis-
simo Magistro exacte militia documenta, præ-
ceptaque, quibus postea suo cognomine Magnus
evasit, accepisse fatebatur. quæ quidē ALPHON-
SI laus maxima est, ac summum Imperatorie
virtutis, gloriaque verticem attingit.

Sed quibus laudibus prosequar eos CARDE-
NIÆ Familiae Heroes, qui cum Alphonso Re-
ge Aragonio in Italiam ad Palmas venere, &
Titulos? Quibus ALPHONSUM FERDINANDI,
& Anna Emanuelis ex Regibus Castella filium,
& ALPHONSI Magni Magistri Ordinis Divi
Jacobi, & GUTTIERIS Magni Legionis Com-
mendatoris consobrinum laudibus commendem?
qui Alphonso I. Regi per quam charus, & à Con-
siliis fuit, atque ab eodem Magnus Camerarius,
Plutiaeque urbis Alcaydus, mox & Cajeta Prorex,
& summus Militia Praefectus renunciatus, eam
Regni partē, quæ Latio finitima est, summa belli,
prudētieque laude gubernavit. Quibus FERDI-
NANDUM ejus filium Ferdinando Regi Catholico
cha-

*charissimū, Almeriaq; Alcaydū? qui posteris suis
egregia Fortitudinis exempla reliquit, æternum-
que nomen ex debellatis toties Mauris, ut me-
ritò à Federico Rege Laini Marchionatu, atque
Acerrarum Comitatu insignitus fuerit. Quibus
FERDINANDUM? qui ob premium eximia forti-
tudinis à Carolo V. Austriaco Bononie, Neapoli,
& Tuneti inter Magnates adlectus est, quibus
unis Regem alloqui aperto capite, qui honor apud
Hispanos summus habetur, fas est. Quibus in-
quam laudibus sexcentos alios Heroes celebrem?
quibus meritò*

. monumentum ære perennius
Regalique situ Pyramidum altius
fixit fama, sacravit æternitas.

*Hactenus hæc, quæ ad nostræ navis decus,
atque ornamentum plurimū faciunt. Quæ ve-
rò ad presidium: illæ sunt animi tui virtutes,
quibus te totum imbuendum tradidisti. Et
primò quidem amœniori Musarum studio; hinc
acriori diligentia Mathesi operam navasti, illud
Poëta in animo fixum habens:*

. Me verò primū dulces antè omnia Musæ,
. Quarum sacra fero, ingēti percussus amore,
. Accipiant, cœliq; vias, & lydera monstrēt.
*Quod porro Studium regium est, & rege di-
gnum. quantum verò in hisce liberalibus disci-
plinis profeceris, novimus omnes, quotquot dex-*
te-

teritatem ingenii tui, felicitatemque sapientius de-
mirati sumus. Novit nostra hac Academia,
quæ te primum literis erudiendum, mox plausi-
bus summis excepit eruditum.

His autem facultatibus egregias Animi do-
tes sociasti, quæ te supra reliquos evexere, Can-
didi Mores, ingenita nobilitatis Indoles prorsus
divina, Comitatus ad omnium animos sibi semper
officiis promerendos intentus, Munificentia penè
regia, Fortitudo, animique Constantia, ac rectus
perpetuò integerrima vitæ Tenor, tui animi regis
dotes sunt, quibus invidiam superasti. Verum
singula enumerare omitto, ne offendam mode-
stiam tuam, quæ cum maximè laudanda gerat,
à laudatione maximè abhorret.

Quæ cum ita sint, non frustrabitur votis no-
stra hæc navis si te Auspice, se ad eternitatis
portum sperat appulsuram: Et si, ut eleganter A-
nacreon

Τρίχος ἄρμαλος ᾧ ᾗα

Βίotos τέχει κυλιθεῖς.

stabit tamen æternum te duce fama. Paliare
igitur, EXCELLENTISSIME PRINCEPS, tuam
gloriosam imaginem, tuum immortale nomen
nostræ navi præfigi: Et quodcumque hoc mu-
nus, quod tibi lubentissimè nuncupo, dicoque
grati animi monumentum ne despicias. Vale
Neapoli Kal. Aug. M. C. IXX. LXXXV.



A D L E C T O R E M.

Purimum ultimis hisce seculis pollere navigandi artem, nemo est qui ambigat, quare si antiquorum navigationes cum nostris conferamus, non dubito, quin vagire infantem apud illos maritimæ rei peritiam, apud nos verò adultam jam, & ad plenam evectam ætatem dixeris. Vix ausi sunt illi Oceani veluti primam oram lustrare: nos quantum Oceani est, quod utrumque Orbem alluit, circuitque, navigavimus, novosque orbes, novas provincias, nova regna, insulas, promontoria, flumina, populosque alios deteximus, ut nihil jam in vastissimo terrarum Orbe nos lateat, nisi exigua dumtaxat particula, quam nobis unæ perpetuæ Borealis poli, Australisque caligines occulunt: hæc tamen nec terrarum particula censenda est, quam ne feris quidem ad habitandum natura concessit.

Accedit, quod apud Antiquos ante nauticæ pyxidis inventionem adeò tenuis erat maris peritia, cursusque regendi, ut vix sinè periculo per vigintiquatuor horas longè à terris navigari potuisset, quod si contingeret, statim, ut ait Poeta:

Errabant acti fati maria omnia circum.

Quippe qui ad indagandum Meridiani situm, & reliquas plagas, ad quas navigatio instituenda erat, interdiu Solis altitudine, noctu verò Stel-

lis Majoris Urſæ Græci, & Rhodii, Minoris
Phœnices, Sidoniiſque utebantur, ut meminit
Ovidius :

*Magna, Minorque fera, quarum regit altera
Graias,*

Altera Sidonias, utraque ſicca, rates.

Hac verò tempeſtate ope pyxidis, mapparumq;
Geographicarum, necnon & ſumma mathema-
ticæ diſciplinæ peritia, id præſtatum eſt, ut non
per Mediterraneum modò, ſed longè, latèſque
per Oceanum tutiſſima, ac breviſſima ſit nobis
navigatio. Præſtitere ad id operam ſuam quam-
plurimi eruditi auctores, qui nova, exquisitaq;
methodo Rem Nauticam aggreſſi ſunt non ſi-
ne ſumma ingenii laude, & rei publicæ commo-
do. Præcipuam vero laudem naſti ſunt Ville-
brordus Snellius in ſuo Tiphys Batavo, Bartho-
lomæus Creſcentius in Nautica Mediterranea,
Morſioſus in Orbe Maritimo, Dudleyus in Ma-
ris Arcano, Riccioliuſ in Hydrographia, & no-
viſſimè Georgiuſ Furneriuſ in eruditiſſimo Hy-
drographiæ volumine. At nulluſ, quod ſciâ, ha-
ctenus Rem Nauticam carmine complexuſ eſt;
nam cum lapidem omnem eolverem, ut ſi quiſ
huiuſ rei auctor aliquiſ eſſet, ad manuſ perve-
niret, nunquam vel unum naſtuſ ſum. Id cum
viderem ſubituſ animuſ invaſit calor, ut rem
hucuſque intactam arriperem: atque ille non
parum me ſtimuluſ pupugit, ut ſi non ab elegan-
tia carminis, ſaltem ab argumento, reiſque no-
vitate aliquam mihi eruditorum benevolen-
tiam conciliarem. Verùm ne operi manuſ ad-
moverem obſtabat in primis infirma valetudo,
& maximè Hypochordiorum inflammatio, quæ
lucſ

lues mirum quantum hoc seculo apud nos grassatur: obstabat præterea severioris disciplinæ provincia, quæque mihi plurima erat operæ. vicir tamen Musarum ardor, & reluctante ingenio, valetudineque sex mensium curriculo tor inter tricas opus absolvi, coronidemque qualemcumque imposui, cum jam in dies Viennensis obsidionis exitus expectabatur: ac si divinassem, id quod & futurum erat, & maxime præoptaveram, festivus cecini; annuitque votis benignus semper Deus.

Sed adeo diminutæ sunt vires, ut sequenti anno in gravem morbum inciderim, ex quo tamen convalui; perpolitoque utcunque opere, ne longioris limæ studium in pessum valetudinem daret, opus penè rude in lucem dedi, etsi non bonam: eo tamen consilio, ut si eruditis placeret, iterum cultius. auctiusque proferrem. Damnabis fortasse consilium, præsertim monente Horatio, opus quodcunque in nonum annum premendum esse. Verùm id præter valetudinis periculum, feci amicis hortantibus, qui opus festino calore absolutum benè noverant. Præterea sunt quamplurimi, quorum ingenii supellex adeo tenuis est, ut principiò inventis, vix habeant, quod addant: & si diutius rem perpolire velint, turpissimè deformant. Sed ut cumque se res habeat, pauca sunt in quibus te monitum velim. Longiusculi videbuntur fortasse libri, quàm par sit, sed uberior materies breviores non patiebatur. Primo tamen cuius curta erat seges, ut justus fieret, varia inferenda fuere, quæ fortasse ad rem minus viderentur. Nova nonnulla ulurpavimus mutuato ex Græcis vocabu-

lo, alia ex barbaris perpolito non nihil vocis sono; sed id necessarium erat; nam ut optimè Tullius: novis rebus nova nomina sunt imponenda. Præterea ne abstrusarum vocum crebra usurpatio in locis describendis nimium lectorem fatigaret, apposuimus in calce vernaculas appellationes, quæ licet, ut plurimum Italicæ sint, tamen inflexo vocabulo pro nationis cuiusque usu, ac genio eadem, & Hispanæ fient, & Gallicæ. At quia difficile, ac plenum alex opus regionum, locorumque, portuum, ac fluminum, urbiumque antiquas appellationes hodiernis vocibus aptè, & sine errore reddere, cum plerumque ignorentur, & loca multa penitus interierint, veniam facilè impetrabimus, si aliquando à recta appellatione aberravimus; nam etsi diligentiam omnè impenderimus, probatosque auctores sequuti simus, tamen nunquam à recta semita deviasse sperare vix possumus in re tam difficili.

Non tibi mirum videri debet, si sæpe præceptis apposuerim etiam exempla; nam cum navigandi ars moralis quædam sit disciplina, congruum mihi visum est, si præcepta exemplis confirmarem; quandoquidem plus ponderis habent ad cautiùs evitanda pericula; & nos alienis periculis longè meliùs erudimur, quam rationū vi, præceptorumque momentis.

Plurima, quæ ad navigationem spectant, & mathesin magis sapiunt, prætermisimus, cum nullum carmini decorem allatura essent; imo nec illa carminis elegantia patiebatur: neque illi, qui rem aliquam carmine tradendam suscipere, omnia complexi sunt. Omisit multa Virgilius:

gilius: omisere alii, & quidem ex industria. Quod si aliquid, quod elegantius futurum esset, omiserim, fateor id me invitum latuisse.

Censebit fortasse aliquis me præter operis majestatem in quinto libro litoralem navigationem amplexum esse: sed facile veniam impetrabit Campanus homo, quem decebat populares suos, qui illo præcipue navigationis genere utuntur, erudire: nec porro suis placere potuisset si litoralem cursum penitus omisisset.

Postremo & si sciam esse nonnullos, qui inter Eclogas non censent piscatoria, tamen apud me plus valet Actii nostri auctoritas, qui primus ea laude piscatores introduxit in Eclogis, ut post Virgilium nemo sit, qui illi præponendus videatur. Prætereà quid tritius quam piscatores maximè in Olympiæ nostra cantilenis, citharisque indulgere sæpissimè, non quidem dum piscantur; nam nec locus ille opportunus est, nec tempus, sed cum vel feriati ad otium sedent, vel cum dies festos agunt, quin etiam dum secundis auris velificant, à carmine non abstinēt.

Introducimus etiam pastores piscatoribus confabulantes, quod interdum accidit, præcipue in litoralibus, ubi passim pastores degunt. Pausilypus noster, Putcoli, Bajæ, ac Cumæ agrestibus hominibus habitantur, qui sæpe mutata persona, genioque piscatoriam exercent. Sed nolo te pluribus tenere. Vale.



LEOPOLDOL

CÆSARI, AUGUSTO,

PIO, FELICI, VICTORI,

E C L O G A I.

T I T Y R U S.

A R G U M E N T U M.

*Tityrus piscator, Lycida hortante, CÆSARI epinicion ob
Viennam liberatam canit, per Tityrum poetam, per Lyci-
dam verò Josephum Medicum Octaviani Principem,
qui primus Victoriæ nuncium Vati attulit, intellege.*

LYCIDAS, TITYRUS PISCATORES.

LYC. **T**ityre, quid vitreas recubās Crateris ad undas
Otia lentus agis? tenui cur latus avena
Non dulcem viridi Musam meditaris in acta?

TIT. Non equidem, Lycida, nō hoc fert carmina teypus
Improba Sors quādo, & Scythia barbarus omnia versant.

LYC. An quæ Parthenopēs audiui nuper in urbe,
Cum domino fetrem Synodontas, Tityre, nescis?

TIT. Dic, age, quid, Lycida, Sirenis ab urbe reportas?

LYC. Tityre, læta tibi Sirenis ab urbe reporto.

Urbs secuta metu: pertupit barbara castra
Augustus CÆSAR LEOPOLDUS, & agmina mille
Threilcium fudit, gelidoque immetfit in Istro.

TIT. Vetane sunt, Lycida, hæc, an dulcia somnia amantū?

LYC. Vera quidem: nam fama volans pernicious alis
 Danubio ex alto Romam pervenit, & omnes
 Italix implevit lætis rumoribus urbes:
 Et modò Parthenopen replevit, Tityre, nostram.
 Nonne vides, ut crebra sonum tormenta canorum
 Dent passim, & tutis plaudant terroribus arces:
 Nostraque festivis ardeat 1 Olympia flammis?
 TIT. O quantum exilio, Lycida, dum talia narras:
 Exsiliunt mihi læti oculi, lætum exsilit & cor.
 Munere pro tali pulchra te murice concha
 Donabo, Lycida, dono mihi quam dedit olim,
 Cùm canerem, Melisæus: aquis non venit ab altis
 Pulchrior. Est circum vario depicta colore:
 Et mare depictum, & scopuli spectantur, & udum
 Litus, & in tremulo fugientes gurgite cymbæ:
 Naturæ ludentis opus, quam murice concham
 Credo equidem pinxisse manu, ingenioque magistro.
 Nanque opus hoc casu minimè evenisse putandum est.
 LYC. Accipio pulchram, quam das mihi, Tityre, conchâ,
 Tû verò Augusto dignam, tantoque triumpho
 Litoream tenui calamo meditare Camœnam.
 Nanque acta in nostra jam te dixere poetam,
 Et tibi jam nostræ gratantur 2 Olympides; & te
 Velarunt musco Nymphæ, tumuloque propinquo
 Synceri applaudunt Manes, Manesque Maronis.
 TIT. Litoream Musam dicamus, & æquora cantu,
 Litoraque, scopulique, omnisque resulet Olympus.
 Incipiam: cu, doctè, modos percurre loquaces.
 Currite, Tritones, per cærula, currite concha.
 Vicit, io! CÆSAR. Vos ò maris aurea proles,
 Nereides, formosa Theti, formosæque Dori,
 Hùc celeres imis à sedibus usque venite;
 Et viridi sertum Victori texite myrto.
 CÆSARIS & viridi consuescant tempora myrto:
 Nam vetus est laurus: nova sine insignia Regum.
 Currite, Tritones, per cærula, currite concha.
 Vicit, io! CÆSAR: calcata superbia regis
 Eoi, fractæque acies, fusi que manipuli,

Thre-

1 Sic antiquis dicta est ora maritima inter Incullanum, & Panfilyum,
 vulgò (Chiaja) 2 Musa ex ora Olympia sic dicta.

ECLOGA I.

Threiciique, Arabesque, sagittiferique Geloni,
Victi omnes; versæque retrò fugere tyranno
Mille acies, & mille virum data millia lætho.
Centum pro tali nunc dicite digna triumpho
Carmina, Pausilypique Deæ pelagique puellæ.

Currite, Tritones, per cærulea, currite concha.
Vicit, io! CÆSAR: Neptunia Numina, Glauti,
Voce ciete sonum, & conchas inflatè marinas.
Ite sub Antipodas, celeri vos ite natatu,
Ac geminos facti famam proferte sub axes,
Audiat Hesperius; simul audiat orbis Eous
Augusti palmam, & Romæ gratetur ovanti.

Currite, Tritones, per cærulea, currite concha.
Vicit, io! CÆSAR: per litora spargite muscum
Najades, & circum vitreos confidite fontes:
Pollice virgineo teneros hîc carpite flores:
Floribus & pictum, divæ, replete canistrum.
At vos, ò Nymphæ Craterides, ite sub undas:
Ite, recurvato variata corallia trunco
Vellite muscosis è rupibus, & mihi conchas
Ferte Deæ pelagi, & pingui conchylia succo.
Hæc ego Victori LEOPOLDO munera mittam:
Atque hæc cæruleis apponam carmina donis:
Hæc piscatoris ne temnas munera, CÆSAR:
Nanque his Neptunum donamus, & his quoq; Dorin:
Est & Neptunus Deus æquoris, & Dea Doris.

Currite, Tritones, per cærulea, currite concha.
Vicit, io! CÆSAR: per marmora ludite cymbis,
O juvenes, puppesque novis ornate corollis:
Et niveos inter delphines ludite cursu.
Tritonum intercæ vocali scrupæa concha
Antra sonent, scopulique, omnisque à vertice pontus.
Et circum socio responsent litora cantu.
Omnia lætitæ concedant: omnia festis
Vocibus applaudant Victori, & murmure læto
Augusti nomen LEOPOLDI ad sydera tollant.

Currite, Tritones, per cærulea, currite concha.
O mihi si cælo exoptatus fulserit unquam
Ille dies (illum Superi concedite Divi)
Quo te regali in puppi super æquora vectum

• An-

Antiquam imperii sedem lustrare sub Ortum ,
 Atque per Eoi populos dare jura volentes
 Aspicerem: tunc ipse tuas jam dicere laudes
 Aggrederer, nomenque tuum, tua facta per orbem
 Mœonio ferrem cantu, calamoque Sicano.
 Me super assurgens humiles procul iste jubebo
 Pausilypi Musas, & litora: me sacra Pindi
 Accipient nemora, & Parnassi dulcia Tempe .
 Litoream interea, CÆSAR, ne despice Musam,
 Quam tibi cœrulei cecinit Crateris ad oram
 Tityrus, è patrio qui primus litore Musas
 Per vitreas vexit velis majoribus undas ,
 Primus & audaces duxit per cœrula nautas.
 Tu verò pulsare, puer, freta desine cōncha;
 En cava solliciti veniunt ad litora nautæ ;
 Et i Megaræ tutres jam longior occulit umbræ,

E C L O G A II.

P A R T H E N I S .

A R G U M E N T U M .

*Iolas piscator Virginem, humani generis delicias, unice ad-
 mabat, quacum dulci queritur, quod se ex oculis sub-
 traxerit. Per Parthenidem Virginem, per Iolam reli-
 giosum virum intellige.*

P A R T H E N I D E M puer ardebat piscator Iolas ,
 Delicias divum, atq; hominum, quam sæpe solebat
 Ad 2 Mergillinæ vitreos invisere fontes,
 Sacrum ubi P A R T H E N I D I S stat curvo in litore templū ,
 Hic cum jam Zephyri ponebant murmura, & altum
 Purpureus rediens pulsabat Vesper Olympum,
 Hæc dulces inter lacrymas incondita solus

Flu-

1 *Insula Lucullana obiecta, qua & castrum Lucullanum appellata est*
 (Castel dell'ovo.) 2 *Amœnissima ad Pausilypum villa in extremo*
ora Olympica (Mergogliano) olim Aetii Synerci Sannazarii, ubi cele-
brissimum eius sepulchrum in templo ab ipso Virgini, & Divo Naxa-
rio dicant.

Fluviis, & duris jactabat carmina saxis.

IOL. Quid tantum refugis, bona Virgo? quid & mihi tantum
Divinum avertis vultum, tenuisque videri?

Ah miser! ah nostros contemnit PARTHENIS ignes!
Prætulermne aliquam tibi forsân, Dia, vereris?

At mihi vos, Superi, testes, si corde caducum,
Aut unquam mortale aliquid meditatus: & ipsi
Sint mihi vel scopuli testes, sint litora, & undæ.

Dicite vos, scopuli, vos litora dicite, & undæ,
(Si sensus scopuli, si litora habetis, & undæ)

PARTHENIDEM si semper ego piscator amavi:

Nam voces vos sæpe meas audite soletis,
Atque repêrçussas mea reddere verba per auras.

Ah nostro quoties offensæ murmuræ cautes

PARTHENIDEM sonuere! meos jam carmine amores
Edoctæ rupes resonare, & concava saxa.

Et vos, quæ nostro frondetis litore, quercus,

Dicite (nam sensus, & habetis Numina quercus)

Hæc vestro quoties incidit carmina trunco:

Te, Virgo, piscator amat, & amabit Iolas:

Et veluti hæc quercus, crescunt sic semper amores.

An me tu forsân, Virgo, aspernatis amantem

Quod pauper piscator? erat piscator & ipse

Nonne puer, formosa, tuus, quem sæpe beato

Amplexum gremio tenuisti, & dulcia sæpe,

Atque optata sacris libasti basia labris?

Ille nec erubuit calamos, non retia, & hamos,

Nec parvam sociis agitare per æquora cymbam,

Cùm Deus ipse, matris regnator, & ætheris alti,

Qui nutu terras, nutu qui sydera torquet.

Fortis amor: nostrum quis vincere possit amorem

Ille Deum in tetras vel ab æthere traxit amantem!

Atque malis hominum pariter consuescere jussit.

Et tu, Diva, meos nunc aspernabetis ignes?

An mihi dura, quia agresti munuscula cultu

Nulla tibi misi? misi tamen ipse rubentes

Bissenas de more rosas tibi, Dia, quotannis?

Et meminisse potes: nanque hoc cum carmine misi:

Virgo, noster amor, tuus hæc tibi mittit Iolas.

Quin etiam variis memini misisse corollam

Flo-

Floribus intexam, & calathis quoque lilia plenis;
 Candida (novi equidem) quia sunt tibi lilia cordi.
 Sunt & plura mihi in testis: cras illa videbis
 Ante aras, Regina, tuas emittere odorem.
 Præterea, dura quæ vix de caute revelli
 Nuper oliviferæ piscosæ ad saxa i Minervæ,
 Bina mihi curvos variata corallia ramos:
 Bis petiit Nixæ soror, bis & mihi furtim
 Sublegere aggressæ est: arca sed condita servo.
 Illa tibi multo cum carmine mittet lolas,
 Natalem cum, Virgo, tuum lux annua reddet.
 Sed piscatoris parva hæc an munera spernis,
 O Divum Regina? tibi sed munera digna
 Quis ferat? ipse suis vix dignum texit amictum
 Sol radiis: vix Luna pedes tibi lambere digna est.
 At, quia dulce sibi cor amantes mittier optanti
 Cor tibi, quod tantum restabat, misimus ultro.
 Quicquid id est, certè Deus ipse hoc munere majus
 Nec sperare potest, nec reddere possumus ipsi.
 At tibi quod totum, Virgo, jam misimus illud,
 Scis equidem, certisque potes cognoscere signis.
 Mane ego te primo, te Vespere, Diva, saluto:
 Sæpius atque die in medio tibi carmina dico:
 Atque tuum quoties audire, & reddere nomen
 Contingit, tunc ore fero prona oscula terræ
 Cernuus, & cæli venerabile pignus adoro.
 Nil tamen hæc profunt, dulcem si cernere vultum
 Dura negas, tantumque meos contemnis amores.
 At mihi te propria vetitum si cernere forma,
 Appicta in tabulis saltem simulacra videbo.
 Sic aliqua & nostro dabitur medicina doloris
 Est sua conspectu vel inani blanda voluptas.
 Ah timeo (de te quoniam mihi credere tantum
 Non equidem, bona Virgo, licet) ne pectore nostro
 Quid lateat, quod, Diva, tuos offendat ocellos.
 Dic mihi quis lateat malus anguis? ut & citus illum
 Conteram, & optato dignus jam reddar amore.
 Sed tempus rutilus percurrere litora flammis:
 Nostra sed occultæ depascent pectora flammæ.

ECLO-

ECLOGA III.

ANTIGENES.

ARGUMENTUM.

Milcon, & Dorylas piscatores mutuis inter se primum convicijs, mox advocato Antigene, carmine certant: sed noster vincit, Antigenis sententia. Per Antigenem intelligit poeta familiarissimum suum Josephum Vallethan Jurisconsultum eximium, & Latinis, Græcisque literis florentissimum, Qui regio animo, ac sumptu celeberrimam Neapoli Domi suæ bibliothecam ex probatissimis auctoribus omnium admiratione, ac plausu comparavit. Per Argilochum innuit Franciscum Solimenē Piscatorem sui temporis egregium, antiquis ipsis vel invidendum, Musisque Ethruscis perpolitum.

MILCON, DORYLAS, ANTIGENES.

MIL. **D** Ic mihi cui nassā servas puer? an Polybotē?
DOR. Nō illi, at Lycabē, Bajas qui nuper abivit,
MIL. Infelix piscator, ovem qui nescius isti
Commisit servare lupo: nam sæpe revisit
Hic nassam, & partem prædæ sibi subripit udæ.
DOR. Tu fur, tu nassis solitus subducere pisces.
Te modò cum præda fugientem ab litore vidi,
Cum fumosa citus Phrasidami tecta petebas,
Plurima sæpe soles ubi, pessime, condere furta.
MIL. Vidisti, Doryla, sed cùm te Liber habebat
Numine repletum multo, & dulcedine lætum.
Quippe tibi trullas mos est siccare rubentes,
Atque omnes vili vappa purgare tabernas.
DOR. Ista viris, perverse? mihi non murice pictam
Clam nuper concham medio furatus ab aëtro es?
MIL. Nunc etiam inflaris temulento, ut semper, Iaccho.
Non reddeuda mihi pro pignore? protinus hinc te
Ni citò proripias, saxo caput, improbe, frangam.
DOR. Tu Dorylè? nostris ni te, celerate, Comatas
E manibus toties rapuisset, mortuus esses.

MIL.

MIL. Novis & ille tibi quoties cava tempora fregi,
DOR. Te te ego: vicinus prohibet sed plura satelles,
 Dic, age, danda tibi quonam pro pignore concha?
 Post mihi (nec fugies) pœnas tu, perfide, solves.
MIL. Te quia tunc mecum certantem carmine vici,
DOR. Tu me cantando? non tùm meâ carminâ fluctus
 Mirati, & rigidæ movere cacumina rupes?
 At te, cùm fracta streperes, indocte, cicuta,
 Nereides, pelagique omnes sprevere puellæ.
 Vis ne iterum certare? novo certamine victus
 Tùm me cantando vicisse fateberis ipse.
 In medio statuam duo pocula, quæ mihi Gallus,
 Cùm procul Armoricis venisset portitor oris,
 Vendidit Eurialus Cumarum in litore quondam,
 Divini est opus Argilochi, qui pocula fecit,
 (Argilochum meminî Eurialum dixisse magistrum)
 Depicta in medio spectantur ærula, & udis
 Stat senior, Batro similis, piscator arenis,
 Cui nudo nimium nitenti educere ponto
 Retia, purpureo turgescunt sanguine venæ,
 Et duri multo tenduntur robore nervi,
 Omnibus ut credas piscari viribus illum.
 Non longè sedet in scopulo formosa puella,
 Seu vitæi sit Nympha maris, seu litoris una,
 Quæ viridem vario distinguit flore corollam
 Myrto intertextam, nitidisque aspectat arenis
 Piscantem, & risu ludit dea pulchra soluto.
 Parte alia surgens aprica vinea colle
 Uvis luxuriat maturis, parvulus illam
 Custodit puer, & roseo pulcherrimus ore est,
 Qui sepes propè vimineas confudit, & illum
 Stant geminæ circùm vulpes, quarum altera vites
 Per medias curfat, quâ dulcior uva racemo
 Elæto pender, folioque intexta virenti
 Clam latet, & dulces morflu depascitur uvas.
 In peram versata dolos struit altera furtini,
 Atque pyra, atque nuces, atque aurea mala rapaci
 Subripit ore, puer capiendis manè cicadis
 Intexit junco casses, nec mitia poma,
 Nec vites quidquam curat: sed totus in uno

Est opere & puero sua sunt puerilia curæ.

Nec labra admovi, quamvis me sæpe roget

Nisâ: sed intacta ex illo servantur in arca.

MIL. At mihi nodoso sunt bina corallia trunco,

Nuper Teleboïm dura de rupe revelli:

Hæc sint victori sua munera: plura neque ausim

Ponere: nanque domi, ò Doryla, mihi dura noverca,

Et durus pater est, arca qui condita servant

Cuncta: nec est quicquam, quod clam subducere possim.

DOR. Jam certare placet: veniam quòcunque vocaris.

Non me iterum effugies: faciam, certamine victus

Ne Dorylam, aut alium posthac tu voce lacesas.

Audiat hæc tantum vicino in margine ripæ

Qui sedet, & Zephyros, & dulcia frigora captat

Antigenes: nunquam sic me vicisse negabis.

MIL. Nec te, nec quenquã fugio. Bonus huc age nostras,

Antigenes, audire veni, & laudare Camænas.

ANT. Dicite jam, pueri, molli consedimus alga,

Frigus ubi lato præbet curvamine rupes.

Lumine nunc cœlum puro nitet: æquora rident,

Et placidi rident Zephyri, luduntque per undas

Nereides, vitreosque revisunt Najades amnes.

Dic prior, ò Doryla: referet mox carmina Milcon.

Ludite & alternis: nam alternis ludit Apollo.

DOR. Cærelei fluctus, & marmoris ima canori,

Dicite, si Dorylas cantavit amabile carmen:

Dicite, festivas & gurgite tollite voces:

Si secus, immoto torpescat in æquore pontus.

MIL. Muscosæ cautes, & aquis lita saxa marinis,

Aurea si calamo deduxit carmina Milcon,

Ostreæque, & læto conchylia gignite succo:

Si contra, vacuas sine succo effundite conchas.

DOR. Cum lentus canerem sub tegmine rupis opaco,

Quà super incumbit placidissima Mergilline,

Nereides vitreis se tollere protinus undis,

Et placidos miscere choros ad carmina vidi.

MIL. Quà se Pausilypus deducit in æquora clivo,

Dum sedeo, & gracili deductum carmen avena

Sæpe iterò, dulci Sirenes murmure captas

Aspexi ad litus celeri properare natatu,

DOR.

DOR. Me scopuli, Misene, tui, collesque Dicarchi
Viderunt suavi mulcentem carmine Phocas.

MIL. Me Prochyte aspexit muscoso in vertice saxi
Cantantem rigidas mollire in fluctibus Orcas.

DOR. Retia si jacio: veniunt ad retia pisces:
Si nassas, pingui gravitant sub pondere nassæ.

MIL. Nunquam cæruleis immergitur hamus in undis,
Qui mihi non molles ferat alto à gurgite prædas.

DOR. Dū viridi è scopulo nudus sub marmore mergor,
Ostrea dura lego, & pingui conchylia succo.

MIL. Cū noctu nitidis perlustro litora flammis,
Ostipedes rigida divello è rupe paguros.

DOR. Blanda mihi semper Fortuna, & cærulea ridet:
Et formosa suo ridet mea Nisa marito.

MIL. Aurea decurrunt mihi secula: marmora nunquā
Dura mihi, & nunquam tristes Amaryllidis iræ.

DOR. Dic 1 quibus in tetrīs (& eris mihi Proteus alter)
Subter aquas jactō nascantur semine conchæ?

MIL. Dic 2 quibus in scopulis felicibus iride picti
Versentur pisces, & pignora victor habeto?

DOR. Dic 3 ubi squamigeræ veniant ad litora prædæ
Sponte sua, manibusque udis captentur arenis?

MIL. Dic 4 ubi lacteolos progingant cærulea pisces,
Os quibus est nullum, dorso nec spina rigescit?

ANT. Haud equidem vestras ausim componere lites;
Tu pareras: hic nigra corallia: dignus uterque.

Ducite jam nassas, pueri, nox humida venit.

1 Tarenti, ubi non longè à litore ingentes palos incolæ figunt, qui ver-
tice suprà aquas extant, in hosce è cælo res decidit, cencharamque
sufficit semina, corrupto græco vocabulo (Lo Fito) vocant, hæc inde è
gulis abstrahunt, subterq; aquas in estio magni finis mittūt, ehe mens
ubi est, maris fluxus, ibiq; mirū in modū excrescunt. 2 Ad Pauflypæ,
ubi pisces triplici iridis colore nascuntur, regio pisces Olympici vo-
cant. 3 In hora Rhegina ad Cnyn promontorium, de quo infra sæpè
incidit mentio. Hic enim Pelamydes à Delphinis agitati, marisque
fluxu ferente, in terras incidunt: utque Delphines fugiant in litus
eviliunt, captanturque ab incolis nulle negotio. rem sæpe non finè va-
luptate admiratus sum. 4 Rhegiū, & Messana (Cicirelli) vulgus
vocat. suavissimi saporis sunt, ac veluti lac coagulatum.

LEOPOLDOL

CÆSARI, AUGUSTO,

PIO, FELICI, VICTORI,

E C L O G A IV.

CÆSAR

A R G U M E N T U M.

Vienna obsidione liberata, fuso, fugatoque Barbarorum exercitu, Strigonioque recepto, promissa Superum oraculo aurea mundo secula iam incipere, CÆSAR! gratatur poëta, cui pulsus Europa Scythis Orbis universi imperium auguratur.

A Ctiades Musæ, paulò majora canamus :
 Non humiles cuncti myrtos sectantur, & algas,
 Litora si canimus, sint litora CÆSARE digna,
 Tristia nunc tandem cessere oracula Divum,
 Nec duros ultrà portendet i pagina casus.
 Spes redit, Austriacisque iterum victoria castris,
 Ac læti redeunt post tristia bella triumphi.
 Incipiunt jam fausta: vetus jam vertitur ordo,
 Mutatæque vices rerum: nova nascitur ætas:
 Et promissa Diis felicia secula Mundo,
 Ac magni fluere incipiunt ex ordine menses.
 Casta fave nunc, Virgo! tuo si Numine vicit
 CÆSAR, & ingenti terras formidine solvit.
 Hoc duce, si qua manent priscae vestigia culpæ,
 Tollentur, totoque Fides regnabit in Orbe.
 Gens sancta ex alto mittetur, & impia passim
 Desinet: èque polo veniens Astræa redibit

B

In

1. Martini Sirejonii Soc. Ies. qui adversa primùm, mox prospera Cæsari futura prædixit.

In terras iterum, & Saturnia secla reducet;
Pacatumque reget totum sub CÆSARE Mundum.

Non miseros posthac nautas urgebit egestas;
Non labor uda mari committere retia, & imas,
Non opus est reflui perquirere gurgitis undas.
Ipsa sinu prædas mittent læta æquora, & udi
Sponte sua venient captivi ad litora pisces.
Ipsi & odorati musco scopuli, & lita saxa
Fluctibus, & duræ fundent conchylia rupes.
Ridebunt lenes auræ, Zephyrique salubres,
Et tranquilla levi crispabunt cæcula flabro.
Nam procul horrifoni pacato ex æthere nimbi
Semper erunt; rigidæque silebunt rupe procellæ.
Nec nautis Hyades metuendæ, aut ense minaci
Qui mare, qui terras, quique aëra quassat Orion.
Ulla nec assurgent posthac mala sydera Mundo,
Non vacuæ metuent Lunæ dispendia conchæ,
Nec foliis illas unquam lentiscus amaris
Inficiet: pleno turgebunt ubere conchæ,
Ac dulci semper pinguescent ubera succo.
Nullæ prædonum vexabunt cæcula puppes:
Nostra nec infames cursabunt litora lembi.
Non fraudes aderunt, sævæ non amplius iræ:
Non mala furta, dolique, execrandæque rapinæ,
Et nullæ scelerum facies. post terga revinctæ
Æternùm stabunt Furæ; Diræque sorores:
Semper & horrendi claudentur limina Iani;
Sordebitque sua exesum rubigine ferrum.
Non sylvas pastor, non deferet arva colonus
Invitus, rigidique geniet sub pondere Martis:
Et curvæ falces non constabuntur in enses.
Non vitreas piscator aquas, nec scrupæa saxa
Linquet, & arata fulcabit marmora puppi,
Atque insueta gravi tentabit bella tridente.
Rupe sed umbrosa frigus captabit opacum,
Blanda que litoreas revocabit ad otia Musas.
Pax erit: ex alto pacem regnator Olympi
Spondet: & optatam spondent bona sydera pacem.
Pauca tamen peragenda prius sunt bella per Orbem;
Expugnandæ urbes ferro, durique domandi

Jazyges 1, immanesque 2 Avarcs, Hunnique rebelles :
 Inde 3 Scythæ, & dirus 4 Maümethes, 5 Caspia viçus
 Qui jam claustra petit. fugientem 6 Bactra, nec Indi
 Turantur: longè sylvas, saltusque peragrat
 Riphæos 7, latebrisque vagus se condit 8 Imaï.
 Te manet hic labor, ò nostri decus, ò amor Orbis,
 AUSTRIADE CÆSAR. Teque unum Fata reposcunt
 Everforem Asiæ. rapidum ceu fulmen, in hostes
 Ibis, & horrenda quaties formidine gentes.
 Mox ubi barbarica pulso cum gente tyranno,
 Imperium Eoi, sedemque tenebis avitam,
 Invades Asiam, spoliis 9 Babylona superbam
 Diripies, & regna Cypri vattabis opima.
 Hinc Syriam evertes totam, fræcundaque Nili
 Regna, & palmiferam submittes victor 10 Idumen.
 Hic (nimium ò felix, hominum pater, atque Deum rex
 Te te in spem tantam, tantosque reservat honores)
 Sanctam Urbem intrabis, regum stipante corona,
 Numen adoratum, & dulci dabis oscula ligno,
 Unde salus nobis orta est, & gaudia Mundo.
 Auspiciis & jam lætis, felicibus & Diis,
 Talia concordēs nent aurea secula Parcæ.

B 2

Ag-

1 Jazyges Metanasta Europa populi inter Danubium, & Carpathum, qui nunc Hungaria mütana tenent, quorum metropolis Cassovia, vulgò Alta Hungaria dicitur, qua tota ferè Austriaciis parebat ante recentius tumultus. 2 Avarcs, & Hunni populi, qui primum circa Mæotidem paludem inhabitantes, mox in Pannoniam migraverunt, qua Hungaria ab ipsis dicta est. 3 Turcæ ex Scytharum gèie, qui anno 625. Heraclie Imperatore per portas Caspias in minorem Asiam ingressi pr. Imperio Romano militaverunt: mox in Scythiam reversi, intruere iterum anno 958. Constantine, Copronimo Imperatore, & Persidem primum, hinc Asiam minorem, & totum Orientis Imperium occupaverunt capite Byzantio sub Maumeth II. anno 1453. 4 Quartus hoc nomine Turcarum rex. 5 Pyla, seu porta Caspiæ, per quam ex Scythia in Asiam aditus patet, siue ex Media in Parthiam, angustia inter montes, vulgò (Le porte di Teflis.) 6 (Terrend) vulgò, nem longè à Caucasio, qui (Cocas, & Cochias) dicitur, & per totam Asiam extenditur. 7 Asia mont Scythiam secans, Savmatiamque, vulgò (Oby) dicitur, quo nomine fluvius etiam appellatur. 8 Imaï Scythia, ex quo Scythia intra, & extra Imanum appellatur. longè per Asiam extenditur. In Tartaria nunc (Moregar) barbaris indigetatur, in India verò (Dalanguer) 9 (Bagdat) 10 Ilumaa, qua in sacris literis Edom dicitur, ab Iscolis (Bidumi)

Aggredere ò tantos, spondetiquos Numen honores,
 Chara Deo soboles, magnum Fidei incrementum.
 Aspice totum imo concussum à cardine Mundum,
 Oppidaque, urbesque, & narrantia regna sub armis:
 Aspice, læta novo gratentur ut omnia seculo.
 O mihi si tantùm concedant Numina vitæ,
 Egregios quantùm sat erit celebrare triumphos,
 Et partem imperio pacem, & tua dicere facta.
 Non me divinus poterit superare canendo
 Actius, aut dignas cecinit qui Consule sylvas:
 Sicelides quamquam adsint huic, Nereides illi.
 Judice si mecum certet Deus ipse Palæmon;
 Judice se victum dicet Deus ipse Palæmon.
 Incipe, macte animis, claras decerpere palmas;
 Et tua victrici intertexere tempora lauro.



ALPHONSO PHILAMARINO

TURRIS DUCI CLARISSIMO

ECLOGA V.

THYRSIS

ARGUMENTUM.

Corydon, & Mopsus piscatores Thyrsidis Olympici piscatoris mortem deflent, alterque epitaphium, apotheosin texit alter. sub Thyrsidis persona luget poeta familiarissimum suum Ascanium Philamarinum Ascanij Cardinalis nepotem, Turris Dominum, qui acerbissimo occubuit fato, summo totius Civitatis mareare. Vir, & consilio promptus, & ingenio: moribus verò candidissimis, & ad sibi omnium animos comitate, & officiis promerendos unice factus: Pater Patria meritò appellatus, quippe qui nunquā à patritia gravitate distis, aut factis ne latum quidem unguem delabi visus est, ut ceteris Nobilibus virtutum omnium egregium esset exemplar. Per Corydonem intelligit Alphonsum Philamarinum demortui germanum, cui in acerbissimi funeris solatium Eclogam conscripsit poeta, eique nuncupat, omnemque felicitatem precatur.

CORYDON, MOPSUS.

COR. **C**Ur non, Mopse, (leves quoniā demissimus undis
 Jam nassas, lōgo capturas tempore p̄dass
 Et tenues calami nobis, & carmina) molli
 Hic musco super interea confedimus ambo?
MOP. Tu major, Corydon, faciam quodcunq; jubebis.
 Aut hīc quā Zephyri strepit aura, & murmurat unda;
 Sive tibi gelidum potius placet ire sub antrum.
 Aspice, ut ante fores myrtus stipaverit antrum,
 Atque leves subter sternantur molliter algæ.
COR. Licet ipsis nostris unus tibi cerrat Iolas,

B 3

MOP.



MOP. Quid si Idem cœtet Tritona laceffere cornu,
 Et niveos inter delphinas Ariona cantu?
COR. Incipe, Mopse, prior (sunt & mihi carmina) siquas,
 Synceri vel habes laudes, vel jurgia Batti.
 Incipe: nam pelago nassas servabit Amilcon.
MOP. Imò hæc, quæ vitreas deduxi nuper ad undas,
 Jam repeto: mox ipse mihi fac cœtet Iolas.
COR. Ut mergos dulci superant modulamine, cœcni:
 Judicio nostro, sic carmine vincis Iolam.
MOP. Define plura, puer: vacuo successimus antro,
 Nereides Thyrsin crudeli morte peremptum
 Flebant: vos testes scopuli, vos litora Nymphis,
 Cum conjux amplexa viti miserabile corpus
 Perfudit lacrymis, & questibus aëra complet:
 Sæpe Deos, sæpe astra vocat crudelia conjux.
 Nulli cæruleis illis errare diebus,
 Nec resiliere leves visi Delphines in undis.
 Non & sueta citi venere ad pabula thynni.
 Thyrsi, tuum Phocas etiam ingemuisse per æquor
 Interitum, fluctusque maris, cautesque loquuntur.
 Thyrsis Olympiacas cursu contendere cymbas
 Instituit, lætisque dedit certamina nautis,
 Et ludos Theridi, & solennia vota quotannis.
 Fluctibus ut piscis decori est, ut & ostrea saxis,
 Litoribus myrtus, scopulis ut muscus odoris,
 Sic nobis decor omnis eras: sed tristitia postquam
 Eripuere tuis te Fata, immitia Fata!
 Ipsa Thetis fluctus, & Nereus ipse reliquit.
 Retia sæpe, leves quæ misimus humida in undas,
 Purgamenta maris, quassataque ligna tulere:
 Pro pingui Mullo, pro cæruleo Melanuro,
 Muscus, & infelix provenit gurgitis alga.
 Spargite humum foliis, puppesque ornatæ corollis,
 O piscatores: petit hæc sibi munera Thyrsis.
 Erigite hic tumulum, tumuloque inscribite carmen:
 Thyrsis ego hac quondam capiebam notus in acta
 Formosos calamo pisces, formosior ipse.
COR. Tale mihi, divine puer, tua buccina cantu,
 Quale truci pelago jactatis litora, quale
 Sole sub ardenti Megara venientibus umbra.

For.

Fortunate puer, non amisisse magistrum
 Nostra tibi læto gatatatur Olympia plausu.
 At nunc cærulea quæcunque hæc carmina conchâ
 Expediam, tollamque tuum sub sydera Thyrsin;
 Thyrsin in astra feram; dilexit nos quoque Thyrsis.
MOP. Nil erit, ô Corydon, nobis hoc munere majus,
 Munere & hoc dignus fuit ille; & carmina nobis
 Jam pridem ista Mycon laudavit, lentus ad umbram
 Cùm mecum molli sarciret vimine nassas.
COR. Lucida purpureus summi subit atria cœli,
 Et vaga sub pedibus despectat nubila Thyrsis:
 Perque alios amnes, tranquillaque marmora Divum
 Felices sequitur pisces, felicior ipse.
 Ergo alacris fluctus, & litora læta voluptas,
 Et lætos pæcata tenet per cærulea nautas.
 Tempestas jam nulla mari; non sævus Orion
 Æquora turbabit nimbis, læta otia felix
 Thyrsis amat, Divosque inter jam gessit ovantes.
 Ipsi lætitia cœlo sua murmura tollunt
 Æquorei fluctus: ipsæ jam carmina tupes,
 Ipsa sonant cavâ saxa; procul responset & Echo:
 O Corydon, Deus ille, altarum & numen aquarum,
 Sis felix, faustusque tuis: tibi litore septem,
 Quot pater ipse tenet Nereus altaria ponam:
 Quæ mihi Pausilypus fert aurea vinâ quotannis
 Spargam lætus humi, viridique altaria musco
 Intexam, sociis hilarans convivia læta,
 Surget si Capet, ante focum, si Cancer, in umbra.
 Tityrus interea, & fulvus cantabit Amyntas;
 Nereidum choreas imitabitur alba Lycoris:
 Delphinum & saltus imitabitur Artemidorus.
 Hæc facta, Thyrsi, tibi faciam solennia semper,
 Seu tumidum remis findam mare, litore noto
 Seu mihi subductam firmabunt saxa phaselum:
 Dum Nefis pelago stabit, dum litore surget
 Pausilypus, fluctusque maris dum piscis amabit,
 In terris semper, semperque per æquora notus
 Thyrsis eris, laudesque tuæ, tua facta manebunt.
 Ut Nereo, Glaucoque venerit in gurgite nautæ,
 Sic tibi, Thyrsi, reos damnabis tu quoque votis,

A OP. Tali digna tibi quæ reddam carmine dona?
 Nam neque me tantùm labentes pumice fontes,
 Nec Zephyri tantùm delectant murmura, nec quî
 Propter aquas dulci modulantur gutture cycni.
COR. Ipse sed ante mihi hac ibis donatus avena:
 Hæc nos, Parthenidem ardebat piscator Iolas,
 Hæc eadem docuit, cui nassas? an Polybotæ?
MOP. Accipe tu concham, qua nos donavit Amyntas,
 Donatam & mihi tunc doluit pulcherrimus Anthus.
COR. Sed jam surge puer: de litore clamat Amilcon:
 Tempus & è pelago plenas educere nassas.

MARCO ANTONIO JUSTINIANO.

VENETORUM

DUCI SERENISSIMO.

E C L O G A VI.

GLAUCUS.

ARGUMENTUM.

Venetorum classi in Orientem ex Italia solventi, cum Auxiliariis copiis, INNOCENTIO XI. Pont. Max. adhortante, poëta sub Glauci persona felicia omnia auspiciatur.

SI juvat edomito de Thrace, Scythisque superbis,
 Te Duce, venturas patriæ prænoscere palmas,
 Huc ades, Adriaco veniens de litore, MARCE
 ANTONI, atque animum à curis averte parumper.
 Quæ jam fatidicus nautis oracula Glaucus
 Obscura sub nocte dedit nunc accipe, magnæ
 O decus Ausonix, & Venetæ clarissima gentis
 Glorix; litoreas nec dedignare Camænas.
 Fors erit, (ò utinam fortunent Numina vota!)
 Ut tibi grande meo veniat de carmine nomen;

Cum

Cùm, duce te, partos cantabø ex hoste triumphos.

Piscatu Stabiis multa jam nocte redibat

Bajanus Milcon: sociique per æquora cymbam

Pellebant Lycabas, & Surrentinus Amilcon.

Nulla cavo flabat vicini à flumine Sarni

Aura mari: at puro splendebat ab æthere Luna,

Et subitùs tremuli splendebant marmora ponti:

Já veterè in 1 scopulù, qui servat ab Hercule nomen,

Venerat: audiri cœptus cùm litore ab udo

Fatidicus Glaucus, tumidi qui monstra profundì

Innubi sub nocte solet mulcere canendo.

Quin & sæpe canit trepidis oracula nautis

Cæruleus pelagi vates, aperitque futura.

Et tunc fatidico Deus hæc ex ore profatus.

GLAV. Egzi tumidas percurrere puppibus undas

Victricem aspicio classem, plena æquora velis,

Et longis video remis freta pulsa sonare.

Aspirant lenes Zephyri: præit agmina prima

Adriacus LEO, quem centum comitantur ovantè

Cum plausu, fremituque rates: juxtàque carinas

Assultant læti Døphines, & humida ponti

Gens tota, & vario ludunt per marmora cursu.

Ipsæ etiam pelago surgunt Nereides udæ,

Ore omnes pulchræ, nitidisque in vestibis omnes,

Et niveis omnes distincta veste papillis,

Nudæ humeros, nudæque genu, sparsimque solutæ

Cæsariem per colla levem, vitreasque per undas

Solennes ducunt, Nereo plaudente, choreas:

Concertantque vago puppes ambire natatu,

Dum resona Triton cita personat æquora concha.

Scilicet egregios jam nunc spectare triumphos,

Et debellato palmas ex hoste videntur.

Unda fremit plausu: geminant cava litora plausum:

Laudibus & meritis Venerus LEO tollitur astris.

Illius adventu pulsos dare terga Gelonos

Jam video, celerique fuga se trudete in 2 Hellen,

Ceu timidi fugiunt sylvosa per avia damæ,

Cum propè venator jaculo ferus, & canis instat

La-

1 (Rovigliano) aliter est (Scoglio d'Orlando) inter Stabias, & VII-
cum Aquenſem. 2 (Succito della Dardanelli)

Lattrati; & nemorum cœcis conduntur in umbris.
 Sed nec securos se faucibus Helleſponti
 Stare putant: fugiunt trans 1 Bosphorôn, atq; per altũ
 Euxinum in gelidas contendunt 2 Phasidis oras.
 Exultant lætæ Cyclades, Venetumquæ salutant
 Victorem, & festas jactant ad sydera voces.
 Auratasque sinu puppes, gentemque togatam
 Accipiunt, sparguntque novos per litora flores:
 Libera ſervitio 3 Leucas, ſervataque plaudit
 Nicopolis 4; ſocio reſponſat Græcia plauſu.

Ipsa ſed ante alias fremitu gratatur ovari
 Naſcenti data Creta Jovi, populoque potenti
 Applaudit ſervata, jugoque exuta Tyranni
 Ceſſit ovans, plauſuque ſonant latè omnia circum,
 Litora que, ſcopulique, omniſque remugit Olympus,
 Jam ſecura metu ſunt omnia: rura colonus
 Exercet ſua: gramineas errare per herbas
 Jam tutæ incipiunt capræ, ſimæque capellæ.
 Populea paſtor recubans ſecurus in umbra,
 Attritos certat calamos compingere cera,
 Dulcia & agreſtes revocare ad carmina Muſas.
 Securæ ludunt pecudes, ſaltuſque peragrant
 Diſcæos: baculo puer armentarius illas
 Creſſus agit, paſtuque ſua ad præſepia ducit:
 Et lætæ tedeunt ſtabula ad Gortynia vaccæ.
 Tutus & ipſe ſedet viridi piſcator in æſta;
 Atque leves gracili dum texit vimine naſſas,
 Nereidas reſonare docet cava litora cantu.
 At ſocii interea celeri vada falſa phaſelo
 Sollicitant, captantque vagi per marmora piſces:
 Nulla nocens currit mare puppis, & æquora nulli
 Prædantur lembi: ſecuræ cærule pinus
 Alta ſecant, Syrioque vehunt de litote merces,
 Et fortunati conveſtant dona Canopi.
 Nam victi fugere Scythæ: jam Caucaſus illos
 Ruſſus habet; cœcis & ſaltibus abdit Imaus:
 Atque Afer pulſus Libyæ in deſerta refugit.

Hæc

1 (Canale del Mar negro.) 2 (Faſſo) urbs, & fluvius Colchorum
 (Giorgia) 3 (S. Maura) 4 (La Preveſa) ab Anguſto condita cõ-
 ſtrâ Aſſium, poſt viſum M. Antonium, & Cleopatram.

Hæc dedit: & magno plauserunt murmure Nymphæ,
Æt vada Tritones pulsarunt humida cornu.

E C L O G A VII.

E P Æ N E T E R I A

A R G U M E N T U M

*Cum fortè Tityrus pastor, & Amilcon piscator convenissent,
Sylvestrem alter vitam, litoream laudat alter.*

TITYRUS PASTOR, AMILCON PISCATOR.

FORTÈ Dicarchæis servabat montibus hædos
Tityrus, argutæ recubans sub tegmine quercus:

Hic & lentus oves tenui mulcebat avena,

Ad sua sylvestres compellens carmina Divas:

Cùm longè Baiis veniens piscator Amilcon,

Fasce sub ingenti pressus consedit ad umbram.

Ut piscatorem conspexit Tityrus, inquit:

Non hæc piscator, vobis sunt otia læta

Litoribus, non blanda quies, non vita beata est.

Cui piscator ait: Nobis sunt otia læta

Litoribus, tranquilla quies, & vita beata est.

Versibus hinc ambo incipiunt certare vicissim:

Tityrus & sylvas laudabat, litora Amilcon.

TIT. Nos hic vere novo in sylvis, cùm lumine puro

Purpurei fulgent Soles, & lucidus æther:

Cùmque rubere novis jam prata coloribus, & jam

Incipiunt læto turgere in cortice gemmæ,

Et nidum tignis jam gastrula figit hirundo,

Per virides lætè colles, & florea rura

Erramus læti, & cælo gaudemus aprico.

AM. Tunc nos; blanda mari quoniam pellacia rident,

Et pura sub luce dies micat aureus, & jam

Felici crispant Zephyri placida æquora flabro,

Muscosos inter scopulos, & litora cymba

Erramus, lætique leves per cærula jactis

Retibus, aut longa captamus arundine prædas.

TIT.

TIT. At verò nimis cum jam fervoribus æstas
 Incipit exardere, nemus tunc inter opacum
 Ac gelidos inter fontes, & flumina circum
 Optatas auras, dulcesque inquirimus umbras.
 Hic & sub parulæ prostrati tegmine fagi,
 Sylvestrem tenui meditamur arundine Musam;
 Et tristes cantu curas solamur amaras.
 Nos hinc & rauco delectant murmure rivi,
 Dum per saxosæ decurrunt concava vallis.
AM. At nos æstate in media dum litora fervent,
 In vitreas pelagi nudi descendimus undas.
 Hic juvat & celeri Delphina laceffere cursu,
 Et crebrò variis assultibus ire sonantes
 Subter aquas, vitreasque domos lustrare profundis:
 Mox & cæruleis emergere protinus undis.
 At nunc in viridi confidere vertice saxi,
 Muscus ubi suavem de caute exhalat odorem.
 Alta dies medio sed cum libratur Olympo,
 Nos antrum in gelidum contendimus: hic ubi mollis
 Mixta hederis myrtus vestit pallentibus antrum,
 Roscidus æque cavis distillat rupibus humor,
 Cærulea longè pulsamus litora concha,
 Litoream & Musam, & dulces cantamus amores.
TIT. At nos per sylvas, Zephyris motantibus umbras,
 Argutæ mulcent vocali murmure quercus,
 Atque avium cantus inter virgulta canori.
 Hic philomela loquax, & garrula turtur ab ulmo,
 Et rauca ardenti resonans sub Sole cicada
 Sæpè levi somnum suadent captare susurro.
AM. Nos in litoribus, Zephyris crispantibus undas,
 Et pelagi murmur, percussa que litora fluctu,
 Ac tenuis rauca delectat sibilus auræ.
 Nec vicina silent myrteta, & concava saxa,
 Sæpe ubicæruleæ volucres modulantur ad auras.
 Hic fessis gratum membris vaga murmura somnum
 Conciliant, fractæque ad litora leniter undæ.
TIT. Hic nemore umbroso cætus spectamus ovantes
 Nympharum, Dryadasque inter, rutisque puellas
 Ducimus immixti choreas, & Oreadas inter
 Erramus summis in montibus, atque repositos

ECLOGA VII.

Lustramus saltus nemorum, sedesque beatas.
Hic Satyros etiam saltantes cernimus ipsos;
Sæpius & calamos, sylvestria Numina, Panes
Inflare ad cantum, & Divas iterare cachinnum.

AM. Inter Nereides cœtum nos ducimus udum,
Atque leves agimus vitreo sub gurgite lusus,
Doris ubi formosa choros exercet ovantes.

Nos hic Tritones pulsantes æquora cornu
Audimus, Proteumque senem, Glaucumque canentem,
Cernimus & vario Delphinas ludere cursu.

Nec pulchræ defunt per litora nota pyellæ,
Non & Najades redimitæ tempora musco,
Quæ dulces nectant choreas, & carmina dicant.

TIT. Cùm verò Autumno in pingui vindemia spumæ,

Atque sua passim sternuntur in arbore poma,
Sylvestres ludos celebramus, & orgia Bacchi.
Tunc & dona Deum, & lætas decerpimus uvas,
Atque nuces, & poma, & castaneas hirsutas:
Non & oves defunt nobis, nec copia lactis.

AM. At nos Neptuni ludos celebramus in undis:

Et cursu cymbæ, & juvenes certare natatu
Festinant, plausuque sonant cava litora, & æquor;
Non Phycides nobis defunt, rutilæque per undas
Aurata, Rhombique, & amantes saxea Pagri.

Ostrea dant scopuli, & pingui conchylia succo;

Undique & armatos radiis venamur echinos;

Es pingues mediis & onychas scrugamur arenis.

TIT. Nos, dum Bruma rigens disrumpit frigore saxa,

Et rapidos glacie cursus infrænat aquarum;

Ante focum, succensus ubi non deficit ignis

Plurimus, & pingues stant tædæ, & fissile robur,

Et dulces chara circumstant coniuge nati,

Frigora ridemus, flatuque Aquilonis iniqui.

AM. Nos, quia tristis hyems latè maris asperat undas,

Et patrium tectum, & fumosa revisimus antra;

Hic tantum pelagi curamus murmura, quantum,

Aut Delphin numerum, aut insanos litora fluctus,

Desine sed jam, Pastor, iter mihi restat agendum.

Tu

2 (Cannolicchi) vulgus vocat, ex arenis educunt nautæ ad Sabellum,
& Olympiam etiam: dulcissimi saporis sunt, habentque in deliciis.

Tu sylvas, & rura colas: ego litora, & undas;
 Nam five in sylvis, seu curvo in litore, lætam
 Quisque suo vitam contentus munere ducit.

E C L O G A VIII.

G E N E T H L I A C A

A R G U M E N T U M.

*Zephyraus, & Artemidorus cum ad VIRGINIS Templum,
 quod in extrema Olympia ad Pausilyp radices juxta cryp-
 tam, qua via Puteolos ducit, extructum est, natali die ad
 pompam celebrandam, ut moris est, convenissent, illius
 genethliacum texunt.*

ZEPHYRÆUS, ARTEMIDORUS.

VIRGINIS Augustæ ad templū sub monte repositæ
 (Nānque dies natalis erat) convenerat omnis
 Pausilypi, Megaræq; manus: Zephyræus aprico
 Pausilypo, Megara descenderat Artemidorus:
 Nare periti ambo, & durare in fluctibus ambo,
 Velocique vagum Delphina læcessere cursus:
 Et versus cantare, & acuta ludere cauna.
 Tūm prior hæc patula vitis Zephyræus ab umbra.
 ZEP. Natalem, VIRGO alma, tuum lux aurea vexit,
 Lux semper Mundo, & mihi læta. age, Delie, curtus
 Siste rotas properantis: aquas ne tangere tantūm
 Festina: pede lento ut eas, similisque moranti.
 VIRGO jubet: laudes celebrandæ VIRGINIS hujus.
 Outinam si anno flueret mihi longior hæc lux.

VIRGINIS est Natalis, age, ede, ò buccina, cantus.
 Opiscatores, date flores, spargite muscum,
 Sacraque cæruleis altaria cingite vittis.
 Et vos, ò pueri, atque intacto flore, puellæ.
 (Vos. amat hæc VIRGO) calathis nunc lilia plenis,
 Pubentesque afferte rosas, casiamque nitentem:
 Pulchraque nascenti subtexite ferta Puellæ.

VIRGINIS est Natalis, age, ede, ò buccina, cantus.

Can-

Candida gemma velut concrefcit matris in alvo,
Et nitida ætherias cœli fe prodit in auras :
Sic matris concepta utero mundiffima VIRGO,
Candidior nive, purpureisque nitentior ipfis
Erumpit gemmis mirantur fydera, & omnes
Cœlicolæ, & rofeis delibant oscula labris.

VIRGINIS eft Natalis, age, ede, ò buccina, cantus.
O VIRGO formofa, Deo gratiffima VIRGO,
Jam tibi nascenti fe per tua tempora fleſcunt
In gyrum ſtellæ, & radiantî luce coronant:
Jam tibi Luna vagos ſubmittit frontis honores:
Atque ſuis nitidum radiis ſubtexit amiſtum
Purpureus Titan, circumque nitonibus ambit.

VIRGINIS eft Natalis, age, ede, ò buccina, cantus.
Tu magni regina maris, tu ſyduſ amicum
Nautis ſemper eris, lætum & piſcantibus omen.
Se tibi ſubmittent, ventique, atræque procellæ;
Et feſe prono curvabunt vertice fluctus.
Teque homines, Diviq. colent, dominamq; vocabunt;
Ac tibi dona ferent hæc ad delubra quotannis.

VIRGINIS eft Natalis, age, ede, ò buccina, cantus.
Hæc Zephyræus: opacæ innixus protinus ulmo,
Dicite, Nereides, quæ luſerit Artemidorus.
Nec poſſum meminiffe: canentem audire negabat
Turba virum ſtipata: nec omnia poſſumus omnes.
ART. Omnia lætantur Tellus, mare, ſydera, cœlum,
Et Superi, atque homines. quid mirum? naſcitur Orbi
Aurea nunc VIRGO: ut cû matutina reſurgit
Aurora, & gremio Solem paritura rubefcit.
Divinum & Solem noſtra hæc paritura Puella eſt.
Atque optata dabit felici gaudia Mundo.

Ducite ſolennes, bona pubes, ducite pompas.
Cernite, ut alma dies innubi eſſuſſit Olympo,
Et roſeos Phœbi curruſ, aurumque revexit:
Cernite, pacatis ut rideat æquor in undis,
Et Zephyri levis aura, & ſaxa virentia muſco.
Omnia nunc ridet: gratantur & omnia Divæ
Naſcentiſ Superique ipſi ad cunabula ludunt.

Ducite ſolennes, bona pubes, ducite pompas.
Non poſthac rauco Triton per cœrula cornu

Hor-

Horrendos pelago nimbos instare monebit;
 Nec frontem Sol ipse sua ferrugine tinger;
 Nascitur en VIRGO: placantur VIRGINIS ortu
 Et venti, nimbique, impacatæque procellæ:
 Ac sua jam mites deponunt murmura fluctus.

Ducite solennes, bona pubes, ducite pompas.
 O summo dignata Deo, dum despicit omnes,
 Tete unam Pater elegit, divina Puella.
 Incipe jam totum risu componere Mundum,
 Tellurem, freta lata maris, camposque liquentes.
 Incipe; lætæ adeunt tua jam cunabula gentes,
 Annua Natalis recolunt dum gaudia lucis.

Ducite solennes, bona pubes, ducite pompas.
 Ire juvat, vitreique maris perquirere fundum:
 Vertere Tritonum latebras, & quidquid in alto
 Doris avara sinu latè abdit, sive rubentes
 Murice sint conchæ, aut pictis interlita punctis
 Ostrea, seu curvo ramosa corallia trunco,
 Sublegere; illa feram nascenti dona Puellæ.

Ducite solennes, bona pubes, ducite pompas.
 Hæc illi: & memini venisse ad litora pisces,
 Et rigidas caput erexisse è fluctibus Orcas.

E C L O G A IX.

D O R Y L A S.

A R G U M E N T U M.

Dorylas piscator Iola pueri, quem delphinus spina casu trans-
verberaret, immaturum obitum deflet: illum autem sola-
tur Anthus, Iola apothecosin referens. Per Iolam poëta sub
Doryla persona Alumno suo Orontio Montalvo, & ge-
neris, & indole nobili illacrymat, qui omnium dolore, quo-
niam febris correpto in tempestivius vena incisa est, interiit.
Per Anthum verò intelligit Nic. Caf. de mortui socium,

DORYLAS, ANTHUS.

Piscosi vitreas & Lucrini nuper ad undas
 Defunctum Dorylas flebat piscator Iolam:

Lu.

² Lacus: Campania inter Avernum, & sinum Puteolanum maxime pi-
 scosus multis est (Mare morto) aliis (Lago di Licola)

Lugentem Dorylam consolabatur & Anthus,
 Anthus amor Musarum, atque Antho charus Iolas;
 Et patri nimium Dorylæ dilectus Iolas:
 His autem lacrymis, his questibus ora rigabat.
DOR. Quis mihi te, pulcher, quis casus ademit, Iola;
 Et dulcem rapuit risum, & mea gaudia tecum?
 Heu! qui molle latus crudeli vulnere fixit,
 Nate, tibi, & multo turpavit sanguine membra?
 Membra, olim niveus quæ vivida candor habebat:
 Sed nunc pallor habet, sædoque aspersa cruore
 Sordescunt: clausique oculi: nec lumina vibrant;
 Lumina, quæ nostròs tum venabantur amores.
 Non placidus fronti color est; non gratia labris;
 Atque insuetâ permixti dulcedine risus;
 Risus, quos Nymphæ suspiravere marinæ;
 Quæ nunc discissis nimio mœrore capillis
 Flebilibus passim replent vada salsa querelis.
 Et pisces etiam, & tumidi fera monstra profundî
 Te, miserande puer, nunc cassum lumine lugent:
 Inscius & qui molle latus Delphinus acuta
 Transfixit spina, & Fato demisit acerbò;
 Attonitus jacet, & sese, stimulante dolore;
 Discruciat, quæritque miser diffundere vitam.
 At mihi quis vitam, & duræ fastidia lucis
 Auferat? immitti nam funere te mihi raptò;
 Dulce mori citius, longum sed vivere durum est.
 Triste mari in mediò tempestas horrida nautis,
 Triste rati Syrtes, Lunæ dispendia conchis,
 Delphin Pelamydi, criste & Delphinibus Orca;
 Æstus remigibus: misero tua funera patri.
 Quis mihi, quis posthac servabit in æquore nassas,
 Retia & ad solem expandet, madidosque rudentes;
 Nate, parentis amor, dulcis mea vita, meum cor?
 Nanque puer mihi nullus erit, dum, pulcher Iola,
 Occidis, & vili pallefcis stratus in alga:
 Ceu niveus medio Delphinus in æquore pallet,
 Quem, durus celeri tenuit per marmora cymba
 Piscator fugientem, & acuta cuspide fixit.
 Tu pelagi decor omnis eras, tu litoris hujus
 Risus eras: tu dulcis amor, tu gaudia nostròs

C

Pet.

Per te grata mihi quondam freta cęrula, per te
 Muscose cautes, & aquis lita saxa placebant,
 Et dulces Zephyrorum inter myrteta susurri.
 Omnia nunc sordent sine te: simul omnia tristis
 Luctus habet, męstęque silent Nereides antro,
 Et tristis concham proiecit in æquora Triton.
 Crudeles Parcę, & crudelis tu quoque Delphin;
 Formosum patri quoniam eripulistis Iolam,
 Unus qui vitam longos producere in annos
 Debuerat, seròque pios invisere Manes.
 Non vos oris honos, non frontis amabile lumen,
 Nec faciles pueri potuerunt flectere mores?
 Quid queror! haud species flectit pulcherrima Parcę:
 Nec placidis hominum mansuescunt moribus unquā.
 Ah puer! ah malè caute! nimis confidere monstro
 Ausus, & insolito vitam committere ludo,
 Ergo etiam læti crudelia funera lusus,
 Et tristes pariunt luctus, atque inter amantum
 Blanditias mors dura venit, læta omnia turbans.
 Ite procul calami: tenues piscator avenas,
 Nec posthac dulces animabo ad carmina cannas.
 Non me Pausilypi vada læta, sinusque 1 Dicarchi
 Ascipient vitreas deducere retia in undas:
 Non viridem celeri visam 2 Nesida phaselo,
 Atque humilem 3 Euplęam, quondam felicia nautis
 Litora Pellęa venientibus urbe Dicarchum,
 At mihi semper erunt sævi monumenta doloris.
 Hos virides linquam scopulos, hæc litora, & antra,
 Retiaque, & calamos, & vimineos labyrinthos.
 Solus & in saxis, & litoribus desertis
 Vitam infelicem per dura, per aspera ducam,
 Quò tandem mites scindant mea stamina Parcę.
 Intereà hæc duro describam carmina saxo,
 Carmina quę molli dum texit vimine nassas,
 Piscator legat, & lacrymans suspiria fundat.
 Delphinum in ludo hinc perii formosus Iolas:
 Hinc Dorylas illum, & Nymphę flevere marinę.

Sed

1 Puteoli. 2 (Nisira) insula Pausilypo obiecta ad Occasum vergens.

3 (La Ga. ola) Insula ad Notum Pausilypo opposita, sic dicta, quod
 naues Alexandria venientes citò viderent, bonam exisse navigatio-
 nem scirent.

Sed, puer ò dilectè, vale, vale pulcher Iola.

Hæc dedit: & calamos jam frangere, & ire parabat,
Cùm flentem cœpit solari talibus Anthus.

ANT. Desine flebilibus cava saxa replere querelis,
Et tristem, Doryla, tandem solare dolorem.

Non dignus lacrymis puer ille, nec impia Fato

Sors illum misero rapuit: sed victor Olympo

Redditus, & Divos inter jam gessit ovantes.

Vidi ego, purpureus dum Sol luceret in Orbe,

Turmatim in terras sùmmo descendere cœlo

Aligerum cœtus: pictisque exercitus alis

Ardebat, citharisque omnes, cantuque fremebant.

Aspexi & tenues inter volitare per auras,

Et choreas agere, & lato proludere cœlo.

Cynorum veluti niveum volat agmen, ab alta

Nube ruens, placidoque sonans replet æthera cantu:

Et vario circum cursans secatur aëra gyro.

Quos inter puerum (nec me sententia fallit)

Ire coronatum lauro, nitidoque coruscum

Lumine, & è terris cerno super astra volantem.

Atque hæc syderias longè resonare per auras


Audita est mihi vox, & reddita vocis imago

Sæpius ex alto: Cœlo jam victor Iolas

Tendit, io! Superi, venienti plaudite, & inter

Felices puerum cœtus, sedesque locare.

Hæc Anthus: læto solatus & omine patrem est.



C H R Y S I S

A R G U M E N T U M.

Ladon Urinator, Polydoro adhortante, Chrysidis apotheosin anniversaria pompa celebrat. Per Chrysidem D. Saverium intellige; per Ladonem poetam, per Polydorum Joannem Berardum S. I. D. Saverii cultorē egregium. meditaturs hanc Eclogā poeta, est cū iam se ad Indiicum iter accingeret; hinc Urinatores ad Gangis ostia introduxit.

LADON, POLYDORUS Indi Urinatotes:

LAD. **M** Irabar, Polydore, mari dū nuper in alto
Immergor rutilas piscatum gurgite
conchas,

Quid tanta, insolitū, narent conchylia fundo!
Vidi etiam è vitreo spumosa Tethyos amne
Hūc unā properasse Deas, ubi cærulea Ganges
Lata subit, nitidasque auro devectat arenas.
Cæruleos hic blanda Deos ad carmina, & ipsos
Auritos etiam pisces, & monstra vocabant.
Ecce dies aderat, nitido qua Chrysis Olympo
Ascendit, novus æquoteis Deus additus undis,
Quā locus astriferi in medio vacat aureus orbis,
Inter Phillyridæ jaculum, Ægocerumque sequentem.
Et nos stamus adhuc, nec reddimus annua magno
Vota Deo, lætique agimus spectacula pompæ?

POL. Scilicet id fuerat, Gangis quod nuper ad ora
Dum sedeo, & rutilas auro perquirere arenas,
Carpere & è fluvio nitidos mihi cura lapillos,
Nescio quæ læti canerent mihi carmina cygni.
Illos (credo equidem) stellato Chrysis Olympo
Ad pompam, ô Ladon, atque annua sacra vocabat.

LAD. Sic ipse, ô Polydore, reor; solennia Divo
Æquoris æquoreæ ducunt sub gurgite Nymphæ;
Candentesque sonant ripa in Gangetide cygni.
At tu quæ pepigisse mihi te carmina quondam
Dixisti, vacuo recubans dum frigus in antro
Captabas necum, tenui meditare cicuta.

Incipe: jam raucus cecidit Notus, atque silentes

Aspice tranquillo sternantur ut æquore fluctus.

POL. Non eadem est ætas Ladon: jam prorsus & illa

Sunt oblita mihi tot carmina: quin quoque vires

Defecere: seni mentem & longa abstulit ætas.

Tu puer, & meminisse potes, mihi nuper ad undas

Dic, quæ litoreis cecinisti carmina Musis.

LAD. Immo hæc, quæ nitidas medio de gurgite cõchas

Dum refero in litus, Divo properata parabam,

Jani repetam, & resonã complebo cærula concha.

POL. Incipe: pacatis en jam tibi Doris ab undis;

Et tibi gemmifero applaudit de gurgite Ganges.

LAD. Da mea vocalis mecum vaga murmura, concha.

Quæ nunc, ò Divæ Chryseides, æquora læta

Quæ colitis, roseus surgit quæ Phœbus ab undis,

Litora vos mihi, vel fluviorum panditis ora,

Chrysiði lætus ubi solennes ducere pompas

Incipiam, & musco redimita altaria ponam.

Da mea vocalis mecum vaga murmura, concha.

An sedet hîc, Nymphæ, quæ turgidus influit auro

Ganges, & tuzilas gremio Thetis accipit undas?

Nosco, Divæ, omen: sacra hîc altaria ponam

Muricibus contexta rubris, albisque lapillis.

Da mea vocalis mecum vaga murmura, concha.

Ostrea da, Polydore, mari quæ duximus alto,

Et miris referunt variata coloribus Irim,

Affer & è duris evulsa corallia saxis.

His ego cæruleis contextam altaria donis.

Tu, Chrysi, in medio, tot quando cærula cõchas

Effudere sinu, tua munera, gemmeus esto.

Da mea vocalis mecum vaga murmura, concha.

Huc age, Lyda, veni, fer tecum mascula thura,

Portitor illa mihi quæ quondam vendidit Afer:

His ego thuriferis incendam altaria donis.

Affer & apricis quæ collibus uva ministræ

Vina mihi, totumque cadis servata per annum:

Illæ ego diffundam læta hæc altaria circum,

Et Duo, Chrysi, tibi, & Didymo duo pocula patri.

Da mea vocalis mecum vaga murmura, concha.

Jam fortunatus summo confidis Olympo

Perque alios erras amnes, & cœrula Divum,
 Cœrula, quæ nunquam perturbant flamine Cori;
 Sed Zephyro semper gaudent, semperque per undas
 Cœlestes ludunt, felicia Numina, Nymphæ.

Da mea vocalis mecum vaga murmura, concha.
 Cuncta tibi nautæ per litora, quæ vaga Doris
 Alluit, & latè vaga circuit Amphitrite,
 Septem aras ponent, totidemque ex more quotannis
 Oceani vitulos antè aram, Orcamque litabunt.
 Et tibi servati sua vota in litore solvent.

Da mea vocalis mecum vaga murmura, concha.
 Ite per Eoi vastissima cœrula puppes,
 Nam novus Oceano Deus additus: ite per undas,
 Audaces nautæ, & placidos jam findite fluctus;
 Chrysis enim pelagi spumantia marmora placat.

Da mea vocalis mecum vaga murmura, concha.
 Ite, nec infano quassantes turbine ventos
 Oceanum, rapidas nec formidate procellas.
 Ille animos mulcet ventorum, & temperat iras;
 Ille nigras pellit nubes, Solemque reducit.

Da mea vocalis mecum vaga murmura, concha.
 Ite sub æquoreas, nudi vos ite sub undas,
 Divitis, ò pueri, quæsitum abscondita Nerei.
 Jamque novum cœlo processit Chrysidis astrum;
 Astrum, quo matres gauderent roribus, & quo
 Lucidus aurata in testa concreveret humor,
 Lætæque purpureis flavesceret unda lapillis.

Da mea vocalis mecum vaga murmura, concha.
 Hæc levibus properata modis nunc accipe, Chrysi,
 Carmina: plura tibi mox, & meliora canemus.

Desine vocalis, mea desine murmura, concha.
 At tu nos cœlo pius aspice: marmora conchas,
 Et rutilas Ganges, te Numine, fundat arenas.

Desine vocalis, mea desine murmura, concha.
 Auspice te placidum semper mihi rideat æquor;
 Rideat & puro suffusum lumine cœlum.

Desine vocalis, mea desine murmura, concha.
 POL. Dulce mihi, Ladon, cecidit tua buccina carmen:
 Non tam suavè sonant hæc per Gangetica cynci:
 Nec, quæ sublimes semper summo aëre sidunt,

ECLOGA X.

19

Uranides modulantur aves, cum rōre beato
Jam saturæ, dulces effundunt gutture voces.
Ille tibi Phœbum inspirat: facit ille poetam;
Et tecum concha mare personat. Illius ergo
Egregias laudes meditare, & grandia facta.
Digna Deo tua semper erunt, & dulcia nobis
Carmina: te nostra laudabunt semper in acta,
Dum juvenes læti repetent tua carmina nostri.
LAD. Surgamus, Polydore, vagis Sol mergitur undis,
Et latè maria, & montes umbrantur opaci.

THEODORO

COMITI BARBOVIO

FORTISSIMO MILITIÆ PRÆFECTO.

ECLOGA XI.

ÆGON

ARGUMENTUM.

Cum Ægon ad 1 Posidonium felicem nuncium attulisset, excessisse nimirum Messana Gallicam Classem, urbemque à Comite Theodoro Barbovio receptam; Melibœus pastor, & Lycabas piscator lati carmen Victori canunt. Per Ægonem poetam intellige, qui Rhægii hanc Eclogam conscripsit, cum severiori Minerva operam daret.

ÆGON Nauta, LYCABAS Piscator, MELIBŒUS
Pastor.

Actiadis magnum nostræ decus, & nova Musæ
Gloria, seu pietis alacer splendescis in armis,
Aut petis adversos ætata cuspide reges:
Sive tibi merita præcingunt tempora lauro
Servatæ gentes, plausuque ad sydera tollunt,
Huc ades, ò THEODORE, atque has ne dispice Musas,

C 4

Si

1 Sen Columnam Rhæginam (la Catona)

(Si qua tibi nostræ velocis gratia cymbæ)
 Quas pastor Melibæus, oves dum pascit oyantes,
 Ac tibi piscator Lycabas, dum retia ducit,
 Alternis referunt certantes versibus ambo:
 Tuque etiam facilis tenues *Ægonis* avenas
 Accipes; nam nostræ debent tibi carmina Musæ.

Fortè mari ex alto ducebat retia in actam
 Piscator Lycabas, tristesque in pectore curas
 Versabat: pelagi sed per vicinia pastor
 Lanigeras Melibæus oves non lētus agebat.
 Ad 1 Cœnym Lycabas habitabat: pastor ad umbras
 Vicini nemoris, viridique in valle 2 Salicti.
 Improvisus adest, timidisque supervenit *Ægon*,
 (*Ægon* Euboici quondam maris accola, ponio
 Tunc Siculo errabat, patriis procul exul ab oris)
 Protinus & lēto sic incipit ore profari.
ÆG. Solicitos vestro depellite corde timores,
 O pueri; felix vobis en nuncius adsum.
LIC. Dic age, quæ nobis *Ægon* nunc læta reportas?
ÆG. Infestæ Siculo excessere ab litore puppes:
 Arma procul cessere, minæque, infandaque bella.
 Pax redit, & læti capiunt exordia menses;
 Vidi ego lunati surgit quæ pompa theatri
 Magnanimum Heroem, regisque insignia nostri,
 Agmina mille ducem glomerantia litore vidi,
 Et lætas voces, plaususque his auribus hausi.
 Ceu regi agglomerantur apes, post prælia quando
 Victor regna petit, cæsoque ex hoste superbus
 In lētos inter cætus, plaususque faventum.
LIC. Scilicet id fuerat, prima quod luce diei
 Sæpius, insuetum, resiliere ab æquore Delphin,
 Nereidesque choros agerent, dum murmura longæ
 Cærulea in vectus concha ciet equore Triton.
MEL. Hoc etiam (nec fallor) erat, quod prata capella
 Tonderent nimia passim dulcedine lætæ:
 Ac virides inter salices, & flumina circum
 Errarent Dryades festivæ, & Najades udæ:
 Quas inter mixti, sylvestria Numina, Panes

In-

1 *Promontorium*, & *fluvius*, de quo *Lib. 4.* 2 *Amœnissima villa*
 (sive *Salici*) de qua *cod. libro*.

Inflarent læti calamos, & læta sub auras
 Murmura jactarent volucres per-compita sylva
 Credo equidem; nam sensus inest divinitus illis.
ÆG. Ergo agite, & vestra possunt quæ carmina Musæ,
 Dicite, & alterno juvenes contendite cantu.
MEL. Ite per apricos colles, & cura capellæ,
 Ac læta cytisum, & florem tondere salicis
 Hostis abit: cessere minæ: pax aurea venit.
LYC. Ducite securi choreas Delphines in undis,
 Et vario circum litus cursate natatu;
 Pax redit: & placido rediens nitet aurea ponto.
MEL. Vos, ô pastores, inducite fontibus umbras;
 Et finite optatas tenerum pecus ire sub umbras.
 Hostis abit: cessere minæ: pax aurea venit.
LYC. Vos, piscatores, læti deducite cymbas,
 Et piscosa leves jam solvite retia in undas;
 Pax redit: & placido rediens nitet aurea ponto.
MEL. Fœcundos proscindat agros festivus arator,
 Et pingues pedibus presset jam vinitor uvas.
 Hostis abit: cessere minæ: pax aurea venit.
LYC. Alta rupe sedens piscator arundine pisces
 Capret ovans, nudusque mari scrutetur echinos.
 Pax redit: & placido rediens nitet aurea ponto.
MEL. Hic ego sub patulæ prostratus tegmine fagi,
 Dum teneros carpunt flores, mea cura, capellæ,
 Ac Phyllis formosa comas mihi daphnide cingit,
 Agrestes tenui modulabor arundine Musæ;
 Hostis abit: cessere minæ: pax aurea venit.
LYC. Hic inter scopulos, Zephyrique repentis ad auras
 Dum moror, & molles expecto ad retia prædas,
 Ac mihi de myrto necit Galatæa corollam.
 Æquoreas resonare Deas cava saxa docebo.
 Pax redit: & placido rediens nitet aurea ponto.
MEL. At vos, Pierides, victori cingite lauro
 Tempora; & Aoniæ, vos dicite carmina, Musæ;
LYC. Vos illi sertum viridi contextite myrto,
 Nereides, plausuque sonans ciat æquora Triton.
MEL. Illi ego per sylvas, septemque altaria circum
 Bissenos de more dies sacra liba quotannis
 Spargam lætus humi, atque incendam mascula thura;
 Non

Non me carminibus superabit fuscus Amyntas
 Nec Pan ipse Deus vincet: nec Thracius Orpheus.
LYC. Ast ego litoribus, toridemque altaria circum,
 Et sacros latices & vina liquentia fundam,
 Et spargam pelagi muscum festivus ad aram.
 Non niveos inter cantu Delphinas Arion,
 Nec mihi per scopulos certet Deus ipse Palæmon.

Sic illi alterno miscebant carmine Musas:
Ægon interea calamos inflabat acutos.
 Cum tandem (alta jugis jam Solem absconderat *Ætna*)
 Amborum invitæ fecerent silentia Musæ:
 Atque hinc muscosi scopuli, rupesque cavatz,
 Hinc longè colles responsavere beati.

E C L O G A XII.

M O E R I S

A R G U M E N T U M.

Cum Phrasidamus Mærim puerum rosas, & corallia ferentem vidisset, suspicatus ne puella alicuius amore teneretur, conatur illum ab amore revocare. At puer se Virginem amare ingenuè fatetur, & quo modo à Virgine vocatus fuerit, exponit. Per Mærim intelligit poeta Olympicum piscatorem, qui annos duo, & viginti supra cæsum habet, virgo semper, & Virgini addictissimus.

PHRASIDAMUS, MOERIS.

PHR. Cui tu, Mæri, rosas, & nigra corallia portas?
 Ah timeo tibi, Mæri, furor ne te improbus ille

Prævertat, præcepſque trahat malè sana cupido.
MOE. Vera tibi fateor, jam me pulcherrima VIRGO
 Totum habet, & dulces animo mihi ventilat ignes.
PHR. Ah puer infelix, quæ te dementia cœpit!
 An nescis quam durus amor? non sævior illo
 In terris Leo, vel pelago crudelior Orca est.
 Illum sæva mari canibus incincta marinis


Scyl-

Scylla tulit: natumque sinu impacata Charybdis
 Fovit, & immanes admorunt ubera Phocæ.
 MOE. O, nescis, Phrasidame, mihi quæ flamma medullas
 Torreat, & quæ me teneat formosa puella.
 PHR. A. Dic age, quæ flamma, & quæ sit formosa puella?
 MOE. Incendit me dius Amor: nie PARTHENIS. ô, quæ
 Non consueta meum pertinent gaudia pectus!
 Illa meos poscit (si quidquam credis) amores.
 Illa habeat: mentem hic semper bonus occupet error,
 O nimium felix, hanc si, piscator, amares!
 PHR. A. Non humana sonant tua verba, sed unde repêre
 PARTHENIDIS tibi tantus amor? quo Numine dextro
 Mœri, tibi sacræ exarsere in pectore flammæ?
 MOE. Dicâ equidê, Phrasidame: cavo stat picta sub antro,
 Quâ Mergillina illustres via ducit in ædes,
 VIRGO decus cœli, quæ me dum spectat euntem,
 Pubentesque rosas dextra tunc fortè ferentem,
 (Ipsa mihi soror è testa decerpserat Ægle)
 Cui, formosæ, rosas, puer? inquit: at ipse repente
 Obstupui: captusque nova dulcedine mentem,
 Illi hæc: Dia, rosas vis tu pro munere, VIRGO?
 Accipe: parva quidem: sed si dignabere, majus
 Cor, nostri, Regina, tibi do pignus amoris.
 Tunc dextrâ mihi VIRGO tetendit, & Has, puer, infir,
 Accipio dilectæ rosas, quæ pignus amoris
 Semper erunt: semperque tuos dignabor amores.
 Sed tu, Mœri, alias sectari, & amare puellas
 Mitte, nec insanæ incendiant tibi pectora flammæ:
 Cui contrâ Tibi, Diva, meos piscator amores
 En voveo: immotumque animum tu Numine firma.
 Ac veluti nunquam tot me flexere puellæ,
 Litora quæ mecum passim per nostra vagantur:
 Sic & nulla mihi poterit prævertere mentem:
 Non Beroë formosa comas, non picta Lycoris,
 Non Hyale, quamquam nobis pro dote superba
 Centum regna daret, rubroque è gurgite gemmas,
 Quot veniunt, quantumque Indis deducitur aurum.
 Tuque, Puerque tuus nostro sub pectore fixi
 Stabitis, æternùmque mei vos semper amores.
 Nec vestra ex oculis unquam labetur imago,

Di-

Diva, meis: nec erit quidquam mihi gratius unquam,
 Ni Deus Puer, & Pueri tu candida Mater;
 Nam dulcis puer est, & dulcis tu quoque Mater.
 Ipsa, Puerque meus te semper amabimus, infit
 Illa mihi: tu noster amor, tu maxima cura,
 Proque rosas, quas, Mæri, mihi, Pueroque dedisti,
 Jam tibi Luciferis sertum subtexitur astris.
 Hæc dedit, & placidis mihi mox subrisit ocellis:
 Subrisit Puer ipse, sinu quem Dia tenebat,
 Et mihi divinos animo inspiravit amores.
 PHRÆA, Fortunate pueritæ tu VIRGINIS ergo
 Factus amans, quæ tantum alias formosa puellas
 Exuperat, quantum reliquas Luna aurea stellas,
 Illam Cælicolæ, nitidisque exercitus alis
 Aligerum observat venerans, plausuque coronat.
 Fortunate puer, nunquam tibi dura negabunt
 Æquora captivos piscosa in retia pisces.
 Non posthac vacuas velles de murice conchas;
 Nec tenues inter sabulum venabere i aulos;
 Nam VIRGO, cui Sol, cui Luna, & sydera parent,
 Et venti, nimbique, undosi & cærule ponti,
 Placabit maria, & ventos pulsabit, & imbres:
 Piscibus & passas, succoque implebit echinos.
 I, felix puer, dâser nigra corallia Divæ,
 Purpureamque rosam, & flammæ testare pudicas.
 Sed veniam comes ipse tibi, si fortè benignis
 Aspiciat me VIRGO oculis, nec spernat amantem.
 MOE. Corripiam prius ipse viam: tu pone venito.

v. Idem, ac cytheræ, qui & Salææ à Græcis. à Latinis digiti etiam
 appellantur.



CAROLO CARDENIO⁴⁵

Sacri Romani Imperii

PRINCIPI MERITISSIMO

Laini Marchioni, Acerrarum Comiti.

ECLOGA XIII.

CARDINIDES

ARGUMENTUM.

CARDINIDEN Mecenate suū Poētā sub astatē unā cum
Phyllide ad Pausilypum invitat, locique amantiam, ac
delicias describens: atque illi & piscatoria munuscula, &
versus spondet. Per Phyllidem intellige FRANCISCAM
SPINELLAM è Scæla Principibus, Marchionis
Conjugem, mulierem præstantissimam, omnibusque animis
fortunaque dotibus abundè ornatam.

O Petasos jam pande mihi formosa recessus;
Mergillina, cavis & amicam in rupibus umbrā,
Quo plenas referam nassas, & frigora captem.
Pauca sed ante meo græcili sunt carmina avena
CARDINIDÆ dicenda: neget quis carmina magno
CARDINIDÆ, me cujus amor facit esse poetam.
Sic tibi, cum vitreas pelagi descendis in undas,
Et blandam cursu sequeris Nefida sororem,
Non Protei possint, Phœrcique nocere petulci.
Incipe: Pausilypi ad litus, sedesque beatas
CARDINIDEN tenui calamo, cantuque vocemus.
CAROLE, dum summis ardet fervoribus ætas,
Incenditque suo rutilans sata Sirius igne,
Huc, quò Pausilypus scruposæ rupis in antrum,
Et formosa vocat te Mergillina, venito.
Ipsa sed in primis veniat tua Phyllis, & ipsa

Cz-

Cæruleas inter ludat non ultima Divas:
 Euboidum Phyllis pulcherrima, quam tibi casti
 Dulcis amor thalami concordi fœdere junxit:
 Et quæ jam pulchra fecit te prole parentem.
 Hic lenes spirant auræ, Zephyrique salubres,
 Et placido intendunt felicia marmora flabro:
 Crebròque impulsæ modico clangore jocose
 Per virides scopulos, per litora leniter undæ
 Assultant, vitrei que tegunt saxa humida rores.
 Hic & odorifero florentes pumice cautes
 Cæruleum gignunt muscum æquoris. aspice, ut omne
 Litus, & obiectos scopulos maris integat herba,
 Qua non purpurei spirant fragrantius horti:
 Gratus & halat odor, qui thure suavior ipso
 Leniter immissa insinuat se naribus aura,
 Atque ægros reficit sensus, viresque ministrat.
 Stant rigui fontes, multoque foramine manas,
 Qui nitidas inter fugiens strepit humor arenas,
 Et sincerus aquæ se litora propter amœna
 Fons agit è scopulis, cui non vicina recurrens
 Doris amara suum immiscet perfusa liquorem.
 Inter & opratos subsultant Najades amnes,
 Ore omnes formosæ, adianti frondibus omnes
 Ornatae, & viridi succinctæ crura cothurno:
 Sunt hic & rupes, tepidæque in rupibus umbræ,
 Quæ nimios relevent æstus, & læta ministrent
 Otia Musarum. gelidis hic sæpe sub antris
 Cantando ingentem poteris lenire laborem.
 Dum choreas tua Phyllis agit, luditque beato
 Nympharum sociata choro, mediasque per undas
 Humida Delphinum ad cantum gens affilit omnis.
 Eja, age, rumpe moras: tibi jam per litora muscus
 Sternitur, & passim mollis se subiicit alga.
 Aspice, ut undivagi nantes per cærula pisces
 Te placido invitent lusu, cursentque per æquor
 Festivi, & frutices interspiciantur odoros.
 Ipsa tibi rident Zephyrorum animata susurro
 Æquora, vocalique lacessunt murmure cautes.
 Hic juvat in vitreo ludentes gurgite Divas
 Nereidas spectare, & fluctivagas Sirenas:

Quip-

Quippe suus nunc mensis adest, quo gurgite ludunt,
 Cum flabro incipiunt Zephyri spirare canoro.
 Interdum picto lustrabis læta phaselo
 Litora Pausilypi, & colles spectabis apricos,
 Et quæ magnifico surgunt palatia luxu:
 Nec non & mixtim pueros, tenerasque puellas
 Innocuos celebrare choros, & ludere in undis:
 Sæpe etiam celeres sublabi gurgite cymbas,
 Et pubem remis certare, & scindere fluctus,
 Ut primi metam teneant, & præmia tollant,
 Aspicias, lætos & ovanti murmure plausus
 Attolli, & festas cava litora reddere voces,
 Ac longè scopulos plausu, & freta pulsa sonare.
 Quin etiam, si nostra tibi munuscula cordi,
 Barbatos tibi ego Mullos, Rhombumq; trilibrem,
 Auratamque feram, & Phycidem, flavosque Erithinos.
 Addam atque his apyrenum, & cæruleum Melanurum,
 Atque leves Synodontas (amat hos nam tua Phyllis,
 Sæpius atque illos, memini, me ferre rogabat)
 Hos & odorifera contactos desuper alga,
 Vimineosque inter calathos tibi munera ducam.
 Præterea, primis quæ sunt gratissima mensis
 Dona feram, æquoreo madeant quæ plurima rore,
 Atque vaporifero spirant circumdata musco,
 Et perlæpe famem quæ irritavere morantem,
 Ostrea, purpureæque ardentes murice conchas,
 Et saxosa mihi servat quos Nefis Echinos,
 Quosque Dicarchæis nutrit Thetis humida saxis:
 Illos è fundo, rigidaque è rupe revellam,
 Cum jam Luna suum complevit lumine cornu,
 Insuper & pictum, non ultima dona, quasillum
 Cæruleis plenum digitis, quos litora propter
 Sebethi medias inter scrutamur arenas.
 Hinc cum læta inter myrteta, & concava saxa,
 Aut riguos inter lenta otia ducimus amnes
 Jam vacui, & Zephyrum, & frigus captamus opacum,
 Quam mihi Syncerus moriens donavit, avenam
 Inflabo, & nostro freta carmine pulsa sonabunt.
 Tunc genus antiquum regali è sanguine regum
 Cantabo, stirpisque tuæ primordia dicam:

Ma-

Magnanimos addam Heroas, Regesque superbos;
 Quos Tagus auriferis regnantes vidit arenis;
 Et quos Dives Iber, niveaque incinctus oliva
 Bætis, & umbrosa coluit cervice Pyrene:
 Quos & parthenope titulis majoribus auxit:
 Noster & in viridi miratus sæpe recessu
 Pausilypus, fovitque suas Euplœa per undas.
 Non taceam tua facta, mihi si pulcher Apollo;
 Et digna Adriades concedent carmina Musæ.

Hæc sat, Nereides, vestrum luisse Poetam,
 Dum sedet, & raturum subtexit arundine linum.
 Hæc vos & Divæ, facietis maxima magno
 CARDINIDÆ, mihi cujus amor sic crescit in horas;
 Orbe velut pleno succus pinguescit Echini:
 Aut matutino ut surgent conchyliis rore.

Surgamus; nam prima gravis cantantibus aura
 Vesperis, atque ær gelidi nocet humidus antri,
 Ille domum tenere, Sol occidit, ite puellæ.

F I N I S.



NAUTICORUM

LIBER I.

QUæ veniant nemora apta mari, quo sydere pinus
 Cædere, & arte rates qua cæsis ponere truncis
 Conveniat: quæ cura omnes prædiscere ventos,
 Et mores, & signa: vagique sonantia Nerei
 Equora velivolis latè fulcare carinis;
 Litora vel circum pictis frera findere lembis:
 Nec non & quæ in Acu, & parvo solertia Mundo,
 Et tempestatum quanta experientia Nautis:
 Hinc canere, & vasti puppes per cæcula Atlantis
 Ducere surgentem in Solem, Solemque cadentem
 Incipiam: vitrei quando me Numina ponti
 Nam in sedem invitant Nereides udæ;
 Et tenues Vati calamos compingere cera,
 Litoreoque parant ferrum subtexere musco.
 Nam neque Mæonios ausim sperare cothurnos,
 Nostra nec æternam interserpere tempora laurum.

O magnæ clarum Aufoniæ decus, editæ cælo,
 CARDINIDE, pulchris seu te per rura viretis
 Leucopetres spatiosa tenet, vel carmine dulci
 Agrestes inter Divas blanditur Apollo:
 Seu te stellati ducit per concava cæli
 Uranie, & nitidos orbes, & sydera dicte;
 Sive investus equo, tua regna, in viis Acerras,
 Ac longè rauci perlustras flumina 1 Lai
 (Regna solo pingui, & lætis felicia campis,
 Mille & regna annos atavis dominata superbis)
 Huc ades, & primum pelagi ne despice munus.

D

Quic-

1 *Amatissima Neapoli villa altero ab urbe lapide Vesuvium ver-*
sus (Pietrabbianca) 2 *Straboni Talaia Fluvius, & Urbs in finibus*
Lucanorum (Laino)

Quicquid id est: mediis te fluctibus æmula Doris
 Compellat, campusque sonat latè omnis aquarum.
 Parva altis & sæpè damus munuscula Divis.
 Forsitan & tempus veniet (jam retia, & hamos
 Liquimus, & grandi percurrimus æquora puppi)
 Ut nostris majora ausis molimina Musis,
 Be illa canam, & palmas, cum primò Oriente subactò,
 Cæsar in Euphratem victricia dirigit arma,
 Ut pius injusto jant Numinis eximiat Urnam
 Servitio, & sacras sistat se victor ad aras:
 Tuque operis tanti in partem, partemque triumphì
 Dux aderis, magnique comes tu Cæsaris ibis:
 Tunc ego te summis Heroibus, & magnis Diis
 Laudibus æquabo, tollamque in sæcula nomen.
 Sume hoc intereà; Martisque accingere in arma.

At tu, qui Superos inter spatiaris Olympo,
 SABERIDE, mihi dexter ades: tu dius Apollo
 Magnam Vati animam, & divini carminis æstrum
 Inspira; nostrisque volens allabere cæptis.
 Nam te, nec fallor, magnarum Numen aquarum,
 Rectoremque maris, tempestatumque potentem
 Gangaridæ populi dixere, & creditus Indis
 Oceani immensi magnus Deus, humida parent
 Neptuni cui regna, vagique per aëra nimbi,
 Et se pacato submitteunt murmure venti.
 Sed quamvis (tibi mentitum non fingimus ultro
 Numen, & immeritos aris adolemus honores)
 Non deus Oceani, verùm tibi gurgitis alti
 Imperium Pater Omnipotens dedit, ut tua nautæ
 Numina ritè colant. placidos tu tollere nutu,
 Turbatosque pòtes nutu componere fluctus.
 Ergo age, & innubi quoniam lux aurea cælo
 Jam nitet, & Zephyris crispantur mollior undæ,
 Audaces tu pande sinus, dextraque potenti
 Tu dubio cursum pelago, clavumque gubernæ.

Principiò nautis sylvæ delectus habendus,
 Undè abies viduata comis, nudaraque fagus,
 Ulmique, & cæxæ veniant ad litora pinus.
 Primus & hic illis labor impendendus, & omnes
 Sacrorum saltus nemorum lustrare necesse est.

Illic.

Hic & sylvarum sobolem legisse potentem,
 Et Martis sortem, & casus sufferre marinos:
 Nec labor incassum tantus cadet, ire sonantis
 Aut opus Ægæi per cœrula, perque tumentem
 Euxinum, aut clausum fulcandum navibus æquor:
 Sive per externas oras, audacibus ausis,
 Oceano errandum, latè qui panditur ingens
 Herculeas vltra metas, seseque per omnes
 Insinuat torrente plagas, quâ surgit Eoo
 Phœbus, & Hesperio rediens lavat amne quadrigas.
 Nam si materiem texendis navibus aptam
 Legeris, atque data fabricaveris arte carinas,
 Deduces celerem securus in æquora puppim,
 Ac lætus Zephyro committes vela vocanti.
 Non te nimbiifero terrebunt turbine venti,
 Nec humidum veniens glomeratis fluctibus æquor
 Vertice ab undoso; rapidas animosa procellas,
 Nimbosque, pelagique minas pulsabit, & Euri
 Illa, coronatas opponens pulsibus alnos,
 Idæas soboles, Alpinaque pignora. Ceu arx
 Duro imposta jugo, duraque è rupe reciso,
 Plurima quadrato surgunt cui mœnia saxo,
 Quam crebris aries ærata cuspide pulsat
 Ictibus, alatoque perunt tormenta metallo:
 Verberat invictos iteratò machina muros,
 Atque explosa cavo pila ferrea sibilat ære.
 Stat contrà hæc: duris eludit rupibus ictus;
 Nec timet horrificis tormenta sonantia bombis.
 Sic & robusto de robore texta carina
 Non nisi spumofum multis post cursibus æquor
 Emenfa, & pelagi varios experta labores,
 Et seros obitus, longævaque Fata videbit.

Quid tibi si sylvæ nullus delectus, & omnes
 Imbelles nemorum populos admoveris undis,
 Accipe. non multis (juvat hæc meminisse) docebo.
 Cùm tibi cœruleus suprâ caput æthere ab alto
 Inciderit nimbus, niisique à carcere venti
 Compactam fragili feriant de robore navim,
 Dilacerent velum, quatiant latus impete multo,
 Et validis obvertant flaminibus antennas:

Hæc primò vitium faciet, sensimque patentes
 Incipiet laxare sinus, rimisque fatiscet.
 In lacus hinc prona incumbet: concussa que ponto
 Scinduntur transtra, & laterum compage soluta,
 Fluctibus infelix ibit data præda marinis.
 Non secus, incocta tenui quas arte bubulci
 Argilla fecere casæ, cùm plurimus imber
 Decidit, & plenis undarunt æquora rivis,
 Accipiunt tectis imbrem, subterque ruentum
 Vix fragili cursus fluviorum pariete sistunt.
 Paulatim incocti lateres laxantur, & undis
 Dant aditum: sensim moles ruitura fatiscit.
 Cùm tandem è summo labentia culmine tecta
 Naufragio jactantur humi: de vertice pastor
 Dejectas videt ire casæ, sua regna, per undas.

Sed jam tempus equum pulsu stimulare ferocem,
 Implicitasque errore vias superare ferendo.
 Ergo age, tantisper pelago, portuque relicto,
 Ne pigeat sacros nemorum penetrare recessus;
 Quæque sit apta rati, vel quæ sit inutilis arbor,
 Et quo conveniat cæli sub sydere truncos
 Frondifera nudare coma, & radicibus altis
 Noscere, quo rigidas valeas inferre secures.

Est mons Ausonia in magna, quæ Martia Tellus
 Hybernæ ad Solem, & mollem se fundit ad Austrum:
 Hinc quæ purpureo Solem primo excipit ortu,
 Jonio disclusa mari stat Græcia Tellus;
 Hinc quæ Tyrrhenum Siculi per claustra Pelori
 Joniis miscetur aquis, Vulcania regna,
 Æoliaeque domos, & totam à vertice spectat
 Trinacriam, antiquo montem cognomine Silam
 Romani, & Graii pariter dixere vocantes.
 Hic nemus umbrosum, atque ingens, sylva horrida môtè
 Occupat, & nigra dorso latè incubat umbra.
 Hic mille in cælum tollunt capita ardua pini;
 Et totidem ramis circum frondentibus aeni
 Assurgunt turritæ, & nubila vertice lambunt
 Quæ sitæque nuces saxorum grandine multa
 Ingratam præbent pecori, & pastoribus umbram.
 Hic mille expansis pandunt sese undique ramis

Castaneæ, & magnæ laxant sua brachia quercus .
 Plurima & argutis agitatur frondibus ulmus,
 Et fagus, camposque abies cursura marinos,
 Cerrique, platanique, altæque in montibus orni:
 Atque aliz: neque enim verbis percurrere refert
 Quotquot Sila ferat truncos, latissima sylva.

Nunc ego (sub montes quoniam penetravimus altos,
 Provida ubi sylvas longè Natura locavit,
 Ut pelagi casus averteret: attamen ipsa
 Semper avàra fames hominum, & solertia major
 Evicere, & itum in montes, in nubila & usque est)
 Quæ meliora probes, quorum est communior usus:
 Quæque mari sint apta magis, ventisque ferendis,
 Et robusta solo veniant, non carmine multo
 Edoceam, nec te per longa exordia ducam.

Est autem varius, cultusque, habitusque locorum,
 Atque usus: Non omnis enim fert omnia sylva;
 Non studium cunctis, nec amor mortalibus unus
 Inditus. Ignotis qui primi fluctibus Argo
 (Magnum opus) & parvo vitam committere ligno
 Sunt ausi, sacro Dodonæ è vertice fagum
 Accisam vexere mari, fagoque volanti
 Ægæum secuere fretum: & medium Hellespontii
 Transvecti, externas tetigerunt Phæsidis oras.
 Umbrosi nemora Assyrii populantur Amani:
 Hic & odoratam cédunt de rupe cupressum,
 Phœnices Libani rapiunt à culmine cedrum,
 Et Syrus, & quicunque colunt plana æquora Idumes:
 Atque Terapnæ gens fortunata Canopi
 Vela cedro imposuere, marique dedere parenti.
 Gallus amat fagos, & puppes inferit ulmis:
 Et proram, & dura geminas facit abiete costas.
 Arduennam, & gelida nudat nemora alta sub Arcto
 Belga ferox, & qui dispersa mapalia quondam
 Incoluere humiles Batavi, vicinaque circum
 Litora piscatu victum de more petebant.
 Nunc re, nunc opibus multis, luxuque superbi
 Regna tenent, & jam magni crevere sub ipsis
 Principiis clari bello, & victoribus armis.
 Nam quicquid pelagi veniens Sol lustrat Eous,

Quicquid & Hesperius, curru fugiente, relinquit,
 Classibus & pariter lustrant ingentibus ipsi.
 Sic fluxas Fortuna hominum res undique versas
 Nunc surgunt humiles in regna, ruuntque potentes
 Verticibus rerum ex altis: nunc ordine verso
 Præcipites summo labuntur culmine primis
 Rursus & alta illi rerum fastigia tangunt)
 Verùm lecta manus, quæ prima è litore Ibero
 Solvit, & Oceanum magnis percurrere velis
 Ausa fuit, Fatisque novum monstrantibus orbem
 Detexte, vicitque armis victricibus omnem,
 Alta Pyrenæos ducit per cæcula saltus.
 Divisi rapiunt Caledonia lustra Britannii,
 Idam Bithyni, Græci felicia Tempe.
 Mænalium scândunt nemus Arcades, aut Erimanthi,
 Arguræque petunt pinus. populantur Athenæ
 Fatidicam Cyrrham, & colles sectantur Hymetti.
 Annosam Venerus fagum venatur, & alnum
 Rupibus Alpinis. canentem fronte nivali
 Cædit & Afer inops operosa Atlanta securi.
 Romani rerum domini, qui classibus olim
 Conclusam domuere Therin, Pontumque sonantem,
 Ægæumque furens, spumosaque cornua victum
 Oceanum traxere altæ ad Capitolia Romæ,
 E Sila pinum, & fagum petiere comantem:
 Velleruntque omnem è radicibus Apenninum.
 Ergo age, terrarum dominos imitare potentes:
 Et quò te mecum prærupta per avia montis
 Cornipedes lausti cursu duxere virentem
 In Silam, truncos ponendis navibus aptos
 Findito (materiam tibi plurima sylva ministrat)
 Quique apti ratibus, paucis, adverte, docebo.

Prima tibi pinus rigida gemat ista securi,
 Atque umbrosa ruat scissis radicibus alnus:
 Adde ulmos, cæsoque cadat de cespite cerrus.
 Nigras cæde nuces: nucibusque aplustria sunt.
 Ipsa sed in primis abies, annosaque fagus
 In partem veniant operis: neu cædere molles
 Cures castaneas, multùm aut quercera fatiges;
 Castaneæ fragiles, quercus nodosa lacertos:

Um-

Unbrosis aptæ frondescere montibus ambæ,
 Piscere & autumnno pingui pecus ubere bacca,
 At non Oceanum fulcare. in fontibus alta
 Non te frondosa delectet populus umbra ;
 Nam levis est arbor, & abundat pluitima succo.
 Ithœnices cedrum, & Syriæ laudato cupressum :
 En nostris fructus petito. Parnassia laurus
 Semper fronde sacra tollat se læta sub auras,
 Ut sua divini præcingant tempora vates,
 Et clari quoque victores sua. mitte feracem
 Sectari cerasum, & mitem sine crescere malum.
 Non obliqua petas: quæ recta in luminis auras
 Tolluntur, legito, truncoque impone bipennem.
 Parce manu teneram ab radice evellere sylvam,
 Navitas venturos expectat sera nepotes
 Illa, coronato cum vertice surget in auras.
 Quæ multos sensere æstus, quæ frigora multa,
 Succidas. Quid plura canam? Te multa docebit
 Longa dies: variusque tibi nova suggeret usus.

Verum agè, delectas cœli quo sydere plantas,
 Et quo conveniat sub Lunæ accidere vultu,
 Accipe: tu Lunæ vultus numerare memento.
 Illa regit sylvas: illi nemora horrida parenti
 Illa & luce vaga plantarum temperat ævum,
 Atque illis succum, & vitales sufficit auras.
 Ac velut æquoreæ pinguescunt ubera conchæ
 Lacte novo, rutilos cum Luna impleverit orbes:
 Tunc plenis turgent radiis, & lumine læto
 Luxuriant: verum rediens si proxima Phœbo
 Occuluit vultum, & totos contraxerit ignes,
 Sufficiunt tenues succos, vix lucidus humor
 In matris gremio, Luna fugiente, refulget:
 Non aliter plantis humorem subripit orbe
 Luna novo, rursusque illum jam plena remittit.
 Nanque etiam sylvæ norunt dispendia Lunæ.
 Sed tibi Signiferi quanam sub sede rubentis,
 Et qua Lunæ ætate nemus populeris opacum,
 Dicam equidem; nec te dubium, Palinure, tenebo.

Extremum Agoceri rediens cum liquerit orbem
 Phœbus, & adverso surgens Canis emicat astro,

Tertia si raris per cœlum cornibus ibit
 Syderio comitata choro Latonia Virgo,
 Tunc tibi nubifero nutare à vertice fagus
 Incipiat; latè ferro pineta laborent.
 Nulla quies operi: cœdendis optimus altis
 Arboribus est ille dies, qui deinde sequuntur
 Dividuum ad mensem, quo toto effulserit orbe,
 Felicem sylvis sobolem, sed navibus aptam
 Non tibi materiem præstabunt; ubere pleno
 Humorem nimium plantis, succumque ministrant.
 Agricola tunc jure sinant pubescere truncos,
 Quis præstat baccas, lapidosaque carpere corna:
 Tunc cede operi, aut nimio frangere labore,
 Donec lecta ruat frondoso à vertice sylva.

Verùm si gelidas hyenes præverterit annus,
 Et cani montes magna sub mole pruinę
 Depressa cervice gemant, atque obruta passim
 Semita, & oppletæ stipentur ab aggere valles,
 Ac lympha torpente gelu stet saxeus humor,
 Tunc Boreæ furiis spatiis disclusus iniquis,
 Pone animo curam sylvæ, Pálinure, nec altos
 Perque nives gelidas, perque horrida culmina truncos
 Sectare, infestæ prohibent dùm frigora brumæ.
 Et differre moras opus est, & cedere Fato.

Ast ubi jam Virgo os terris ostendit honestum
 Erigone, cum lance pari Sol dividit orbem
 Signorum, tantùmque polo latet abditus imo,
 Arctoo quantùm rediens micat aureus axe,
 Litore deserto summos pete, navita, montes,
 Nubiferi quâ Sila jugum tegit Apennini
 Arboribus densis. Sublimi in vertice montis
 Planities extensa jacet, latèque sub ortum
 Excurrit, sæcunda solo, nemorosaque sylvis,
 Læta situ aptico, & vitreis lætissima rivis.
 Cùm cœli metas ardenti Scorpius astro
 Jam tenet, & vacua descendit Aquarius urna,
 Ut diræ cessere hyemes, ceciditque nivosa
 Canities, tunc terra novo pubescere sætu
 Incipit, & tenero vestit se germine campus:
 Seque aperit sylva, & læto de cortice gemmas

Fundit odoratas, sequitur citò deciduus flos :
Excipiunt flores citò poma, & præcoce partu
Compensat Pomona moras. Jam vertice pleno
Flavescit matura Ceres: jam serus Jacchus
Rore novo gestit. Calabris in saltibus alter
Non locus est pingui fecundior ubere glebæ,
Aut mons assurgit nemorosa ditior umbra,
Vel magis irriguus. centum de vertice montis
Præcipites rauco labuntur murmure fontes:
Et circum sata læta rigant, & amœna vireta.
Hic ubi te fessum recreavit Sila sub umbris,
Et fontes, geniusque loci, cum Luna revertens
Incipiet primùm radio falcata bicorni
In longum proferre diem, Palinure, comantes
Cede trabes: nam sicca sinum tunc arida Tellus
Parciùs è gremio plantis alimenta ministrat.

At si nimbosus Mauris de sinibus Auster
Irruerit, subitisque nemus concusserit alis,
Parce trahi, & trunco rigidas averte secures.
At verò cecidit rauca cum sibilus auræ,
Cynthia fraternas & jam fugit æmula bigas,
Velle solo plantas, ramosque recide feraces.
Tandem (Me doctum multa experientia fecit)
Illa abies nautæ votis respondet avari,
Que, cum nodosis tenuis radicibus humor
Sufficitur, nec jugis aqua illam, afflantibus Austris,
Humectat, matris gremio concisa bipenni.
Congemuit, magnumque dedit convulsa fragorem:
Illius æratæ multum vixere carinæ.

Sed neque materiam subitus denudet, & ulmos
Ire novam in formam jubeat fabricator: at illas
Torreat ignito geminus Sol sydere Cancri.
Sic omne excoquitur vitium: sic cortice multus
Succus abit pingui, atque exudat inutilis humor.
Nam secus ille labor formatis puppibus instat:
Cum jam materia incoctis arescere truncis
Incipit, & sensim pinus se contrahit in se,
Pandit aquis tunc illa vias, & cæca relaxat
Spiramenta sinu: ruptis hinc nexibus alni
Neptunum accipiunt gremio, rimisque dehiscunt.

Al-

Altus ubi cælo tollit se fronte nivosa
 Ifmarus, & rauci labuntur Strymonis undæ,
 Barbara gens habitat cultu, quæ Caspia quondam
 Claustra pharetratis irrupit curribus, & se
 Per latos Asiæ campos, perque arva sonantis
 Intulit Euphratis victrix, populosque feroces
 Contundens, tristi complevit funere regna.
 Hinc Asiæ postquam domitrix, atque effera bellis
 Hellepontiaci fauces pervenit Abydi,
 Nostreis, ò pudor! & vili mercede paratis
 (Non res Romanæ, non tot labentia regna,
 Non & religio gentes permovit avaras)
 Navibus Europam transvecta, potentibus armis
 Discordes animis populos, & regna subegit:
 Fixitque imperii sedes, ubi mille per annos
 Victrices Aquilæ spectatæ, atque arma Quirini.
 Hi, quâ frondosi vertex assurgit Olympi,
 Non certo Lunæ vultu, non sydere certo
 (Mira quidem; nam ritè colit gens barbara Lunam)
 Antiquam invadunt sylvam, nigra regna ferarum.
 Extemplò viridi vellunt de cespite truncos,
 Cæsariemque citi tondent, raptimque tepentes
 Dilacerant artus ferro: ferit ille bipenni
 Annosam fagum: succisam hic cortice nudat:
 Hic pinus in frustra secat: vix lævigat ille
 Scabritiem primam tabulæ: cavar ille carinam
 Præceps: ærata munit hic cuspidè rostrum.
 Ocyus appingunt costas, & transtra reponunt.
 Haud mora, præcipitat sese labor: æquora puppes
 Accipiunt: medio spectat se gurgite sylva,
 Miraturque novas formas, & non sua vela.
 Quales Niliaci circum per stagna Canopi
 Flumineas habitare casas, & vivere raptò
 Sueti prædones, si quando gurgite ab alto
 Spectavere procul specula properare carinam,
 Præcipientes in stagna volant, rapiuntque cavatam
 Vim sylvæ, rapiuntque arma, & se viribus aptant:
 Impelluntque leves cymbas, atque ostia complent.
 Hic postquam taciti latuere crepidine riptæ,
 Ut fluvio spectant vicinam appellere puppim,

Erum-

Erumpunt latebris: segnem, & nil tale timentem
 Invadunt navim, & stridoribus aëra complent.
 Confertique ruunt, rapiunt, perduntque vicissim
 Omnia, & aggestas vectant ad litora prædas.

Non sic, ignotum qui sulcavere carinis
 Oceanum, & longè terras petiere repostas;
 Quippè altis primùm venati in montibus alnos,
 Pinusque, & patulas annofo robore fagos:
 Inde & sub gemino domuerunt sydere Cancris;
 Mustus ut ex illis, crassusque excederet humor.
 Hinc & solerti fecerunt arte carinas,
 Victores quibus Oceani spumantia regna
 Sub juga, & indomitos potuerunt mittere fluctus.
 Quin etiam ratis una (Quod & ventura nepotum
 Attollet semper, semper mirabitur ætas)
 Immenso potuit gyro circumdare mundum,
 Ac totum Oceani transmittere cursibus æquor.
 Litore ab occiduo primùm ratis æmula Solis
 Solvit, & ingentem velis percurrit Atlantem;
 Inque novum devector, Notis spirantibus, orbem,
 Ausa fretum ignotum tentare, & consita saxis
 Æquora navifragis. hinc & felicibus ausis,
 Per mare Pacificum victrix pervenit Eoum;
 Hic Seres latè, nigros lustravit & Indos,
 Et Persas, Arabesque: Erythræaque cærule præter
 In Libyam venit, vacuumque invectora per axem,
 Horrendum ventis, & fluctibus, atque procellis
 Acronoton: superavit: & inde reducta sub Arcton
 Claustra triumphatrix subiit felicia portus.
 Laudibus æternis, & cælo digna carina,
 Cui magnum meritò fecit Victoria nomen!
 Non illa Oceani fluctus, ventosque sonantes,
 Nec tempestates timuit, rapidasque procellas.
 Sed lecto sylvæ de robore, & arte magistra
 Informata ratis victrix superavit, & undas,
 Et ventos. Adeò cæptis insistere multum est.

Prætereà sectam nodoso è cespite sylvam

Non

1 Sic appellavimus ultimum Africa promontorium (Bonæ spei)
 antiquè incognitum, quod in Austrum tendat.

Non gelidæ videant hyemes, non humidus Auster
 Aëre sub rigido, aut campis sternatur apertis.
 Nam cùm cæruleas collegerit æthere nubes
 Juppiter, & plenos alto demiserit imbres,
 Humorem tunc illa bibit, rursusque subactas
 Vi Cancrî multa non sanas accipit undas.
 Arboribus gravis unda nocet: nocet humidus Auster.
 Ille etenim, pluvio qui fluxit plurimus imbre,
 Nativum humorem deperdit noxius humor:
 Quippè poris actus perfunditur undique venis;
 Atque agit insinuans sese, plantæque vigorem
 Paulatim attenuat: nodos, robustaque mollit
 Ossa lues: sic illa & aquis pinguescere primum
 Incipit, & sensim putris se facta resolvit.
 Qualis hydrops malefanus, aquis cùm plurimus udis
 Indulset, tabemque intùs concepit aquosam,
 Pinguior accrescit membris, & flaccida nervi
 Vis venit: elanguet vigor, & sese ossa relaxant.
 In venis stat cana lues: furit intùs aquæ vis.
 Corporis infelix cùm jam compage soluta,
 Deferit invisas auras, lucemque diei.

Est sed amica trabi maris unda: porisque subactus
 Humor aquæ multa saturus falsedine truncos
 Indurat: medio lapidescit gurgite sylva.
 Desuper impostas moles, & mœnia, & arces
 Sustinet, æternùmque manet durata sub undis.
 Sic magno claram imperio, & victricibus armis
 Miramur Venetam spumosi in fluctibus urbem
 Adriaci instructam, sumptuque, & mole superbam.
 Ergo ornos, pinusque Alpino è vertice cæsas,
 Concisasque simul mittunt sub cærulea fagos.
 Hinc ubi jam duræ longo post tempore in undis
 Concreverunt, trahunt alto de gurgite: & inde
 Longævus solido ponunt de robore puppes.

Nunc age, (cæruleas quoniam properamus ad oras)
 Qua demùm è lucis ingenti corpore moles
 Arte trahas, casusque feras spectare marinos,
 Expediam: proluxa juvat dispendia sylvæ,
 Sumptusque, & multos famulùm vitare labores.
 Est lucus Clavii fontes, & flumina circum

Mon-


Monte super viridi, quâ se pater Apenninus
 Attollens læto felices ubere campos
 Ambit circuitu longo: propè mœnia Abellæ
 Assurgunt: subiecta jugis lætissima Baccho
 Planities extenta jacet: procul invia Pœno
 Nola coronatis ostentat mœnia campis.
 Lucus Hamadryadum sedes gratissima, Cancer
 Igneus è cœlo dum perfurit, & sara propter
 Vix torrente strepens tardo pede labitur amnis.
 Hic gelidi fontes crebrò de rupe cavata
 Distillant, sonitusque ciet per saxa canoros.
 Dulcè repercussa in sylvis sonat aura susurro,
 Dum molles vario perflant spiramine venti:
 Ludit & in tremulis allisus frondibus ær.
 Qui Capreas, & sacra colunt delubra Minervæ
 Anariam, Prochyten que, & Surrentina Lyco,
 Delicias vaturn, juga læta, sinusque Dicarchi,
 Hæc sacra Nasadum nemora, & juga celsa frequentant,
 Ut sibi materiam lembis, parvisque phaselis
 Delectis quærant truncis: nam plurima sylvæ,
 Nec soboles ingrata mari: stant vertice pini,
 Stant orni, mediisque vitent in vallibus alni.
 Dum mihi vernabant prima lanugine malæ,
 Cum jam Pierides gratæ, & formosus Apollo
 Gratus erat, nemora alta Jovis, sedesque beatas
 Lustrabam, turisque Deas venerabar agrestes:
 Meque sinu Musæ stringebant: blanda neque ipsa
 Pieris indignata meos spernebat amores.
 Hic ego præcipites vidi de vertice montis
 Subiectam in vallem cæsos demittere truncos
 Agricolas: vastas cervici imponere moles,
 Aut latis parcut humeris: incommoda sylvæ,
 Impliciteque viæ, sumptusque impendia vitant.
 Non tamen obliquos, sed rectos rupibus altis,
 Nudatosque conia mittunt, cæsosque lacertos,
 Inde boves gemini submittunt fortia sueto
 Colla jugo; geminique alii, si corpore præstet
 Ingenti moles, subeunt, atque ipsa rudenti
 Vimineo secto religatur vertice pinus,
 Perque jugum funis ductorius orbe plicatur.

Inde per æquor iter capiunt, lentè que trahentes
 Paulatim ad litus magno pineta labore
 Conveſtant, loris inſtant, & verbere multo
 Agricola: pigroſque altis clamoribus urgent.
 Quos ipſe arguta ſagi dum ſtratus in umbra
 Aſpicerem de colle, boves miſeratus inertes,
 Increpito Agricolas dictis, & ſiſtere curru
 Præcipio: timidi faciunt mandata bubulci.
 Hinc geminas afferre rotas, quarum ultimus orbis
 Ingeus circuitu, cuneumque, axemque rotundum,
 Temonem oblongum, tabulaſque, & cætera curru
 Armamenta: citi faciunt mandata bubulci.
 Tunc geminas hinc, inde rotas axi infero, & altè
 Mox lignum terebro, cuneumque foramine figo.
 Neſtuntur tabulæ, medioque imponitur axi
 Oblongus temo: temoni adnectere curvo
 Cum bobus, juga præcipio, truncoſque reciſos
 Imponi in medio, librato pondere, curru.
 Hinc bobus dare lora rudes, & verbere torto
 Inſtare agricolas jubeo. mora nulla, juvenis
 Vix data lora: citus fertur per compita curruſ.
 Ceu cùm vela Notò crepitanti è puppe magiſter
 Laxavit, commota ratis volat ilicet aliſ,
 Prona petens maria, & roſtro tumida æquora ſindit.

Hæc quondam ad Clanii fontes: nunc addere pauca
 Eſt animuſ; (nam nota vocant ad litora Nymphæ
 Nereides, longèque ſonant navalia plauſu)
 Faginuſ oblonguſ temo: ſitque ulmeuſ axis:
 Pineæ ſit rota: ſint radii: ſed ferrea ſummæ
 Curvatura rotæ, medium librata bicorni
 Arbor in axe locum teneat: bobuſque relictis,
 Temoni jungaſ poſcenteſ fræna jugaleſ:
 Aptior ad curſum ſonipeſ, volat æquore aperto
 Promptior, & facilis laxataſ audit habenas.

L I B R I P R I M I .

F I N I S





Solimene In.

F. De Louvemont sculp.



NAUTICORUM

LIBER II.

JAM celeri nimiùm cursu per opaca locorum
 Fræna reluctantem morsu, stimulisque negantem
 Egimus alipe-dem: tempus nunc flectere habenas,
 Atque iterùm in pontum jam saltibus ire relictis.
 Sat Faunis, sylvisque datum. Vos ò ubi nymphæ
 Nereides? properate citæ, & pernicibus alis
 Reddite me pelago: sinite ut deserta revisam
 Litora, & annosa compingam ex abiete puppes.
 Vos &, qui ratibus primi freta cæca profundi
 Ausi homines sulcare, vagique errare per undas,
 Pandite; namque illos, Divæ, meminisse potestis:
 Et vatem egregias artes, usumque docete.

Principiò cum rari homines ab origine mundi
 Incolerent terram, felix gens illa beatum
 Assyriæ nemus, & florentia rura colebat
 Euphratem circà, & Tigris felicia Tempe.
 Fortunata, procul bello, & discordibus armis,
 Sponte sua Tellus mortalibus una ferebat
 Sufficiens cunctis alimentum, & sordere pacto
 Pauci exercebant terram, & læta arva tenebant.
 Sed postquam primi soboles numerosa parentis
 Paulatim antiqua crevit de stirpe feraci;
 Non satis Assyriæ felicia rura viretis,
 Nec simul hospitium sat erat tot millibus unum.

Hinc cunctis mens una fuit trans flumina terras
 Quærere, & ignotos mundi penetrare sub axes.
 Eoas alii terras, ditissima regna,
 Caucasum, & argentes alii venere sub Urfas;
 Pars Tauro insedit: pars Therimodoontis ad undas;
 Pars & odoriferas felici macere sylvas

Ara-

Arabiz, & tepidum latè se fudit ad Austrum.
 At, quibus audaces animi, generosaque corda,
 Auscèrptileum Thetidos regnum, & vada cæca
 Rumpere, & infido primi se credere ponto:
 Quæsitæ magni terras mercede laboris
 Excolere, & pretio charos habitare Penates.
 Namque ea, quæ multo nobis sunt parta labore,
 Sunt & grata magis: magis est ex omnibus una
 Nobilis, immentis venit quæ palma periclis.
 Non secùs angusto cùm jam dimisit ovili
 Pastor oves, tenerasque dedit pecus ire per herbas.
 Extemplò celeres stricte de carcere caulæ
 Erumpunt, sparsimque locis funduntur apertis.
 Hæ vitreos fontes, & odori marginis undas,
 Et flores, & culta petunt lætissima cursu:
 Stellatos alix campos, & dulcia quærunt
 Pascua: prata alix, spatiosaque rura viretis,
 Mollis ubi cýtisus, nitidusque virescit acanthus.
 Sed, quibus est animus major, temnuntque pericla:
 (Namque etiam teneris animis sua blanda cupido
 Laudis inest) colles an: mosæ, & culmina scandunt;
 Quæsitosque fuga multa, multoque labore,
 Delectos celsæ flores de vertice carpunt.

Tunc primùm terris ratis usus, & æquora primùm
 Spectavere rudes truncos nulla arte dolatos
 Intactis innare fretis. Procul ire per altum
 Ausi homines ligno exiguo: committitur undis
 Vita rate in parva, quis crederet? At fuit illa
 Magna equidem virtus, quamvis temeraria virtus.
 Audax inventum: sed tanti audacia facti
 Profuit: æternis celebrandi laudibus illi,
 Qui pelago avulsas sociarunt puppibus oras,
 Et super alta levem straverunt æquora pontem.

Non tamen ignoti (felici audacia casu
 Paulatim ex primo crevit, majorque secundo
 Venit, & exhaustis animi crevere periclis)
 Itur in abruptum pelagi: secuere propinqua
 Litoribus vada ruit, brevi quæ Nereus æstu
 Fluctuat undosus. patriis discedere longè
 E terris primùm, & medium tentare profundum

(Sen-

(Sentit & ipsa suos audacia cæca timores)
 Non ausit molles radebat palmula ripas.
 Non secùs aërii cùm jam pubescere pulli
 Incipiunt teneræque alis succrescere plumæ,
 Per nidos volitant circùm, ramisque recurrent:
 Non audent pavidì nativas relinquere sedes.
 Credere se cælo, & primo petere astra volatu.

Hæc rudis ignoto primùm se machina ponto
 Credidit: hac undis insultavere marinis
 Audax Iapetus, genitique à stirpe nepotes.
 Vix firma compage trabes, & fœdere certo
 Fluctibus innabant; verùm non tempore longo.
 Ut cultæ venere artes, ut crevit & usus,
 Instar montis aquis deducta tumentibus Argo
 Litore Thermaico, & rigida sub montibus Ossæ.
 Hinc sensim crevere rates: Inventaque prima
 Ad majora viam fecerunt: crevit & usu
 Ingenium artificis: conjunctæ nexibus alni:
 Distinctæque loco tunc sunt, & nomine partes.
 Extensa est prora, & sensim defecit acutum
 In rostrum: rostroque fuit ferri addita cuspis.
 Incurvum latus, & pandæ data forma carinæ:
 Et gemina in longum sunt transtra, forumq; repostum
 In medio, & morsu retinacula missa tenaci:
 Et puppis procera, auroque insignis, & ostro.
 Sic olim rudis, indigestaque corpore moles,
 Ingenio artifici, & multo sudata labore,
 Pulchrior ite pelago: & spumantes fortior undas
 Sustinet, Ægæasque hyemes, ventosque sonantes.
 Alpinis velut ursa jugis, (si vera feruntur)
 Quam prius informem connixa in luminis auras
 Produxit mater, sit pulchrior; & sua membris
 Paulatim nova forma venit, speciesque decora.
 Nam fœtum complexa parens (mirabile dictu)
 Sensim lambendo distinguit mollia membra,
 In latum ventrem compingit docta, manusque
 Dividit in digitos, atque unguibus armat aduncis:
 Educit de mole caput, collumque rotundat;
 Hirsutasque genas pingit: sua naribus addit
 Spiramenta, quibus subducatur spiritus auras;

Atque ori decus, & rutilos inducit honores.
 Naturam compensat amor. (quis nescit amoris
 Ingenium? hoc sensim fortum formante magistro,
 Exurgit soboles, patrioque simillima vultu)

Tunc verò alipedes dorso sensere carinas
 Æquora, turritas mirata in gurgite moles.
 Centaurus tunc visa mari, rostrataque Pistris,
 Scyllaque, Delphinusque, ingenti & mole Chimæra;
 Alta, metu procul, & patria Tellure relicta,
 Tunc primùm celeres violarunt æquora puppes.
 Aligeræ veluti volucres super æra lapsæ
 Sydera summa petunt, nido, ramisque relicta,
 Cùm celeres pennæ, & fiducia crevir adultis.
 Sed te, nauta, modum fabricandæ puppis, & artes
 Egregias, ac mira hominum comperta docebo.

In primis sit cura tibi spectare locandis
 Qui sinus, aut statio fuerit navalibus apta.
 Optimus ille locus censendus, valle reposita
 Qui jacet, & monti, & nemorosis proximus umbris;
 Ne labor annosas deducere montibus ornos
 Improbis agricolis nimium premat: ille propinquum
 Secura statione sinum, portumve tenebit,
 Qui primùm nuda venientem mole carinam
 Accipiat, firmoque ratem regat obiice saxi.
 Sint circum fontes, cœli sit grata salubris
 Temperies: sit terra simul pinguiissima cultu,
 Ut facilis victus, sint & sitientibus undæ,
 Nec famulos lædat malefana Juppiter aura.
 Accessu facili pateat locus: ipsa reducto
 Opportuna situ statio: campoque patenti
 Alta tibi moles saxo fabricanda quadrato
 Porticibus longis, ingentes mole carinas
 Læta quibus secto compingat robore pubes.
 Sint pariter centum extructæ longo ordine cellæ,
 Quæ sua solliciti percurrant munera fabri.
 At domus interior majori condita sumptu
 Prætozem accipiat, turbæ qui præsidet omni.
 Hic leges dicat: reliqui mandata facessant.
 Non temerè incumbant operi, sed legibus æquis
 Quisque suum cometur opus, rectore sub uno.

Est opus, ut reges etiam cum mœnibus arcem
 Edificent: summis atque æra tonantia bombis
 Mœnibus imponant: hostiles fulmine pellent
 Illa rates, ne fortè ferant navalibus ignem.
 Quin cave, nè furtim jactis tecta arida flammis
 Accendantur: iners vel custos molibus ignem
 Excitet. Arcendus siccis navalibus ignis.

Illæ alii in mediis magno visenda theatro
 Urbibus ædificant: saxo constructa vetusto.
 Talia Parthenope jactat navalia Siren.

Est locus in media fama notissimus urbe,
 Quem navale vocant, vitrei Crateris ad undas .
 Amplis porticibus, domibusque amplissima centum
 Assurgit Cœlo moles . stat proxima colle
 Magnifico sumptu, & regali splendida luxu
 Regia: stant niveo circum de marmore fontes,
 Artis mirum opus, & monumentum nobile seclis
 Spectandum: placido lymphas jaculantur ad astra
 Ore feræ, pictosque premit delphinæ Arion,
 Et fluctu saliente, ciet vaga murmura, & ipsi
 Marmorei rugiunt, unda fugiente, leones.
 Est & sylva manu navalia confita propter,
 Opratam factura comis frondentibus umbram,
 Sirius ardenti cœlo dum perfurit æstu .
 Eoû ad Solem statio benè fida carinis
 Angusto conclusa sinu jacet: altera longè
 Stat moles iniecta mari, sumptuque superba .
 Fluctibus immissi montes, rupesque resectæ
 Alarum accipiunt Libycum, franguntque ruentem .
 Intrûs tuta silet placidè Thetis: altaque cœlo
 In medio assurgit cum mœnibus aëris arx.
 Mille fabri, & famuli toridem navalibus adsunt
 Solliciti, & celeres componunt abiecte currus:
 Quisque ducis dicto parens data munera sorti
 Impiger exercet. Serra pars dividit alnos:
 Pars dolat ignavos truncos, primamque retondet
 Scabritiem ligni: sectas pars levigat ulmos.
 Compingunt alii costas, altique carinam
 Incurvant: alii proram cum cuspide neclunt.
 Pars studet & variis puppes animare figuris

Arte laboratas puppes pars cælat in auro.
 Pars acuit clavos, & ferrum forcipe versat.
 Hic commissuras lino replet, & pice molli
 Vulnera concludit: tabulas pars jungit hiantes.
 Illi onera accipiunt venientum, & sedibus altis
 Imponunt: hic vela suit, tortosque rudentes
 Implicat: antennas illi, malosque laborant.
 Ferrei opus: pictæque micant in litore puppes.
 Quales Cecropiæ volucres æstate laborem
 Exercent (si magna licet componere parvis)
 Purpureis aliæ fragrant floribus hortos
 Invadunt, camposque aliæ populantur odoros,
 Et pinguem tondent tiliam, casiamque rubentem,
 Cæruleumque crocum, & ferrugineos hyacinthos:
 Mella legunt aliæ, teneroque è cortice ceram,
 Et lentum rapiunt gluten, queis cerea fingunt
 Regna: favis aliæ constipant dulcia mella:
 Falce levant aliæ venientes, furtaque veris
 Accipiunt, rectisque locant: sic fudere pacto,
 Experiuntur opus, fabricantque è nectare cellas.

Præterea quicumque ratem meditaris, oportet,
 Ut primum, sicco describas cortice puppim.
 Ac veluti turres, & celsa palatia fabri,
 Atque novum molitur opus cum sedulus ipse
 Parthenius, primum inscribunt facienda papyro:
 Exemplumque operis digito, ingenioque magistro
 Ante oculos plumbo ponunt, præbentque videndum;
 Artificem nè foris operis pars ulla futuri
 Prætereat, sic ante ratem describere plumbo
 Est opus in tenui membrana, operisque futuri
 Exemplum, cui rectè operis mox singula quadrent.
 Nunc age, præcipuas artes tibi carmine dicam.

Sunt autem varix fabricandis navibus artes,
 Et varium quoque pro cultu, ingenioque locorum
 Illarum genus est, variosque aptantur ad usus.
 Nam fluviiis aliæ sternuntur, & inter inertes
 Sollicitant, vada pigra, lacus, turpesque paludes:
 Curva errant aliæ per litora: cæcula at illæ
 Alta petunt, rostroque maris tumida æquora findunt.
 Hæ confis vada lenta secanti: hæ carbasa ventis

Com.

Committunt: aliæ velo, remoque volantes
 Corripiunt maria, & longè lata æquora currunt.
 Tranſveſtant aliæ pretioſas gurgite gazas:
 Sed rigidos aliæ belli formantur ad uſus.

Linter amar fluvios, & inertes Cymba paludes:
 Alveus in ſtagnis, per litora curva Phaſelus:
 Undoſique lacus alnos portare cavatas
 Conſuevere, Rateſque fretum arripuere volentes:
 Roſtratas concluſa Thetis petit æquore puppes,
 Pontus, & Ægæum, & Siculi maris unda Triremes,
 Illas trans Gades, pelagique in gurgite vaſto
 Reſpuit Oceanus, turritaque fluctibus altis
 Navigia, & magno patitur vix corpore 1 Gaulos.

Eſt varium & gentis ſtudio, ingeniumque viciffim.
 Gaudent Campani celeres agitare Phaſelos:
 His alacres Tyrrena ſecant vada, lætaque circum
 Litora, & apricos colles, & rura pererrant.
 Velocem Nereo Lembum dedit uſta Cyrene,
 Celocemque Rhodus: Phœnices in æquora Cymbant
 Miſere, & Canna pelagus fregere Micipſæ.
 Aſſuta veteres fulcarunt Pelle Britanni:
 Pelle etiam, quotquot rigidis tenet Urſa ſub oris,
 Æquora cana legunt: & ſutilis orbe torundo
 Euphratem irrupit venientem gurgite Linter.
 Fertur & Ægypti regnatrice barbara Memphis
 Argilla feciſſe ratem, teſtamque cavatam
 Suſcepit medio miratus flumine Nilus.
 Flumineam biblum, & niveam junxere papyrus
 Prædones, qui ſtagna colunt torpentia Nili.
 Quique Erythræa tenent vada læta, rubentibus undis,
 Artibus inventam patriis miſere Biremem.
 Inſignes auro, ut perhibent, oſtroque Triremes
 Cæruleis admovit aquis generoſa Corynthus.
 Conſtratas verò Thaſii fecere carinas,
 Magnum opus, & duro fortiſſima machina bello.
 Illyris Adriaco celeres agit ora Liburnas:
 Ionium, Siculumque rapit. gens Itala piſtas
 Penteres 2 in bella trahit per cærulea puppe 3

E 3

Illas

1 Eſt Gaulus ab antiquis pro ſnavi oneraria accipitur, nos pro Gaulis
 car naves accipimus, quas Hiſpani (Galcones) appellant. 2 Quinquere-
 mes, in quibus quinque remiges ſingulis remis inſiſſunt.

Illas Hispani pariter, Gallique rogati
 Ædificant: illos imitata est barbara Thrace.
 Trans Calpen, extrema colunt, quæ litora gentes
 Oceani ad fontes, alaro flamine currus
 Ingentes agitant: his dorso turribus altum
 Impositis Atlanta domant, franguntque ruentem.

His animadversis, certas præscribere leges
 Aggredior. Postquam plumbo, miniove rubenti,
 Exiguam in sicco pinxisti cortice puppim,
 Et partes omnes, atque intervalla notasti,
 Ingentem in primis opus est, Palinure, quadratam
 Sternere humi fagum, aut pinum, pedibusque duobus
 Sexaginta super quæ sit tibi longa: sed alta
 Bis septem assurgat digitis, densisque patescat,
 Penterem si fortè velis fabricare, vel ingens
 Navigium: quæ prora venit, pandam inferre fagum,
 Adde aliam quæ puppis erit: sed & utraque fagus
 Viginti sit longa pedes, si cura triremem
 Moliris magnæ verum fundamina puppis
 Si jacias, obliqua cadat rectissima fagus
 Postera, quæ puppis faciat primordia quadræ.
 At si majores pelago deducere naves,
 Nauta, cupis, majora solo tunc prima locato
 Fundamenta: (Operis fundamina prima futuri
 Qui majora jacet, majus consurgere in altum
 Cernet opus: Sequitur moles exordia prima)
 Sic centum super inflexam jussere carinam
 Ire pedes alii: bis senos insuper clli
 Addere consuerunt illi, qui corpore gaulos
 Ingenti fabricant, vastum quibus æquor arandum
 Oceani: at terris conclusum qui mare sulcant,
 Non tam magna locant fundamina prima carinæ.
 Sexaginta, quibus vectoria ponitur: at qui
 Celoces agitant velis, celeresque liburnas,
 Quadraginta trabem sternunt de more repandam.
 Hinc & digressus, costas adnecte carinæ.
 Et costas curvo facies de robore cerri,
 Aut fagi: in medio sed curvatura repostis
 Major erit. magnum verò si texere cures
 Navigium, latè costas laxabis in orbem,

Trans.

Transversum ascendant, pedibusque à cespite surgant
 Bis septem pro navi, altæ pro mole carinæ
 Adde unum: gaulique duos sibi jure reposcunt.
 Bis senos aliæ exoptant, denosque minores,
 Ut celox, lembusque celer, ratis, atque liburna.
 Illas, dùm spinæ radiis nectuntur acutis,
 Subiecti teneant firmo munimine pali.
 Hinc geminum compinge latus: sylvisque resectis,
 Ardua velivolæ confurgant mœnia turre.
 Quæ si terribiles belli formantur ad usus,
 Et solidis veniant trabibus: sic fortius ictus
 Excipient, Martemque ferent: non ære canoro
 Evibrata leves dirumpent fulmina truncos,
 Diffricietque latus glans ferrea: mœnibus altis
 Exiguum faciet, trunco oblucente, foramen.

Quantum autem in medio puppes laxare cavatas
 Conveniat, quantum sensim decrescere utrinque,
 Edoceam. Pentera pedes bis tende novenos.
 At Galli, Rhodiique duces, qui salsa triremes
 Per vada veloces agitant, tres demere ab illis
 Consuevere: leves ac si fabricare biremes
 Exoptas, septem pedibus tunc detrahe primis.
 Verùm si naves, quæ merces gurgite vectant,
 Aggrediare, duos illis super adde, magister.
 At quæ terribili veniunt pro munere belli,
 Bis senos addunt: sed maxima corpora gauli
 Quadraginta pedes laxari pectora poscunt.
 Et medio incipiant spatiis decrescere costæ
 Imparibus, paribusque, petant seu tramite recto
 Auratam puppim, aut proram aggrediantur acutam,
 Tandem (me toties acti per cærulea cursus,
 Et casus docuere, exantlatique labores)
 Illas laudato nimium, Palinure, carinas,
 Angusta quæ fronte patent, seseque relaxant
 Non multum in medio, & rostro attenuantur acuto:
 Sic faciles vento, longisque per æquora remis
 Tendere iter possunt, dextramque audire magistri,
 Accelerare fugam, & venientes gurgite ab alto
 Transversum abruptos montes diffindere aquarum.
 Non secus ac volucres gracili, quæ corpore præstant,

Aëra diffundunt lapsu, celerique volatu
Obiectam irrumpunt nubem, ventosque laceſſunt.

Post ubi compactum ſteterit latus abiere multa,
Tende trabes: magnumque trabes ſuper intice tectum:
Et ſpondas circùm ſuccingat zona ſupremas.
Intūs prima locum putris ſentina tenebit:
Hanc ſuprà conjeſta cauo tabulara reſeſſu
Proxima ſuccedant: ſtabitque his ſedibus imis,
Libratura ratem, fluctu jactante, ſaburra.
At ſuper annoſo facies de robore cellas,
Concluſis annona quibus ſervanda fenestris,
Atque oleæ, laticeſque ſacri, quadræque tenaces,
Atque nitrum, atque pilæ, atq; horrendi copia Martis.
Aſt alibi ſomno concedant mollia membra
Delecti proceres, deſeſſaque corpora curent.
Puppe ſub extrema ſtabit domus ampla, ſupremi
Illa ducis, circùm piæis ornanda taperis.

His actis, properè inſequitur formanda magiſtro
Altera pars navis, quæ primo à limine ſpondæ
Altior aſſurgit. Varius fabricantibus offert
Se modus hîc primùm, validas ſi cura triremes
Moliri, è ſago, aut cerro, Palinure, reſeſta
Viginti quatuor neſtantur in ordine tranſtra
Ad latus hînc, illinc, geminoque ſedilia verſu.
At ſi, quam tæxis fuerit prætoria puppis,
Adde duo: quatuor ſuperaddere barbara Thrace
Conſuevit: ſed mole gravis non apra per undas
Ocyus ire ratis, nec cærule frangere gyro.

Infames pelagi prædones, Africa nutrit
Barbara quos Tellus, & moribus imbuunt atris,
Quique nigras animas nigranti in corpore verſant,
Euripedes agitant per cærule ſalfa biremes:
Ac gemino verſu bini per tranſtra ſedentes
Viginti inſurgunt remis, celereſque per undas
Aſſugiunt. latè & terras prædantur, & æquor.
Dii ſuperi, infames longè detrudite ab oris
Italiz, & pelago prædones mergite: Diris
Quos ego: ſed cæptas præſtat compingere puppes.
In medio protende foros, tabulataque junge,
Aſſeribus nexis, binos agitaria longa

Ac-

Accipiant homines: intrus sub fornice cellas
 In longum extende, & tabulis compone politis,
 Vela quibus, funesque, & candida lina repones.
 Ultima zona latus currat longissima circum
 Pineæ: perque latus pateant sub margine summo
 Spiramenta, quibus venientem à gurgite pontum
 Accipiat, reddatque, freto iactante, carina.
 Margine & in summo per cuncta sedilia lignum
 Fige tetes, qui scalmus erit: religandus & illi
 Impulsurus, erit, spumantia marmora remus.
 At remum pini facies de robore recto,
 Vel fagi, qui confusus erit, circumque rotundus:
 Sed qua parte ferit maris æquor, palmula ligno
 Infit acuta, leves quæ dissecet ocyus undas.
 Quadraginta pedes & sit tibi longus: at ille
 Longior, ingentem pellit qui mole Chimæram
 Prætoris: brevior sed si citet ille biremem.

Sed prætoræ labor prærata subit: ergo age, binas
 Mole pari turres, quæ Martia tela retundant,
 Æraque terrificis sustentent horrida nimbis,
 Arboribus sectis, medioque in vertice fige.
 Adde ori rostrum, & rostro ferrum infere acutum.
 Ardescant auro, atque è murice rostra rubescant.

Hinc procera venit docto formanda magistro
 Puppis, & in puppi varianda aplustria signis.
 Dædala puppis erit. puppi cælentur in auro
 Fortia facta ducum, & patriæ decora inclyta gentis.
 Parthenopæus Hylas Sirenes cælat in auro,
 AUSTRIACOS animat Reges, domitosque tyrannos
 Sub pedibus statos inscribit, & insuper addit
 Arma virum, galeasque, & capta insignia regum.
 E-nuce sublustri facies subsellia longa
 Hinc, inde: & circum variis intexta figuris
 Cælatura humeros exoriet, & aurea signa
 Sint super: Attalicique regant convexa rapetes.
 Inde coronato consurget vertice, opacam
 Quæ nitidis noctem vincat pharos aurea flammis.
 At medio regis cælata insignia fulvo
 Sint auro, atque auro prætoris signa nitescant.
 Qui semota colunt felices regna Cyambes,

Tur-

Turrito geminam fecerunt vertice puppim :
 Ac nautis gemini pariter dant jussa magistri,
 Insuper his, curva surgit quâ mole carina
 In medio clavus duplex figatur: aduncus
 Alter erit, qui salsa petat, circoque rotundo
 Alter, & incurvum remonem, utrique tenebunt
 Mole pari: tantum descendat clavus in undas,
 Cæruleis quantum tollit se fluctibus. At me
 Nunc majora vocant altæ molimina puppis.

Est in secessu Adriaci maris, æquore in ipso
 Urbs augusta, potens armis, regnisque superba,
 Et latè imperio multos dominata per annos,
 Cui placidis famulatur aquis Neptunus, & altus
 Adria, & Ionium cum fluctivago Ægæo.
 Et quæ (vera fides, diæ cecinere Sybillæ)
 Felix æternum terris durabit, & omnis
 Adriaci maris imperium sine fine tenebit,
 Italix decus alium, & libertatis avitæ
 Reliquiæ, & prisca quicquid jam restat honoris.
 Illa etenim afflictis melius confidere rebus
 Dat fractam Ausoniam: Superum pietate relicta
 Præsidio miseræ: nam sæpè potentibus armis,
 Instantes jugulo Mauros avertit iniquos,
 Immites pepulit Thraces: fregitque tyrannum
 Auroræ, & victum retrò dare terga coëgit.
 Illa & justa animo rursus nunc concipit arma,
 Pontificis Magni jussu, monituque Deorum;
 Scilicet Europa, totoque Oriente tyrannum,
 Atque Scythas fuget immanes, & fortibus armis,
 Conetur fluxas Asiæ res vertere fundo.

Hanc urbem Veneti augustam coluere per annos
 Mille, tot & populis leges, & jura dedere,
 Qui magnas ingenti i Hepteres corpore longè
 Adriaci præter fines duxere sub Ortum
 Primi, & Neptuni domuere tumentia regna.

Has ubi turrita compingere mole triremes
 Aggredi, solo primordia prima carinæ
 Latiùs extende, & lato sit corpore pinus.

Et

^a Sic appellavimus eas naves, quas Veneti (Galeazze) vocant; nam
 sepius remige impelluntur.

Et costas laxabis, & altiùs abiete seſta
 Attolle, & medio major ſit mole triremis.
 Adde etiam nova tranſtra, quibus generoſa juventus
 Septeni remum impellunt; & longior ille eſt.
 Sitque urbi lorica, & proræ in vertice turres
 Sint geminæ: turrita tibi ſit & ardua puppis.
 Mœnia ſed circum plures ſint curva fenestræ,
 Æra quibus ſub Marte tonent, & fulmina vibrent.
 Tertius è puppi ſurgens ſe malus in auras
 Rectus agat. Sed Major erit tibi cura, magiſter,
 Ornandæ minio puppis, nitidiſque figuris.
 Ludentes tremulo delphinas in æquore ſculpes,
 Tritoneſque cavo pulſantes cærule cornu,
 Et Glaucum, & Proteum cum ſemiſero comitatu.
 Ipſe vel in medio fulvo cælandus in auro
 Sylvarum regnator erit, dominuſque ferarum
 Magnanimus LEO, quem latos diſfuſa per armos
 Exornet juba, cæſariem ſimulata comantem.
 Et geminas armis, erectasque inferre pennas.
 Verùm olli in primis fronti generoſa ſuperbæ
 Majeſtas inſit, vivoque in lumine vultus,
 Ut credant ſpirare: manuque impone rapaci
 E calybe, at gemmis textum fulgentibus enſem,
 Et ſubter Fidei, Paſſique volumina Divi,
 Quæ ſervet, Thracique necem, ſtragemque minetur.
 At capiti ex auro effinget ſplendente coronam
 Eois rutilam baccis, oſtroque nitentem.
 Inde coronatæ depicta in vertice puppis
 Æquatas Aſtræ gerat juſtiſſima lances.
 Sint & divinæ pulcherrima virginis ora,
 Atque comæ, flavoque comæ nodentur in auro.
 Plurima cæruleo veſtis fucata colore,
 Et nitidas ſparſum referens argentea ſtellas,
 Circumdet, niveique incingant crura cothurni.
 Sed jam cæruleos pelagi compingere curtus,
 Vela quibus multo ſurgentes flamine venti
 Impellunt: fortes & ſunt pro remige venti,
 Aggredior. Primæ ſurgat de limine ſpondæ
 Majori cum mole latus. ſuperiniſce tectum
 Tecta ſuper: circumque latus ſuccingat utrumque.

Zona alia ex fago: sit tertia margine summo.
 Hinc fabricanda tibi magnæ sunt mœnia turris.
 Quæ Martem accipiant venientem, atq; obice nautas,
 Armatosque tegant. circum spiramina muro
 Tot facies, tormenta velis quot Martia turri
 Addere, flammivomo turbant quæ sydera nimbo.
 Viginti gestare solet vectoria: sed quæ
 In belli casus veniunt, agilesque per undas
 Mole levi fugiunt, prædasque ad litora vectant,
 Quadraginta ferunt: magni sed corporis alni
 Sexaginta sinu comprehendunt: maxima gauli
 Mœnia centum etiam crepitantibus æra sub auras
 Accipiunt bombis, trifidæ Jovis æmula flammæ.
 In puppi tormenta duo retinacula circum:
 Æra locant alij: quatuor longissima, curvo
 Illa ministrantem clavo, clavumque tuentur.
 At quæ terribilem belli texuntur ad usum
 Terna tenent tabulata: pedes quæ diffusa denos
 Semper erunt: geminus sit mœnibus æreus ordo.
 Alter & in puppi superadditur: ænea binis
 Mobilibus tormenta rotis, teretique cylindro
 Impones: sic ore cavo dum fulmina torquent,
 Retrò referre pedem facilis via, neve reluctet
 Navigii pars ulla: ruant ne scissa per undas
 Roboraque, tabulæque, intretque patentibus æquor
 Scissuris: puppisque, freto refluxente, fatiscat.
 Mobile quin etiam lignum compinge fenestris
 Cardinibus super, ut concludier omnia possint
 Spiramenta, mari turbo cum venit ab alto,
 Ingeminatque vadis tempestas atra refusis.
 Hæ sunt præcipuæ fabricandis puppibus artes.
 Pangere celocem facilis labor: adde, magister,
 Testa super latus, atque humero tenus intege nautas.
 Accipiat puppis rectum: stet vertice cellas
 Lora reget currus confidens claviger illa.
 Cura levem cymbam, & pictos formare phaselos
 Haud equidem tibi multa: laborque facillimus illas
 Tenuibus è truncis compingere: transtra neque illæ
 Accipiunt, sed firma tenent latera alta tenaci
 Annexæ clavo tabulæ, quibus assidet æquor

E ver-

Everfura levi remo generosa juvenus,
 Qui cymbas agitant, confis maria alta sedentes
 Semper arant: celeres pubes Campana phaselos
 Per fluctus erecta vagos impellit: & omnes
 Ad numerum remis feriunt mare, & æquora verrunt.
 Sint costæ terno digito vix latior uno
 Sit tabula: & multo non surgat pondere linter,
 Ocyus ut pelago fugiat, dextramque magistri
 Audiat: è prora surgat tibi malus ad auras
 Mobilis, & quadrum sustentet pertica velum.
 Ad latus hanc, illinc sint bina sedilia puppi,
 Et variata super protensa tapetia, & altus
 Sit rectus velo fornix, villosaque circum
 Zona fluat, rapidos Solis quæ temperet æstus.

Semoti qui regna colunt vastissima Congi,
 Innocui Æthiopes 1 Zaireja flumina circum,
 Ingentesque lacus, per quos fluit amne canoro
 E 2 Lunæ rapidus descendens vertice Nilus,
 Immenfos soliti truncos agitare cavatos
 Arboris unius (licondum nomine dicunt)
 Bis centum trunco insidunt, remisque laceffunt
 Cærule: læthiferas etiam vibrantia glandes
 Ara cavo imponunt trunco, & fera prælia tentant.

Cura dehiscences superest occludere rimas,
 Ante mari puppes quàm miseris: imber apertis
 Ne commissuris ruat intus, & æquora puppes
 Accipiant. contusa rudis pars ultima lini
 Proxima corticibus rimas opplere parentes
 Optima: quæ rimis ferro trudatur acuto.
 Fluminei crimen calami contundere quondam
 Consuevere humiles Batavi, rimasque parentes
 Opplere: Eoi dispersa per æquora gentes,
 Quæ tot regna tenent, truncorum cortice nequne
 Vulnera: sed valido primum sub pondere tundunt.

Sic lino stipata rudi, linienda liquenti
 Puppis erit cera, tædisque ungenda refusis.
 Alta picem Phrygiis mittet de montibus Ida,
 Aut vicina dabit tibi Sila: in rupibus altis

In-

1 Fluvius, & Lacus in interiori Æthiopia (Regno di Congo) quibus
 de Zaire nomen accipit. 2 Luna montes, ex quibus defluit Nilus.

Igentes alit hæc pinus, quibus atra liquatis
 Pix coquitur, centumque fluit fornacibus humor
 Densus, opacus, iners, viscoque tenacior ipso.
 Verùm alba, ut perhibent, instructas calce carinas
 Illiniunt primo gentes Oriente repostæ.
 Est opus accensa tabulas, & inungere cera,
 Et pice nigranti, clavisque adnectere acutis.
 Succendunt alii tabulas: picibusque liquatis,
 Accensisque linunt alii: sic atra tenaci
 Pix jungit nexu tabulas, & firmiùs hæret.
 Pellit & æratis inimicum puppibus imbrem.
 Alta etiam tabulata linunt, tædisque præustis
 Incendunt, nè fortè graves cùm miserit undas
 Juppiter, accipiant imbrem, rimisque fatiscant.

His actis, cave continuò navalibus alnum
 Instructam pelago deducas: tempore certo
 Compacta in siccis opus est insistat arenis,
 Ut nexæ partes coalescant, fluctibus at si
 Committas, casusque trahas spectare marinos,
 Concussa compage trabes, tabulæque dehiscant,
 Fissæque diductis solventur vulnera rimis.
 Ceù currente rota si cùm cavus urceus exit,
 Nec coctus fornace priùs, vel sole sub alto,
 Accipiat lymphas, paulatim frigidus humor
 Laxabit rimas: sensim compage soluta,
 Urna dehiscenti, recludet vulnera, creta.

Interea famuli antennas, malosque laborent.
 Corticibus nudata suis longissima pinus
 Malus erit, superis qui se rectissimus auris
 Inferatis & nodo careat: non fissilis ille,
 Non obliquus erit: veniatque à cespite major:
 Inde minor sensim tenuatus acumine surgat.
 Par ille incurvæ tollat se mole carinæ,
 In medio qui rectus erit: verùm alter in ipsa
 Curvatura insit spinæ minor. utraque pinus
 Unus erit truncus. cuneis firmetur acutis
 Pterna foraminibus, medioque immota quiescat
 Ponderibus librata suis longissima sylva.
 Navigii malos soliti formare magistri
 Arboribus geminis, ut cùm furit Æolus antro,

Altior à summo demitti vertice possit.

Quin & celo ce in media non rectus ad auras
Ascendit: caput obliquum sed flectit in undas.

Antennas gemini annoso de robore trunci,
Connexique dabunt: illos tu vimine torto
Firmiter adstringe, & picibus perfunde liquatis.
Ne pluvix noceant: quin &, Palinure, memento
Arboribus formare pares: sed pondere major
In medio tibi truncus erit, partesque per ambas
Attenuatus eat, cornuque nitebit acuto.

Antennam è medio suspendes corpore malo:
Nam librata suo sic stat cum corpore moles.

Celoces alium attollunt à vertice malum.

Turritæ geminos alios portare carinæ
Consuevere: minor puppi præfigitur altæ:
Rostra per obliquus major descendit & alter:
Recta sed extremi pars tollitur ultima mali.
Maximus è medio qui sese nubibus infert,
Tres habet antennas alatis cornibus: ima
Longior & prima est pterna super: altera collo
Addita mole minor: tandem carchesia circum
Tertia contractis tendit se cornibus arbos.
Antennas totidem speculari vertice malus
Sustentat: geminas prorsus superadditus alter
Obliquus: major rectum premit una trachelum.
Ille unam è media surgit qui puppe tenebit,
Aurituque dabit velum venientibus Euris.

Quot tenet antennas, totidem redimire coronis
Cuta tibi malum, speculamque imponere summis
Verticibus, qua cuncta maris lata æquora custos
Inspiciat, referatque duci quas gurgite ab alto
Adventare videt puppes, quæ puppibus undent
Vexilla, hostilesne illæ, sociæne carinæ.
Vimineas etiam summis pendere coronis,
Atque imo scalas opus est firmari er unco.
In malum pubes contendet, & ultima mali
His animosa petet carchesia. Candida sed me
Poscunt vela: operis quæ pars non ultima nostri est.
Ergo age, pernices aptemus navibus alas.

Æolus, ut fama est, primus Neptunia regna

Au-

Audax velivola fugiens cum puppe cucurrit,
 Conclufitque finu ventos, & fœdera certa
 Aëria pepigit cum gente, & viribus ufus
 Molliit audaces animos, fregitque tumentes.
 Cana reluctantes tunc primùm carbafa ventos
 Excepere finu: molles audire rudentes,
 Et parere manu, & nutu didicere magiftri.
 Dædalus hinc fugiens Diâxi regna tyranni
 Carbafa Chalcidicas Cumarum invexit ad oras:
 Ex quo artem egegiâ nōftri accepere parentes.

Principiò tortum lini de cortice filum,
 Velocique dabit contextum peâine velum.
 Vela etiam duplici subtexere ftupea filo
 Eft opus, ut valido venientes flamine ventos
 Accipiant, tolerantque. intorta cannabe velum
 Subtexunt alii, geminataque ftamina torquent;
 Vimque addunt filis, ut ſint fortiffima vela,
 Ardentesque ferant ſpumofa per æquora nimbos.

Vela Terapnæi, ut perhibent, regina Canopi
 Serica contexto pretiofo vellere fecit.
 Verùm hos barbaricos luxus, quos femina vexit
 Non ego laudari: nam ſerica texere vela
 Barbara luxuries regum eſt, & ſumptus inanis.
 At nigri Æthiopes nudati pelle draconis
 E puppi accipiunt ſurgentia flamina venti.
 Arctoïs ſed regna tenent qui cana pruinis,
 Nervis vela ſuunt, direptaque piſcibus exta
 Suspendunt malo: duris dant pellibus Auſtros
 Diverſa à nobis habitant quæ litora, gentes
 Axe alio, quâ rara polo circumnitet Arctos.

Qui Magellani verrunt freta conſita ſaxis,
 Concludunt rapido venientes murmure ventos
 Cortice in arboreo, qui regna rubentis Eoi
 Gangaridæ, Seresque colunt, & durus Iapon
 Vimineam Zephyris tegetem ſpirantibus alto
 Expandunt malo: ſtoreisque canentibus aura
 Obſtrepit: inflatæ tegetes ſpumantia currunt
 Equora. tu foliis contexere vela caveo,
 Nauta: ſed Eoi ſi ſit maris æquor arandum
 Trans freta, trans Gades, gemina compingere tela

Car.

Carbasa præcipio, ut dirum Typhona procellis,
Ac Præstera sinu possint tolerare furentem.

Est autem duplex veli genus. alta triremis
Per fluctus aurita Notis dat vela secundis.
Antennæ geminas suspendunt cornibus aures:
Cannabe pes imus duro religatur ab unco.
Celoceſ etiam, lembique, liburnaſque velum
Auricum ventis committunt: cætera quadra
Navigia expandunt ſua vela, ruentibus Euris:
Demittuntque pedes geminos, longoque rudente
Unco nauta ligat, circoque rotante, revolvit,
Contrahere ut facilis labor, & laxare rudentes.

Prætereà tibi velorum ſit copia multa;
Nanque uſus pariter varius. cùm murmure leni
Felices ſurgunt auræ, tunc maxima vela,
(Artemones noſtri Graio cognomine dicunt)
Dant levibus nautæ Zephyris, & cæcula currunt.
At cùm ſylvifragis agitatur Notus aëra ſtabris,
Aut Euri ruit, aut Boreæ intractabilis ira,
Contrahit Artemonem, parvoque Dolone magiſter
Parciùs ardentes gremio venti accipit auras.
Dae 1 Medium in ventum, juſto cùm murmure Corus
Obſtrepit. Aprandum velum ſpirantibus auxis.

Sunt etiam texenda tibi de cannabe vela,
Suppara 2 Romani appellant, quæ plurima ventum
Accipiunt gremio moriturum, atque ocyùs alnos
Pontigrada, per falſa citant, curſuſque ſecundant.
Hæc aliis alto jungenda in vertice mali,
Et firmandus erit curvo pes unicus unco.

Cannabe cura etiam longos torquere rudentes;
Et facies variòs, vario pro muneris uſu.
Majores illi, jaciunt quibus anchora fundo,
Et quibus æratæ religantur ab aggo puppes,
Semper erunt: alii verùm qui vela minores
Sũſtentant: tenuique alii de ſtamine ſcalas
Facturi veniant. ſint ſtupea vincula veli.

Prætereà annoſo fagi de robore clavus

F

For-

1 Sic vocamus Epidromon velum, quod noſtri dicunt (la mezzana.)

2 Sicut veluti velorum ſupplementa, quibus utuntur nautæ, cùm languet
vis venti, noſtri appellant (contravento).

Formandus, Palinure: uno vix latior ala
 Sit pedes; & in gyrum sensim curvarier illa
 Incipiat radice; hinc, & tenuetur acutum
 In collum, ut pandæ respondeat ille carinæ.
 Verùm 1. lax capulo formetur acutior, 2. asser
 Quà pater, imponi ut valeat versorius illi:
 Et denis erit hic pedibus tibi longior asser.
 Mox alæ in latere oblongum cum cuspidē ferrum,
 Conjuncturæ aliud circo defige rotundo:
 His clavum accipiet puppis, quâ torquet habenas
 Ipse gubernator, tenditque per æquora cursus,
 Sint geminæ hinc, illinc trochleæ, versare magister
 Queis clavum possit, quâ venti, & sydera ducunt.

Hæc præter, ferro superest cudenda Britanno
 Anchora: & hæc binis armatur dentibus una,
 Altera sed quatuor: capulo simul annulus infit,
 Quo religanda, mari dum mittitur: axis & illi
 Subter acernus erit: sint bina foramina proræ
 Per quæ funis eat, dum protinus anchora in undas
 Proicitur: transfusa cavo religatur in unco.
 At non una tibi duro formanda metallo
 Anchora, sed plures, quarum quæ maxima, nautis
 Dicta est sacra: Notæ cum perfurit ira, sub æquor
 Descendit, navimque immenso corpore fundat.
 At verò è pelago cum educitur illa profundo
 Chænisco suspensa manet: chæniscus & infit
 Ad proram hinc inde, & clavis firmetur acutis.

Sed jam læta vocant instructas cærulea naves,
 Aspirantque levi in velum cita flamina cantu:
 Nec non & vitreis ludunt Nereides undis.
 Ergo age, purpureo textam de flore corollam
 Puppibus impone: & sermo redimita juvenus
 Frondenti nitea, viroque a plustre virenti
 Floreat, & lauro carchesia summa nitebunt:
 Et molles sternantur humi violæque, rosæque.
 Tempora dein sacra præcinctus fronde sacerdos,
 Accensamque ferens tædam divina facessat.
 Solemnesque preces præfatus ab ore, catinas

De-

1 Superior clavi pars, ita Morisotus, & alii. 2 Scilicet manubrium
 quo clavus hæc, illæ vertitur.

Depictas veteri patrum de more sacrabit.
Nuncupet & Superis felicibus, altaque puppis
Præferat ex auro cælatum in vertice signum
Numinis, auratæ cui sit tutela carinæ .

Qui verò ingentes turrito corpore puppes
Ædificant, rostro in medio sub vertice proræ
Imponunt Oculum, cujus de nomine naves
Appellant, auroque Prycher, & murice pingunt.
Delphinos multi cælant, Scyllasque bifformes ,
Centauros alii armatos , aliique volentem
Pegasus, & armigeras Aquilas, fulvosque Leones ,
Et Tigre horribile, & Pistrim, indomitamq; Chimærā.
Quin etiam proræ pictis variare figuris
Consuevere genas, ornare & floribus illas:
Et simul auratis navim redimire corymbis.
Effingunt alii Mauros, viâosque Gelonos,
Qui magnis geminas sustentent viribus alas .

Sed deducendis quæ sint nunc navibus arma,
Expediam. Tibi multus erit pulvinus, & ingens
Ergata, pergrandes trochleæ, magnique 1 cameli:
Plurima & in gyrum versetur vestibus acta
Sucula, perque illam æquato se corpore vestes
Transiecti extendant. curvæ suppone carinæ,
Navita, fagineos axes, solidasque phalangas :
Et Cera ungendi, pinguique bitumine trunci.

Principiò consilla solo figatur acuta,
Atque alii ad litus pali figantur arenis ,
Quò versus magnæ mittendæ in cæcula naves ,
Tonsillis forti trochleas vincite rudente
Est opus, & duris firmanda est machina palis .
Hinc axes circum teretes, trochleasque camelus
Multiplici spira ducendus, & insuper ille
Non semel est circum navim volvendus in orbem .
Mox bini incipiant vestes versare ministri:
Nec cessent donec vitreas se puppis in undas
Mittat, & emergens suprà nate æquora moles.

At si quem fortè ars prorsus defecerit omnis,
Nec, quo sylva, modum, pelago mittatur, habebit:
Tempus & Ortygii memoranda inventa magistri

¹ Est & machina, & funis tractorius .

Pandere, quoque modo turritam mole carinam
 In mare deduxit pueri manus. altiùs omnem
 Expediam, antiqua revocans ab origine famam.
 Clara Syracosii qui regni sceptrâ tenebat
 Magnanimus Hiero, & Sículos ditione premebat,
 Ingentem lecto sylvæ de robore puppim
 Jussit artifices inoliri, & murice, & ostro
 Pingere, & auratis passim cælare figuris.
 Quam factò, infectoque auro, gemmisque coruscis,
 Cælatisque gravem signis, pictisque taperis,
 Atque ebore insignem multo, & nitido argento,
 Jam Pelusiaco regi donare parabat.
 Continuo artifices datum opus navalibus altis
 Experiuntur, & assidui compingere navim
 Concertant. fabricata brevi post tempore puppis
 Assurgit cælata auro, atque in murice fulgens.
 Ast ubi constructam pelago deducere fabri
 Aggrediuntur, & ingentes supponere vèctes,
 Atque axes motu faciles, teretesque cylindros
 Festinant alacres, circumque revolvitur ingens
 Ergata, stridente, hæc rotæ versantur in orbem,
 Aspiciunt vitreas turrim demittere in undas
 Difficile esse, ad eò urgebat machina mole
 Immensa: namque illa caput super altior urbem
 Extulerat, latèque suos laxaverat artus.
 Ergò alios poscunt socios, axesque rotundos,
 Et vèctes addunt alios, ac viribus urgent:
 Attramen incassum cecidit labor omnis: & illam
 Non axes, longique valent impellere vèctes:
 Et frustra juvenes subnixa viribus urgent.
 Ac velut in medio rupes immota quiescit
 Equore, quam contra Boreæ insuperabilis ira
 Infremuit, densisque ferox diverberat undis:
 Aut, Euro bacchante, ruunt stridore procellæ,
 Et commota ferunt spumantia cærulea nimbis.
 Allisæ franguntur aquæ, franguntur & Euris
 Stat rupes immota, & cedere nescia ventis.
 Sic & firma manet, nec vèctibus ardua cedit
 Machina, vimque omnem superat, nifusque potentes.
 Hæc ubi cognovit miratus ab arce tyrannus,

Ortygium sub tecta senem jubet aurea duci,
 Magnarum cui summa datum molimina rerum
 Ingenio tentare, manuque attollere quicquid
 Magnum mole foret, cunctasque exquirere causas
 Occultas rerum, & numerum subducere arenæ,
 Fama per Ausoniæ, & Siculas vulgaverat urbes.
 Accivere senem famuli: pictæque repente
 Aulæ in medio senior stetit. excipit illum
 Rex Siculus, dextramque viro dat pignus amoris.
 Divinum rogat inde senem, stimulatque precando,
 Fluviis ut navim deducat, & aurea poscat
 Præmia. donandum magno se munere speret.


Sic fatus rex est: placido cui talia contra
 Ore refert senior: Faciam, rex magne, quod optas.
 Verum nulla mihi donari præmia posco;
 Tangere nam dextram satis est potuisse tyranni:
 Et satis ipsa sibi quovis pro munere facta
 Egregia, æternumque manet laus, & decus ortum
 Ex illis. Mora nulla, rotas formare metallo
 E solido jubet artifices, & dentibus illas
 Armari obliquis, numero sex: æraque cudi
 Hac lege, ut spatiis semper majoribus orbes
 Se superent, primusque minor, majorque secundus.
 Imperat & totidem pariter fabricare minores.
 Interea quatuor præstanti robore trunos
 Litore sustollit: totidem mox desuper addit
 Ad latera, & clavis capita ultima necit acuris.
 Subter, & hinc, inde, & medio sub corpore molis
 Ingentes necit tabulas, & multus in illis
 Ferreus, utrinque & versatilis additur axis,
 Quo rota versari possit: trabibusque locatur
 Ordine quique suo: innectiturque volubile ferrum
 Extremi capulo. quo circumvolvitur axis.
 Axibus inde rotas disponit in ordine curvas,
 Atque illas spatiis omnes determinat æquis,
 Dentibus ut cunctæ sese per mutua nexis
 Exciperent: vertique simul, volvique vicissim
 Unâ omnes possint: mox circumvolvit in axes
 Ingentem funem, quo à fronte ligaverat alnum.

His actis, pueri manibus versatile ferrum

Imperat in gyrum verti, sensimque rotari.
 Ut primum cœpere rotæ super axe revolvî
 Orbibus adversis, subito (mirabile dictu)
 Ingens paulatim deduci machina cœpit.
 Attoniti stupuere omnes: stupuitque tyrannus,
 Dum nova tantarum spectat miracula rerum,
 Quæ facili nisu nunquam facienda putasset;
 Nil leve confieri paucis res ipsa doceret.
 Et tandem exclamans: Quæ non miracula rerum
 Ingenium facit acre, manusque operosa magistri!
 Cui senior. Majora oculis spectacula rerum
 Aspiceres, mihi si sursùm subducere plantas,
 Et fas in tenui vestigia figere nube,
 Nanque ima mundum traherem de sede supernâ.
 Magna quidem: sed vera: neq; his deducere multû est.
 Tum rex: Credo equidem: nihil est molimine magnum,
 Difficile & nihil est, docti quod dextera tandem
 Non queat artificis superare, & vincere nisu
 Ingenii. Sed lata subit ratis æquora: retrò
 Subsequitur plausus populorum, & murmure festo
 It cœlo clamor: discursat læta per auras
 Vox: reboat mare longè, & litora curva resultant:
 Assurgunt plausu scopuli, & vaga murmurat unda.
 Hæc igitur Siculi memoranda inventa magistri:
 Et simul egregias artes, Palinure, secutus,
 In mare velivolas deduces litore puppes.

L I B R I S E C U N D I

F I N I S . .



NAUTICORUM

LIBER III.

HAstenus æratas puppes, & candida vela ;
Nunc te, Phœbe, canam: nec non cœlestia tecum
Sydera: te niveis etiam, Latonia, bigis

Undosi regnata feram per cœrula ponti .
Tuque vel in primis venies pars maxima cœpti,
Æole, inaccessosque petam, tua regna, recessus;
Ac nova pacatos revocabo ad carmina ventos,
Et genus, & mores, numerumque, & nomina dicam:
Divinumq; canam inventum, & data munera Divum.

Principio, Palinure, priusquam scindimus æquor
Ignotum per iter, varios prædiscere ventos
Est opus, & quo quisque suo de cardine perflat:
Quique polum nimbis contristant, quique serenant;
Nubibus expulsi: & cœli tempore certo
Dent faciles in vela auras: qui cœrula contra
Occludant, tristesque hyemes, & nubila portant:
Et tibi quo ventos prædicat Delia cornu,
Aut Sol, aut Helice, aut ardenti Sirius astro .
Atque hæc in primis solerti cura magistro
Semper erit, longè instantes prænoscere ventos,
Ire procellosas si vult impunè per undas,
Atque iterum patriæ portus spectare relictos.
Ipsi etiam tutis si classibus ire per altum
Et pugnare velint, clarosque referre triumphos,
Nosse duces ventos opus est, variantia cœli
Sydera, & Eos ortus, Solemque cadentem.
Nanque olim Zancle memini me turribus altis,
Quà Theris angusti veniens à sede Pelori
Obiectas modico terras secat ardua fluctu,
Evandron vidisse senem, cui multa senectus;

Lustra decem bis jam robustâ expleverat ætas.
 Hic mihi cærulei cùm jam confedimus ambo
 Ad molles pelagi ripas, ubi splendida luxu
 Alta theatrâli surgunt palatia circo,
 Maurolycum novissè senem narrabat, & illum
 (Multa viro virtus, multo sudata laborè
 Ars erat, & varii varia experientia cœli,
 Noscere seu vellet ventos, seu dicere cursus
 Astrotum, & longè ventientia pandere Fata)
 Austriaco donasse duci (qui victor ad altum
 Ionium, Eoi concussit regna tyranni,
 Avertitque hostem Italiæ, clademque futuram)
 Depictas minio tabulas, queis longa per omnes
 Scripta dies rerum series erat. ille futuras
 Hic tempestates, ventosque, & nubila, & imbres:
 Hic & purpureos Soles, cœlumque serenum
 Fatidicus niveo signarat cortice vates.
 Cùmque has ille duci properanti ad bella dedisset,
 Hæc olli dixisse ferunt: I, chara Tonanti
 Progenies, Fidei, & regni spes maxima nostris;
 Cùmque manus conferte paras, has, inclyte, primùm
 Consule; nanque illæ quæ sint ventura docebunt.
 Et sic Threiciis contundes arma tyranni:
 Et venies victor, spoliisq; Orientis onustus.
 Tu vatem ne sperne; Fidem observata merentur.
 Mox totam Evander repetens (audire videbat
 Me cupidum senior) memoravit origine pugnam.
 Tempus erat, quo celsa domus stellantis Olympi
 Panditur, Oceano tenebris, Lunaque fugatis,
 Purpureis variata notis Aurora rubescit:
 Cùm geminas fors una tulit propè litora classes
 Naupacti, & junxitque freti discrimine parvo.
 Est locus Actjæ Etolùm proximus oris,
 Flumina quâ nitidis Achelœia miscet arenis
 Ipse suis Neptunus aquis: hic Græciæ Tellus
 Hesperium ad Solem, & lavas se fleat ad undas,
 Quâ mollem Zephyrum, & felices accipit auras:
 Contrâ elata mari stat Neritos, ardua saxis.

Hic

2 (Lepanto) hinc victoria Naupactia. non longè ad Attinam pro-
 montorium Augusti victoria ex M. Antonio, & Cleopatra.

Hic geminas æstu terras secat unda revulsas
 Exiguos, senſimque patens fluit uſque Corinthum,
 Etolùm hinc regio eſt; illinc Pelopeſa regna
 Reſpondent: geminæ curvo ſtant litore ⁊ turres,
 Quæque Rhion Grajo quondam cognomine diſta:
 Barbara gens nomen nunc invertere vocantes,
 Hinc verò Etolùm quæ ſe cava litora ſeſtunt
 Cyrrhæum in pelagus, fundata virentibus arvis
 Naupactus, ſtatioque jacet benè ſida carinis.
 Trans Rhion obiectas Achelous ⁊ Echinadas undis
 Verberat, Hæ quondam (ni mendax fabula Graiùm)
 Najades errabant fluviis, quæ numine verſo,
 Nunc ſcopuli riguere mari, quibus alta trophæa
 Contigit Auſtriadum, & Venetùm ſpectare triumphos.
 Hos inter ſcopulos certatum Marte cruento
 De maris imperio. ò utinam non læva fuiſſet
 Mens hominum! tota fractus cum claſſe tyrannus
 Eoa nunc urbe foret, regnoque repulſus.
 (Et conceſſa ſequi, & Fatīs felicibus uti
 Neſcia mens hominum) Hos ſcopulos tenuere carinæ
 Auſtriadum, Venetùmque rates, cum Barbara claſſis
 Naupacti ſtatione ſedens dare carbaſa cœpit
 Trans Rhion, & ſenſim pelago ſe mittere aperto,
 Mille rates mare prætexunt, atque æra mille
 Vela, & mille leves fluitant vexilla per auras.
 Ipſe ubi jam properare hoſtem audiit Auſtriacus dux,
 Conſtitit, atque oculis plena æquora circumſpexit.
 Mox celſa in puppi circumveſtatus, in altum
 Agmen agit, tenditque acies, & cornua ſeſcit.
 Auſtriadum dextram claſſis, Venetùmque ſiniſtram
 Occupat: in medio puppes prætorix, & ipſæ
 Bis ſeptem, horrendi facturæ exordia belli,
 Turritæ ſteterunt primo agmine ⁊ Bucentauri.
 Jamque ruſcebant radiis ardentibus undæ,
 Eoa de ſede ruens cum ſibilus Euri
 Labitur Oceano: crepitanti flamme vela Odry-

1 (Dardanelli di Lepanto) vulgus vocat, per quos in Corinthiacum ſinum (Golfo di Lepanto) intramus. 2 Inſula ad oſſia Acheloi (Cruzolari) appellatur. 3 Sic non incongruè Hepteres, ſeu (Galeazze) vocamus à mole, quare liquas ſuperant, eſi non eadem ſit apud Venetos (Galeazza) & (Bucintoro).

Odrysium tumuere sinus: statuque secundo,
 Iamque propinquabat prima: ad tentamina pugnae
 Barbara Threlicium sinuata in cornua classis,
 Undantesque dabant vexilla argentea Lunas.
 Ast ubi Christiadae in protam descendere ventos,
 Atque hostes ruere adversos videre, repente
 Perculsi cecidere animis, trepidoque tumultu:
 Iamque referre pedem, & retrò dare terga parabant.
 Ipse sed Austriacus spes magnam in pectore versans,
 Ingentesque animos, altæ ad subsellia puppis
 Imperat acciri proceres. Utque ære canoro
 Increpuere tubæ, celeres ad jussa vocati
 Convenere, replentque duces subsellia primi.
 Tunc ille afferri tabulas, quas arte peritus
 Maurolycus dederat, famulos jubet: inde repandit
 Quæ vates ventura die signaverat illo.
 Hæc autem ventura die signaverat illo:
 Cum Sol Oceano surget, simul Eurus Eo
 Assurget: si fortè mari sese obuius hostis
 Intulerit, Martemque velit tentare secundum,
 Ne dubites conferre manus. cadet Eurus, & undas
 Afflabit Zephyrus, nubesq; immitter in hostes.
 Vix hæc Austriacus, procerum stipante senatu,
 Legerat, & classes dederat vulganda per omnes,
 Cum subiti rediere animi, strepituq; canoro,
 Arma petunt. Dictis tanta est fiducia vatis.
 Ipsa sed in primis læto clamore vocatur
 Divorum Regina, maris cui cæcula parent,
 Et cui deposito famulantur murmure venti.

Nec mora, continuo paribus concurritur armis:
 Classibus adversæ classes, rostra obvia rostris
 Ivere, ut belli signum prætoria puppis
 Fecit, & horrendo strepuerunt cornua cantu.
 Hinc celeres sicca servatam in reste favillam
 Admovere nitro, conceptoque ocyus igne,
 Emicuere tubi, sonitumque dedere metalla.
 Nec mora, millentæ fugiunt, rupto obice, glandes,
 Vulcano pellente: pluit latè horridus imber
 Ferreus, & nigræ tolluntur in aëra nubes,
 Et medias inter nubes micat ignibus æther

Cum

Cum tonitru. cœcis exhorruit unda tenebris,
 Et pulsata imo fremuerunt æquora fundo.
 Ac veluti ruptis, gremio fervente, caminis,
 Ingentes scopulos, & grandia saxa sub auras
 Vesbius agglomerat, disjectaque viscera montis
 Erigit eructans, & sydera verberat imbre
 Saxorum: totus radicibus egeritur mons.
 Flammarum erumpunt cunei sub nubila, & ingens
 It cœlo fumus, cœlique obnubilat astra.
 Præcipientesque ruunt pice nigra, & sulphure mixto,
 Ardentes fluvii, rapida flammante favilla:
 Subiectas replent valles: latè omnia circum
 Arvaque, litoraque, & villæ vastantur, & urbes.
 Non aliter gremio, suscepto protinus igne,
 Horrendum concussa cavo crepuere metalla:
 Dissiectæ tonitru glomerantur in aëra puppes.
 Mille trabes, & mille volant disrupta per auras
 Rostra, carinæque, quassataque fulmine vela:
 Corpora mille virum: medias dispersa per undas
 Arma fluunt, galeæque, atque altæ robora sylvæ.
 Odrysi, velis Euro spirante secundo,
 Audaces animos, atque irrita vota fovebant.
 Attramen incassum gavisæ Martæ secundo:
 Alternat Fortuna vices: Felicia cœpta
 Flebilis eventus, lacrymandaque Fata sequuntur.
 Iam Sol altus erat, confestim murmure, fracto,
 Euræus abijt. siluere vada: & stetit urraque classis,
 Sed concessa quies brevis est, pernicipibus alis,
 Allapsi Zephyri rupere silentia: festo
 Austriaci Zephyros venientes murmure læti
 Accipiunt: tumuere sinus: tumuere secundis
 Auspiciis animi: læto clamore laceßunt
 Sydera: bella iterum, & victricia signa reposcunt.
 Magnanimus dux audentem in certamina pubem
 Tùm sic aggredituri Promissi numine venti
 En adsunt, reliquum; in manibus victoria vestris
 Tota est. ite: præit quoniam Fortuna, sequendum est.
 Nec plura. Austriaci invadunt, & rostra feroces
 Vi superant, ruptoque velut ruit obice ripæ
 Immissis cum flumen aquis, & murmure rauco,

De-

Deiectat latè segetes, populatur & arva.
 Christiadx in classem irrumpunt, atque obvia diti
 Ense metunt, cædesque, & passim funera miscunt.
 Ipse ubi præcelsa in puppi conspexit Alymum,
 Irruit Austriades contrà, & præcordia multo
 Barbara transigit ferro: ceciditque superbus
 Mole gigas, strepituque iit indignatus ad umbras.
 Qualis ubi in sylvis contorto fulmine pinus
 Icta cadit, gemituque replet nemora alta supremo.
 Tunc cæsi caput Austriades obtruncat, & hasta
 Præfigit, tollique jubet de vertice puppis.
 Ut cæsi de puppe caput, lacrymabile signum,
 Threïcii ducis aspiciunt, trepidi ocyus omnes
 Prona fugæ dant terga, ratesque ad litora vertunt,
 Insequitur victor: ferro debellat & igne.
 Quid plura? ardent rostra: viri sternuntur, & omnes
 Equore dispersi vento jactantur, & armis.
 Christiades læti exultant, Superùmque salutant
 Reginam, tanti fuerat quæ causâ triumphî:
 Atque ipsos læto Zephyros clamore salutant
 Propitios. Aded ventos prædiscere magnum est.
 Hæc quondam Evandrum memini cecinisse sub altis
 Turribus, angustî quâ fluctuat unda Pelori.
 Sed me jam Zephyri, & felicior evocat aura:
 Ire animus. Faciles concedite carminis æstrum.
 O Musæ, & celeres properate per ardua mecum;
 Nanque iter in nubes intendimus. Est locus ingens
 Ætheris in medio, rigidis ubi plurimus horret
 Aër frigorebus, volucrique impervius omni est.
 Proximus huic alto flammis ardentibus instat
 Juppiter: ima tenet dulcis mortalibus ægris
 Temperies, magno Superùm data munere divùm.
 Pendula se circum regio diffundit in omnes
 Terrarum, pelagique plagas; sed major in axe
 Arctoo, gelidisque riget stipata pruinis:
 At Sol Æthiopas quâ ferventissimus urit,
 Strictior illa, nimis vicino pressa calore:
 Sed geminæ in medio quâ zonæ habitabilis orbis
 Temperiem, & mixtam faciunt cum frigore flammam.
 Stat justis extensa locis. Hic æthere regna

Æolus alta tenet. veniunt his sedibus Euri,
 Et Zephyri, Corique, & nimbiferi Aquilones.
 Hic nubes etiam concrescunt tenuibus alto
 Halitibus gremio missis Telluris ab imo,
 Cæruleique cadunt, submotis nubibus, imbres.
 Ergo age, nunc causas mecum tentare latentes
 Aggredere, & prima revocemus origine ventos.
 Tantisper, Palinure, licet divertere clivo:
 Haud equidem labor incassum, nec inutilis error.
 At tu, quo nostræ lætantur Apolline Musæ,
 CARDINIDE generose, præi, tensesque per auras
 Sterne viam vati facilem, incæptumque secunda.

Sol maria, & terras, flammis vitalibus, omnes,
 Aëraque irradians, animantia cuncta calore,
 Cunctarumque fovet causarum exordia prima.
 Semina compingit rerum, concretaque vertit,
 Atque novas cogit paulatim sumere formas;
 Rerum quippè parens Sol est. sic humida Tellus
 Phœbeis sensim radiis tepescit relaxat,
 Recluditque sinum: tenui volat halitus aura
 Nimborum in sedes. hic frigore pressus iniquo
 Stipatur: ceu parva phalanx, cum fortior instat
 Hostis ab adverso, cuneis densatur acutis:
 Colligit & vires, atque arma, globosque ruentes
 Obiectis contrà scutis, hastisque repellit.
 Sed gravis ille venit concretus, & aëre ab alto
 Labitur: & patrias iterum descendit ad oras.
 Hic rursus tepescit abit resolutus in auras:
 Et sensim major, majorque accrescit eundo.
 Ac tandem spatii nimium conclusus iniquis,
 Quà via per mediâs nubes, perque aëra latè
 Sese aperit, citus irrupit, velut acta sagitta,
 Stridulus, & circum rapidus se trudit in auras:
 Atque auras premit obstantes, premiturque vicissim.
 Stare loco nescit: celeri secat aëra lapsu,
 Dum fugit, & miscet maria, & nemus omne tumultu.
 Non secus admotû: rapidis si fortè favillis
 Vas fuerit, cui stricta manent, oblongaque colla,
 Æneus & venter magnum turgescit in orbem:
 Intus paulatim ferverescens humor ab igne

Sol.

Solvitur; & tenues rarus se verrit in auras:
Ac majora petens latè loca, it halitus alto
Colla per oblonga erumpens, tractimque volando
Attenuatus abit, sonituque effertur acuto
Stridulus, & multo fugiens nifu premit auras
Obiectas, rãdicoque imitatur murmure Coros.
Non intermissi flantes sic aëra venti
Continuis agitant flabris, & cœrula vertunt;
Quippè sinu terræ semper vapor exit ab imo.

Incerti quondam perflabant marmora ventî;
Nec numeros norat, nec nomina fecerat illis
Navira, nec medio spectarat ab æquore stellas.
Ast ubi culta Thetis, celeresque innisit in undas
Audax nauta rates, sua tùm 1 cognomina ventis,
Omnibus & sua tùm pariter data nomina stellis.
Primus purpureo cœli de cardine præcep
Eois ruit 2 Euris equis. contrà æquore ab alto
Quà Sol flammiferos rubro lavat amne jugales,
Assurgit 3 Zephyrus. mundi de sede nivali
Descendit 4 Boreas nivibus stipatus, & horrens
Frigoribus multis: contrà venit humidus 5 Auster
E Libya, & pluvio contristat turbine cœlum.
Hos inter quatuor totidem generantur, & illis
Nomina nauta dedit. Boream strepit inter, & Eurum
Ventus, ab egelidis mittit quem rupibus Æmi
Græcia: 6 Græcum Itali jam nunc cognomine dicunt.
Contrà hunc nimborum densum citus explicat agmen
Africus, 7 & Mauris descendit ab usque præfustis.
Hybernum propè solstitium tonat 8 Auroauster

Den.

1 Non omnibus una est ventorum nomenclatura, neque omnium ventorum, juxta recentiorum divisionem apud Latinos nomina fuisse, nec probatos Authores secuti sumus, & aliis Græca nomina accommodavimus, aliis verò ventis nova ex Italici nomina deprehensimus.

2 Italici (Levante) Hispanici (l'Este) Gallici (Est) Belgici (Oost) Anglici (East) 3 Ita. (Ponente) Hispanici (Oeste, vel Oes) Gallici (Ovest) Belgici (Vuest) Anglici item (Vuest) 4 Italici (Tramontana) Hispanici (Nord, vel Norte) Gallici (Nord) Belgici (Noort) Anglici (Noorth) 5 Ita. (Ostro, vel Mezzodi) Hispanici (Sur) Gallici (Sud) Belgici (Zuyd) Anglici (South) 6 Ita. (Greco vel Grecale) Hispanici (NordEste) Gallici (Nord Est) Belgici (Noort Oost) Anglici (Noorth East) 7 Ita. (Libeccio, vel Garbino) Hispanici (Sud Oeste) Gallici (Sud Ovest) Belgici (Zuyd vuest) Anglici (South vuest) 8 Ita. (Scirocco) Hispanici (Sueste) Gallici (Sudest) Belgici (Zuyd oost) Anglici (South east)

Densis stipatus pluviis contrarius Urfa
Alta 1 Arctozephyrus descendit, & horridus undas
Asperat: illum Itali ventum dixere Magistrum.

Quisque horum dextra, lævaque armatus ab alto
Irruit, & geminis lictoribus æquora terret.
Durus Hyperboreis 2 Aquilo se rupibus infert:
Alter ab Eois furit 3 Hellepontius oris.
Ultrà Eurum immissus roseo 4 Vulturnus ab ortus
At mitis venit è tepido 5 Gangeticus Austro.
Hesperia sub sede tenet dextra Africus udum
Libonorum: 6 è læva surgit 7 Subvesperus undis.
Addit se comitem occiduo sub sole Magistro
Corus, 8 ab Ausoniis cognomine dictus Iapix:
Circius 9 Arctoa sequitur de sede nivali.

Hos præter, totidem mediis è sedibus auræ,
Turba minor, certoque mari sine nomine surgunt:
Quas etiam, Palinure, animas prædiscere cura,
Ut certum teneas infida per æquora cursum.
Hanc & rectores, uno cognomine, plebem
Quartas 10 ventorum nostri dixere vocantes:
Appellare Nothos alii voluere magistri.

His animadversis, qua nunc ratione per undas,
Navita, tot varios possis cognoscere ventos,
Expediam, Superùmque canam data munera Divum.

At mihi vos alti Nymphæ maris, æquora læta

Quæ

1 *It.* (Maestro, vel Maestrale) *Hi.* (Nordest) *Ga.* (Nordovest) *Ec.* (Noort
vuest) *An.* (Noorth vuest). 2 *It.* (Greco Tramontana) *Hi.* (Nor Nor-
deste) *Ga.* (Nord nordest) *Be.* (Noort noort oost) *An.* (Noorth noorth
east). 3 *Ital.* (Greco Levante) *Hi.* (Lefnor dest) *Gal.* (Est nordest) *Bel.*
(Oost noort oost) *An.* (East north east). 4 *It.* (Scirocco Levante) *Hi.*
(L'Est sueste) *Ga.* (Est sud est) *Be.* (Oost zuid oost) *An.* (East south
east) 5 *It.* (Scirocco Mezzodi, vel Ostro Scirocco) *Hif.* (Su sueste) *Gal.*
(Sud sud est) *Be.* (Zuyd zuyd oost) *An.* (South south east) 6 *It.* (Li-
beccio Mezzodi, vel Ostro Libeccio) *Hi.* (Sursudovest) *Ga.* (Sud sudo
vest) *Be.* (Zuydzuyd vuest) *An.* (South south vuest) 7 *It.* (Ponente Li-
beccio) *Hif.* (Oest sudovest) *Ga.* (Ovest Sudovest) *Be.* (Vuest zuyd
vuest) *An.* (Vuest South vuest) 8 *It.* (Ponente Maestro) *Hi.* (Oest no-
roest) *Ga.* (Ovest nordovest) *Be.* (Vuest noort vuest) *An.* (Vuest
noorthvuest) 9 *It.* (Maestro Tramūtana) *Hi.* (Nor nordest) *Ga.* (Nord
nord ovest) *Ec.* (Noort noort vuest) *An.* (Noorth noorth vuest).
10 (Quarte de venti, ò venti bastardi) *Itali dicunt ventos medios,
sen laterales.*

Quæ colitis Bajas, felicia litora, circum,
 Vos, quæ Sirenum sedes habitatis odoras,
 Regnaque Teleboùm, litusque repentis Amalphis,
 Pandite, Nereides; (nam vos spectastis & illum,
 Divinique in partem operis venistis ab alto)
 Quis Deus hanc nobis divinis extudit artem
 Inventis, Deus ille equidem, Deus ille magister,
 Qui primus rerum causas penetrare larentes
 Ausus, & obscuræ novit connubia gemmæ.
 Magnetem quibus ipsa sibi Cynosura maritet
 Ardescens flammis: (Norunt jam sydera flammæ)
 Primus & errantes duxit, duce cuspide, nautas.

Ante mari in magno, dubia sub nocte, pererrans
 Arcadias Urfas trepidantes æquore tingi,
 Arcturum, pluviasque Hyadæ spectare solebat,
 Navita, & ardentem stellis Orionis ense,
 Tendeatque freto in medio, duce sydere, cursus.
 Sed nigra cum latè texebant nubila cælum,
 Ac Lunam obtectam nimbo nox cæca tenebat;
 Tunc, duce sublato, dubiis errabas in undis,
 Carbasa quò venti per cæcula vasta trahebant.

Aufonia in magna, biferique ad marmora Pæsti,
 In medium conversa diem quæ surgit Amalphis,
 Nauta fuit magnis ausis generosus, & acer
 Ingenio, & reliquos inter solertior omnes,
 Flavius; (hoc illum dixerunt nomine nautæ)
 Cui nitidis formosa comis Beronia mater,
 Inter Nereidas forma non ultima Nymphas.
 Hic quondam æstare in media, dum cardine summo
 Iam rapidus Titan medios accenderat æstus,
 Dum sitiunt segetes, silet aura, & marmoris unda

Af-

1 Flavius natione Italus, patria Amalphitanus, qui anno MCCC. mirabile sanè, ac navigationi opportunum inventum nautice pixidis adinvenit, atque illius usum posteris tradidit; unde meritiò illum Snelius in Epistola ad Lefforem Tiphys Batavi, & ex eo Doriſorus in orbe maritimo lib. 2. cap. 41. vocant Sagacissimum Naturæ Mythen, cuius industria à secretioribus eius adytis id erutum sit. Huius enim fiducia Itali primùm, inde etiam Hispani externa maria tentare infiterunt. Huic sententia se subscribunt Ortelius, Blondus, Crescentius, Ferrarius, Philander, alique quamplurimi, ut citrà invidiam non sit hæc laus Italis deneganda. Panormitanus autem sic cecinit.

Prima dedit nobis usum Magnetis Amalphis,

Assultans scopulis vix rorem aspergit amarum,
 Defessus vacuas secreti ad marginis undas
 Venerat ex alto, gremio quâ scrupea rupes
 Dat placidas somno sedes: hic ille sub antro
 Stetnitur egelido musco super: & sua somno
 Lumina concedit. primos laxaverat artus
 Vix optata quies, & lumina somnus habebat,
 Cum tremulas Zephyris lenè impellentibus undas,
 Scinditur Oceanus, vitreisq; sedilibus omnes
 Nereides, Nymphæque assurrexere marinæ:
 Flava comas Ephyre, Lepytheque, & candida Clio,
 Pulchra genas Panopæa soror, quæque ubere læto
 Tunc geminos primùm pueros enixa fovebat
 Leucothoë, & vultu venit placidissima Micle;
 Euplæ, Prochyteque, Cleoque, & cærule Nefis,
 Purpureum quibus os, placidum decus oris: & illis
 Versicolor niveas cingebat tænia mammas.
 Et tandem formosa mari Beronia mater
 Astitit, & diu nato diffudit odorem.
 Ut multo præsentem afflatus numine sensit
 Nauta deam, & vultus genitricis novit amatos,
 Currit in amplexus: teneros per colla læcertos
 Inicit: & charæ delibat dulcia matri
 Oscula: (Nereides plausu infremuere marino)
 Terque, quaterque iterat: matri mox talia fatur:

O mater dea, Nereidum pulcherrima Nymphæ,
 Sirenum quæ regna colis, & gurgitis hujus
 Ima tenes, ubi tetta tibi pellucida vitro,
 Cæruleasque inter Divas spatiaris in undis,
 Quis te nunc pelago, tectisque accivit ab imis?
 Teque dedit gnato divina in luce videndam?
 O Genitrix, magno natum dignatis honore.

Flavius hæc: illi contrà placidissima Nymphæ
 Hæc dedit, & roseo placidè simul ore locuta est:

Magna tui semper dilectæ cura parenti,
 Nate, fuit, matrisque animum timor anxius urget,
 Ne quando rapidis depressus in æquore nimbis
 Jacteris pelago in medio, quò tendere cursus
 Inscius, ardenti cum se subduxit Orion
 Sydere, & Arcadium texit nox atra Bootem.

Quare age, quā mihi nūc lacrymis dedit, & prece multa
 Fatidicus Proteus, nitidam cape pyxida, nate.
 Hac duce, cæruleum carpes iter, & vada salsa
 Tutiùs hac dubia cæli sub nocte secabis.
 Ipsa polum nimbo obtectum tibi ferrea cuspis
 Ostendet, mundique plagas, & sydera dicet.
 Et tibi per fluctus quā sit monstrabit, eundum;
 Qui spirent venti, rigidæ qua rupe procellæ
 Descendant. Quid plura? tibi pro sydere ferrum
 Dux erit, & reducem parrias te sistet ad oras.
 Hæc illa; & læto porrexit pyxida nato.
 Tornatæ quæ cura hinc sit, qui pydixis usus,
 Illa docet: cupidus genitricem Flavius audie
 Dicentem, & memori sub mente audita recondit.

Argento insignem multo, niveoque elephanto,
 Ipse suis manibus tornavit pyxida ferro
 Cæruleus Proteus, medio stat circulus aureus.
 Nomina ventorum multo cælavit in auro
 Hoc circo Proteus; nam æqualibus intervallis
 In totidem partes secuit, quot flamine venti
 Spirant: cælavitque suis in sedibus omnes.
 Lilia quæ rutilo præfulgent plurima in auro,
 Arctoo Boream venientem ab sydere monstrant,
 At reliquos alii ventos dant vertice ab uno
 Extensi in gyrum radii, minioque rubentes.
 Inde stylum è chalybe in medio præfixit acutum:
 E chalybe huic etiam super addidit ille sagittam,
 Quam nigro admovit lapidi. (1 Magnesia fertur
 Gemma) è contactu multo malè sana veneno
 Cuspis abit, calidasque hausit de marmore flammæ,
 Mira quidem sunt, nate, meæ pars altera vitæ,
 Quæ mihi narravit Proteus commercia gemmæ.
 Marmor amat ferrum, dulcesque in pectore flammæ
 Nutrit dura silex: chalybis durissima corda
 Allicit illecebris: molliet sua viscera ferrum

1 Magnesia Macedonia regione Magnetis feraci: quæ & Heraclius ab Heraclia urbe etiam appellatur. Alii sideritem vocant, scilicet ferreum; nam in eadem fodina cum ferro nascitur. Hinc ferunt excoctum ferrum habere partes Boreales, & Australes, vigorem magnetium, versicitem, & Vertices, seu polos destinatos.

Illecebra, & rigidum quamvis respondet amorì,
 Atque agitur flammis. Quid non cedamus amorì?
 Mollit amor ferrum, & durissima marmora mollit.
 Mobilis illa stylo superadditur: irrequieta
 Vertitur hâc, illâ; donec præfulgida cœlo
 Quâ, Cynosura micat, se sistat, & æthere ab alto
 Hauriat obtutu flammâs tepefacta sagitta.
 (Nam sicut ipsa poli sectatur sydera gemma,
 Sic nigræ dulci gemmæ correptus amore,
 Astra chalybs amat, atque obtutu fallit amorem)
 Hinc ille ex nivea crystallo pyxida textit:
 Bracteola & circum clausit striatissimus illam;
 Ne maris unda nocens, aut æris aura marini
 Inficiat, nigraque rerat rubigine ferrum.
 Cepe timendum etiam, grave olentiaque allia vates,
 Admonuit. Tu, nate, maris cum gurgite vasto
 Errabis, dubiusque viæ sine sydere cœli,
 Hanc fidam media comitem sub puppe locabis
 Libratam lævi in tabula, quò ferrea cuspis
 Se verti in gyrum possit: sed pyxida tantum
 Verte manu hâc, illâ, donec se concita cuspis
 Sistat, & inscriptæ respondeat illa sagittæ,
 Aut medium feriat, tornatæ pyxididis orbem
 Axis ad Arctoi partem. mox inspicere & illam:
 Illa tibi ventos, cursusque & sydera dicet.

Hæc dedit: & circum Nymphis stipata marinis
 Oceano caput immergit, naroque relicto,
 Humida spumosa venit sub Doridos antra.

Ille autem charæ genitricis munere lætus,
 Pyxida cælatam signis miratur eburnam,
 Miraturque orbem argento, & murice pictos,
 Liliaque Arcadii monstrantia sydera Plaustris,
 Ac minio inscriptum ventorum nomina circum.
 Hinc stupet in gyrum hâc, illâ trepidare sagittam.
 Et sensim arcana ferri virtute sub Urss.
 Nec non & prima perquirat origine causas
 Occultas rerum, & tacitus præcepta revolvit,
 Quæ dederat mater: ventosque, & sydera discit.

Pyxididis hinc primum fuit usus: & æquora primum
 Audaces ausu, duce cuspide, currere nautæ.

Nec solum conclusa Thetis sulcata carinis
 Omnis, & Ægæi spumantia marmora ponti:
 Ipse sed Oceanus noti trans litora mundi
 Tentatus magnis ausis, Fatisque secundis.
 Hac duce jam noti Æthiopes, atque ultima Castrî
 Regna pharætrati, Mundique impervius axis.
 Quin & inaccessi tot jam per secula Seres,
 Ac penitus toti terrarum incognitus Orbi
 Nunc tandem Auroræ sub sede est visus Iapon:
 Ac novus Ammericæ lustratus navibus Orbis.

Sed jam naturas, ventis quas Juppiter ipse
 Addidit, edoceam. Zephyri felicibus auris
 Aspirant, placidoque intendunt carbasa flatu.
 Rarò mane ruunt: sed Vespere sæpius efflant.
 Interdum Zephyris cursus spirabilis auræ
 Est brevîs: interdum nitido sub lumine plures
 Duravere dies, Phœboque cadente, silesunt.
 Incipiunt æstate nova, placidissima quando
 Tempestas pelago: rarò brumalibus afflant
 Temporibus. Palinure, sinus inflare secundos
 Da Zephyros, Zephyrosque leves in vela vocato.
 Tutius infidum lento pede currimus æquor.

Eoo cum Sole citi de fluctibus Euri
 Attolluntur: aquas majori & flamine verrunt,
 Quàm Zephyri, tepidûq, colunt ver: bruma nec illos
 Respuat, aut nimis ardens fervoribus æstas.
 Crebrescunt multi in noctem: sed cardine, cum jam
 Adverso Manes lustrat Sol, murmura ponunt.
 Bis quinos per sæpe dies vasti æquora Nerei
 Lata cient: ad mensem etiam protendere cursum
 Sæpe solent. tu carpe iter adventantibus Euris.

Dum nostrum Titan devexior aspicit Orbem,
 Regna tenet Boreas, gelidisque è rupibus ardens
 Labitur, ac rigido Neptunia regna flagello
 Quassat: & annosas sub montibus atterit alnos,
 Ac strepitu latè miscet nemora alta canoro:
 Pulsatæ plangunt valles, & magnus Olympus.
 Paulatim murmur ponit, molliorque feroces
 Sensim animos: longo languescunt tempore vires.
 Vix agitat tandem tenui maria uda flabello.

Do-

Donec & halitibus cùm jam sua pabula defunt,
 Attenuatus abit. Veluti fornacibus altis
 Cùm subitò siccis è truncis arida messis
 Suggestitur, concepta statim de fomite flamma
 Murmure confurgit multo, rapidosque repentè
 Altiùs attollit cuneos, & sydera lambit.
 Mox ut materies sensim consumpta recessit,
 Flamma cadit, circùmque levi vix sibilat aura.
 Dissolvit nubes Boreas, cœlumque serenat
 Luce novæ: interdum densatis nubibus astra
 Obteggit, & dextro demittit ab axe pruinas.
 In terras si nocte vaga descendit ab Ursa,
 Tertia lux illum nunquam perflare videbit.
 Sin minus ad senos Aquilo, denosque rigebit
 Sæpe dies: viginti etiam pulsabit Olympi
 Sacra Jovi nemora, & maria alta à gurgite miscet.
 Tu cave, ne primis Aquilonibus in mare puppim
 Deducas: statione sedens sine flamina prima
 Paulatim contusa cadant; tunc, nauta, per undas
 Tende iter, & fessis Aquilonibus utere tandem.

Humidus ex imo, pluviisque nigerrimus Auster
 Axe ruit, creberque, hyeme adventante, procaci
 Imbre tonat, nimboque, & plurimus obruit arva.
 Verùm pleni amnes cùm cessavere, serena
 Luce aperit cœlum, & simul æquora leniùs urget.
 Non & certa illi vitæ data tempora; sæpè
 Vita brevis, totusque leves se vertit in undas:
 Sæpe sed alatis investus in æthere bigis
 Murmurat, & multo latè ciet aëra flabro.

Principiò levis hyberno de Sole sub undas
 Labitur Euroauster, & æquora molliter afflat:
 Mox densat cœlo nubes, atque occulit astra:
 Sensimque assumit vires, & crescit eundo;
 Donec se totum campo commisit aperto.
 Tunc cœlo tollit spumantia marmora, & altis
 Fluctibus insultat ratibus; ceu nubibus imbres
 Cùm ruptis veniunt; primùm de montibus undæ
 Exiguo torrente cadunt, crescuntque fluendo:
 Cùm tandem fluvij, multis jam fluctibus auctæ,
 Insultant magno venientes gurgite campis:

Ingentesque imis vellunt radicibus alnos.
 Æquor agit fundo, rapidosque per aëra nimbos
 Agglomerat; pluviisque cadit venientibus aura.
 Sæpius autumnno ruit imo à cardine mundi
 Horridus, at bruma magis horridus asperat undas.
 Longiùs extendit cursum; nam sæpè reflectit
 Exactum ad mensem pluvios temione jugales.
 Principiò, dum crispat aquas, da fluctibus alnum,
 Nec sine paulatim vires acquirat eundo.
 Nam si post quartum vento tua vela furenti
 Laxabis, non tutus erit per cæcula cursus.
 Tempestas te dira manet, durique labores.
 Principiò dum blanda vocat Fortuna, vocantem
 I, sequere: è manibus sors labitur aurea pigris.

Præceps Arctoa veniens à sede Supernas
 Frigidus hyberno crebtescit tempore, & æquor
 Altiùs attollit, scopulosque superjacet undas:
 Discludit nubes, nivibusque incandet, & alma
 Cælum luce aperit, lenique adsibilat aura,
 Et longè pulsus sequitur lux aurea nimbis.
 Mollior æstate in media felicia mulcet
 Æquora; nec Zephyris tunc lenior invidet aura.
 Tu sine, surgentis languescant murmura venti,
 Ut celeri tutus percurras cæcula puppi.

Densus turbinibus Libyca de sede feroces
 Africus urget equos, crebrisque per aëra nimbis
 Invehitur, flatuque ciet strepitante tumultus:
 Asperat Oceanum, fluctusque ad sydera tollit.
 Laxat aquis nunc lora: mari nunc murmure rauco
 Stridulus incumbit: subitis modo nubibus astra
 Obtegit, & noctem terris inducit, & umbras.
 Mox pulsus aperit nimbis, Solemque reducit.
 Totus & interdum cadit, & silet æquor, & aër.
 Sed brevis illa quies; nam finibus usque præstis
 Mox redit è Libycis inopinus, & acrior instat:
 Frangit aquas, tollitque vadum, miscetque tumultus.
 Qualis ubi vacuum spectavit Persa pharetram,
 Ora, fugam simulans, avertit, & æquore cedit.
 Hinc ubi jam vacuum telis complevit acutis,
 Impavida cum fronte redit, Martemque laceffit:

Acrior

Acrior instat equis: rapidas vibrare sagittas
Non cessat: transfigit equos: transfigit equorum
Sellores unâ, & crudeli funere mergit:
Per cædes stragesque ruit. Fuge cautus iniqui,
Nauta, dolos venti: cælo ne crede sereno;
Nanque dolos etiam norunt, & fallere venti.
Principiò tres ille dies fœdare procellis
Assolet; at senos si tres transcenderit ultra:
Sæpe novem: quos si superaverit, ille profundum
Viginti torquere dies solet imbribus attris.
Tu Libyco ne crede ratem, Palinure, per undas.

Durus Hyperboreis, Boreæque simillimus oris
Circius incumbit, glaciesque indurat acutas,
Et cursu in medio fugientia flumina sistit:
Nec non & summas pelagi diverberat undas,
Et nemora alta jugis horrendo murmure quassat.
Hinc ut sylvis fragi cecidit gravis ira flagelli,
Vela vocat: velum vento committe vocanti.

Hos mores, sibi quisque suos, discrimine certo,
Majores ventorum animæ coluere volentes.
At quæ consurgunt dextra, lævaque minores
Majorum leges etiam, moresque sequuntur.
Sunt & multa, dies quæ longa, & plurimus usus,
Atque acti pelago cursus te, nauta, docebunt:

Post hinc digressus, jubeo spectare locorum
Naturam; pelagi qui nobis æquora venti,
Ardentes claudunt, aliis felicia pandunt.
Certa tenent & regna: suisque in sedibus illi
Exercent iras vehementius. arbiter undæ
Adriacæ Boreas, & proximus urit Iapyx:
Sæpè & ab Odrysiis flat lenior Orithyja.
Ionio in magno fluctus regit Euroauster:
Et quoque Tyrrenum mare concutit, atque patentes
Sardoï campos, & Galli cærulea ponti.
Sed nullus Libyco furit acrior: ille sub astra
Ionium, Siculumque rapit. Subvesperus at se
Creber Tyrreni nimbo sis explicat alis,
Et passim freta naufragiis infamia reddit.
Sæpe & Barbaricis crebrescit fluctibus Auster,
Et Nothus, è roseo qui turbidus instat Eoo.

Virginio 1 in pelago spirat felicior Euris;
 Ac simul, hyberno surgit qui proximus Ortu,
 At venti Ægæis varii dominantur in undis:
 Tot propter medio dispersas æquore terras.
 Sic conclusa ruunt multi per cæcula venti,
 Et varii è variis terræ regionibus afflant.

Ar verò Oceano in magno, quâ torrida cæli
 Zona rubet, paribus semper sese explicatalis
 Euris, 2 & Eoa surgunt qui sede canori.
 Hi Solem cursu festinantur: & adra volantes
 Fert æquata rates: totoque extenditur anno.
 Contrâ ex Occasu 3 Zephyri in contraria flantes
 Æquor agunt: illis sed vis non fortior Euris;
 Hinc & sæpè silent, visque fugantur ab Euris.
 Trans verò Ægocærum violento à Vespere flabro
 Assurgunt Zephyri, Libycique, & cæcula turbant.

Hinc facilis via Atlantei trans æquora ponti,
 Cùm longè alterius lustrant ditissima mundi
 Litora ab Europa, aut semoti è finibus Euri
 In Libyam veniunt, Solisque cubilia gauli;
 Sive Philippinas lævo de litore terras
 Ammericæ adeunt, & odoríferas Moluccas.
 Longa sed Eoum cùm quærimus, atque remotam
 Taprobanem, atq; Indum, & Gangetidis ostia fontis.
 Idcirco Auroræ inquirunt cùm regna magistrj,
 Ægocæri in circum, transversa ruentibus Euris,
 Obliqua se puppe ferunt: hinc inde sub Ortum
 Percurrunt lævum spumanti in gurgite Rhombum:
 Atque Eurum evitant, Libycoque afflante feruntur.

Magnus ubi terris tot latè confusus undat
 Oceanus, non semper aquas, nec tempore eodem
 Eurus habet: multi circum per litora venti
 Temporibus spirant certis: & sæpius undas
 Nocte regunt quidam, quos inde Aurora resurgens
 Non videt, & secum diversos invehit ortu:

Hos

1 Sic appellata est ea pars Mediterranei, quæ inter. *Asiam* *moniam*, *Syriam*, & *Ægyptum* interfluit: vulgo (Mare di Levante.)

2 Hos *Generales*, seu *Fixos* *nauta* vocant. *Indi* verò (*Bryas*) qui ab *Ortu* in *Occasum* sequuntur motum *Primi Mobilis*. 3 Hos *Indi* (*Vendavalos*) nuncupant, qui contrâ motum *Primi Mobilis* feruntur in *trâ Tropicos*.

Hos & quarta sitim cum jam collegerit hora,
 Fervidus in tenues dissolvit Cynthus auras.
 At media cœli zona, quæ vergit ad Arcton,
 Græcus Atlanteo spirat felicibus auris
 Tempore sub certo, & quinis se mensibus alnis
 Dat facilem. Notus adverso crebrescit in Orbe.
 Circius Eoo sex flabro linea menses
 Vela implet læto, totidemque impervius ille est.
 Sunt & Etesix, æstivo qui tempore surgunt,
 Solstitio torrente Indos, veniuntque nivosa
 Ex Arcto, atque auris mulcent maria alta diurnis.
 Sed cum bruma rigens dirumpit frigore saxa,
 Tunc & Etesix humenti labuntur ab Austro.

Nunc age, divinas artes, & si qua futuri
 Cognitio, instantes possis qua noscere ventos,
 Et tempestatum variarum ediscere signa
 Expediam. Tibi Sol primùm certissima signa
 Ventorum dabit exorients: dabit æquore currum
 Cum Tarfessiacò lavat aureus. ille furentes
 Excitat & ventos, & tempora mobilis anni
 Alternat vicibus, signisque futura relatis
 Nunciat: eventus sequitur certissimus illum.
 Occasu nunquam, nunquam Sol fallit in Ortu.
 Ille ubi fulgentem referet de gurgite vultum,
 Ac nitidum sparget jubar oris, ab æthere nimbos
 Submovet, & ventos cohibet sub rupe silentes.
 Discolor Oceano cum surgit, & ore rubores
 Ardentes mediis jaculatur nubibus, Euris
 Laxat equos: rigidas dat pallidus ore procellas.
 Eoem gemino si videris orbe rubentem,
 Nemo tibi madidum terra convellere funem
 Suadeat: alatis tempestas horrida nimbis
 Incumbet pelago: verùm si fulserit orbe
 Dividuo, da vela Noto, Palinure, vocanti.
 At si purpureæ fuerint sub Vespere nubes,
 Aura serenato vix obstrepet humida cœlo.
 Cæruleæ pluviam, mixta nigredine ventos
 Imbribus admiscent. at si præverterit ortum
 Igneus erumpens radiis Sol, æquora fundo
 Attollit, gelidasque ciet de rupe procellas.

Sin

Sin ortu in primo obtusus sinè nubibus ibit,
 Collige, nauta, sinus: præceps ruet imber ab alto.
 At si per cælum stipatus nubibus ibit
 Igneus, & radios medio de corpore vibret
 Exiguus, metuenda ruet sinè more procella.

At mihi jam nitidum cæli decus, aurea Phœbe
 Offert se varia vultus sub luce notanda.

Illa tibi in primis spectanda in litore, nauta,
 Ante coronatas quàm solvis ab aggere puppes.
 Illa regit fluctus: illi vaga cæcula parent.
 Et ventos ditione premit: nunc illa quietos
 Irritat ventos: nunc mitigat illa feroces.
 Ergo ubi confurgens argentea cornibus ibit,
 Purpureum sinè nube diem, Solemque serenum,
 Et pacata maris denunciat æquora ventis.
 Tunc vada Campani per litora nota phaselis
 Solicitant: ludique hilaris per transtra juventus.
 Pallida dat pluvias: rutilet si flammea, ventos:
 Si nigræ incipiant nubes miscetier igni,
 Æquora tunc pariter, cælumque ardere videbis
 Fulminibus, Nereusque furet, strepitante procella:
 Heu malè deprensus longè trans litora nautis!
 Bis ego jactatus nigra sub nocte procellis
 Ionio in vasto, Siculique in gurgite ponti,
 Semianimis lacera in terras cum puppe redivi;
 Votaque servatus vix tandem in litore solvi
 SABERIDAE, & LOIOLAE, & PARTHENIAE GENITRICI.

At si per cælum gemino Latonia circo
 Fulgeat, horrendo pelagus quassabitur imbre.
 Tertius obscuro rutilet si circulus orbe,
 Improvisa cadet tempestas horrida cælo,
 Puppibus, arboribusque truce matura ruinam.

Id quoque non cura nautis leviorè notandum:
 Si cùm Luna jugo se subtrahit, æthere ab alto
 Ante diem quartum non fulserit humida terris,
 Mense dabit toto pluvias, ventosque ciebit.
 Candida si fuerit, cornuque nitebit acuto,
 Tende iter: exactum ad mensem maria uda filebunt.
 Sed te, quod pauci norunt, adverte, docebo.
 Cùm filet illa, maxi quæ murmuret aura, notato:

Si tribus aspirer venientibus 1 illa diebus,
 Vix tandem ponet sua murna, cum vaga Phœbe
 Assurgens gibbum monstraverit æthere dorsum.
 Si pluvii fuerint illi, pluviique sequentur
 Mox alii: rosei, rosea si luce nitebunt.
 Sic etiam pleno cum surget ab æquore cornu,
 Quales tres alii, tales nascentur ab illis
 Exactum ad mensem reliqui. spirare diebus
 Si geminos illis spectabis, navita, ventos,
 Illos tu pariter toto sub mense videbis
 Alternò tremulum verrentes flamine pontum.
 Tandem 2 vere novo quali se Delia vultu
 Ostendet, talem mediis fervoribus æstas
 Aspiciet: talem squallens quoque bruma videbit,
 Qualis 3 in autumno primo spectabitur ortu.
 Quin 4 ortu in quinto si quarta fulserit hora
 Candida, per totum fulgebit candida mensem.
 Sic contrà, rigidis tristabit cæcula nimbis.
 At si forè truce convenerit illa Gradivum
 Obtusa, aut medium curret nigra Virginis orbem,
 Tutos quære sinus, & amicos, navita, portus;
 Formidandus aquis descendet ab æthere turbo.

Quin etiam Superùmque domos, Tiraniaque astra
 Contemplare: vices rerum, maturaque vertunt
 Tempora, continuo labentia sydera motu.
 Contemplator item, quo cæli sydera vultu
 Aspiciat Sol ipse pater, qui singula lustrans,
 Et duodena suum percurrrens signa per orbem,
 Aspectu astrorum vario diversa per annum
 Tempora, diversasque vices moderatur, & ortus.
 Ille Cleonzo cum jam descenderit astro,

Fe-

1 Autumant multi ex toties reperito experimento illum ventum spectaturum per totum Luna mensem, qui à novilunio usque ad certum diem spiraverit, immò tales futuros reliquos menses dies, quales tres primi post Luna silentium fuerint. 2 Qualis fuerit vernalis æstas, tales reliqua per totum ver, & æstatem. 3 Qualis verò autumnalis, tales & alia per totum autumnum, & hyemem, quod quidem certo experimento est comprobatum. 4 Existimant plerique certum indicem, a flore, & futura serenitate, vel tempestate esse diem quartum post interlunium. sed falluntur, certis noctibus, si quarta hora diei quiescit, ut eruditè placet,

Felices flabunt Zephyri, tepidique Favoni
 Multos aëra dies crispabit molliter undas.
 Si verò æquatis surgat cum Lancibus, imbres
 Descendent, rabidique invertent marmora venti.
 Eoo rutilant cùm Pleiades Atlantæ,
 Da pelago, Palinure, rates, auctoribus istis:
 Nunquam Taygete, nunquam te candida Maia
 Fallat, & insidiis nunquam capiere Celænus.
 Ni forsan lacrymis vultum madefacta decorum,
 Taygete pluvios cœlo demiserit imbres.
 At si unâ cum Sole cadant, fuge gurgitis altum
 Navita: tunc crebris Aquilonibus æquora turbant
 Pleiades. Arcturo si Sol comitante resurgit,
 Præq; illum Arcadium summo venit æthere Plaustrū,
 Cautè, nauta, frerum, dubia nec nocte secundum;
 Nubigena Ægypto Notus irruet; aut vada tollet
 Africanus è Libya irrumpens. si Phœbus Afellis
 Cum rudibus surgat, summoque incedat Olympo,
 Aut mediâ Andromedâ, aut Neptunia monstra secutus,
 Indignatus aquas mista cum grandine mittet:
 Turbabit maria, & tonitru cœlum omne ciebit.
 Verùm cæruleas si duxerit orbe choreas,
 Et niveus placido assultaverit æquore Delphin,
 Lenes, nauta, tibi Zephyros, Caurosque movebit.
 At si stellatum mergat caput ille sub undas,
 Albescet cœlum nivibus, ventique sequentur.
 Candidus aurato rutilat cui baltheus ense,
 Cùm cœlo ardentem circumspicis Oriona,
 Nauta, hyemes fuge nimbiferas, fuge cæcula, nec te,
 Nec tibi commissos in certa pericula mitte.
 Horridus ille armis, magis horridus ille procellis:
 Horridus exoriens, & cùm se condit in undas
 Horridus Orion, rapidisque impervia reddit
 Æquora turbinibus, & non tractabile cœlum.
 Ipsa procellosos etiam Jovis armiger ales
 Irritat nimbos. Nemero sydere ab amne
 Cùm Sol Oceani surgit, dat nubila, & imbres,
 Et Boream ciet, ardenti sed Sirius astro,
 Vel ruat, aut nitidum caput exerat igneus undis,
 Densos turbinibus, Libycumque, Austrumq; movebit,
 At-

Atque Eurum, atq; Notos, atq; imbriferos Aquilones,
 Hesperias Hyadas cū videris æquore tingi,
 Gnosſiaque ardentis descendere ſigna coronæ,
 Et mare ſolicitum, & crebris Aquilonibus imbres
 Sint certi, Palinure, tibi. Si 1 lucida Tauri
 Exorſiens rutilet, vel diri filia Phorci,
 Longinquos tentare ſinus cave, navita, puppi.
 Cū matutinus cœlo vaga Plauſtra Bootes
 Inſeſcit, paſtumque boves præſepibus utget,
 Temperiem, Zephyrosque, & molles flamine ventos
 Nunciat, i, Palinure, ſetent tua carbaſa ventri.

Ipfæ tibi pariter picto Thaumantias arcu
 Signa dabit. Pluviam cœlo ſi fulſerit ante,
 Fundet aquas: lætos ſi poſt curvabitur imbres,
 Auricomos aperit Soles, cœlumque ſerenat.
 Purpureis ſi tincta noris nimis illa rubebit,
 Æoliæ ſtabunt animæ: date, navita, vela
 Ne dubites: tua vela canent felicia Coris.
 Verū cæruleo ſi fulſerit illa colore,
 E cœlo largos demittet Juppiter imbres.
 Si geminæ geminos lætè curventur in arcus,
 Ingenti torrente cadent de nubibus amnes.
 Verſicolor tepidum cū ſe diffundit in Austrum
 Iris aquas, tonitruque, & concita fulmina mitter:
 Si verò in Boream, fulgebit candida ſummo
 Lux cœlo, cœlique ſimul convexa nitebunt.

Hinc & digreſſus, terras quibus ipſe procellas
 Juppiter oſtendat ſignis, janæ carmine dicam.
 Si noctu plutes diverſo à cardine cœli,
 Ardentesque cadant ſtellæ: ſi fulgura, & ignes
 Crebra micent, ſeſeque vago in contraria curſu
 Excipiant: ſubitæque, greges velut, aëre, nubes,
 Aut ceu detonſæ, concurrant ordine, lanæ,
 Vel tatibus properent, montesque obrexete certent,
 Magna mari vaſto incumbet ſtridore procellæ.
 Si ſummo antennæ vivaci lumine cornu
 Sola Helena inſidat, Divos, Palinure, vocato
 Supplicibus votis; ventotum prælia, & iras

Ac-

1 *Oculus Tauri, Palilicium Romani vocabant, nam in Minæ ætate Palilia ſa. ra fiebant.*

Accendet dea sæva, omnemque à gurgite pontum
 Quassabit nimbis, & tempestatibus attris;
 Ut quondam bellis Asiam vastavit, & armis.
 At si i Tyndarides gemino splendore corusci
 Navibus ex imis surgant (quia navibus imis
 Sulphurei exhalant piceo nidore vapores)
 Et gemino antennæ pacati in vertice sidant,
 Pone metum; rapidos turbato ex aëre ventos
 Pulsabunt, tetras & amica luce procellas.

Cæruleum quoque signa dabit mare, & ipse futura
 Prædicet Proteus, mendax si cætera Proteus.
 Quin & aves pelagi, fulicæque per antra repostæ,
 Halcyones scopulis, udoque in litore mergi
 Signa dabunt, mediisque vagi delphines in undis:
 (Illis quippè mali mens est præfaga futuri)
 Cùm scopulis spectas pendentes ponere nidos
 Dilectas Thetidi Halcyones, simul ipse videbis
 Ire serenatos innubi lumine Soles.
 Verùm cùm fulicæ, celeresque per æquora mergi
 In turmas, aciesque ruunt, cursantque sonando,
 Aut choreas ducant cæli sub luce serena
 Cærulei delphines, & undivagæ Sirenes,
 Seu turpes vituli, & summo nant gurgite cete,
 Et longo navim spatio comitantur euntem,
 Suspecti tibi sint nimbi: nimbi que timendi,
 Cùm transversa citi fugiunt per salsa, lapillis
 Ora saburrati, aut stipent sese undique cancri.
 Dum mare tranquillum trans litora, murmure rauco,
 Obstrepit, & longè responsant concava saxa,
 Tempestas sylvis, pelagoque parabitur ingens.
 Si lanx videas albescere vellera ponto,
 Fervere pacato, varias in gurgite bullas,
 Adventare hyemem, & longum durare procellas
 Aspicias, Palinure. Noto cùm surgete nullo
 Jactante incipiunt maria alta, & nigra repente
 Spectatur Nerei facies, fœda æthere ab alto
 Tempestas descendet, & æquora spumea tollet.

Mur-

2 Castor, & Pollux s. gemini sunt ignes serenitatis signum: si una tax-
 um fax Helena dicitur, & naufragium præfagit. nanta vocant (Fuò-
 co di S. Nino.)

Murmura si dederint cautes, penitusque sonarint
Turriti scopuli, aut portu increbrescere murmur
Cæperit, & longè strepitus reboare sonantes,
Æquora ventus aget: sed cùm mutata repenti
Cærule subsidunt, passimque nigrescere fluctus
Incipiunt, lævesque mari substernier undæ,
Et longos undæ tractus imitantur arenæ,
Pacatos alto diffundet Juppiter amnes.
At cùm cæruleas substernet leniter undas
Tranquillus Nereus, longosque per æquora tractus
Luce colorari varia, sparsimque videbis
Undarum seriem nitido splendescere ponto,
Solve ratem: nunquam nam te pellacia faller,
Nauta, nec insidiis Thetidos capiere serenæ.
Demum quæ cæli facies, quæ tempora Titan
Luce verrat, qui ventus erit, quid cogitet Auster,
Ipsa tibi ostendet facies maris. Æquora nunquam
Fallent. Illa etiam populosum instare tumultus
Sæpe monent, cædesque, infandaq. bella per orbem.
Illa etiam motus Siculorum, atque horrida bella
Gallorum monuere, sacro cùm fœdere rupto,
Heu malè discordes! moverunt prælia gentes.
Longa quies nocuit, bellumque licentia movit.
Vidimus undantes longè trans litora fluctus,
Tyrrhenumque vadum scopulos super ire refusum:
Fervere Leucopetram, Vulcania regna cavernis
Horrendùm mugire, freto resonante procellis.
Vidimus immanem canibus latrare marinis
Scyllæa sub rupe deam, sævamque Charybdim,
Heu miseros! vasto discurrere gurgite nautas.

Tempore quâquam illo cælum quoq; & arida Tellus
Signa dabant: quoties Liparæ sub rupibus altis
Dira laborante fabricare audivimus arma
Cyclopes, rupto quoties & vertice montis
Vidimus undantem flammis liquentibus Ætnam
Latè arva, & villas, urbesque ardere Sicanas.
Arduus ipse etiam liquentia saxa sub auras
Vesbius eructans glomeravit, & ignibus arsit
Proxima, disruptis fornacibus, horrida Phlegra.
Diffindi montes, terrasque dehiscere passim
Vidimus: excussæ timuerunt motibus urbes.

Quin præter solitum per litorea curva dedere
 Halcyones lamenta; altoque in vertice mergi.
 Et fulicæ in scopulis, & per desertæ latentes,
 Infandum, visæ nigris ululare sub umbris.
 Nunquam tot stellæ ex alto cecidere sereno
 Æthere, & in partem visæ transcurrere lævam,
 Ex alto toties nec 1 descendere minaces
 Dicturi cedes, atque horrida bella Comete.

Ergo iterum placuit bellis ardere Pelorum,
 Sanguine & Ionium, Siculumque rubescere pontum;
 Scilicet Ausoniam toties hostilibus armis
 Non satis evertam, vastataque regna tyrannis.
 Tempus erit, magno resonans cum turbine Nereus,
 Litoribus tormenta, pilas, diffra&aque rostra
 Egerat: auratas puppes, resonantiaque æra,
 Et galæas sicco spectabit litore nauta.

Dii Superi, veneranda Trias, tuque aurea Mater,
 Et vos indigetes Divi, sacrique Cruores,
 AUSTRIACUM saltem juvenem succurrere rebus
 Ne prohibete: satis commissa piacula nostro
 Sanguine jam luimus, nostri pars maxima regni

CAROLUS. Hic patriis lapsus virtutibus Orbem
 Restituet: Martemque, & tristia bella fugabit:
 Et pacem terris, atque aurea secula condet.

Quippè ubi præcipites egit furor, iraque mentes,
 Fœdera, legesque, & fas abruptum omne.
 Hinc movet Oceanus, movet illinc Sequana bellum;
 Hic furit immanis Sicula sub rupe Charybdis.
 Ut cum tempestas pelago descendit ab alto,
 Ipsa per abruptum trahitur, quò turbine multo
 Eurys agit, nec curva audit retinacula puppis.

1 Injuncta Seneca sententiam, quam et nos fecimus sumus in Cometa anno
 1681. qui lib. 7. cap. 22. sic habet; Ego nostris non assentior. non
 enim existimo Cometem subitanæ ignem, sed inter æterna ope-
 ra naturæ. Permeant igitur per altissima cœli loca, flatisque
 temporibus ad nos descendunt, seque videndos mortalibus tanquam
 feræles unctior præbent; tandem, ut recessere, evanescent.



NAUTICORUM

LIBER IV.

Intactos tentare sinus, fluctusque tumentes
 Jam tempus: me regna vocant Neptunia, & udi
 Tritones, sternuntque cavis jam puppibus æquor
 Nereides, Zephyrisque venit spirantibus aura
 Cyrrhæa de rupe cadens, sylvisque relictis,
 Nec mecum invitus per cæcula fertur Apollo.

At tu tot regum de sanguine clarus avito,
CARDINIDE, mecum vento da vela vocantis:
 Et juvet undosi percurrere cæcula ponti:
 Non aliena petes tu regna: tot illa per annos
 Majores tenuere tui, qui classibus altum
 Tyrrheni campum, & fluctus spumantis Iberi
 Sulcarunt, clari bello, partisque triumphis.
 Quare age, regnatas pelagi descende sub undas:
 Et sine cæruleam tua tempora serpere myrtum.
 Forfitan alter eris Deus æquoris. en age, segnes
 Rumpe moras: læti pulsant cita marmora cornu
 Tritones, cursantque vagi delphines in undis.

Quod si t aliquis forsan, ruris qui nuper amore
 Captus, odoratis halantes floribus horros,
 Et nemora, & fontes cecinit: croceisque corollam
 Floribus æternam sibi texuit, alta Maronis
 Tendentis cælo vestigia ponè secutus,
 Atque per ora virum plausu volat undique victor:
 Jam nunc bella paret, Magnique illustria Regis
 Facta, & victrices etiam contexere palmas,

H

Car-

1 *Æt hic Renatus Rapinus Gallus Tarenensis S. Iesu, qui scripsit eleganti-
 ssimum carmen de cultu horrorum summo plausu tota Europa excep-
 tum, & filii candore, & mira facilitate dicendi inter aurei seculi
 poetas facile ascribendus.*

Carminē Mæonio. Felix cui numine multo
 Se penitus torum inspirat per pectora Phœbus:
 Atque opus in tantum properat Deus, at mihi fluat
 Tentare intactos satis est, & litora circum
 Errando è scopulis humilem decerpere muscum.

Ergo age, securos cœli quo sydere portus
 Linquere conveniat, ventosque in vela ruentes
 Accipere, & longos per marmora tendere cursus:
 Et clavi quæ cura prior sit habenda magistro,
 Quanta & Acus, pîci & quanta experientia Mundi:
 Jam canere aggredior. Pelagi dum gurgite ab alto
 Oleniæ assurgit sydus glaciale capellæ,
 Et simul adverso cedens Olor occidit astro,
 Cùm primùm rosei cœlo splendescere Soles
 Incipiunt, lenisque mari substernitur unda,
 Tunc patrios nautæ festinent linquere portus,
 Carpere iter velis, longisque insistere remis.
 Quales purpureos cœlo cùm surgere Soles
 Aligeræ volucres spectarunt, candida cùm lux
 Perlustrat medium nitidis splendoribus orbem,
 Ardentes Libyæ colles, sylvasque relinquunt
 Depastas: iter arripiunt, fugiuntque per undas
 Remigio alarum, & cursu maria alta pererrant:
 Cùm tandem vada salsa maris, camposque liquentes,
 Italiam emensæ veniunt, sylvasque revisunt,
 Et notos latè colles populantur odoros.

Verùm Neptuni per cœrula tutiùs ibis,
 Si terris funem abrumpas, cùm fluctibus altis
 Jam matutinæ Atlantides attolluntur
 Sub Maii finem, placidas cùm carbasus auras
 Evocat, & Zephyri veniunt in vela vocati.
 Nanque sub Aprilem, varique exordia Maii,
 Sæpè die in medio, & cœli sub luce serena
 Textitur extemplò densatis nubibus omnis
 Æther, & Libyæ strepitans Notus irruit oris,
 Et mare subvertit fundo: longùmque procellæ
 Durabunt, tumidisque furet Neptunus in undis.

At verò ut terris fugiens os condit honestum
 Pleias, & Oceani vitreos pede concitat amnes,
 Occlusi tibi tunc portus, tibi cœrula clausa

Semper erunt: longè spectabis, navita, pontum,
 Et tuta statione hyemes durabis aquosas.
 Nam tentare sinus, & equis dare lora marinis
 Jura verant: nec faustus aquis comitabitur altis
 Ipse coronatam puppim Portunus euntem.
 Haud equidem Superi temeraria vota secundant.
 Tunc gelidæ terris hyemes, pelagoque rigescunt,
 Et furit Odrysius Boreas, atque humidus Austro.
 Nemo mihi postquàm subiit maris æquora Pleias,
 Octobris exacto, jubeat violare sonantes
 Tyrrheni fluctus pelagi, pontique Sicani,
 Seu fuerint Calabri, vel proxima regna petenda
 Trinacriæ, aut longè fuerit lustrandus Iberus.
 O fugite, ò socii, Calabros, portusque Sicanos,
 Nec vada Tyrrheni medio tentate Novembri;
 Nanque ego bis dicto parens (parere necesse est,
 Æqua licèt duri non sint mandata magistri)
 Parthenope procul è patria mea vela sub ipsum
 Invitus per falsa dedi nimbofa Novembrem,
 Visurus Calabros, cognataque regna Sicanum;
 Bis etiam tumidis periissèm merfus in undis;
 Ni Pater ipse manu magna SABERUS ab alto
 Traxisset pelagi rorantem aspergine multa;
 Nam cùm Præstani legerem cava litora Ponti,
 Et Silari circum patrio vada flava phaselo
 Soliciti urgerent nautæ, rectore Melancho,
 Fortior assurgens mediis è vallibus aura
 Irruit improvisa: latus dedit acta sub undas
 Transversum ratis, & medio penè obruta fluctu est.
 Sed quid plura? (juvat causas reticere malorum:
 Ne vix sopiti consurgant corde dolores)
 Me pater è pelago servatum ad litora vexit
 SABERIDES, cui Musa chelyn pro munere vovit:
 Quæ rea nunc voti quæcunque hæc carmina solvit.
 Verùm si cælo noctes fulsere serenas,
 Vos semper, nautæ, noctes optate serenas,
 Cùm jam luce nova, & falcatis cornibus errat
 Aurea per cælum Phœbe, & novus incipit annus.
 Carpere iter velis trans æquora, non tibi durus,
 Nauta, vcto, si falsa maris freta sindere puppi

Urget opus, terrasque alias penetrare necesse est.
 I securus aquis; illo nam mense serenus
 Fulgebit cœlo Titan, pelagusque silebit.

Est etiam tranquilla suis non mensibus æstas,
 Halcyonum dixere dies, quibus aurea cœlo
 Lux nitet, & venti torpent sub rupe silentes,
 Et fluctus pelago torpent: tu, nauta, sub illam
 Carcere mitte ratem, terrasque inquire latentes,

Præterea nunquam committes puppibus Austros,
 Ni prius incipiat cœlo jam Luna videri,
 Postquam fraternas convenerit æmula bigas,
 Aut librata jugo pleno jam lucida cornu,
 Egerit alatos suda sub nocte jugales:
 Aut prius in medio fulgens sublimis Olympo
 Dividuum terris, pelagoque ostenderit orbem.
 Nam tunc Oceanum, noctis nitor, aurea Luna
 Concitat, Æolioque ciet de carcere ventos:
 Vel fugat, & ponti jam turgida marmora placat:
 Ipsa vices etiam dominæ maria alta sequuntur,
 Omnis & humor aquæ, & terræ circumfluis aër.
 Nunquam inconsulta ponti per cærulea Luna
 Incertum tentabis iter, Palinure, relictos
 Si salva cum puppe velis spectare penates.

Insuper his, alto cumuli de vertice primam
 Sub noctem tacito labentia sydera cœlo
 Inspicias, fluctusque vagos, auramque patentem:
 Si constet cœli facies, & lumine puro
 Astra micent: extrema maris si muta quiescant:
 Si gelidæ spirent auræ, si montibus atræ
 Insidant sparsim nubes. vigil undique circum
 Cuncta oculis lustra tacitis: aure aëra capta
 Sollicitus, ne fortè dolo capiare sereni
 Ætheris, aut blandi fallat pellacia ponti.
 Qualis ubi densum ductor movet agmen in hostem,
 Explorat loca cæca prius, circum omnia lustrat
 Attentus, ne sylvæ dolum struat inter opaca
 Denforum nemorum, atq; hostes nigra integat umbra,
 An duri occurrant saltus, montesque nivales,

At

1 Alcedonia quier (Esta di San Martino) Itali vocant, quæ serè Novembri, vel Decembri contingit.

Aut vallis veniat superanda, aut flumina lata
 Longatū cursus interruptura viarū .
 Prudentis sic cura ducis: sua munera cauti
 Hæc etiam rectoris erunt: instantia rerum
 Momenta, & causas simul inspexisse malorum:
 Ac vigili lustrasse oculo mare, sydera, terram,
 Ante procellosas quàm det sua vela per undas.

Verùm ubi marmoreo religatam ex aggere ripæ
 Solvere jam puppim, portuque emittere certum est,
 Litoribus geminas tendens ad sydera palmas,
 Principiò venerare Deos, quorum æquora curris,
 Et quibus imperium ventorum . Sic freta cæca
 Audaci fines cum puppe; volentibus & Diis
 Quo te cunque vocet Fortuna, per æquora tutus
 Ibis, & incolumem adverte ad litora proram.
 Navita, funde preces, Divosque in vota vocato:
 Semper & è Superis exordia fausta petantur
 Incæptorum operum: Diis semper agentibus ipsiis,
 Lætaque principia aspicias, cursusque secundos:
 Et nihil invitis Superis sperare licebit.

Principiò veneranda Trias, atque aurea Mater,
 Dique, Deæque omnes veniant in vota vocati:
 Et placido intendunt canentia suppara flatu .
 Imbriferos Cælo nimbos, pelagoque procellas
 Discludent toto rigidas, atque alstra malignæ
 Tyndaridis nimbose procul de puppe fugabunt.
 Ipse etiam in primis placida in statione vocatus
 SABERIDES, magni rector maris, æthere ab alto
 Descendat, vultuque hilari, quo sydera placat,
 Quo fluctus, ventosque truces, cælumque serenat,
 Aspiciat trepidam venturam in cærulea puppini.

His actis, lenes quoniam cita carbafus auras,
 Matura jam nocte, vocat, cùm lumina tollit
 Pura mari, socioque choro micat aurea Phœbe,
 Cornibus ex altis læto jam murmure nautæ
 Carbasa demittant, ventosque à puppe ruentes
 Accipiant, faciantque pedem, cunctique sinistros,
 Indè sinus solvant dextros: unà ardua flectant
 Cornua, deflectantque: ferent cita flamina puppes.

Sedulus interea confidens puppe Magister

Intentus clavo, clavoque immobilis hærens,
 Stet promptus torquere manu retinacula, quæ se
 Ventus agit veniens, cursusque, & sydera ducunt.
 Omnis & in clavo docti stet cura magistri.
 Ac veluti loris currus auriga volantes
 Hæc, illæc, quæ poscit iter, cursusque viarum
 Inflectit, varioque volans terit æquora gyro.
 Non aliter curvo puppes temone magister
 Quæ ventus, cursusque vocat, reget æquore vasto.
 Si læva errandum pelago, de puppe magister
 Impiger ad dextram inflectat: cita lora: sed illa,
 Si plaga terrarum fuerit lustranda sinistra,
 Torqueat in dextram: si rectus in æquore cursus
 In medio, Palinure, loca retinacula puppis;
 Nam sic directò celeri vada concita lapsu
 Alnus arat. Tortas veluti quæ flexit habenas
 Excelso insidens curru moderator equorum,
 Quadrupedes docti strictis parere lupatis,
 Incedunt, promptique terunt iter: ærea puppis
 Haud secus incurvum quæ flexerit ipse magister
 Temonem, cita carpet iter, fluctusque secabit.
 Exigua nam mole licet stet puppe sub alta
 Adniscus gemino circum versatilis unco,
 Attamen æratas magna cum mole carinas
 Hæc, illæc contrà, pelago oblucente, retorquet,
 Quæ ventus, cursusque vocat, quæq; ipsa petit res.
 Ferreus ipse velut parvo cum corpore vestis
 Marmoraque, lapidesque, altaque in mole columnas
 Submovet, & grandes scopulos, rupesque revellit.
 Mœnsa deinde super lævi, puppique sub alta,
 Nauta, coloratos 2 orbis, pictasque tabellas
 Extendas, pariterque plicata volumina volves,
 Tota quibus terræ facies, pelagique sonantis
 Cæruleis distincta notis, minioque rubescit.
 Ardua conantis magnus labor artis, & altum
 Ingenii solertis opus, quo surgere majus

Haud

1 De ipso clavo accipiendum, qui in oppositam partem vertitur, non ut
 vò de manubrio, quod ad eam partem convertitur, quæ navis dirigen-
 da est. 2 Mappas scilicet hydrographicas (la carta di navigare) ap-
 pellant Itali.

Haud equidem quid posse reor; nanq; ultima rerum
 Jam doctæ tetigere artes fastigia, & ipsum
 Se super ingenium, atque hominum solertia vexit.
 Ipse colorata totus sub imagine mundus
 Cernitur, & justis spatiis distincta locorum
 Intervalsa jacent. quidquid spectabile rerum
 Orbis habet, totum tenui tu cortice pictum
 Aspicias. Celso tolluntur vertice montes,
 Atque coloratis circum nemora alta virescunt
 Arboribus: medio valles umbrantur opacæ.
 Appictæ ludunt pecudes, luduntque capellæ
 Prata per, & pictos colles, & Tityrus illas
 Pictus agumentita procul viret herbida scena:
 Et fera mentitis sylvarum ambagibus errat.
 Hic urbes etiam vallantur, & oppida muris
 Exiguïs, surguntque jugis castella nec altis.
 In breve contracti spatium cernuntur & ipsi
 Ingentes fluvii, strictisque anfractibus errant:
 Depictasque inter ripas labuntur in æquor.
 Ingens circuitu parvo se colligit alveo
 Verticibus Lunæ Nilus devexus ab altis.
 Exiguïs fluit Indus aquis, & maximus Ister.
 Vix tabula Rhodanum cernes, Hispanique sonantem,
 Eridanumq; vagumque Tagum, Mysumque Caicum,
 Et vix appicto Sebethus in orbe pererrat.
 Magnus in angusto riparum margine clausus
 Fluctuat Oceanus: pictis critpantur in undis
 Æquora, & exiguo trepidant circumdata limbo.
 Tollere se simulant miniato in gurgite fluctus,
 Advolvique vadum, scopulosaque litora propter
 Allidi, & fracta rorare aspergine cautes.
 Æoliæque animæ nifu conantur inani
 Flaminibus turbare salum, cœlumque procellis:
 Appictæque fremunt muto stridore procellæ.
 Hic plana in pictum Tellus se porrigit æquor,
 Et longum excurrit, cuneoque simillima acuto
 Deficit in punctum, & tremulis vix tollitur undis.
 Altior hic digito simulat se tollere cœlo
 Verticibus summis, sensumque asperrima duras
 Scinditur in cautes: curvata hic brachia tendit,

Atque sinus gremio complectitur. Iridis instar
In medio sensim longos curvantur in arcus
Litora: turriti surgunt, ceu cuspis, ad auras
Hic scopuli, cautesque, fretoque interlita saxa.

Præterea quæcunque Thetis circumfluit undis,
Descripta in parvo spectabis, navita, mundo.
Pontus ubi cæcas tumido regat æquore syrtes,
Occulat & brevia: & scopulis ubi dura rigescant
Marmora, & horrendæ surgant ad sydera rupes.
Infames cæco signantur gurgite syrtes
Cuspidibus nigris: brevis & brevia in via punctus
Præsignat. curvis statio quæ fida carinis,
Atque sinus tacitis in sedibus abscondantur,
Et placidos tibi, nauta, notat gravis anchora portus.
Insula ubi mediis pelagi tollatur ab undis
Monstrabit pictus variato cortice mundus,
Quæ laterum obiectu tutos det litore portus,
Cum freta Neptunus rigido quatit alta tridente.
Quæ fluat Oceanus, refluatque citissimus undis.
Et quas ille plagas cursu petat incitus, & quas
In se dum resilit spumantia lora retorquens.
Singula quos servant mores maria humida, vel qui
Sit cunctis genius suus unus, & ipsa locorum
Quid natura ferat, quid respuat: una nec illis
Conditio est, habitusque suus non omnibus unus.
Nanque hæc sollicitis sunt hospita cæcula nautis,
Invitantque ratem: hæc sed inhospita puppibus: illa
Nunc placidum sternunt salis æquor, & aurea rident:
Nunc tollunt sublime caput, cælumque laceffunt.
Hæc Zephyro gaudent, atque hæc spirantibus Euris:
Illa Notis pulsata fremunt: hæc humidus Auster
Verberat, hæc Libycus: verum hæc Aquilone tumescit.
Cuncta suis, Palinure, locis signata videbis
Egregiè picti descripta in cortice mundi.
Hæc sit & in primis tibi maxima cura, priusquam
Expandas tua vela Notis, in cortice pictum
Doctè orbem legisse, dies quem multa notavit.
Tutius hoc ibis medias, Palinure, per undas.

Insuper inscripti visuntur vertice ab uno
Per gyrum radii, referuntque coloribus aureis

Spi-

Spirantes vario mundi de cardine ventos.

Lilia cuspidibus quæ summis linea præfert,

Arctoo Boream venientem ab sydere monstrat.

Et reliquos alii ventos tibi, nauta, rubentes

Ostendunt radii: nostro quos carmine doctum

Te meminisse decet Sed jam tibi versibus opto,

Qui primo in cursu ventorum maximus usus,

Et fortunati quæ sint exordia cursus,

Dicere. Depicto ponatur eburnea pixis

Orbe super, quæ mota polum tibi, nauta, notabit,

Quæque diem referat Titan, condarque relatum,

Et ventus quo quisque suo de cardine spiret:

Atque plagas omnes ostendet cusptide Rhombus:

Nanq; etiam in rhombi speciem jam nautica multis

Informatur acus: nostri hinc cognomine Rhombos

Terrarum dixere plagas, numerumque sequuntur

Ventorum, pariterque tenent cognomina venti

Quisque sui, qui parte illa se fluctibus infert.

His actis, Palinure, plagam, quod gurgite cursum

Instituis, perquire: modum non carmine multo

Expediam. In parvo primùm vigil inspicere mundo

In portum, quod tendis iter, quæ linea ducta est

Litore ab adverso, quod deferis: illa notabit,

Quæ plaga terrarum fuerit, quam puppe requiris.

Hanc etiam explora tornata in pixide: Rhombus

Cuspidibus dabit auratis: mox dirige clavum,

Inque plagam rectâ quæ sitam per mare magnum

Perge, nec & dextram pete clauo, neve sinistram.

Atque gubernaculum radiis tibi, navita, semper

Congruat inventis adamussim: fluctibus altis

Sic iter in terras rectum, portusque tenebis,

Quos petis. At venti qui sit tibi maximus usus,

Accipe. Si recto descendat flamine ventus,

Inque plagam tua vela ferat, quam cusptide picta

Monstrat acus, rectâ ventis da vela secundis.

Si verò obliquè feriat navim aura volantem,

Obliqua velum in ventum, clavumque, magister:

Tende nos in proam, atque illos in puppe rudentes

Ferreus accipiat duplicatis nexibus uncus.

Quæsitis quantum à terris spirantis oberrat

In latus aura Noti, tantùm obliquare memento,
 Nauta, gubernaculum, & vento obluſtare ſecando
 Tranſverſum ſalis ære vadum: verùm ire ſtudeo
 Quà quæſita jacet terrę plaga, linea primùm
 Quam tibi depiſto ſignavit cortice mendi.

Verùm age, qui ventus melior tibi, nauta, per undas
 In velum optandus, quo puppibus ocyus altis
 Turbida fluctivagi diſſindas cæcula ponti,
 Dicamus: ſi vaſta rates per matmora Nerei
 Celoces agis, aut lembum, piſtaſque triremes,
 Quæ gemina in ventum dant vela aurita ſecundum,
 Poſticos pete, nauta, Notos è puppe ruentes:
 Inque crucem extende antennas: ſic carbafa ventum
 Accipiunt omnem, & cita diſſecat æquora puppis.
 At ſi navigium, atque ingenti corpore gaulum
 Per fluctus, auriga, regis, tu mitte ſecundas
 Exoptare auras: nam tardiùs æquore currus
 Incedit medio: felici carbafa vento
 Cuncta nec inflantur, primi ſed linea mali
 Vela auram accipiunt, & cætera muta quieſcunt.
 Obliquos pete, nauta, Notos de rupe cadentes;
 Nam ſic aura ſinus omnes cita flamine replet,
 Ac multa pellit vi puppim: fluctibus illa
 Prona volat, roſtroque maris lata æquora ſindit.

His animadverſis, magnæ labor improbus artis
 Subſequitur, cuſſu in medio cùm flaminis auræ
 Mutavere loca, & ſedes liquere priores.
 Vt, Borea ceſſante, loco qui proximus ardet,
 Circius Oceano pernicious irruat alis.
 Reſtorem extemplò clavo torquere carinam,
 Tunc opus, Oceanique plagam, quam linea primùm
 Luſtrandam oſtendit, tumidi petere alta ſecando
 Cæcula Neptuni, curſumque intendere in illam.
 Illa ſed in primis, vento variante, magiſter,
 Cura tibi ſpectare mari, qui cardine verſo,
 In velum ventus ſubita ſpiraverit aura.
 An ne Nothi fuerint flatus, animæque minores
 Ventorum: nam ſæpe mati, ſpe falſus inani,
 Non benè perſpectis jaſtatur navita ventis.
 Ac velut in bivium preſſus cùm falſe viator

Venerit, ignarus nescit carpenda duarum
 Semita quæ sit, & alta secum in mente volutat
 Quæ gressus inferre decet, venturus in urbem;
 At quoniam, seu pressa hominis formidine cæca,
 Seu Fato pellente ruit mens nescia rerum,
 In dubiis anceps animus peiora sequetur,
 Inscius obliquum per inhospita lustra viator
 Carpit iter, sensimque viæ de tramite recto
 Flectitur, & spatiis semper majoribus errat.
 Principiò qui parvus erat, fit maximus, error,
 Sub finem, crescitque malum currentibus horis.
 Sic ubi purpureo processit Vesper Olympo,
 Defessus torquere retrò jam lora viator
 Cogitur, & nigra sylvarum errare sub umbra.
 Non secùs ignarus venti cùm vela magister
 Obliquo temone dedit spirantibus auris,
 A recto sensim discedit tramite, vastis
 Transversum propulsus aquis, cùm denique longè
 Quæsitæ Tellure alias se vertit in oras
 Inscius, & retrò cursum instaurare necesse est.

Me quondam *Anariæ* memini sub rupibus altis,
 Quà latus obvertit *Prochyta*, collesque *Dicarchi*
 Aspicit apricos, ubi puppibus hospita tendit
 Litora, pacatosque sinus in valle reducta,
 Quassata cum puppe *Lycam* vidisse *Britannum*
Anariæ ad portum venientem à gurgite vasto.
 Ut primùm è puppi sociis comitatus in ætæam
 Descendit, quæ causa mali, qui bella tulisset
 Perquiro, nam notus erat: respondit & ille:
 Hæc tibi de multis (prohibet nam dicere plura
 Altus corde dolor) *Drepanum* cùm *Delia* cælo
 Luceret, lenique afflaret flamine *Caurus*,
 Deserui, velumque dedi, quâ diruta saxis
 Vix propriis *Carthago* jacet visenda ruinis.
 Ast ego dum tenues auras, atque ætæa capto,
 Credideram spirare Nothum de littore *Caurum*.
 Inscius hæc: non ille Nothus mea carbasa *Caurus*,
 Ipse sed è Siculo tendebat litore *Caurus*,
 Qui procul in *Leptim*, scelerataque litora vexit,
 Quâ mare, quâ terras prædatur barbarus *Afer*.

Igha-

Ignari ut primùm portus intravimus, ecce
 Armatas quatuor Mauris prædonibus alnos
 Aspicimus: retrò subducta in valle latebant.
 Ut me delapsum sceleratæ ad litora terræ
 Conspexere, ruunt: subito crepuere metalla,
 Atque explosa cavo pila ferrea verberat altam
 Ære ratem, crebròque sonat Vulcanus ad auras,
 Bellum horrendum, atrox, nigraque in nube procellæ
 Subsequitur: crebris ardet latè ignibus ær,
 Omnia & ex imo reboant freta cærule fundo.
 Jamque ego disparibus cedebam victus ab armis,
 Tempestas cùm dira mari se sustulit alto,
 Quæ tonitru, nimbisque, & fulmine bella diremit.
 Sæpè novi casus vicibus nos ordine versis
 Casibus eripiunt, & Fatum Fata morantur.
 Hinc ego vix tandem pelago jactatus, & armis
 Hùc veni incolumis. Ventos captate, magistri,
 Qui sint, quo certo mundi de cardine spirent;
 Ne tandem ignari in discrimina certa ruatis.
 Ista Lycas: hæc, nauta, tibi narrasse juvabit.

Sed Major, Palinure, labor, durusque paratur,
 Cùm proræ incumbit ventus, retròque repellit
 Litore ab optato spumosa per æquora puppim:
 Tunc ea sollicitum pressabit cura magistrum
 Obliquare sinus, & turgida frangere longo
 Æquora circuitu, ac vento transversa carinis
 Obniti, sensimque anfractu vincere longo.
 Ac veluti miles cùm Martia mœnia turris
 Fulminibus crebris, tonitruque horrentia multo
 Aggreditur: non ille audax ruit ignea contrà
 Fulmina confestim, strepitantiaque æra laceffit.
 Nam se præcipitem certo obiectare periclo,
 Vincere cùm possit, Martem & superare morando,
 Non virtus hæc, sed temeraria, cœcaque mentis
 Consilia, insanusque animi furor. Ergo ubi prudens
 Accessum videt in muros prohibere metallâ
 Concava terrificis latè exhorrentia bombis,
 Non contrà miles procedit, & æquore aperto
 Excipit ardentem nudato pectore Martem.
 Sed priùs obliquum tuto munimine vallum

Impiger in latus attollit, palisque revincit:
 Vimineamque struit loricam, & fortibus illam
 Turrulis munit, stipato & milite complet.
 Transversum molitur opus, dextraque, sinistraque
 Oblique extendit sic sensim mœnia contra
 Urget opus, flexoque tegit circum aggere corpus.
 Cum tandem sese vicino ex aggere muris
 Obiectat, telisque premittit jam proximus arcem.
 Qualis in Ægæum centum cum flexibus errans,
 Et centum aggeribus riparum se arduus infert
 Mæandrus, tortoque volumine verberat undas.
 Non secus adverso ventus cum flamine perfluit,
 Obliqua in ventum nitatur navita puppi.
 Nunc dextram remone petat, subitoque relicta,
 Discedat: rursusque volans petat ille sinistram:
 Transversumque vadum frangat, perque æquora circum
 Multiplici flexu, atque iteratis cursibus erret.
 Cum tandem adversi superato flamine venti,
 Defessas cursu puppes ad litora vertat.

Maximus at nobis labor hic, cum puppe volantes
 Nitimur, exesas retrò transmittere rupes,
 In longum pelago vel procurrentia saxa,
 Ac simul in proram Boreas ruat horridus Ursa:
 Aut inter freta terrarum discrimine parvo
 Cum petimus portus, urbesque in valle repostas.
 Sæpe dies multos cursu trivere morando
 Rectores vento oblucentes viribus, altum
 Ut latus exesi montis, portumque subirent.
 Attamen incassum cecidit labor: ostia portus
 Cum iam lunati peteret ratis, impete multo
 Fortior assurgens vicinis vallibus aura
 Longinquum optato pepulit de littore puppim.
 Sæpe piger laxare pedes, funesque minister,
 Et citò veliferas summo demittere malo
 Antennas, gemitoque obvertere vela cerucho,
 Cum ventus, cursusque, gubernatorque petebat,
 Non justis in vela modis cita flamina venti
 Accipit, cessitque ratis vi pulsa repente.
 Ut cum præruptum ruit alto à vertice saxum,
 Ni latus avertant subitò, cedantque ruenti

Agri-

Agricolæ, magno dejecti pondere molis
 Præcipiti de rupe cadent per devia lapsu.
 Ergò ubi velivolis errandum navibus inter
 Angustis conclusa locis vada cæca profundî,
 Et simul adversa ventus spiravit ab ora,
 Centum in vela manus intendant, brachia cœcum
 Solertes famuli, & cautus stet puppe magister.

Cùm me Rhegini colles, & dulcis alebat
 Cœnys r odoratis inter juga læta salicis,
 Centum ubi purpureis halantes floribus hortâ
 Aurea Medorum felicia citria fundunt,
 Arcanas rerum causas penetrare, Minervæ
 Addictus studiis, jam fessus, in oria ruris
 Agrestes inter Nymphas concefferam, & omnes
 Depuleram curas animo: me Phœbus habebat,
 Me Musæ tantùm, & dulces antè omnia Musæ.
 Valle sub umbrosa, vitreique ad fluminis undas
 Est nemus, & circum placidis loca sacra salicis,
 Delicæ vatium, & statio gratissima Musis.
 Hic inter salices, placidique ad murmura fontis,
 Quâ circum grata viret alta jacentibus umbra
 Populus, & patulis tendit sua brachia ramis,
 Nobilis æstivo quondam sub Sole 2 Meralcus
 Splendida regali struxit convivium luxu.
 Ille hinc Parthenias herbofo in gramine Musas,
 Unâ & Parthenium jussit discumbere vatem,
 Partheniis gratus Musis, vatique Meralcus.
 Dum primos dulci Baccho libamus honores
 Cryſtallo in nivea, subito conclamat agrestes
 Vicina è specula custos: ruit agmine facto
 Sylvestrum numerosa manus. citò litora complent

Ar-

1 Promontorium Calabria supra Columnam Rheginum, ex quo brevis in Siciliam transitus est, Peloro obiectum (Capo della Volpe) Incole vocant; ex hoc enim Siculi freti astus (la rema) Itali nauta dicunt, exordium sumit. Non longè ex hoc promontorio, amœnissima villa est, & pagus Collegii Rhegini, cui (Cannatello) à proximo Arundineto nomen factum est. 2 Iosephus Marefcalcus nobilis Rheginus Saliceti Dominus, qui sæpè in amœnissimam Saliceti suâ villam, ac nemus vatem, cui vel in primis charus erat, excipiebat læta, & pereleganti convivio. Vir comis, & eruditus, & ad animas hominum assuetis promerendas vocatè factus.

Armati agricolæ, sudibusque, & falce recurva.
Haud mora, semotis epulis, consurgimus omnes
Tela citi capimus, celeresque ad litora gressus
Tendimus, & circum densis stipamur in armis,
Ignari quæ causa viros civisset agrestes.
Ast ego (quandoquidem venturi præscia vatum
Mens est) Trinacriæ properare ad litora classem
Gallorum ingentem, pacis qui fœdere rupto
Herrida Zancleis tunc arcibus arma ferebant,
Admonui: haud Phœbi vatem cortina fefellit.
Cænyos ad litus dum venimus, omnia circum
Æquora turritis spectamus operta carinis.
Qualis Taygetus, vel Mænalus, aut Erimanthus
Arboribus tegitur densis, & sydera pulsat.
Velivolas inter sylvas, pinusque natantes
Ingens turris erat (turrim si dicere fas est,
Quæ se mole mari tollebat cycladis instar)
Hæc alias inter tantum surgebat Olympo,
Quantum turriti scopuli demissa cacumen
Saxa super cælo tollunt, nubesque lacessunt:
Aut Siculos quantum colles supereminet Æthna.
Navis erat multo regali splendida luxu
Informata ducis studio, quo panderet orbi
Quam sint divitiæ ingentes, Gallique superbæ
Regis opes. Surgebat aquis rota aurea moles.
Ex auro puppis, nitido splendebat in auro
Prora, coronatæ turres, atque aurea cuspis.
Ipsa etiam fulvo radiabant rostra metallo,
Et geminum latus ardebat fulgoribus aureis,
Et mali, & speculæ, & veligeræ antennæ.
Ipsa Pharos summo fulgebat vertice puppis
Aurea, nocturnas cælo pulsura tenebras.
Verum materiem, pretiosaque dona metalli
Artificum superabat opus: nanque inclyta centum
Magnanimum simulacra virum, spirantia centum
Signa ducum, & vivax series longissima regum
Artifici cælata manu spirabat in auro.
Cælata stabant acies, fusi que tyranni,
Dei & que mari classes: spumabat in auro
Oceanus: flavi fluctus, & vertice fulvo

Aureus auratis Delphin saliebat in undis.
Auratae centum speculae latera omnia circum
Multiplici serie totidem tormenta sub alto
Condebant gremio. tandem placidissima visu
Aurea spuma velut, fulvum quam despuuit aurum,
Tota coruscabat radianti lumine cyclas,
Aspera cælati tot floribus, aspera signis.
Ac, veluti speculum, fulgebat lucida circum,
Cum radiis illam splendentibus æthere Titan
Lustrabat, rutiloque ardebat lumen in auro.
Tota repercussis radiis cava litora circum.
Et Calabri ardebant colles, collesque Sicani:
Subter, & in tremulo splendebat gurgite pontus.
Quingenti puppem juvenes fulgentibus armis
Marte tuebantur, totidemque in vela ministri
Prompti assurgebant vi multa, & corpore forti.
Illam dixerunt Magni cognomine Regis
Magnam Lodovicum, & tali nomine digna
Puppis erat: talis Siculum visenda per æquor
Errabat, trepidi cum jam pervenimus undis.
Ut primum alatam spectavimus æquore sylvam,
Hæsimus, auratamque, oculis mirantibus, alnum
Attoniti ingentem lustravimus: aurea pectus,
Atque oculos misto tenuit terrore voluptas.
Aurum oculos, captumque animum, sensusque tenebat:
Martia sed centum terrebant fulmina mentem,
Usque adeò tutum nihil est. trememur ab auro:
Sævior & fulvo Mars est armatus in auro.
Litoribus nostris, Dii, talem avertite puppim,
Ne pacem Italiæ turbet, pacataque regna
Regibus AUSURIACIS tot jam dominata per annos,
Aurea pax vigeat: quantum est in fluctibus auri
Dispereat, pereatque auri insatiabilis ardor;
Hostes ne nobis fulvo insidiamur in auro.
Insidiosa dolos auri vis prodiga tendit.

Æquore, post cursus varios, cæloque remenso,
Jam Zancle portum classes, & longa theatri
Brachia se summo tollentia vertice cælo,
Intrabant, in vela Noto spirante secundo,
Languidus extemplo cecidit Notus, & citus alis

Labitur angusti Boreas de sede Pelori:
 Atque sinus auras venientes murmure læto
 Accepere, retròque recessit concita classis
 Vi multa Boreæ venientis, nec mora cunctæ
 Tunc vento obniti contrâ cœpere carinæ;
 Et ventum sensim vento superare sequendo.
 Ante alias Boreæ obluctarier aurea cyclas
 Cœpit, & obliquè in ventum dare vela: sub alta
 Sedulus assidens puppi molitur habenas
 Longo usu, multaque exercitus arte magister.
 Nunc hæc, nunc illâc currus retinacula flectit:
 Nunc petit Hesperiam cursu: & jam proximus oræ
 Torquet iter, Siculaque levi succedere terræ
 Festinat cursu: propius mox flamine multo
 Huc ubi jam venit, celeri fugit ocyùs Euro,
 Obvertique jubet velum: promptique ministri,
 Haud mora, consurgunt omnes, atque ardua torquent
 Cornua, detorquentque; citò & data iussa faceffunt.
 E prora hic tendit: dat & ille è puppe rudentes:
 Impiger hic scalas celeripede pressât, & alto
 Contendit malo, & carchesia summa manu jam
 Arripit, & lætus circo sedet inde coronæ.
 Et facit ille pedes, & veli cornua flectit
 Impiger, obliquatque sinus; nunc contrahit alter;
 Nunc pandit: nunc iusta truci dat carbasa vento;
 Assurguntque alacres opera ad navalia nautæ
 Unâ omnes, studiumq; unum, & cura omnibus una est.

Interea regit ipse ratem Palinurus in undis:
 Rursus in Italiam flectit temone carinam,
 Obliquatque mari cursus, sensimque sub Arcton
 Scandere conatur puppi, Cænymque virentem
 Exuperare. Fluit pelagus de litore Cænys
 Zancleum in portum, cursusque citissimus undis.
 Non opus hic est (mira quidem, nec credita vulgo.)
 Remigio, ventoque: ferunt ipsa æquora puppes.
 Quin etiam Boreas spirat de puppe secundus,
 Cum Cænym legere rates. Propè litora classis
 Cænynos, obluctante freto, pervenerat, & jam
 Audiri strepitus nautarum in litore cœpit,
 Velorumque fragor: pîctis terrebat in armis

Nos Gallus: nostris & terrebatur ab armis.

Parthenopæus erat miles, custodia collis
 Cui fortè obrigerat, generosus, & impiger armis.
 Dux illi Marti charus, vatique i Marinus
 Carrafa de gente satus, tot clârus avorum
 Nominibus, primæ quot sunt ab origine gentis:
 Magnanimi heroes cunâti, gestisque superbi,
 Illustres centum titulis, & laude decori.
 Quos inter claros heroas, & ipse videndus
 Egregia incedit laude, & virtutibus heros:
 Acer equis, promptusque manu, promptusq; sagittis,
 Promptus consilio, quo non felicior alter.
 Hoc duce jam fretus miles tentare parabat
 Principium belli, rigidisque emittere cannis
 Fulmineas per inane pilas: crebroque rotatu
 Torpentem sicca excutiebat veste favillam.
 Et jam admota truci radiabat Vesta metallo,
 Cùm subitò lapsus crepitanti murmure ventus
 In Siculum puppes iterum latus ire coëgit.
 Haud animis læta cecidit cum pube magister.
 Rursus tentat iter, serpitque per æquora gyro
 Multiplici, & ventum conatur vincere vento.
 Cùm tandem magnis & viribus usus, & arte,
 Cænys aprici superato colle sequendo,
 (Nil durum est nobis, & ineluctabile semper)
 Dat velum in ventum, & celeri subit ostia cursu.
 Non secus accipiter cùm vidit ab aëre summo
 Arboreo ex nido, vel agresti ex arce columbam
 Egressam celeri cursu petere arva volando,
 Ungue rapax, crudelis hians prædæque, rapinæque,
 Advolat, & pavidam contrà ruit arduus ales.
 Non tamen ille priùs contrà citò tramite recto
 Adventat, ne fortè volet dilapsa columba;
 Insidias cursu tendit, meditatur & artes.
 Ingeniosa fames, prædæque innata cupido.
 Nunc dextra simulat cursus, nunc ille sinistra:

Nunc

1 Marinus Carrafa. Martii Carrafæ Excellentissimi Madalunensium Ducis germanus, qui tunc Regini Neapolitanorum militum legionem Tribunus regebat. Vir animo penè regio, & ad maxima quæque natara comparatur, vatique per quam familiaris.

Nunc medio librat sese, atque immobilis hæret:
Nunc volat, & tortos designat in æthere gyros.
Mille per ambages ruit ære, mille per orbes.
Itque, reditque frequens cursu, properatque morando;
Transversumque loco cedit, ferturque propinquus.
Dum fugere insimulat, contrà venit: & propè cursu
Cum fuerit, pavidamque premit jam proximus ungue,
Irruit, & celeri prædam petit ære lapsu:
Æratis explosa velut ruit ignea cannis,
Et liquidum per inane volat pila: qualis & arcu
Evibrata fugit eadem latura sagitta.

Has, Palinure, artes, atque hæc exempla securus,
(Nam licet egregias artes, verumque laborem,
Et si quæ fuerint virtutes discere ab hoste)
Adversos superare Notos, fluctusque valebis,
Et tandem optatæ puppes advertere ripæ.

Est, etiam ille labor properandis cursibus alter,
Cum sensim tenuis moritura sibilus auræ
Languet, & in lento currit pigra gurgite puppis.
Quid tibi solerti studio tunc, rector, agendum est,
Edoceam. Si vela Notis aurita dedisti,
Celocesque regis, vel pictas puppe triremes,
Attolle è medio antennas carchesia circum:
Languida sic navim propellet fortius aura,
Vela implens: cursatque citus per cæcula currus.
Non secus ac vestem, si cum longissimus exit,
Exigua faber impellens vi, protinus imis
Attollit lapides, & grandia marmora terris.
At si per canos spumanti flumine campos
Turritas, auriga, rates moderaris, ab alto
Vertice malorum crepitantia suppara pande:
Illa sinu tenues perituri flaminis auras
Accipient; fugientque trabes tranquilla per alta.
At verò immoriens velo cum deperit omnis
Ventus, & in patriam fessas vocat Æolus auras,
Tunc latos nudata humeros generosa juvenus
Remigio insistat, pacataque marmora verrat.
Vel, si remigio careat ratis, illa silentes
Remulco, Palinure, tibi ducenda per undas.

Sed cita jam tempus pelagi vitare fluenta

Clavum in transversum, celeresque ferentia puppes :
 Atque venenati chalybis perquirere mores,
 Erroresque vagos, & vestigare locorum
 Fallus ubi in picto, & varius situs orbe notatur.

At mihi vos, Musæ, superi quæ vertice Olympi
 Cœlestes habitare domos, & rura soletis,
 (Nanque Deæ vos estis, & omnia vos quoque nostis :
 Vix famam obscuram, nomenque audivimus ipsi)
 Dicite, qui maris errores, cœlique retexit
 Primus, & optato potuit succedere portu,
 Atque ostensa Deum auxilia, & data munera nautis .
 Nam nisi, Olympiades Musæ, Jovis aurea proles
 Agiochi, vestro inspiretis numine vatem,
 Haude equidem dicam tantarum exordia rerum.
 Ergo agite, & veterem revocate ab origine famam .

Vir fuit, ut fama est, Beroë Sebethide Nympha
 Cretus, Neptuno puerum quæ juncta sub antro
 Herculeæ rupis concepit, & intulit auris .
 Niso nomen erat, qui patria regna secutus,
 Conclufum ratibus sulcabat Nerea, & altum
 Ægæum: sed sæpè alias dilapsus in oras,
 Quàm rate quas primùm ipse petiverat, inscius & se
 Incautum, & socios etiam culpabat inertes,
 Ac malè perspecto fallacia sydera cœlo.
 Hic quondam vitrei Sebethi ad fluminis undas
 Sederat, & tristes volvebat pectore curas,
 Cùm gnatum miserata parens Dea, fluminis alveo
 Affuit auxilium Niso latura: sed omnem
 Divinam occuluit speciem, vultusque verendos.
 Mortalem in formam sese induit: aurea virgo
 Emergit fluvio, viridique crepidine ripæ
 Astitit, & forma Niso pulcherrima visa est.
 Qualis pulchra Hyale cætu comitata sororum,
 Cùm Prochyten cursu, maternaque regna pererrat
 Anariæ, gaudetque fuga prævertere cervum
 Venatrix, jaculoque leves transfigere damas.
 Nanque Dea ex humero pictum suspenderat arcum,
 Et flavos dederat vento diffundere crines,
 Purpureis formosa genis, & candida mammas.
 Ut tristem aspexit natum Dea, voce locuta,

Sic

Sic ait: O juvenis, quæ nam tibi causa doloris?
Fare age: quandoquidem demisso pallidus ore
Tristitiæ indicium color est. cui talia contrà
Nisus ait: Fortuna mihi contraria semper
O Dea (tu certè sacri Dea fluminis una es:
Nam neque mortalis tantùm se tollere forma
Ulla potest: tanta nec majestate videri)
Quæ sitos nunquam veniunt mea carbasa portus:
Fallaces mihi stellæ sunt, & cortice pictus
Ipse etiam mundus fallax: mare, cursus, & undę
Fallaces. ars nulla mihi, experientia nulla
Profuit. indeprensus aquis latet error in altis.
Tunc Dea sic Niso, & curas solatur amaras:
Est hic, antiquum quæ servat ab Hercule nomen
Insula, quò Glaucus recipit se fessus ab undis
Cum venit, & stratus recubat per litora pastor.
Nanque senex Nerei pascit vastissima cete,
Squamigerosque greges sub gurgite: & omnia ponti
Per liquidos campos pastorem armenta sequuntur.
Hic causas rerum arcanas, venturaque novit;
Nam Deus, & vates. Glaucus tibi, nauta, rogandus
Supplicibus donis. mitis nam numine Glaucus.
Ille nec infidiis capiendus, uſ horridus ore
Proteus immani, qui se in miracula rerum
Omnia transformat, ferus, hispidus. ille tibi rem
Pandet, & errorum causas monstrabit, & omnes
Occultas maris ambages canet. Ergo ubi Titan
Egerit in medium currus sublimis Olympi,
Cum nigrũ Æthiopem, & Garamantem fervor adurit,
Et sitiunt campis segetes, & florea in hortis
Gens squallet, tenuesque fluunt per flumina lymphæ,
I tu, nauta, duo spumanti pocula lacte,
Et Surrentino duo pocula plena Lyxo,
Dona ferens: nam mitis amat sibi talia Glaucus
Dona geri. vacuo fessus tunc ille sub antro
Dat placidum membris somnum. Neptunia monstra
Litoribus passim prostrata, & fusa per herbam
(Nam cum sopitus somno jacet ille per antrum,
Sopitæque jacent passim per litora phocæ)
Ne timeas. Hæc illa dedit, liquidasque sub undas

Descendit, diaque simul sub luce reluxit,
 Et circum suaves spiravit vertice odores:
 Veraque descendens patuit Dea. ille ubi matrem
 Aspexit Beroen descendere fluminis alveo,
 Hac voce insequitur, questusque ad sydera jactat:
 Tu quoque crudelis falsa sub imagine formæ
 Me ludis, dulcesque negas mihi cernere vultus?
 Cur prohibes gnatum dextræ conjungere dextram?
 Et te complecti, & teneris dare dulcia labris
 Oscula? te ne tui cœpere oblivia Nisi?

Talibus inculsat genitricem, & litora gressu
 Nota petit. medium cœli conscenderat axem
 Phœbus, & arebant nemora, & sitientia prata,
 Et pelago fluctus torpebant, cum sua Nifus
 Dona ferens Glaucō celeri vada falsa phaselo
 Scindit, & Herculeæ vicina in litora rupis
 Fleatit iter. scopulo Nifus jam proximus ibat,
 Undique cum vidit prostratas litore phocas,
 Immanesque orcas dulcem captare quietem.
 At Glaucus gelido rupis resupinus in antro
 Serpentem primum per mollia membra soporem
 Carpebat. prostrata solo Neptunia monstra
 Ut propè conspexit stetit, horruit, & quid agendum
 Inscius inquirat secum. Dea flumine ab alto
 Affuit, & medio visa est in gurgite, qualis
 Nerine Galatea, Thoëque, aut cœrula Cloto,
 Cæsariem diffusa levem per candida colla,
 Et niveos nudata humeros, nudata papillas.
 Atque hæc Niso effata dedit: Neptunia monstra
 Ne timeas, ò nauta, vides quæ litore in illo;
 Nam somno sopita jacent. mox illa carinam
 Impulit in litus: casuque audacior ipso
 Egreditur Nifus, tacitusque incedit in antrum.
 Utque antro propius succedit, conspicit antro
 Tollere se Glaucum: supplex citò munera Nifus
 Obrulit, & multa paltorem voce precatur.

Glaucē pater, qui monstra regis Neptunia, & udos
 Per vada lata greges, tibi sunt mitissima quando
 Pectora; non humilesque preces, non munera spernis,
 Tu nostri miserere mihi da noscere causas

Er-

Errorum, pelagi quò tutiùs invia lustrum
 Æquora, & optatum teneant mea carbasia litus.
 Tunc ille: ò juvenis confidentissime, nostri
 Quæ Dea te jussit properare ad litora regni,
 Arcana in dubiis quæsitum oracula rebus,
 Novi equidem: formosa mihi jam cognita Nympha est.
 Accipe nunc, penitusque animo mea dicta reconde.
 Pauca tibi è multis. series longissima, longæ
 Ambages, variusque error: fastigia rerum
 Summa sequar, ratibus quò tutiùs ire per altum
 Possis, quæsitosque sinus, portusque subintres.

Herculis irrupens angusta per ostia pontus
 Vi magna Libyæ trans litora concitus undis
 Fertur in Eoum, tētrasque interfluit omnes.
 Hinc ubi palmiferæ in litus defluxit Idumes,
 Phœnices petit ascendens, ferturque sub Arcton.
 Inde iterum saliens undantia lora retorquet
 Occiduum in Solem, cursum que per Asida tendit,
 Tendit & Europam; sed mitior æstuat undis.
 Ut resilit, lucente solo, pila concita retrò;
 Atque percussum liquido volaraëre telum
 Lentiùs. Herculeas tandem se sistit ad oras.
 Hinc vagus 1 error aquis: veniens vi pontus aquarum
 Transversum puppes agit incitus. inde carinæ
 Atque alium in portum, atq; aliam vertuntur ad oram.
 Præterea est etiam 2 fallax acus ipsa, nivalem
 Non semper tremula cū cuspide respicit Arcton.
 Syderis illa vago nimium torquetur amore:
 Diversisque locis varia est fallacia gemmæ.
 Hic petit illa polos, & cuspide figit acuta:

I 4

Hic

1 Primus error navigationis ortus ex motu maris ex Gaditane freto ir-
 rampentis (la Corrente) Itali appellant, qui semper naves in trans-
 versum agit. 2 Error alter oritur ex declinatione magnetis, quæ
 non semper in Boreum Mundi polum vergit; alibi enim in Gracum
 deflectit (Grecheggia) nostri dicunt; alibi verò in Magistrum sese
 agit (Mæstraleggia) Hoc autem plus minus pro varietate locorum.
 in paucis verò Mundi partibus nullam habet declinationem. celeberrima
 loca sunt, Insula, quas (Terzeras) Hispani dicunt, Africa pre-
 mentorium, quod nunc Bona spei prementorium est, illudque vocant
 (Capo dell'Aguglie) Tertius locus est apud Seres in urbe, quam
 (Cantonem) indignant.

Hic celerans iter ad dextram ruit incita partem:
 Hic ruit ad lævam: minus hic fugit, at magis illic.
 Nec certis errat spatiis, nec legibus iisdem
 In lævam, dextramque plagam se vertit in orbem.
 Fluctuat incertis erroribus, & loca mutat
 Sæpè. Adèd longo variari tempore possunt
 Res cunctæ, versæque alium servare tenorem.
 Mira hæc, Nise, vagus forsàn furor inditus astris,
 Et vagus est lapidi suus ardor: & inter amantes
 An quia nil firmum, nihil est durabile semper;
 Aut occulta latet gremio vis abdita terræ,
 Quæ sociam flectat mentem, retrahatque, feratque.
 Hæc tu dum vacuo deprensus litore nimbis,
 Non optata trahes alto procul oria ponto,
 Vestiga, & causas rerum meditare latentes.

Sed varium nigræ errorem perquirere gemmæ
 Difficile est: hac arte tamen venaberis illum,
 Eligno facies, aut cupro, Nise, tabellam,
 Et planam, & lævem, mediaque in nave locabis
 Libratam in longo tripoda, quæ vertice summo
 Sic Finitori respondeat, undique ab illo
 Aequali ut distet spatio. mox circinus orbem
 Describat tabula in media, centroque rotundum
 Fige stylum: superis qui se rectissimus auris
 Inferat è centro, tabulæque impone politæ
 Pyxidis orbiculum. summo cùm proximus ibit
 Vertice Sol, orbemque styli lustraverit umbra,
 Punctum, Nise, nota in circo, post tempore longo,
 Ardenti Phœbus cùm jam descendit Olympo,
 Rursus & umbra styli circum perlustrat cundem,
 Tunc opus extremos apices signa rier umbræ.
 Hinc postquam in partes geminas divideris arcum,
 Linea per centrum, & medium, quæ ducitur arcus
 Illa erit, immoto Mundi quæ congruit axi.
 Atque erit hæc medii tibi linea vera diei.
 Quantum ex hac acus effugiet, dextraque, sinistraque,
 Illius tunc tantus erit tibi cognitus error.
 Sed quia difficile est medio consistere ponto
 Libratam fulcro tabulam, tibi dextera filum
 Suspensum teneat, rectà quod tendat ad imum

Ætæ

Ære grave: & puro obiectum cum pyxide Soli
 Sic moveas circum dextra, lævaque ferendo,
 Projecta ut medium vaga dissecet umbra rotundæ
 Pyxidis: atque umbræ punctum signare memento
 Extremo in circo. partes ubi Phœbus easdem
 Attigerit, (partes radio, aut sextante notabis)
 Sedulus hoc intrâ, punctumque in margine signa.
 Divide mox arcum: medii tibi nota diei
 Linea rursus erit, fucatæ & cuspidis error.
 At si purpureo cuspis se vertit Eoo,
 Illam gemma plagam spectabit, & agnitus error.
 At verò occiduum in Solem si cuspis abibit,
 Error in Hesperiam partem, Caurumque recedet.

Insuper his, & fallax situs ipse, habitusque locorum est
 Orbe in picto, hominum quanquam solertia summa
 Astra notare polo, radioque notata referre.
 Altior hinc Creta, & longè promota sub Arcton,
 Et Rhodos, & Cyprus jacet altior, atque Cythera.
 Ipsa etiam surgit Pharos altior, altus & ipse
 Flumine septeno Nilus, divesque Canopus.
 Quæ cum sic habeant sese: (tibi dicere pauca
 E multis cupio) curvo de litore funem
 Cum Galatæ solvens longè venturus ad urbem,
 Cui Sabathræ nomen fecerunt, elige dextram
 Puppe plagam, & rectâ tepidum ne curre sub Austrum,
 At si Sardoo venias de litore tutos
 In Drepani portus, partem percurrere sinistram;
 Si redeas, lævam pete, Nise, & gurgitis æstus
 Non tua quæsito propellet carbasa portu.
 Cum Melita ex humili centum petis urbibus olim
 Insignem Cretam, lævas defletere ad undas
 Cura tibi multa. At Veneri dilecta Cythera
 Si lustranda mari in magno, ne cortice mundus,
 Ne tendas, quâ monstrat iter, sed Solis ad ortum
 Rectâ cæruleum sulcabis Nerea rostro.
 Si Cypro quærenda Pharos, litusque Canopi,
 Bis senas læva partes deflecte catinam.

Vc-

2 Tertijs error ex visio Mapparum Geographicarum, in quibus non sunt
 vera latitudines, ac longitudines locorum notatæ. modus autem in-
 veniendæ veræ latitudinis, longitudinisque traditur Libro 7-

Verùm si cursum celeras, cùm diria Nilus
 Rura beat, latèque optato mergitur omnis
 Diluvio Ægyptus, 1 plus læva flectere puppes
 Est opus, ad dextram vero tu dirige cursum,
 Si Tyrios Cypro contendis, & altus Orontes,
 Aut Tripolis lustranda tibi. Cytherea regna
 Litore ab Attalico si sint tibi, Nise, petenda,
 Tende iter ad dextram, sic & cùm gurgite vasto
 Attaliam petis è Cypro: verùm omnia longum est
 Percensere; tibi experientia multa locorum,
 Verus & è cælo situs agnitus, & maris usus,
 Atque acti toties monstrabunt cætera cursus.

Hæc dedit, & cōcham inflavit, qua protinus omnes
 Exiluere feræ, tumidumque ivere sub æquor.
 Ultimus ipse caput liquido Deus æquore meruit;
 Et vitreas egit spumosa armenta per undas .

1 Nam propter velocem exonerans se fluvii motum fortior est maxime impetus, ac violentius puppes agit in transversum.

LIBRI QUARTI

FINIS.





NAUTICORUM

LIBER V.

Sed me jam patrii per litora nota phaseli,
 Tyrrhenique vocant fluctus, fluctusque Sicani,
 Ac longè applaudunt Ligures, jubar ire per undas
 Enboicos ultra fines, & amœna secundum
 Litora, & ingenio paulum indulgere paterno.
 Hic Patriæ debetur honos: nec erit labor iste
 Non gratus nautis, nec vati inglorius. At tu,
 O decus, o nostræ meritò tutela carinæ,
 CARDINIDE, hos etiam tenues ne despice lusus
 Quandoquidem exiguis sæpè est sua gratia rebus.
 Non semper magnis sulcandum navibus æquor
 Trans terras, mare quàm patet undiq; & undiq; cælum,
 Arbitrio ventorum, & agentis singula Sortis.
 Interdum licet & piceis vada findere lembis,
 Ac lætos celeri colles transmittere cursu.
 Salsa pererranti semper fuit illa voluptas
 Blanda mihi, ut molles una hinc cita palmula ripas
 Stringeret, & placidos hinc scinderet altera fluctus.
 Ergo age, velocem mecum conscende phaselum,
 Dum puri fulgent Soles, & leniter undas
 Optatæ intendunt auræ, procul en vaga Lai
 Flumina te nunc compellunt, sceptrisque superba
 Regna tuis: læto resonant murmure fontes,
 Et plausum ingeminant valles, collesque supini:
 Nereidasque inter tibi jam præit æmula Doris.
 In primis quicumque levi fulcare phaselo,
 Aut Tyrthena paras felicia cæcula ponti,
 Aut longè Ligures, Hetruscaque litora quæris,
 Cura tibi insignem, fortissima robora, pubem
 Eligere, egregiam sed quæ det terra juventam.

Ac.

Accipe. Robustos primùm tibi partia Siren
 Sufficiet juvenes sulcandis fluctibus aptos,
 Quos timidos nunquam, nunquam experieris inertes ;
 In casus quoscunque vocet Fortuna sinistros ,
 Audaces veniunt, & dura pericula temnunt.
 Ipsa etiam mittet pubem tibi Lubra valentem ,
 Quæ fluctus secet, atque ingenti quæ pede lembum
 Presset ovans, cuspumque citet generosa per undas.
 Hisque pares etiam juvenes tibi molle ministrat
 Surrentum: melior sed quæ 1 campestris pubes
 Rura tenet, paribus vili certare lacertis
 Surrenti egregiam pubem, pubemque Minervæ,
 Cùm Surrentino de litore fortè 2 redibam
 Parthenopen. Prochyta fortem ne despice pubem,
 Nec quos, Euphræ juvenes, & Olympia nutrit.
 Non multùm Ænariæ pubem, pubemque Dicarchi
 Laudarim. non ipsa suos mihi jactet Amalphis,
 Sint quanquam magnis ducendis navibus apti,
 Et mores norint ventorum, & sydera cæli.
 Æquensis neque det Vicus, Stabiæque vetustæ:
 Nec Tellus Sicana suos, nec Brettia mittat:
 Quippe apti remo non sunt, velisque regendis.
 Rheginam tamen haud ausim contemnere pubem ;
 Solertem expertus quondam, cùm flava Simethi
 Flumina, & apricis legerem sub collibus Hyblam,
 Ortygiæ sedem, & Siculi monumenta magistri,
 Ac vitreos rauci fontes visurus Anapi.

Hinc ubi legisti generosam ab litore pubem ,
 Et jam clara dies nitido surrexit olympo,
 Postquam Luna novo per cælum lucida cornu
 Fulserit, & lenes crepitanti murmure venti
 Vela vocant, Palinure, cavam da fluctibus alnum :
 Nec sine purpureos frustra decedere Soles:
 I celer, & causas ne longùm innecte morandi;
 Ne te sollicitus comprehendat in æquore nimbus.

Ac

1 *Vicus Surrenti vulgo* (il Piano di Sorrento.) 2 *Post autumnale
 otium ex villa Aloysii Guardati alumni amantissimi, qui domi sue,
 quæ antæno in colle ad mare sita est, unde pulcherrimus Cræteris to-
 rius Neapolim usque prospicere patet, me lauro, ac geniali convivio
 exhilaraverat.*

At verò ex udis cùm solvis vincula ripis,
 Et jam Sirenis de litore strata per alta
 Carpis iter, læto magnam clamore saluta
 Reginam Superùm, curvo cui plurima portu
 Assurgunt delubra, piis solemnia votis,
 Ac veteri sacra cultu, & religione parentum;
 Quæque regit ventos, & vastis præsidet undis.
 Illa dabit faciles auras, cursusque secundos.

Mox ut Sithonii felici flamine vela
 Implerunt Boreæ, volitatque per æquora puppis,
 Invigilet velo pubes, versetque rudentes:
 Ipse gubernaculum solers moderare, magister,
 Quò cœpti cursus, oprataque flamina ducunt:
 Obiectique vocant viridi de vertice colles;
 Nanque tibi nec opus tornaræ pyxidis usus,
 Nec nivea pictum membrana ediscere mundum:
 Litus ama, & bibulas tibi palmula radat arenas,
 Vitiferi colles, & summa cacumina montis
 Pyxis erunt, propriaque tibi sub imagine Mundus,
 Quas fugias cautes, quæ saxa latentia fluctu
 Evites, quæ fida petas, & litora dicet.
 Non tibi suadebo longè tentare profundum,
 Ac fragili immensum pelagi percurrere lembo
 Æquor in abruptum. Sed si fiducia tanta
 Pectus habet, pontique altum fulcare necesse est,
 Pyxida tunc, Palinure, & pictum consule mundum.

Vidi ego, qui regis jussu, dum bella negabant
 Gallica veloci transmittere litora lembo,
 Ausus per medias conclusæ Tethyos undas
 Litore ab Hesperio sepositos quærere Iberos,
 Exiguo fretus ligno; fluctusque sonantes,
 Atque æstus pelagi, rapidosque laceßere ventos.
 Felici hinc lætus successu, ausoque potitus,
 Ausus in Ionium descendere, & ire per undas
 Ægeas; tenuitque mari, cœloque remenso,
 Litora Minois quondam regnata tyrannis
 Victor, & Eoi lustravit regna rubentis.

Talia quid memoro? levis hæc audacia nautæ
 Euboici. Quondam confidentissimus unus,
 Atque homines inter fortunatissimus omnes

Lyſiadum ſatus antiqua de gente ⁊ magiſter
 Auroræ ſub ſede ſuit, qui primus ab Indis
 Ut captæ ⁊ Baraces Europam nuncius ſret
 Lyſiadum ad regem, & meritò ſibi quæreret uni
 Ingentes laudes, & munera divitis auri,
 Exiguo ingentes auſus ſubmittere lembo
 Oceani fluctus, montesque irrupere aquarum:
 Atque altum Acronoton, crebrisque impervia nimbis
 Æquora Caſrorum, & diras ſuperare procellas.
 Certa fides facti, quanquam vix ipſa meretur
 Fama fidem. Pulchræ, ſed quid non laudis amore
 Mortales audent, aurique cupidine cæca?
 Sed favit Fortuna viro: favere quieti
 Oceani fluctus, ventique in vela ſecundi;
 Seu generoſa hominis mirati peſtora, & auſa:
 Sive illos animi, ſaſque audacia fregit.
 Ipſa ſed alatam jaſcet non amplius Argo,
 Nec mihi magnanimum commendet Græcia Tiphyn,
 Et ſocios canat heroas, tollatque ſub aſtra.
 Hic meritò lembus cælo donandus: & ipſam
 Suprà Argo, Mundique patet quâ plurimus axis,
 Fulgeat, alterius ſemper Cynofura Profundi.
 At te ne audacis ſtimulet Fortuna magiſtri,
 Et nunquam tanti teneat fiducia facti;
 Nam rari caſus: rara hinc exempla petantur.
 Sunt multi, quorum minor eſt audacia, & arti
 Conſidunt magis, & magnis eſt viribus uſus.
 Hi sæpè æſtate in media, dum cæpula paſſim,
 Aut tranquilla ſilent, aut leni mûrmure aguntur,
 Teleboùm de rupe, dies dum candida cælo
 Emicat, aut primam ſub noctem lucida cornu
 Cùm ſurgit nova Luna, mari ſe mittere aperto
 Audent: & celeri curſu, velut acta ſagitta,

Tyr-

1 Fuit hic Iacobus Botellius vir strenuus, & maritima ſcientia laude florentiſſimus, qui ut apud Ioannem Regem inſigni documento ſuam probaret, facinus omnium, quotquot fuit, memorabiliſſimum auſus eſt. parva biremi pedes octodecim longa, lata verò ſex, per Oceanum iter in Europam aggreſſus, ut condita ad Diu arcis (quam inſulam mox totam Luſitani occuparunt) nuncium regi aptiſimum ferret. 2 Inſula, & urbs in India intra Gangem, ſita in ſine Karyakæno (Golſo di Cambaya) ab Indis (Diu) appellata.

Tyrrheni fulcānt medium, cursuque secundo
 Nora Panormææ contingunt litora terræ.
 Hos ego non ausim audaces dampare magistros:
 Sed neque laudari infidas nam currimus undas:
 Tuta nec est nobis, Zephyris spirantibus, æstas.
 Sæpè serenato dum lumine fulget Olympus,
 Et Doris pacata silet, sese ilicet atræ
 Effundunt cælo nubes, & sydera texunt;
 Ac subito rapidi incumbunt stridore; Tropæi,
 Momento quibus è fundo subvertitur imo
 Oceanus: fluctusque ruunt transversa furentes.

Verùm age, non id te lateat, si forrè per alium
 Carpis iter, rectoque petis temone Panorum;
 Vicinam pete tu primùm Nesida phaselo,
 Vel juga Miseni, Prochytaque virentia saxa:
 Hinc Libycum versus contende, & flantibus auris,
 Remigioque vola: dextramque secare memento
 Puppe plagam, sensimque undas superare ruentes;
 Ne te transversum venientum cursus aquarum
 Paulatim abripiat, pellatque 2. Soluntis ad oras,
 Aut ubi dividuo se miscet flumine ponto
 Himera 3, & hinc perdit, hinc & tenet unda saporem.
 Ipsa sed ad lævam longè deserta colonis
 Ustica prætereat, quàm tu transmittere cursu
 Nocte sub obscura semper, Palinure, memento;
 Nam se piratæ deserto in litore condunt,
 Et sæpè incautos deprendunt gurgite nautas.
 Cùm verò è Sicula remeas Tellure, repostos
 Trans 4|Erctam perquire sinus: hinc inde sub Arcton,
 Quà gelidis spirat ventus de rupibus Æmi,
 Flecte viam velis, remoque, & cæcula sulca.

At

- 1 Ventis, qui sæpè astate è terra repentino turbine exurgunt, & tunc apogæi vocantur: mox è mari in terram iterum redeunt, & tropæi appellantur. Violenti sunt, & mare momento subvertunt, vix in occasum durant. qui quidem frequentes in Tyrrheno mari bacchantur.
 2 Promontorium inter Himeram, & Panormum, ubi olim urbs erat, vulgo (Solanto). 3 Fluvius, & urbs in Septentrionali Sicilia latere Panormo diffusa orientem versus xxiv. mil: pass. (Termini.)
 4 Mons quavis lapide Panormo diffusus, in quo olim castellum, vulgo (Monte Pellegrino) ad radices opportuna navigationis statio est Siculi (Mondello) indignant.

At sensim in septem clavum torquere Triones
 Contendas, humiles donec rarefcere montes
 Teleboùm spectes, hinc & sacra culmina Lubræ.

At si me cursum dubias auctore per undas
 Instituis, patriasque velis remeare sub oras,
 Ne maris exiguò tentare pericula ligno,
 Ne cupias: medios currant ingentia fluctus
 Navigia, & vento credant vela ampla furentis;
 Tu nunquam è noto discedas litore: & illud
 Neve oculos fugiat. tuta hæc Cynosura secundum
 Visa regat cursum, & surgentia flamina monstret.

Ergo Panormæas cùm, navita, tendis ad oras,
 Leucosiam 1 primùm Pæstana per æquora quæras;
 Perque sinum cælo medium percurrere sereno.
 Nam tibi si dubio pendet sub sydere, tutum
 Litus ama, & longo gyro lege litoris oram.
 Lentus in ancipiti festina, navita, cursu.
 Hinc sale 2 Buxenti superato, dirige clavum
 In 3 Paticum. quò cùm perveneris, aspice cælum
 Si constat, si certa mari pellacia ridet.
 Quæ cùm sic habeant sese, canentia pande
 Carbasæ, & Æoliis surgit quâ 4 Strongyle ab undis
 Carpe fugam pelago, lævaque relinquere montem
 Festina, & Liparæ tandem te vertere ad oram.
 Hinc 5 Agathyrna suo venientem in litore cymbam
 Accipiet: mox & transmittet ad usque Panormum.

Verùm si Melitam, & terras tentare repostas
 Fortè velis, litus primùm tu rade Sicanum,
 Eoum ad solem quod spectat, & alta Pachini
 Saxa, sinumque cavum, sedemque immitis Ulyssæi.
 Donec pacato accipiat te 6 Caucana portu,
 Unde iter in Melitam breve panditur. aureus altos
 Cùm surgens rosei postes jam pulsas Olympi

Ves-

1 *Insula ad extremum Pæstani sinus (Golfo di Salerno) sic dicta de nomine unius ex tribus Sirenibus, quæ ex Græcia in Italiam navigavit, vulgo dicitur (La Licosa).* 2 *(Policastro) sic dictum à copia Buxi.* 3 *Oppidum Calabriae marissimum (Paola) nota phæelis statio.* 4 *Una ex Æoliis à figura sic appellata, æsi enim rotundus mons non exigua magnitudinis (Strongoli).* 5 *(Capo d'Orlando) ubi quondam Agathyrna urbs.* 6 *Olim portus, nunc ora (Mulinazzo) incolæ appellant.*

Vesper, & occiduos vertit se Phœbus ad Indos,
Tende iter in noctem: & remis, ventisque vocatis,
In Libycum curvo flectas temone carinam;
Quippè sub Auroram Melitæ laberis ad oras.

Verùm age, quæ studia alatos agitare phaselos
Arva per, & colles, & litora propter amœna,
Expediam, cursusque juvat meminisse peractos
Nam sic Italiæ felicia litora quondam,
Sicaniaque oram legi, rectore Melantho,
Ventorum, & cœli, tempestatumque peritus
Qui fuit, atque usu longo versatus in undis:
Incipiam: verum exemplo tu discce laborem.

Jam cœlo Domitor præfulserat Orionis,
Cum i Bretri populos iterum lustrare coactus,
Parthenopen linquo, & patriis feror exul ab oris
Quò vari, & Musis fatalia jussa vocabant.
Oceani croceum linquens Aurora cubile,
Purpurea cum luce diem referebat Olympo,
Cum celerare moras magno clamore Melanthus
Iussit, & invitis properare ad litora Musis.
Haud mora, compositis rebus, jam fasce parato,
Me socii ad litus deducunt. hùc ubi ventum est,
Cum lacrymis multis amplector, & ultima dico:
Vivite felices gremio Sirenis amatae,
O socii, nullum pelagi quibus æquor arandum:
Læta domi sed parva quies, atque otia vobis.
Vos natale solum, vos cœli mollior aura
Dulcè sovent: Zephyrique canoro murmure mulcent;
Vos & Leucopetre, vos regum cognita i sedes
Accipit interdum, vitreus quàm fontibus humor
Labitur, & centum ludunt per culta Napææ:
Et vagus umbroso veniens Sebethus ab antro
Allicit, & placidus ludit deus amne fluenti.
Hinc & Pausilypi colles mollissima præbent
Vobis hospitia, & felicibus otia Divis.

K

Vos

- 1 Fuit hic Herculis filius, à quo Bretri, quas alii Bruntior appellant.
2 Nobilissima Neapolitanorum Regum villa altero ab urbe lapide ad Orientem sita. Locus antiquitus deliolum vocabatur, nunc (Poggio reale) ab Alphonso Calabria Duce Ferdinandi primi filio amantissimis fontibus, hortisque, & superbissimis aedificiis primis exornatus.

Vos Nefis, Prochyteque, & Olympia detinet ora ;
 Ora meis quondam statio gratissima Musis.
 Otia, Pierides Musæ, & mihi culta tor annis
 Parthenope dilecta vale, sociique valete :
 Me Calabri invitum rapiunt. Nec plura, vicissim
 Antiquum socii lacrymis testantur amorem ,
 Et mihi felices auras, cursusque precantur.
 Quos inter primo pubescens flore juventæ,
 Et virtute potens, & sanguine clarus avito,
 Flavius Aloysius, mihi quo non charior alter:
 Nec fuit & Musis, & Phœbo gratior alter :
 Dignus Aloysius Musis, & Apolline dignus,
 Rore madens multo geminas ad sydera palmas
 Sustulit, & Superos humili cum voce precatus,
 Hæc dedit: O Superi, si quicquam optare precando
 Possumus, & multa vestrum prece flectere Numen,
 Sternite molle fretum, placidosq; in carbasia ventos
 Mittite, & ardentes nimbis arcete procellas;
 Ut tandem nullis per cœrula casibus acta,
 Litoris extremi vertat se puppis ad oram.
 At vos, Nereides, vos cœtera turba Dearum,
 Vitrea quæ colitis spumosa Doridos antra,
 Felices, precor, ite duces, placidoque natatu
 Pandite iter, vestrumque, Deæ, servate postam,
 Qui vestra oceani cantavit munera primus,
 Primus & audaces duxit per cœrula nautas.

Sed doctus cymbæ retinacula curva Melanthus
 Immisit, terrisque abduxit fune soluto:
 Arripiunt nautæ remos, atque æquora verrunt.
 Mox, longè à terra ut ventum, fortissima pubes
 Vela stetit factura: mari sed currit aperto
 Puppis, & impressus fert imperus ipse volantem .
 Ceu per inane volat fugiens lethalis arundo,
 Quam Cressus duro ex arcu, vel barbarus egit
 Threicius. Verùm nautæ clamore secundo
 Dant sensim velum in ventum, nè fortè ruentes
 Obvertant; subitæ latus auræ, & cœrula puppis
 Accipiat; tumuere sinus: volat incita velis
 Prona petens maria, & cita dissecat æquora pinus.
 Confestim velut è nido sublapsa columba,

Ra.

Radit iter liquidum, cœloque excurrit apertò.

Jam mihi spectanti longè Crateris ab alto
 Urbs augusta, ingens, variis placidissima scenis
 Panditur, & magno circum curvata theatro
 Versicolor, Phœbo primùm radiante, patescit.
 Phœbeos velut ipsa sinu cùm roscida nubes
 Accipit radios, circumque remisit in arcum;
 Extemplo curvata polo micat aurea summo
 Thaumantis soboles, centumque coloribus ardet.
 Omnis in obtutum nobis cadit aurea Siren
 Parthenope, & latè colles qui rura coronant.
 Læva Pausilypus, pulchris jugalæta puellis,
 Cernitur, & dextrà qui proximus 1 Antinianus
 Undique lætam urbem lætis cum collibus ambit.
 Herculeæ hinc cautes, & dictus ab Hercule 2 vicus,
 Vicus odoriferis sylvarum cognitus umbris:
 Et 3 Pompeianum, felicia litora Baccho,
 Osci quæ quondam, & veteres tenuere Pelasgi.
 Apparent & rura, vago quæ flumine 4 Sarnus
 Irrigat, & viridi prætexit arundine ripas.
 Et veteres Stabiæ, & crebris jugâ confita sylvis.
 Ac Surrentini colles, quibus invidet altus
 Massicus, & dulci Bromio lætissima Creta.
 Quin & oliviferæ apparent delubra Minervæ,
 Regnaque Telebòum felicia, longiùs inde
 Parte alia surgens turrìto vertice Nefis
 Spectatur medìs in fluctibus, atque Dicarchi
 Aprici colles, atque ignibus horrida Phlegra,
 Miseni jugâ celsa, & olentes sulphure Bajæ,
 Atque humilis dirum Prochyte fortita Mymanta:
 Et quæ subiectum premit alta Typhoea monte
 Inarime, & circum colles felicia læro
 Uber alit centum vineta madentia Baccho.
 At ratis intereà, Borea spirante, secabat
 Æquor, olivifero cùm jam de colle Minervæ
 Delubrà, & nobis paulatim claustra patebant.
 Hic vigil intendit velo, clavoque magister;

K 2

Im-

10 Collis, qui proximè urbem ambit vulgò (Il Vomero) in quo pagus est
 ab antiquo montis nomine dictus (Autignano.) 1 Herculanium, in-
 colis (Torre del Greco.) 3 (Torre della Nuntia.) 4 (Scafati.)

Improvísus enim medio de cardine sæpè
 Irruit Euroauster, & æquora turbine vertit:
 Et vertit velum irrumpens, tu, navita, cautus
 Collige vela manu, cùm turbidus insonat Auster.
 Nec ventum superare, & spumea cæcula remis
 Contendas: cursu vel proxima litora Lubræ,¹
 Aut: Polli statio vicina in valle petatur.

At freta transvectus celeri cum puppe Melanthus,
 Jam virides dextra Capreas, lævaque Minervæ
 Saxa relinquebat, roseo cùm Phœbus Olympo
 Pronus agebat iter, currumque urgebat ad Indos:
 Tunc cecidit Boreas: demitti vela magister
 Imperat, & molli luctari in gurgite tonsas.
 Haud mora, demisso velo, maloque reposito
 Ad latus arborea in furca, consurgere remis
 Incipiunt nautæ, & celeres freta cæcula sulcant.
 Commisit puero clavum mox ipse Melanthus,
 Arripuitque manu remum, sociosque laceßens
 Diffundit maria: & socii superare magistrum
 Contendant, magnis & cæcula viribus urgent.
 Ceu luctatores nudati corpora quando
 Gramineis alacres exercent membra palæstris;
 Vel quales, nauticapræ, cervumque bicornem,
 Exuperant deserta, fame stimulante, leones.
 Continud' adductis spumant freta versa lacertis,
 Et cani apparent convulso in gurgite sulci.

Et jam Sirenum scopulos proVectus adibam,
 Cùm roseas Titan nubes, aurumque relinquens,
 Conditur Oceano: & bigis inVecta serenis
 Nox venit, humentique polos involuit in umbra.
 Tunc rector: Quia blanda mari nox se intulit alto;
 Remigio instemus, socii, cursuque petamus
 Leucosiam: nobisque dati nunc temporis usus.
 Turpe serenatas pro somno perdere noctes.
 Sic ait: & nautæ faciunt mandata magistri.
 Proscindunt remis vada lenta; fugitque per undas,
 Ceu fulmen, pelago subter spumante, phæselus.

Hinc

¹ Sinus inter Surrentinum, & Massam Lubrensem, in quo olim ad mare celebrissima fuit Pollii Felicis villa. locum nunc corrupto vocabulo (Puolo) nauta dicunt.

Hinc, prima jam nocte, polo constare sereno
Omnia cūm vidit, placidasque è collibus auras
Alaplasasensim increbrescere, vela magister
Expandi in ventum citò jussit: & ipse virentem
Leucosiam contrà proram temone tetendit.

Intereà fessi placidam per transtra quierem
Carpebant sparsi nautæ: vigil ipse magister
Nocturnas agit excubias; Nam cura salutis
Cui commissa hominum, & vitæ spes dirigit unus,
Non decet in dubiis concedere lumina somno:
Semper & in dubiis agitur, cūm fluctibus imus.

Jam i Silari, Zephyris spirantibus, ora legebat
Lembus, ubi multus gelido de flumine ventus
Sub noctem spirat, magna cūm voce Melanthus
Conclamat. Socii, ò vos hic, velumque, rudentesq.
Arripite: hic locus est (nec me sententia fallit,
Atque acti cursus, servataque sydera cœlo)
Creber ubi surgit Silari de flumine ventus.
Hæc ubi dicta: gravi increbrescere murmure ventus
Incepit. nautæ surgunt clamore vocati:
Arripiunt, solvuntque citi, laxantque rudentes.
Ceu cūm sub noctem specula conclamat ab alta
Custos arma vocans, dum primūm conspicit hostem
Mœnibus instantem, vallo & propiora tenentem.
Exemplo comissa quibus custodia turris,
Arma citi rapiunt, stipati & mœnia complent.

Sic vigilem te, nauta, velim dum noctis in umbra
Puppibus ora legis fluviorum, aut concava vallis,
Quà subita in velum descendit fortior aura,
Quæ, nisi confestim velo des pronus habenam,
Invertet latus, & navis ruet acta sub æquor.

Vidi ego, Tyrrhenis quæ se vagus inserit undis,
Et molles viridi convescit gramine ripas
Ocinarus, cœcæ noctis perisse sub umbra
Egregium forma juvenem, quo pulchrior alter
Non fuit, atque atavis, opibusque potentior alter
Et gratus Musis, & Phœbo gratior ipsi.
Hic puer in sylvis primos transegerat annos

K 3

Agre.

1 Fluvius Picentimorum (Selo) ab insulis diſtans, in hunc se exonerat
Tanager, cuius meminit Virgilius.

Agrestes inter divas, & Oreadas inter.
 Hic modò per nemorum saltus, & confraga vallis
 Veloces crebris agitabat cursibus apros;
 Et modò per colles, sylvasque culmina damas;
 Atque agilis cursu fuit, indomitusque labore;
 Acer equis: & sæpè puer campestria circum
 Exercebat equos, pictisque ardebat in armis.
 Illum & Hamadryades sylvis, & Oreades illum
 Montibus, & comitem vitreis in fontibus illum
 Najades optavere, & dilexere puellæ.
 At puer infelix cùm jam pubescere cœpit
 Major, & ingentes animos, & grandia facta
 Concepit, jam laudis amans, læta otia ruris,
 Et nemora alta Jovis liquit, saltusque beatos:
 Atque deas sprevit nemorum, rurisque puellas.
 Felix ille deas si non sprevisset agrestes;
 Nam non irato sensisset numine Divos.
 Ergo ubi tranquillo sub sydere navigat æquor,
 Ac deses clavo sedet, incautusque magister,
 Ocinarum demissus adest de flumine ventus,
 Obvertitque ratem. proh Numina! mergitur undis
 Infelix puer, & fato decedit acerbo.
 Illum ipsi fluctus: illum vaga cæcula flerunt;
 Et Thetis, & Doris, cunctæ & flevere puellæ
 Nereides; gemitusque cavo Deus edidit antro
 Ocinarum, Manesque etiam ingemuere & Ligeæ.
 Hic neque transferim, quod non leviori notabis
 Cura. Sæpe, cavis spirare è vallibus, aura,
 Aut quam vicino descendere ducis ab amne,
 Aut venit Illyricis è montibus, aut flat Eoo.
 Quam tempestivè nisi tu deprnderis, illa
 Paulatim in pelagus puppini propellet apertum,
 Ut detur mox nulla tibi remeare potestas
 In terram, quamquis frangatur remus in unda.
 Sic olim medio periissem gurgite mersus,
 Ni cautus senior dixisset nauta magistro:

Vof.

1 Fluvius Brutorum, qui propè Terinam interfuit, vulgò (Savuto.)

2 Altera ex Sirenikis, qua in Italiam deversa ex Græcia fuit (tertia Parthenope est) qua ad Ocinarum obiit, & sepulta est in insula ad fluvii ostia sita, dicta Tarinane. (Pigna della nave)

(Vosque senes semper faciles audite, magistri)
 Quid tardamus adhuc nos ò. lege vela, magister.
 Non hæc è fluvio ruit aura, aut Eurus ab Orru
 Vela implet veniens, aut Hellepontius hic est.
 Nonne vides, ut crebra micent vaga sydera cælo ?
 Montibus, & summis strepitu nemora alta canoro
 Quassa gemant, mediasque laceffant cæcula cautes ?
 (Quæ venti spirantis erunt tibi signa, magister)
 Hæc ille, & velum collegimus ilicet: Euroque
 Obluctat^r vnâ nautæ cœpere lacertis.
 Et multo tandem conatu, & tempore longo
 Vix notam attigimus vicini litoris oram.

At nos interea ventus provexerat altos
 Trans Silari lucos, & odora rosaria Præsti,
 Cùm matutino surgente à gurgite Phæbo,
 Leucosiam spectamus; & alta cacumina longè
 Alburni : apparent croceis ardentia flammis.
 Hic ventus velo immoritur: mora nullâ, juvenus
 Vela legit: muto luctantur gurgite tonsæ.
 Proxima Leucosiæ transmittitur ora phaselø :
 Lucanumque solum legimus, collèsq; Velinos;
 Hinc cautes, Palinure, tuas, portusque repostos;
 Velocique fuga tractavimus ardua montis:
 Et vix prærupto projecta è culmine saxa
 Fugimus. Hic senior specula 2 Palinurus ab alta
 Saxa manu jacti implacabilis, æquora longè
 Puppe pete, & læva scopulos fuge, nauta, rigentes,
 Nete scruposo petat ille à vertice saxis.
 At legere alta velis si duri culmina montis,
 Redde seni naulum, & supplex venerare magistrum.

Sed jam prærupti superato vertice montis
 Cùm plausu, fremituque, sinistras rector ad undas
 Circumflectit iter, vicinaque litora cursu
 Puppe petit. (melior quoniam pars acta diei)
 Tunc lembo egredior primus, sociique sequuntur
 Omnes florentes ætate, atque artibus omnes
 Ingenuis: grati Phæbo, gratique Camænis.
 Mox unâ ad fontem contendimus. Est specus altum

1 Mons inter Silarum, & Tanagrum, vulgò (Monte di Postiglione,)

2 Promontus in mari nunc à Palinuro sic appellatur.

Scruposa sub rupe patens, cui myrtea sylva
 Desuper incumbit: medio de pumice manat
 Mollis aqua, & nitidos inter fluit unda lapillos.
 Hic hilares cuncti in molli discumbimus herbas;
 Et nichilam tenui cultu, dapibusque paramus
 Litoreis. primum erumpentem flore novello
 Cauliculum pingui succo, lardoque vetusto,
 Et tenera elixum vitula libamus, & inde
 Ingentem pipere, & conditum melle caponem
 Quem tenui Cerere incrustaverat ante Britannus
 Pistor, odorato perfundens nectare crustas.
 Hinc geminos barba mullos, ostroque nitentes,
 Et rutilam auratam, & phycidem, sargumque salignis
 Assatum vetubus, quos tunc de gurgite nostri
 Captarant juvenes, pelago dum retia mittunt.
 Sed natus adhuc color assis, & sua forma,
 Atque odor halabat scopulorum dulcis, ut ipsis
 Dixisses etiam spirare in lancibus illos.
 Inde pyrum læti, mitemque comedimus uvam.
 Sed largis sæpè in pateris festi inter edendum
 Campanum dulci Baccho libamus honorem.
 Hinc omnes, postquam, mensæque, epulæque remotæ,
 Fronde super viridi, & sub tegmine rupis opaco
 Sternimur, & placida curamus membra quiete.

Mox brevis ut membris sopor insitus, ilicet omnes
 Surgimus, & celerem conscendimus inde phaselum.
 Proxima Lucanæ perstringit palmula terræ
 Litora: Proiectas cautes, scopulosque sonantes
 Radimus, & 1 Melphis transmittimus ora fluentis.
 Jamque humiles subeunt medias 2 Oenorrhides undas,
 Et sensim retrò fugiens Palinurus opaco
 Vertice decedit: collesque, urbesque propinquæ
 Prætereunt, celerique fugit vaga scena theatro.

Remigio interea provecti 3 cæcula Læi
 Intramus: mutis torpebat fluctibus æquor,
 Et longè vix saxa, freto resfluente, sonabant. Er-

1 Fluvius Lucanorum inter Palinurum, & Ruventum, accolis etiam
 nunc (Melfa, & Melpa) dicitur. 2 Insula duæ Pontis, & Ischia ad opia
 Hæletis, vulgè (Halento, d. Fiume di Pisciotta) est autem (Pisciot-
 ta) antiqua Velia, quæ & Elea dicta est. Patria Parmenidis, &
 Zenonis Pythagoræorum. 3 Talani sinus (Golfo di Policastro.)

Ergo altas violamus aquas, & remige multo
Æquora Buxenri præter sinuosa volamus.

At tibi quid, Palinure, cava si ventus ab ora
In proram gelidis descendat plurimus auris,
Non ego præteream tacitus. Resonantia propter
Litora sub colles, umbrosa que culmina sylvis
Stringe oram remis, & nisu flamina vince;
Subter enim colles crebrescit mitior aura.
Sed durare opus est ventum, multoque labore
Est tibi cærulea lentandus remus in unda,
At si succrescat violento murmure, retrò
Flecte, viam velis, rapidoque obsistere vento
Ne cerres; labor incassum cadet omnis, & ipsa
Nequicquam remo insudat generosa juvenus.
Ergo tibi primùm cura majore notandum,
Si levis aura sinu submurmuret, an vada surgant
Spumæa, & alati discendant æra venti.
Quippè quies pelagi sæpe est tranquilla per oram,
Flamina ventorum quando latè acrius altum
Invertunt violenta sinum, tolluntque sub astra.
Hoc quibus, & certis valeas cognoscere signis,
Accipe. Si nimio scintillent lumine stellæ,
Ventosæque alto densentur vertice nubes,
Aut penitus summo crebrescant murmura ponto,
Ne credas, Palinure, mari, cæloque sereno;
Nanque sinu in medio strepit aura, & cærulea spumant;

Sed me jam raucus venientis sibilus auræ,
Inceptique vocant per opaca silentia cursus.
Sylvarum, cælique decus Latonia Virgo
Assurgens nivea lustrabat lampade terras,
Confestim gelidæ vicinis collibus auræ
Descendunt, velumque vocant: dant carbasa nautæ;
Implet & aura sinus: fertur cita gurgite puppis.

Jam retrò viridem gemmato in vertice Aitam
Liquimus, & clari patiter monumenta 1 Draconis.
Hinc 2 Talai fontes, & aprico in colle 3 Carillas.
Muscofamque 4 Adamanta lego 5 Blandamq; virentem,

Plu-

1 Sacellum unius ex sociis Ulyssis. 2 Idem ac Laius (Laiho) 3 (Circella)
ex qua latissima deferuntur vina. 4 (Diamante) 5 (Belvedere)
ex qua optima provenit: uva passa: perq; omnem Europam devehitur.

Plurima lætus ubi sua munera jactat Jacchus.
 Inde 1 urbem impostam scopuloso in vertice saxi,
 Citria cui nomen fecere, atque ære potentem
 Prætereo 2 Temesam, & delubrum in colle 3 Politæ.
 Fortior hic ventus spirare è vallibus altis
 Incipit, & scissi spuma incandescere fluctus.
 Nos tunc in lævam jussit succedere rector,
 Quà ventus pulsabat aquas: sic pondere iusto
 Stat ratis obliqua, & facilis freta cærule sulcat.
 Sic ego per dubias errare frequentius undas
 Optarem. obliquas auras optate, magistri.
 Rectum carpit iter obliqua per æquora puppis.
 Nam cùm postico descendit murmure ventus,
 Et librata maris diffundit marmora pinus,
 Improvisa latus vertit sæpe aura sub undas.
 Tunc vigil in puppi retinacula curva gubernet
 Rector, & intortos pertractet nauta rudentes.

Sed jam purpureos curtus Aurora vehebat,
 Cùm tandem Patici ventus nos vexit ad oras.
 Hic fidos noto complexi litore amicos,
 Numina magna loci proni veneramur, & indè
 Digredior. Celsi legimus vada falsa 4 Lyciti,
 Et gelidum retrò puppi tranavimus 5 amnem.
 Hinc altis imposta jugis 6 Nepetia surgit,
 Quondam Nympha maris, quæ Najadas amne secuta
 Infelix periit, Satyros dum dia petulcos,
 Lascivumque fugit Panem: fluvioque sepulta est.
 Nunc urbs antiquæ servat cognomina Nymphæ,
 Vari dulce solum: primos hinc ille sub annos
 Excoluit Musas, tenerosque instruxit ephebos.
 Apricos læto colles clamore saluto:
 Ingeminant nautæ plausus: ceu gurgite ab alto
 Cùm Solem aspiciunt venientem lumine puro
 Vocales modulantur aves. longè affonat Echo;

Plau-

-
- 2 (Cetraro) 1 (Torre Ioppa) vetustissimum oppidum ex quo opti-
 mum ær, ut habet Homerus. 3 Unius ex sociis Ulyssis.
 4 Maritimum in colle oppidum (S. Lucito) 5 Fluvius, & oppidum
 (Fiuma freddo) 6 Quæ & Clampetia, vetustissimum, ac nobile op-
 pidum in colle situm ad Oliva fluvii ripas, incolæ (Catocastro) vo-
 cant, eo quod subier castrum, quod urbi imminet, interfluat, urbs
 (Amantea) unguè appellatur.

Plausuque assurgunt valles, collesque supini.
Hinc viridem 1 Linum, & 2 Tyllesia saxa relinquo,
Et Baccho lætam gemmato in colle 3 Terinam
Ostiaque Ocinar legimus, tumulumque Ligeæ.
Hinc & vitiferos colles, & rura 4 Lame ti,
Angitulaeque 5 cito cursu vada flava secamus.
Mox 6 Laërtiadæ speculam superamus Ulyssis,
Dives ubi quondam turritis mœnibus 7 Hippon
Quam fortes coluere Locri: nunc tota ruinis
Mersa jacet, congesta jacent simul horrida saxa.
Fata urbes, & regna trahunt: sub mole caduca
Quid mirum miseri si Fasis ducimur ipsi.

Prona coloratos jam lux vergebat ad Indos,
Cum subitis tegitur densatis nubibus aër,
Atque imo sensim è fundo maria atra tumescunt:
Igneus ipse etiam flagrabat proximus alto
Sol pelago, instantis certissima signa procellæ,
Quo visu puppim detorquet rector ad oram,
Proxima quæ tuta nobis statione ~~parebat~~.
Agmine remorum celeri freta turgida verrunt,
Soliciti que fugam capiunt ad litora nautæ.
Ut, cum terribilem descendere monte leonem
Aspexere, fugam arripiunt per rura, coloni:
Et sua vix summo vestigia pulvere ponunt.
Alipedes facit ipse timor: nec currere cessant,
Ni jam securi procul evasere periculum.

Seriùs hesternò postquam de fluctibus ortu
Emersit veniens attrito Delia cornu,
Surgere nec ventos, discludi aut nubila cœlo

Al-

1 Promontorium ad Olivam amnem (Camolo). 2 Promontorium alterum, in quo urbs, & sylva eiusdem nominis (Capo di Corica) Calabria vocant. 3 Antiquum oppidum, cuius laudatissima sunt vinag est autem in amœnissimo colle vitibus confio ex-vellum (Nocera di Calabria.) 4 Fluvius, vernaculo sermone (l'Amato) est & promontorium Lameræ, vulgo (Capo Suvaro) inter promontorium, & fluvium oppidum est Lameræ, sive Lameria à fluvio dictum (Santa Eufemia) Hac autem urbs tota penitus absorpta est in ultimo Calabriae terramotu. à prædicto fluvio appellatur ingens sinus Lamerinus. (Golfo di S. Eufemia.) 5 (Angitola) fluvius. 6 Par a insula contra Vibonem. 7 Sive Hipponium à Locris conditum: Romanis Vibonem Valentiæ appellarunt (Monteleone.)

Aspicimus: pendent nubes: silet æquor, & altum
 Sylvani nemus, & cœlo intempesta ruit nox.
 Tunc rector pelago deduci è litore cymbam
 Imperat: incipiunt nautæ parere parati.

Tunc sic ingressus: Non si mihi Juppiter ipse
 Spondeat, hoc fluctus ausim percurrere cœlo.
 Hic sinus infamis, refugisque exæstuat undis
 Brettius 1, & duris densatur cautibus ora.

Præterea (avertant destro Dii numine casum)
 Si noctu ruat è cœlo sinè more procella,
 Quantus erit sub nocte timor? majora pericla
 Impendent noctu, & terrorem plurimus horror
 Accumulat: pendent animi: & mens nescia nutat.
 Quid facias, cursuque petas quæ litora, nescis.
 Qualis ubi nemorum per inhospita lustra viator,
 Cum lunam obtexit nimbus, pluvixque refusæ
 Descendere, viz spatii deprensus iniquis,
 Quæ vitet prærupta: petat quæ tegmina nescit.

Rector ad hæc: cautum toties servata Melanthum
 Sydera non fallent, nec quæ tot cursibus actis
 Nota mihi, crevitque usu experientia longo.
 Quot similes vidi noctes, quibus æquore vasto,
 Inter & horrores, altæque silentia noctis
 Erravi. Dedit ipsa vias audacia primùm:
 Successu, tutas inde experientia fecit.

Ire igitur placeat: tutus, mihi crede, poeta,
 Cursus erit. verùm si pigri hac nocte taberna
 Brettiorum infami, retroque manebimus autro,
 Heu miseros! quot nigra dies domus, ista tenebit.
 Nam cum Phœbus equos aget æthere, concita nimbis
 Spectabis maria, & longum durare procellas.
 Crede seni, multi florent cui vertice cani.

His dictis commotus, iter per cœrula carpō.
 Tunc rector cymbam dat fluctibus: ilicet omnes
 Exacta in puppin conscendimus, haud mora, nautæ
 Corripiunt mare solliciti: freta versa lacertis
 Despumant: medio prætervolat æquore linter.
 Ipse æstum fugiens clavum deflexit ad oram

Tri-

1 Sive Bruttius, qui à Bruttio promontorio (Capo Vaticano) Scyllæum usque (Sciglio) extenditur (Golfo di Gioja.)

Trinacriæ rector: mediufque silentibus umbris.
 Brettius ære finus profeinditur. Acta phæelus
 Jam propè Sicaniâ nitidas radebat arenas,
 Cautus ab excelsa tunc clamat puppe magister:
 O, inhibete citi remos, mora nulla, juvenus
 Siftit iter remis, vertitque ad litora puppim.

Ipse mihi tunc rector ovans: Ars multa Melanthum;
 Illum nec cœli experientia nota fefellit.
 Hæc animis conde, ut venturos carmine nautas
 Edoceas: (nostræ nam te fecere poetam
 Nereides, viridi velantes tempora myrto)
 Cùm Sol Oceano demergitur, aut vaga Phœbe
 Noctē intempeſta tacitas agit æthere bigas
 Exorſens, nec flare levi Notus incipit aura,
 Nec mare ſolicitos urgere ad litora fluſus,
 Tende iter in noctem: nullus ruet ære nimbus.
 At nunc in molli corpus ſternamus arena:
 Nec tentemus aquas cœca ſub nocte Pelori.

Jam ferrugineos Aurora invexerat ortus,
 Cùm tandem anguſti ſpectamus clauſtra Pelorī.
 Arripiunt nautæ remos: pelagoque volamus.
 At mihi cernenti Siculi miracula ponti,
 Panditur inſuetum ſcena in reſſuente theatrum:
 Et majora quidem quàm quæ vulgaverat olim
 Fama patrum. Freta cœca maris fervere videmus,
 Et bullire ſalum, & latè incandescere ſpumis.
 Fervidus incandet curvo velut humor ahenō,
 Cùm ſubter virgis ſtridet crepitantibus ignis.
 Sed certis fervere locis vehementiùs æquor
 Aſpicio, longoque albescere cœrula tractu.
 At læves medio fluſus, tractimque fluētes
 Ocyùs ire: ratemque ſimul trahere æquora cerno;
 Obſtupui primùm: mox explorare latentes
 Aggredior cauſas: quas & meminiffe juvabit.

Hesperiz finem juxta, Siculumque Pelorūm,
 Quà modico terras æſtu ſecat unda revulſas,
 (Nam, ſi vera canunt, quondam fuit utraque tellus
 Una, ſed ingenti mox terræ concita motu
 Diſſiluit. vapor è gremio Telluris ad auras
 Erumpens tantam potuit feciſſe ruinam)

Itque, reditque mare, & Lunaribus æstuar horis.
 Cùm Luna Oceano emergit, turgescere pontus
 Incipit, & magna fertur vi percitus, ipsa
 Ascendens quò Luna trahit: nam fluctibus ille,
 Seu genius, seu dirus amor, vel concita vis est,
 Ut Luna veniente fluant: resfluantque vicissim,
 Dum fugit. In pratis veluti flos roscidus ille,
 Helio quem Graii Tropium cognomine dicunt,
 Ut Solem mediis venientem aspexit ab undis,
 Incipit inflecti in Solem, gyroque sequaci
 Currentem cursu sequitur: mox inde reverti
 Ut vidit, retrò de vexo vertice cedit,
 Orbibus assimilans Solaribus æmulus orbem.
 Floribus ingenium est, virtutis & æmula virtus.
 Ni veteres forsàn Phœbi suspiret amores
 Infelix, Clytie, durumque sequatur amantem.

Fluctibus assurgens Phœbe vim concitat undis:
 Agglomerantur aquæ paulatim: & gurgite pleno,
 Jam mare turgescens ascendit ab usque Pachino:
 Plemmyrium secat undosum, Tapsumque jacentem,
 Flavaque prorumpens prætervolat ora Simethi.
 Ast ubi Cyclopus scopulos, Acimque fluentem,
 Præterit, rapida vi fertur, & impete multo
 Angusti saliens irrumpit claustra Pelori.
 Hinc Scyllæa fluens per litora, perque 1 Metaurum,
 Irruit in 2 portum, qui servat ab Hercule nomen:
 Sed sensim fugiens æstus languescit aquarum.
 At postquam medii circum jam Luna diei
 Descendens secuit, confestim concita retrò
 Vertuntur maria, & refuga Theris cæstuat unda.
 Cùm verò ad Manes descendit, cærule rursus
 Ascendunt, resfluantque. hinc & conversa sub Ortum
 Dum properat, posito subsidunt gurgitis æstu.
 Verùm quâ Siculum Tellas Rhegina Pelorum
 Spectat, & hinc Cænys surgit, Neptunius illinc,

Est

2 *Geminus fluvius alter per Turiannum (Seminara) fluit acclis diffusus (Fiume Marro) alter per Medamam (Rosarno) & appellatur (Mefuma, & Metrami) in hoc, aiunt, se lavisse Orestem, & sanam iterum mentem accepisse. 2. Herculis portus, qui & Troppa, sic vocatur, quia ubi ad illum provenit Stenli maris æstus, revertitur, nec ultra excurrit.*

Est rapidus maris æstus, & ocyùs unda recurfat.
Has inter terras fervescit gurgite passim,
Diversisque locis bullit maris unda tumescens.
Est & Trinacriæ propè litus in æquore vortex
Horrendus. Graii quondam dixerè Charybdim
Nomine, Cariophyllum appellavere Sicani;
Quippe illum gyro florem maris unda quieti
Exprimit: undoso cùm fervet gurgite Nereus,
In gyrum glomerantur aquæ: velut incita fertur
Axe super longo rota mobilis, & citus orbis
Vertitur in medio, per vorticis ora rotantur
Veloces cursu fluctus: ruit unda sub imum
Oceanum præceps, rapiturque voragine tetra.
Nam subtus terram, ut perhibent, Manesq; profundos
Tenditur immensus per concava saxa meatus.
Illum trans Libyæ fines erumpere fundo
Oceani dixerè, viasque secare latentes
Oceanum Eoum, fluctusque haurire Sicanos.
Seu quoniam terræ cùm dissiluisse revulsæ,
Altus ad infernos vi per loca concava Manes
Latè aditus patuit circum, mulrusque dehiscit.
Hinc æstus pelagi, hinc immanis & illa Charybdis,
Cùm Notus, aut Euri furit ira, aut sibilat atrox
Africus, horrendo implacabilis ore Charybdis
Æquor agit circum, rapidosque voragine fluctus.
Sorbet, & eructans iterum jaculatur ad astra.
Pontus at immenso jactatus turbine venti
Irruit, & crebros fert longè ad litora fluctus.
Verum ubi vorticibus venit jam proximus, intus
Præcipiti lapsu descendit, & omnia circum
Sorbet agens: veluti montano à vertice torrens
Veloci veniens devexa per avia cursu,
Obvius ut vasto occurrit Telluris hiatu,
Mergitur, & præceps Manes ruit ætus ad imos
Cum sonitu, latèque strepunt per confraga fluctus.
Si tibi chara salus, rapidam fuge, nauta, Charybdim;
Nam si sublapsus venies vbi vortice fervent
Æquora, nulla tibi dabitur fuga, nulla salutis
Spes ultrà: abreptam vortex trahet ilicet alnum.
Vidi ego (Dii Superi nautis arcetè periculum)

Hi-

Hiscce oculis, inquam, torrentia flumina vidi,
Et monstrum horrendum Sicula sub rupe Charybdim
Ore dehiscentem, fluctusque sub imatrahentem.

At latus Italiæ dextrum, maris horrida virgo
Scylla tenet, canibusque latrat succincta marinis.
Litore densantur cautes, penitusque cavernis
Unda fremit, vocem sævorum imitata luporum.
Cum pelago jactantur aquæ, tu cautus in altum
Carpe fugam: nam Scylla sinu complexa profundo
Discerpet, monstrisque dabit tua membra marinis.

Præterea, mare dum refluit Sicana secundum
Litora, præcipiti cursu tunc scandit ad oras
Italiæ pronum, ferturque rapacibus undis.
Est & Rhegino prætentia in litore villa
Nacaris, antiquo Nymphæ de nomine dicta,
Læta situ aprico, & pulchris spatiosa viretis,
Mollemque ad Zephyrum, & Solem conversa cadentem
Palladio è ludo quæ fessi sæpe solemus
Quærere secessum Musis, atque otia læta.
Hinc æstus molitur aquæ primordia cursus,
Et Mamertini contendit in ostia portus:
Ut venit, allisus retrò ruit inde rapaci
Torrente, & medio despumant gurgite sulci.
Alter at interea per litora profluit æstus
In Cænym: hinc lævam tendit, litusque Sicantum.
Cum fluit unda, brevis pelago via: nullus & alnos
Pontivagas agitare labor: cita cæcula puppes
Ipsa ferunt: non remo opus est, non flamine ventis.
Qui viridem Cænym, spatiosaque rura Salicti,
Et Scyllæa colunt qui litora, linte cavata
Trinacriani nullis pulsanibus æquora remis,
Descendente mari, veniunt, redeuntque retrorsum,
Dum salit: imbelles pueri, innuptæque puellæ
Veloces agitant cymbas, fugiuntque per undas.
Non vada, nec rapidos formidant gurgitis æstus.
Aspera quæque dies, longusque emolliit usus.
At si cum refluit maris æstus, & unda recurvat,
Obvius ire velis, frustra conabere tonsis,
In cassumque Noti descendunt puppe secundi.

S. P.

1. *Suburbium vni Collegii Rhegini (Nacaren) vulgus vocat.*

Sæpè rates medio hærentes in gurgite vidi,
 Cùm venti velum inflarent: velut aspera saxis
 Stat rupes immota mari, ventosque laceffit:
 Ceu stetit extemplo mediis in fluctibus alnus,
 Cùm trabibus subter curvis Echeneïs adhæsit.

Si fortè in rapidos spumosi gurgitis æstus
 Turritæ inciderint naves, tunc ære canoro
 Dant longè signum: Scyllæo ab litore rector
 Accitus venit extemplo, immotasque carinas
 Vorticibus trahit è mediis, pulsatque periculum:
 Multo illum nautæ servati munere donant.

Non secus è patria veniunt Tellure Britannî:
 Æstus ut Oceani refluit, dant puppibus undas,
 Descenduntque mari refugo: mox concita retrò
 Ut saliant maria, è puppi demittitur alto
 Anchora, & in medio feriati gurgite sidunt.
 Rursus & ex imo deducitur anchora fundo,
 Cùm refugit, longèque petunt sine remige Belgas.

Tempestate illa, Zanclen qua Gallus habebat,
 Sicaniamque omnem bello vertebat opimam,
 Cænyos aprici memini me litore curvo
 Allobrogem vidisse virum, cui nomen Iopas.
 Hunc rigidi falsa sub prodicione Sicani
 Infontem fido indicio: quia scilicet igni
 Aggressus totam clam noctu incendere classẽ,
 Atque urbem simul, atque omnem subvertere gentem,
 Damnavere neci, mortemque inferre parabant.
 Ille ubi cognovit se certæ occumbere morti,
 Incepit versare modum, quo tristia Fata,
 Et necis infandæ sortem pulsaret iniquam.
 Moliturque fugam (justis Deus adfuit ausis)
 Cùm prima ex alto rueret nox humida cælo,
 In mare se nudum demittit, & æquore nando
 Incipit Italiam celeri contendere cursu.
 At miser hæc, illac quâ gurgitis ipse trahebat
 Æstus, oberravit dubius, vitæque, viæque:
 Cùm tandem (infantes cælo pia Numina spectant)
 Cænyos undosâs venit jactatus ad oras
 Semianimis, gelidoque jacebat litore nudus.

Fortè pererrabat per proxima litora Tarchon,

Exubias qui sorte datæ tunc noctis habebat ;
 Hic ubi conspexit Lunæ sub luce malignæ
 Advenisse virum in litus per cætrula nando ,
 Fit propior misero, & novitatis imagine captus ,
 Dicere qui sit, quidve agitet, quo sanguine cretus
 Hortatur, dextramque viro dat pignus amoris.
 Ille algore rigens vix hæc dedit ore tementi ;
 Gallus : ego, Siculos, invisaque litora fugi:
 At tu si qua animo pietas, si tangeris & tot
 Arumnis, mea membra fove. nec plura profatus ,
 His dictis, Fatoque viri commotus acerbo
 Magnanimus Tarchon, gelido de litore nudum
 Sustulit, & lætus cervici imponit inertem.
 Ut vicina subit sociorum castra, rigentes
 Ignibus admovit sublatis militis artus.
 Hic, ubi vitali recreatus membra calore ,
 Et solitæ vires animo rediere , profatur :
 Et causas omnes referens ab origine dicit ,
 Hic mihi, vectus equo dum florea rura Salicti
 Propter aquas, jubare exorto, litusque pererro,
 Hæc dedit: explevitque animum novitatis amantem,
 Me primum pelagus cæca sub nocte natantem
 Trinactiæ ad litus, quæ fluctuat unda Pelori,
 Egit: & hinc refluens retrò maris æstus ad oram
 Italix vectavit, aquis ducentibus ipsis,
 Hic me conantem vicina tenere natatu
 Litora transversum veniens maris æstus ab acta
 Impulit, & Siculas iterum perduxit in oras.
 Hinc, cum jam portum, desertaque claustra subirem,
 (Seu Divum pietas fuit illa, & credere par est;
 Seu sic nostra tulit Fortuna, aut gurgitis æstus)
 Descendens pelagus rapuit, duxitque, benignus
 Quæ me semianimem accepit de litore Tarchon.
 Sed quod tunc animo mirum, indictumque putabam,
 Accipe. Triginæ conspexi in fluctibus æstus
 Fervere, & totidem rapidis torrentibus æquor
 Desfluere, Herculeo dum currit ab usque recessu.

Qua-

1 Accidit audacissimū istuc transfuga saltum hyeme noctis rigidissima,
 ut insular portenti visum sit. illum pluribus auribus denatum ad suos
 transiisse Theodorus Comes Barbovius.

Qualis per campum multis delabitur annis
 Ausus aquis, cursuque fluit devexus in æquor.
 Alter & in Boream currebat, & alter in Austrum:
 Egelidis erat alter aquis; sed fervidus alter
 Amnis erat: vix nudus aquas tolerare rigentes,
 Vix calidas recreatus aquas perferre valebam.
 Mira quidem, sed vera: malisque exercitus ista
 Ipse meis vidi: & doctum experientia fecit.

Interea canos septeno impulsa phaselus
 Remige sulcabat fluctus Rhëgina secundum
 Litora: pulchra modis cum se i spectacula miris
 In pelagi medio nobis visenda dedere.
 Invenient vix dicta fidem: majora Sicano
 Occulit Natura freto miracula retum,
 Quam veniunt alto glomerati ad litora fluctus.
 Illa sed ardemus narrare, & dicere causas.

Principio tenui crispantur cæcula vento,
 Postquam multa quies risit tranquilla per alta:
 Hinc miranda vago pandit se scena theatro,
 Et gratus mentem stupor occupat. æquore centum
 Arboribus latè densis frondescere sylvas
 Montibus in summis, & per florentia rura
 Innumeros errare greges, errare capellas:
 Pastores & mille greges post ire sequaces
 Aspicio, & tenui deducere cæcumen avena.
 Parte alia centum juvenes percurrere sylvas,
 Atque altos video montes, avidisque Molossis
 Umbrosos nemorum latè circumdare saltus,
 Venatuque feras agere, & vibrare sagittas
 Ex arcu, & leporem, & timidam transigere damam.
 Flumina & ex altis devolvere rupibus undas
 Electro similes, viridique crepidine ripas
 Floribus intextas hyali splendere colore,

L 2

At.

1 Mirabile hoc refracta post repercussionem lucis spectrum (Non enim in Aihanasi Kircherii sententiam eo, qui nescio ex quibus sulphureis hallibus, lapillisque in Mamertini freti fundo relucensibus evenire id putat) Rhëginæ patrio sermone (la Fata Morgana) appellatur. Est autem admodum mirum Naturæ phasina, ut vix fidem invenires, nisi essent oculati testes, quos sunt ferè Rhëgii incolæ. Constat autem æstate, vel autumno, cum post summam malaciam leviter unda crispari incipit.

Attalico veluti variata tapetia luxu;
 Aut quæ divisi texunt aulae Britannî.
 Unum ego sed pulchrum visu, mirumque putabam:
 Cærulei passim montes, auroque nitebant;
 Et fulvæ pariter sylvæ, saltusque, feræque,
 Et venatorum croceis liæ corpora guttis.
 Innocuis longè ardebant trepida arva favillis:
 Vernabant nemora, & sata rura rubentia flammis.
 Ut cum purpureus mediis in nubibus arcus
 Emicat, & centum trahit alto à Sole colores.
 Pastores, mixtimque greges in collibus aureis
 Errabant, rutiloque ardebat Tityrus auro:
 Aurea & auratæ tondebant prata capellæ:
 Et fulvæ Serum referebant vellera lanæ.
 Alta coloratis fulgebat frondibus arbor:
 Fulgebant nova poma, novisque coloribus arva.
 Quales Halcyonum Eois in finibus horti,
 Hesperidumque velut trans longè Atlanta repositi;
 Qui (si vera sacri cecinerunt carmine vates)
 Purpureis ardent flammis, auroque nitescent.
 Cæruleis passim inermixta coloribus arva
 Culta micant, virides truncis imitata smaragdosa:
 Aurea poma rubent: sed flos argenteus exit.

Hæc dum prospicio; pendentes aëre sylvæ,
 Atque feræ, atque homines, atque aurea flumina, & arva,
 Ut venit levis aura, mari non amplius alto
 Visa mihi, & dicto citius fugere sub auras.
 At facies nova sese oculis tulit obvia nostris.
 Alta velut versis discessit frontibus olim
 Scena theatriali circo, non visa repente,
 Et miranda quidem pulchris spectacula rebus.
 Pensile conspectum supra mare; & æquore fluctus
 Purpureos pendere procul de puppe videbam;
 Curvaque depicto protendi litora gyro.
 Ad cautes fulvum spargebant cæcula rorem
 Allisa, & fulvo splendebant murice cautes.
 Mille rates vitreis errabant fluctibus, auro
 Ardentes: varioque interdistincta colore
 Roboraque, tabulæque cavæ, remique nitebant.
 Ex auro mali speculari vertice in auras

Surgebant: pictis & per carchesia signis
 Undabant vexilla; velut tenuissima tela
 Veilere Seriadum intertexta, & murice tincta.
 Candida vela: notis sed per confinia rubris
 Texta videbantur, pictisque undantia villis:
 Et villi multa saturi Sidone rubebant.
 Mille Phari nivea ex crystallo, ostroque nitentes
 Per puppes rutilo cælaras desuper auro,
 Sole repercusso radiabant undique circum:
 Sol velut ipse nitens medio splendescit Olympo.

Parte alia magno circum curvata rheatro
 Urbs augusta polo tollebat mœnia, & altis
 Circuitu longo surgebant molibus ædes.
 Mille coronato spatiosa palatia circo
 Cæruleis depicta notis, mixtoque smaragdo,
 Et minio ardebant, rutilæque simillima flammæ.
 Alta videbantur succendi culmina, & omnes
 Igne domos flagrare: coloribus & lita centum
 Testa coruscabant, gemmisque urbs tota nitebat.
 Undantes vidi fontes vibrare favillas,
 Et liquidum argentum: vibrata canalibus unda
 Purior electro, mixrimque argentea guttas,
 Et croceas fundebat aquas: pictoque sub arcu
 Curvata in varios sparsim distincta colores
 Se pulchram visu præbebat: ut Iris aquosas
 Per nubes nitida cingit ferrugine cælum.
 Ingens turba virum per compita, perque plateas
 Errabant, quos picta humeros nova purpura, fulvique
 Auratos petasii crines, mitræque tegebant.
 Et currus auro insignes, ostroque nitebant:
 Ardebant & equi flammis, fulgentiaque auro
 Mandebant fræna, & nitidum simul ungula campum
 Pulsabat nitida, & flammis auriga rubebat.
 Quales Solis equi, cum primo oriente resurgunt
 Oceano ardentes auro, & fræna aurea mandunt.
 Hic ubi jam cœpit venti increbrescere murmur,
 Extemplò dispersa leves abiere per auras.
 (Seu mihi visa mari fuerint miracula in alto,
 Aut subter pelagus, sive aëre pendula summo)
 Nam breve (proh dolor!) effulsit decus, & vaga lucis

Pompa mihi visa, & levium spectacula rerum.

At mihi rimanti causas, sententia menti

Hæc potior visa est: Sicana scilicet ora

Luce repercussos Rhëgina in litora longè,

Inque levi primùm crispatos flamine fluctus,

Nativa immitti radios sub imagine rerum;

Hinc quicquid medio natat æquore, quicquid apricis

Collibus adverso frondescit litore, & ipsam

Ingentem procul apparere à vertice falcem

Saturni, & magno curvata palatia circo.

Verùm crispatis quia, lenè afflantibus auris,

Fluctibus incurvant radii latera inter aquosa,

In diversa ruunt diffracti; hinc gurgite in alto

Millenæ rerum species visuntur, & igne

Ardere, & vario mixtim fulgere colore.

Ceu cùm luminibus nitidissima lumine vitra

Obiicimus polyedra (vocant sic nomine docti

Grajugenæ) variata modis spectacula miris

Ilicet aspicimus. vario depicta colore

Apparent quæcunque oculis sunt obvia nostris.

In diversa ruens nam lux pellucida vitri

Per latera in varios miscet se docta colores,

Pubentes imitata rosas, casiamque rubentem,

Narcissumque, crocumque, & vivaces amaranthos;

Purpureos & picta refert Thaumantidis arcus,

Atque ostrum, atque aurum, radiisq; rubentibus astra,

Et centum geminas pulchra sub imagine formas.

Sed Rhëgina vaga jam ventum ad litora puppi,

Accipiunt ubi nte socii, atque in tecta reducunt.

Hi læti propter felicia litora cursus,

Et nobis via per dubios tutissima fluctus.

Sic ego longinqui lustrarem regna Canopi,

Et Tartessiacas irem securus ad oras,

Si celeres mihi Parthenope daret alma phaselos;

Mitteret & fortes juvenes, rectore Melanthe.

Sed me jam, trepidis turbato in gurgite tebus,

Cura vocat, pectusque premit fragor altus aquarum,

Atque truci veniunt superandi turbine venti.

L I B R I Q U I N T I

F I N I S,

NAU.



NAUTICORUM

LIBER VI.

Nunc age, turbati quæ prima pericula ponti
 Exuperanda tibi, & solertia quanta adhibenda
 Ventorum adversus rabiem, fluctusq; sonantes
 Nec non & quæ cura truces defendere Syrtes
 Puppibus, & longè scopulos transmittere acutos,
 Atque æstus vitare, sinusque inquirere, dicam.
 Tu magni reginæ maris, læssa Virgo,
 Dextra veni, trepidisque præi tu, diva, carinis:
 Tu vastas aperi Syrtes, & marmora læca:
 Colle&asque fugâ nubes, cœlumque serenâ.

In primis eâ curâ animo tibi, nauta, recurset,
 Pendentes dubio in cœlo vitare procellas.
 Ergo ubi jam longo nigrescere cœrula tractu
 Aspicias, montesque atra obtexere nubes;
 Vel nigrum Aurora latè transcurrere nimbum,
 Fle&e iter in portus, & proximâ litorâ cursu
 Tuta pète, atque moras omnes celerare memento.
 Ut cum sublimi spe&avit vertice pastor
 Ingratam pecori descendere rupe procellam,
 Ac penitus sylvas reboare præcaciBUS Austris,
 Lanigetum vocat ore pecus: spâsumque repente
 Colligit, & tutis pressans agit ægmina caulis.

Verùm si subito incumbant stridore procellæ,
 Et loca tutâ fugâ, & portus penetrare negatur,
 Tunc opus est arte, & magnis tunc viribus usus.
 Ac velut armatus vallo cum se intulit hostis,
 Dux ubi terribilem cristis, atque ære nitentem
 Aptavit capiti galeam, & lateri addidit ensẽ,
 Fertur in arma ferox, aciesque, & mœnia lustrat.
 Fortibus imponit primæ tutamina portæ,

In muros alios, & propugnacula mittit.
 Hos ignes jubet, & scopulos immittere vallo:
 Hos tormenta: cava alios explodere cannas:
 Illos murorum subitas sarcire ruinas
 Aggeribus plenis, lunataque cornua primis
 Obiectare locis. interritus ipse per omnes
 It partes, dictisque animos incendit, & iras.
 Haud secus & rector faciet, cum turbine spectat
 Densari cælum, tollique à gurgite fluctus.
 Impiger & ventis, & motis impiger undis
 Obvius occurret. Subitis cum casibus imus
 Obvii, & impavida obiectamus fronte sinistris
 Infractos animos, superatum ex parte periculum est.
 Hos jubeat rigidos manibus versare rudentes
 Sollicitos, alios demittere carbasa summis
 Cornibus, atque sinus auris prohibere tumentes,
 Aut citò colligere, ardenti cum turbine ventus
 Descendit, rectorque jubet, cumque ipsa petit res:
 Demittant alii antennas: alii que coronis
 Ut sidant, maloque alii, velisque ministrent:
 Egerat hic fluctus, æquorque refundat in æquor:
 Ipse sedens clavum turrata in puppe magister
 Arte regat, clavoque maris spumantia frangat
 Æquora: nunc rectum venientem à gurgite pontum,
 Nunc verò obliquum accipiat, pulsetque ruentem.
 Sic ad opus cuncti magnis conatibus unum
 Intenti, rigidas superabunt arte procellas:
 Urgebitque cava assultibus irritus alnos
 Nereus, & duro venientes turbine Cori.

Ergo ubi nautarum confestim munera quisque
 Arripuit sua, turbatoque in gurgite venti
 Ingeminant sese, magnum de vertice mali
 Ariemonem demitte, Notoque dolona furenti
 Expande. at tibi nunc solertia multa adhibenda est,
 Ne mora sit, fluctusque agitent sine pondere puppes.
 Verum si rauco succrescat murmure ventus,
 Antennas demitte humiles à vertice summo:
 Et velum in laeus obliqua, madidosque rudentes
 Contrahere hinc solers, hinc & laxare memento,
 Languida sed rigidi cum turbinis aura remittit

Pau-

Paulatim sese, celeres tunc brachia velis
Extemplo famuli intendant; iterumque repentè
Demittant, cum vela, Notò redeunte, tumescunt .

Interea (quæ cura tibi vel maxima semper,
Rector, erit) pictas media sub puppe tabellas
Consule, ventorumque ferentem nomina buxum.
Quære & qui ventus spiret; quò turbine ducat
Tempestas: quantumque tuo de tramite Rhombus
In lævam, dextramque cadat: pariterq; necesse est
Depressi erroris certas perquirere partes;
Quippè viam incertum non per vada cæca secabis .
Nanque tibi si certa fuit plaga cognita cæli,
Et ventus simul, atque suis cum partibus error,
Certum iter institues: quin & freta dura trifulcis
Effugies saxis, pelagoque errabis aperto .
At quoniam crebrò se hæc, illàc concita fluctu
Versat, & in latus obliquat se plurima puppis,
Idcirco è medio pendeat Amalphica pyxis,
Liberata ut in gyrum semper ruat incita cuspis.

At quanta in dubiis ars sit nunc rebus habenda,
Prosequar. In velum si dirus ab æquore turbo
Ocyus irruerit, subito det pronus habenas,
Et lævum, dextrumque pedem laxare minister
Conetur: diffusa cadet sic turbinis ira;
Ac velo cedente perit: ceu cum pila molle
Incidit in linum; vix impete pulsa retrorsum
Exiliet: tenui in lino vis deperit omnis .
Impiger ipse etiam intorquens temone carinam
Ventorum infringet vires de puppe magister .

Sed quid si gemini diverso à cardine venti
Descendant, rapiantque leve in contraria velum ,
Dicam equidem, Palinure: labor sed maximus ille est.
Parte ruens gemina gemitum pulsare periculi,
Hoc opus, hic labor est. altum tu deprime velum,
Ventorum cum lucta mari fremit horrida vasto .
Nunc raucum accipias contractis cornibus Austrum,
Nunc Boream; sed fronte petas cave flaminis ictus;
Da latus: obliquus velo ruat impetus Austri .
Ceugladiator, ubi incepit certare duello,
Atque hostem adversa venientem cuspide vidit,

Ex-

Exemplo avertit pectus, rigidumque cruento
Hosti dat latus, atque eludit cuspidis ictum.

Si, cedente Noro, diras Aquilone procellas
Arctoz mittent rupes, cave vela repente
Obvertas: geminis primum demitte ceruchis;
Inde dabis Boreæ venienti vela, magister.
Nam si continuò stridet cùm turbine ventus,
Cornua veligerarum obvertimus antennarum;
Prona dabit latus, & subter ruet æquora pinus.
Cura etiam, ne dira ruens vis ipsa procellæ
Obvertat velum. cùm videris aëre ventos
Adventare, citò conatu collige velum.
Tædia nec magni capiant te multa laboris;
Nanque optatâ salus multo speranda labore est.
Verùm si leni descendant flamine venti,
Haud verò; nam crebrò memini fecisse Thoantem,

Nec minor ille labor fluctus haurire refusus
Sentinâ ex humili, rimas laxare patentes
Plurima cùm cepit pelago concussa carinâ.
Sed quibus epotòs valeas educere fluctus
Artibus, expediam, compertaque mirâ docebo.
In primis facili tórno, duraque cavandus
Ex ulmò tibi modiolus, pedibusque carinam
Terquinis super ascendat: sic antlia fluctus
Evomere alta potest, æquorque remittere in æquor.
Hinc septum in medio transversum impone canali
Ex ære, aut ligno è solido: sed valvula circo
Insit aperta: cupitoque illi mox insuper adde,
Aut durum è corio testum, clavoque refige,
Concludi ut pariter possit, pariterque secludi,
Sive aditus sit dandus aquæ, aut prohibendus ab illa est.
His actis, valido de robore nectè canali
Embolum, & ære illum circùm vestire necesse est.
Æquè & modio insertus respondeat imo;
Ne quâ per latera intromissus perneet aër.
Est cavus ipse etiâ formandus & ante cylindrus:
Cui septum, & medio sit valvula: & insuper olli
E corio tegumen sit mobile, quo fluat unda
Intromissâ tubo, & clauso, non refluat inde.
Ferreâ firmandus manica mox embolus axi

Ferreus, & solidis infit versatilis axis
Cardinibus super, ut possit cavus embolus alto
Nunc facili attolli nisu, rursusque deorsum
Demitti, & potos sentina reddere fluctus.
At verò ut valeas axem versare rotundum,
Prælongam capulo virgâ duro inferere ferro.
Hæc fuerit constructa tibi cùm machina, ab ipsâ
Memento poteris fluctus haurire carinâ;
Nam si demittas virgâ, tollasque vicissim,
Continuò exhaustum ex imo dabit antlia pontum.

Non hîc Ortygi miranda inventa magistri
Præteream, quibus ille olim de nave Sicani
Epotos potuit fontes haurire tyranni.
Faginus, & longâ tendatur mole cylindrus:
Cardine & in gemino, teretique volubilis ille
Nectitur obliquus, cui longum ex ære canalem
Inque elicis circum formam, strictusque revolve.
Immergatur aquis pars ima: sed alta carinam,
Et tabulata super sese efferat: inde cylindrus
Assidue, contra fluctus versetur in orbem.
Nanque imò quos haurit elix, alto evomet amnes.

Interea famuli rimas implere patentes
Soliciti certent, & stupea trudere ferro
Vincula, quâ veniens fundit se plurimus imber.
Et super accensamque picem, ceramque tenacem
Effundant. Pelagi sed me fragor altus, & atrox
Ad majora vocat taucæ stridore procellæ.

Ergo ubi tempestas vertit sinè more profundum;
Spumeum & elatis puppes mare contegit undis,
Tunc opus ingentes gazas, & inutile pondus
Altos proicere in fluctus (potiatur & illis
Doris avara sinu in vasto, & Neptunus avastus:
Tu vetò optatæ potiari munere vitæ)
Tunc levis extemplo surget de gutgite puppis:
Et facilis vento adverso, pelagoque ruenti
Deluctare labor. nec te auti dira cupido
Alliciat, nequâtque moras spes credula longas.
Chara magis sit vita tibi: præstantior omni
Illa auro, regumque opibus, sceptrisque superbis.
Quin, Fato variante, fluunt, refluuntque vicissim

Ne-

Nescia stare loco mortalibus addita dona :
 Si superest nobis animus, nec dextera cesset,
 Quæ modò Fata ferunt, referent citò divite censu.

Præterea si fortè rapax de vertice summo
 Dejecit turbo malum, velumque per auras
 Abripuit, vel dira Noto jactata feroci
 Unda gubernaculum rapuit, sparsitque per æquor;
 Tunc rector certet citus infrænare solutam
 Immisso remone ratem; nam cætera pendent
 Hoc uno: Ruptis periit ceu currus habenis;
 Sic scisso remone ratis: retinacula puppi
 Mittere cura olli sit prima, & maxima semper.
 At fortes studeant nautæ sustollere malum;
 Et prona in proram canentia catbasa pandant.
 Nemo piger, vel lentus erit, timidusque periclo.
 Casibus audaces nautas decet esse sinistris.
 Frangimus audaces, timidi sed frangimur undis,
 Ipse sed ante alios audacior ibit in omnes
 Fortunæ casus rector, cui cætera curæ.
 Qui non præque ferat demisso lumine vultum,
 Pectore & ignavos animos, turpemque timorem.
 Semper lætus erit, quicumque per æquora casus
 Pendeat, & læto vultu spes ipse serenet.
 Ac veluti Fortuna vices dum mutat iniqua,
 Verso Marte, duces opus est prævertere Fata
 Impavidè, & læta mentiri gaudia fronte:
 Rectorem haud aliter cùm spes jam deperit omnis,
 Naufragio pendente truci, simulare necesse est;
 Nanque omnes uno pendent rectoris ab ore,
 Illius inque oculos cuncti sua lumina figent:
 Unus erit vitæ, & mortis simul auctor, & index.
 Audebit si fronte fera occurfare periclis;
 Adebunt socii pariter; si fortiter ibit
 In casus omnes; eadem in discrimina rerum
 Illi etiam prompti venient: si lentus aget rem;
 Viribus illi etiam languescent. Denique rector
 Qualis erit; talem geret & se quisque minister.
 Sic Surrentinum memini fecisse Thoantem,
 Cùm lætam Ægyptum peterem, & felicia Nilo
 Arva, per Ionii fugiebat marmora puppis,

Un-

Undique cùm cœlum spissæ texere tenebræ,
 Eripuere diem, & nigra fluctibus incubuit nox.
 Extemplo cecidit Boreas, atque alta quierunt
 Æquora; nec lævis pelago submurmurat unda.
 Mox sensim tolli, non dum spirantibus Austris,
 Incipiunt fluctus, venturæ signa procellæ.
 Tempestas sinè more ruet, si cœrula nullo
 Consurgunt jactante Noto. tunc ore profari
 Cœpit puppe Thoas: Quoniam sæva imminet undis
 Tempestas, totusque in nubem cogitur aër,
 Colligite arma citi, solitasque intendite vires,
 O socii, ventisque acres occurrите, & undis.

Hæc ille: & dicto citiùs generosa juvenus
 Armamenta capit, nervosque, & brachia tendit.
 Procinùs effusus reboans ruit imbris Austro,
 Horrendique micant ignes, tonitruque tremiscunt
 Subter aquæ, & scopuli, pulsataque litora longè.
 Tunc nautæ in partes vertunt sese ocyùs omnes,
 Invigilare malo intenti, & vitare periculum.
 Demittunt subiti velum, tenduntque rudentes:
 Et velis acres animis, manibusque ministrant
 Unà omnes, nisi unanimi, & clamore secundo.
 Horridus adverso cœli de cardine turbo
 Improvisus adest, scissumque à vertice summo
 Dejectat malum, nautæ tunc ilicet omnes
 Arboris incumbunt lapsæ sarcire ruinam.
 Erexere alium, parvumque dolona dedere.
 Sed vento jactante fretum, iam gurgite cœco
 Instar montis aquæ surgebant: undique circum
 Obruitur latus, & rimis ruit æquor apertis:
 Sæva gubernaculum rapit unda, & vortice mergit.
 Non animis fractus forti cum pube magister:
 Illicet immittunt curvæ retinacula puppi;
 Quoque modo possunt venientia cœrula pulsant.
 At ubi diffindi trifidis latè aëra flammis,
 Et sævire Notos, montesque attollere aquarum
 Aspexit rector, collabi jam penitùs rem
 Sensit: at audaci socios cum fronte serenus
 Hortatur, conditque altum sub corde dolorem.

O mihi sorte dati, magnas nunc promite vires:

Nunc

Nunc animos, quibus alta olim Acrocerania, & undis
 Dispersas Cycladas, dirumque Capharea puppi
 Legimus incolumes, Maleæque sequacibus undis,
 Egæoque mari, Siculisque erravimus oris:
 Et duras toties hyemes, nimbosque sonantes
 Vicimus, & mediis potius evasimus undis.

Non mala vos vincant: non hæc vos terreat atrox
 Tempestas, socii: sumus iidem, & vivimus ipsi.

Audete, ò magni: Audendo sibi quisque facit spem.

Spem vultu simulans dedit hæc. tunc fortiter illi

Et superare Notum, & spumantem Nerea certant,
 Ast ego naufragium quoniam impendere videbam,
 Et jam sublapsis horrendo in turbine rebus,
 Spem frustra accendi, geminas ad sidera palmas
 Intendo, & supplex humili clamore precando,
 Talibus exorsus: Si quid peccavimus ipsi,
 O Superi, & noxis sacras temeravimus aras,
 Parcite: si qua polo pietas, & fluctibus aris
 Eripite hanc animam. ò, dextram proferte, benigni
 Cœlicolæ. at tu, SÂBERIDES, Deus æquoris, alto
 Axe veni, ventosque fuga, & freta turgida placa.

Vix hæc: ex templo summis splendoribus æthra
 Effulgere mihi visa, & nigra undique circum
 Nubila discludi, roseaque è nube refulgens
 Est mihi SÂBERIDES spectatus in æquore, qualis
 Alta peregrinus sulcabat marmora Nerei,
 Aut pedes Eoo vestigia certa præmebat.
 Quo viso fugero Noti, fugere procellæ,
 Et mare pacatum, & summo lux reddita cœlo,
 Et data tunc vitæ nobis simul aurea lux est.

Olli tunc ego: Quis grates persolvere dignas,
 Dive, tibi valeat tanto pro munere vitæ
 Concessæ, quæ merfa mari periisset in alto,
 Ni tempestatem pelago, ventosque fugasses,
 Quicquid & ingeniû, & quicquid mea carmina possunt,
 Cuncta tibi voveo: & te carmine, Dive, canendo
 Implebo promissa memor. mihi fronte serena
 Annuit ille: poloque volans sese intulit alto.

Ergo, tibi cùm nulla datur spes, & ferus Auster,
 Et duræ superant animos, artemque procellæ,

Au-

Auxilio tunc, nauta, Deos clamore vocato;
 Nam tibi contra undas, tempestatesque sonantes,
 Nil facilem præter lacrymam, & pia vota reliquitum est,
 Ipse etiam navis rector, qui cuncta gubernat,
 Concipias pia vota: piis & munera Divis
 Spondeas: Ipsi etiam placantur munere Divi.

Postquam vota Diis concepta, & crimina multis
 Cum lacrymis, precibusque piis, Palinure, piastis,
 Acrior ingeminet si ventus, & æquora surgant,
 Te primum ferro sublimi à vertice malum
 Præcipio medium succidere ad usque trachelum;
 Proiicere atque illum in fluctus: tibi cura sed illa,
 Hinc ne forte ruens socios, puppimque flagellet.
 Mox si nec vento modus est, crescitque periculum.
 A præterna totum celeri succide bipenni.
 Funibus & duris clavus tibi puppe ligandus,
 Ne transversa ferae maris undas: ratemque furenti
 Da vento. docto quoniam spes nulla magistro,
 Nulla arci superest: rapiunt quod turbine Cori,
 Tendere opus, si forte cadae Fortuna, vel ipsi
 Supplicibus tandem placentur Numina votis.

Præterea in pelago nimbis comprehensus iniquis,
 Angustis conclusa vadis loca, duraque saxa
 Æquora, & horrendas longè fuge, navita, syrtes.
 Nanque acti ventis cum currimus æquor apertum,
 Et si nimbiferi strepitent per marmora Cori,
 Quoque modo licet, & ventos duramus, & undas.
 Verum si navis errandi nulla potestas
 Oceano datur, in scopulos, in saxa necesse est
 Allidi puppem, aut siccis impingere arenis.
 At procurva rates in litora si Notus egit,
 Nullus ubi portus venienti brachia tendit,
 Nec sinus in tuto pandit se valle reductus,
 Anchora de proa jacitur, quæ dente trifido
 Navim firmet aquis: verum si fortior Eurus
 Sibilat, & tumidi veniant à gurgite fluctus,
 Mitte etiam sacram, præstet quæ corpore multo:
 Firmitus illa ratem fundabit in æquore: ceu cum
 In gyrum vacuæ fluitant sine pondere lances,
 Et vento, hæc, illac jactantur, & ære nutant;

Ve-

Verùm iusta cavis si pondera lancibus addas,
 Confestim medio librantur in aëre: nec jam
 Dant latus in ventum, aut circum versantur in orbem.

Quin & turbato cum stridet ab æquore ventus
 Acrior, alta pete, & fractas fuge litōris undas.
 Ast ubi navigiis vicino à litore Caurus
 Incidit, aut Boreæ implacabilis ira sonantis,
 Litus ama, & curvis ne puppibus alta secato.
 Nam si oram fugies, transversa ruentibus Austris,
 Pelletur longè puppis: nec tendere tantum
 In ventum curvo poterit remone magister:
 Vincet vi ventus; ratis & per aperta trahetur,
 Quò tandem obiectum ad litus frangatur, acutos
 Illisa in scopulos, cum ulve impingat arenæ,
 Sic nostræ periere rates, & Ibera juventus
 Ad Scyllæ caures, & Orestis proxima saxa,
 Portus ubi quondam steterat: nunc rupibus horret
 Infelix statio. Mauræ vastator arenæ
 Africanus imbriferis pelago insultaverat alis.
 Avalus i antiquo regum de sanguine cretus
 Austriacæ dux classis erat, geminosque per orbes
 Egregiis clarus palmis, clarusque triumphis,
 Qui magnis olim sulcarat classibus æquor
 Atlantis, latèque novum lustraverat orbem,
 Missus in imperium magnum, quem mille secutæ
 Sunt acies; domuitque ingenti clade tyrannos
 Oceani, & rigida piratas cuspide fregit:
 At tunc Zancleos dura obsidione premebatur
 Hic, quem multa maris dudum experientia doctum
 Fecerat, & cæli pariter, ventique peritum,
 Ut denso vidit venientem turbine nimbum,
 Impiger hæc classem ferri mandata per omnem
 Imperat. Italiæ cautes, ubi Scylla remugit,
 Et maria alta citi fugiant, vicinaque rostro
 Litora Sicania stringant, humilemque Pelorum,
 Quò demum servata mari se classis aperto

Mit-

x Andreas Avalus è *Marchionibus Aterni* (Pescara) & *Hispinii* (Vasto) *Montis Sarchii Princeps*, Indica primum, mox Sicula classis summus Prætor - vii & animi magnitudine penè regia, ac factis datè clarissimis meritis immortalitate donandus.

Mittat, & ad tutas verrat se puppibus oras.
 Ipse latus stringit Siculum, raditque Pelorum.
 Hinc in 1 Leucopetram contendit, & æquor apertum
 Puppe petit, senique alii petiere, secuti
 Rectorem, tutique sinum tenere Tarenti.
 At reliqui magni temnentes iussa magistri,
 Protinus in scopulos allisi, animamque dedere
 Indecores. Adeò data iussa capeßere multum est.

Sed tibi non cura, rector, levioze cavendum,
 In terras cum ventus agit te plurimus, & jam
 Naufragium Fortuna tibi crudele minatur,
 Concita ne vento in rupes tuat alnus: apertum
 Quà litus patet, & brevis æstuat unda, carinam
 Dirige: sic gens incolumis servabitur omnis.
 Verum hic difficilis labor est, latè undique circum
 Cum rigidæ assurgunt rupes, & vix brevis inter
 Oraparet causes, rarisque albescit arenis;
 Quatenus angustæ veniens ratis incidat oræ.
 Sollicitus certam stationem in litore signa,
 Atque iterum explora: vento mox pronus habenas
 Committe: optatas puppis continget arenas.
 Ut cum venator certam sub fronde latentem
 Egregius signavit avem, emisitque sagittam
 Ex arcu: volat illa leves impulsa per auras
 Recta petens volucem, voluctique infixæ residit.

Nunc age, qui tuti portus, quæ fida carinis
 Sit statio, dicamus. Aquis jactatus iniquis,
 Doris ubi Oceano sese conclusa maritat
 Herculeam ad metam, vicinas, navita, 2 Gades,
 Vel 3 Tingitani pete puppibus ostia portus.
 Hinc Malacæ, portusque novæ 4 Carthaginis alnos
 Quassatas pelago, ventisque furentibus actas
 Servabit placido in gremio. sua brachia pandet
 Dives 5 Alone, & quo se jactat 6 Delia, portus.

At si te ventus Gallis admoverit oris,
 Massiliæ loca tuta vagis inquire carinis;
 Lunatæve sinus, tibi quos in valle reducta

M

ipse

1 (Capo dell'arini). 2 Insula, & urbs (Cadice) 3 (Tanger) in ipsa
 fere Herculeo sita statio. 4 (Cartagena) 5 (Alicante) Valentia
 urbs, & portus. 6 Dianium promontorium, ubi portus vulgò (Denia)

Ipse 1 Telo ex alto venienti Martius offert;
Et quos obiectu laterum dant 2 Storchades, & quos
Antipolis 3 præbet curvato in litore portus.

Aufoniam circum si venerit atra procella,
Trans Varum Herculeum portum, portumque 4 Monæci
Intrabis, tutaque Savo te sede reponet.
Ipsa tibi pariter regalem in gurgite molem
Magnifico extructam luxu, sumptuque superbam.
Dives opum Genua, & pictæ vestis, & auri
Offeret, atque cavas defendet turribus alnos.
Hinc & 5 Delphini statio curvata patebit:
Lunatas & amica dabit tibi 6 Cynthia sedes.
Euris iactatus freta per Tyrrhena, Liburnum
Contende in portum, aut pete puppibus Herculis arces.
Pandet & 7 Argoum chalybum generosa metallis
Ilua sinum: nec longè alium 8 Populonia præbet.
Inde procellosis ferimur cum gurgite nimbis,
Nos 9 Centum accipient pacato in marmore Cellæ.
Tu quoque velivolis dextram, Cajeta, dedisti
Puppibus, Arctoa caderet cum rupe procella.
Quassato mihi sæpè mari Crateris ad oras
Hospitium dedit Inarime, gremioque recepit.
Ipse etiam me sæpè iugo Misenus ab alto
Compellavit, aquas cælo dum Corus agebat:
Et tepidæ Bajæ, Neſisque, sinusque Dicarchi.
Te placido conder gremio gratissima Siren
Parthenope; 10 Stabiæque cava tibi sede patebunt.

Præterea pelago in medio venientibus offert
Artemidos 11 sedem Cygnos, mox valle reposita
Titanum 12, fractamque 13 Philonius accipit alnum.
Nymphæum pete Sardeis comprehensus in undis;
Et Calaris puppim obiecti teget obliice saxi.
Sunt Drepani portus; 14 Lilybæa gurgite clauso

Sunt

-
- 1 (Tolone) *ingens Provincia Portus, ac totius Gallia navale.*
2 Gallis (Isles d'or, seu Hyerres) 3 (Antibo) 4 (Monaco) *Liguria portus.* 5 (Portofino) 6 (Porto Venere) 7 (Porto ferrato.)
8 (Porto Baratto) 9 *Centum cellæ, vulgè (Civita vecchia)*
10 (Castell'a mare), *exiguum antiquarum Stabiærum monumentum.*
11 *Antiquus portus non longè ab urbe Valeria (Alesia) dicitur nunc*
(Stagno di Diana.) 12 (Golfo Talamo.) 13 (Porto Favone)
14 (Marsala) *urbis, & portus dicitur etiam Africæ.*

Sunt vada: sunt tuta portus statione 1 Pachini.

Ionio in magno cùm se turbatus ab alto
Juppiter effudit totum nimbisque, procellisque,
Et spumam elisam, pulsataque videris astra,
Plemmyrium pete litus, & Ortygias Syracusass
Sive 2 Ziphonii penetrabis in ostia portus;
Vel te 3 Zanclei compellat pompa theatri
Lunatos intrare sinus; mihi sæpe ubi fracto
Perfugium conclusa sinu dedit unda recurvo.
Vel 4 Pylus adversa Pelopis Tellure petenda,
Aut 5 Samos, & tutæ 6 Buthroxi navibus arces.
Illyris Adriaci si spumea cærule curtes,
Innumeros tibi tuta sinus dabit ora repostos.
Italia extendet quoque dextram, & litore tuto
Brundusii excipiet quassatam fluctibus alnum.
Et portus Ancona suos, atque Istria contrà
Tendet, & æratis pandet se navibus 7 Edron.

Cùm verò Ægæi sulcamus marmorà ponti,
Portus centum aperit pacatos Græcia Tellus.
Quippè ubi crebra ruit subito stridore procella,
Ac venti sinè more truces bacchantur in undis,
Innumeros Natura sinus, portusque benigna,
Perfugium miseris posuit per cærule nautis.
Solicitis tendent divinæ Palladis arces
Cecropios portus, 8 Piræaque tuta recessu,
Et gremium pandent: mediis ceu nubibus Iris
Curvatur, pacemque refert mortalibus almam.
Et me grata 9 Chios, cùm Nereus obstrepit undis,
Accipiat. noto facundos litore amicos

M 2

In-

-
- 1 (Porto Longobardo) 2 (Agoſta) urbe Sicilia capaciffima portu celebris. 3 (Mellina) ubi quotquot ſunt in toto terrarum ambitu celeberrimus portus eſt, ad quem efformandum plurimum deſuſſaſſe Naturam dixeris, cui tamen amula ſemper ars non ceſſiſſi, nec civium induſtria, quippe ſupèrbiſſimo adificiorum theatro egregiè muniverſum, atque exornare. 4 Portus Peloponneſi (Navatino) 5 Eadem, ac Cephalenia, in qua (Porto Guſcardo) 6 (Butriatò). 7 (Porto di Chioggia, ò Porto Sablone. 8 Athenarum portus (Porto Lione) 9 (Scio) una ex ſporadiis urbe, & portu celeberrima. Eſt & feraciſſima, & amœniſſima ſuper reliquas Ægæi maris: vivit alit ingenioſor, & comèſ, nec in Græcia gens eſt adeò urbana, & culſa quàm ſunt Chii.

Invisam, ò, qui me ventus felicibus oris
 Sistat, & ingenti Telluris protegat arcu!
 Ingenium me mite soli, me collis aprici
 Prospectus, dulcesque cavis in vallibus umbræ,
 Ac tepidæ invitant auræ, Solesque benigni:
 Nec non & placidi mores, & amica virum vis
 Docta animos capere officiis. ò, si mihi vitæ,
 Ducere, quod superest, alta hic sub pace liceret!
 Et 1 Paros, & 2 Scyros, Vulcano & maxima 3 Lénos
 Sacra dabit portus, atque Alcæo inclyta 4 Lesbos,
 Et Smyrna, & Sciathos, 5 Phocæaque, 6 Delos, & Andros.
 Offeret 7 Amphimalum Creta, & tuta æquora 8 Mylæ.

Ast ubi Virginio jactaberis æquore curru',
 Quæ Phæbo dilecta Rhodos curvatur in arcum,
 Tende iteri, & pleno subeat ratis ostia velo.
 Et Cyprus 9 Salamina aperit, portuque silenti
 Accipit ingenti concussam turbine puppim:
 Pellæum 10 & Syriæ portum, 11 Tyriosque subito.
 Cùmque Palæstinas cursu laberis ad oras
 Cæsaris 12 aut arcem, aut vicinâ intrabis 13 Ioppen,
 Quæ septimigenus prorumpit in æquora Nilus,
 In 14 Pelusiacam contendas ilicet oram:
 Sive urbem 15 Lagi, quam dat Pharos aurea luce
 Nocte sub obscura, fortunatumque 16 Canopum.

Hinc tibi Marmaricum Tellus Barcæa 17 Selinum 2
 Usta 18 Philanæum præbebit & Africa portum:
 Utica 19 & hinc, siccas ubi Bragada lentus arenas
 Humeat, lævaque patent 20 Carthaginis arces.
 Julia 21 servatum tandem mox Alba favebit.
 Atque alii: nec ego cunctos comprehendere portus
 Versibus hîc opto, nec possem, in carmina centum
 Oralicet Phæbus stimulan præcordia Thyrsô
 Solveret, & dio furerem lymphatus ab æstro.
 Ipse tibi picto monstrabit cortice mundus,

Quæ

- 1 (Paris) 2 (Sciros) 3 (Stalimeni) 4 (Metelino) 5 (Fochia)
cum poru capaci, & amplo. 6 (Sdille) 7 Porto della Suda
 8 (Porto delle Carabuse) 9 (Famagosta) 10 (Antiocheia)
 11 (Sar) 12 *Ptolemais Claudii Cæsaris colonia* (Acra) 13 (Iassa)
 14 (Damiatra) 15 (Alessandria) 16 (Rosetto, vel Bochir)
 17 (Salona) 18 (Porto fabia, vel Hernich) 19 (Porto Farina, vel
 Biserta) 20 (Marcla) *Carthaginis portus* 21 (Algieri)

Quà curvæ tuta sedes statione locentur.

At quæ cura mari in magno perquirere portus,
Accipe, quisquis ades hoc carmine ritè docendus.
Membranam tabula in quadra, lævique revolves,
Ac juxta statues tornatæ pixidis orbem.

Hinc qui ventus aquas vertat, quò turbine ducat,
Cognosces: portumque plaga qui panditur illa,
Sedulus inquire (& propior tibi, nauta, legendus
Semper erit). velunque Noto tendente canorum,
Illum puppe peres, & litus adibis amicum.

At si nulla patet vicino in litore sedes,
Tunc aliam, transversa notat quam pagina, quæres.
Et valido obniti in ventum remone memento.

Insuper ipsa tibi securos insula portus
Offeret obiectu laterum, trans cæcula sedes
Non semper, Palinure, datur penetrare repostas.
Sæpe etiam montes in fluctibus exporrecti,
Et curvata sinu Tellus sua brachia pander.

Præterea situs, & varia est natura locorum
Exploranda prius. Quisquis nec portus ab omni
Securus vento: semper nec fida carinis
Quæque cavis statio; Nam nulla immunis ab omni
Res vitio est; & nulla vacat secuta periculo.
Quippe alii frangunt Boream; franguntur ab Austro;
Australi alii expellunt; at non Aquilonis iniqui
Effragiunt iras: Cauro bacchante, quieti
Subsidunt alii, at Libyco veniente tumescunt.
Hæc membrana tibi, pixisque, & sydera dicent.
Ac varii ostendent usus, habitusque locorum.

Sed jam quæ loca naufragiis infamia vites,
Expediam. Capreas longè, si nubilus Auster,
Aut Notus insultet pelago, transimite carinis.
Hinc freta Trinacriæ, & stricte fuge saxa 2 Pelori
Cum Libyci furit aura, vagi vada flava 1 Simethi
Linque procul, gelida Boreas dum perfurit Ursa,
Atque Noti, atque Eurus, atque Actias Orithyia,
Hinc immota tibi longè 2 Camarina legenda,
Horridus Oceano stridet si ventus ab alto,
Herculei suspecta tibi freta cæca Tarenti

M 3

Sem.

1 (La Giarretta) 2 (Camarana)

Semper erunt, 1 Strophadesq; & navifragū 2 Scylacæū.
 Haud piger Ionii spumantia marmora ventis,
 Nec cælo trifidis disjecta 3 Ceraunia flammis,
 Nec superum mare, non & litora dura Liburnorum,
 Aut latus adversum, rector, remone secabis.
 Mitte procul Ligures, nudataque saxa relinque,
 Cùm pelago strepit Auster, & Africus asperat undas.
 Gallum etiam litus, roseum quâ respicit ortum,
 Vitato, si vela tument surgentibus Euris.
 Præterea maris in medio freta 4 Gallica nimbis
 Horrendum quassata fremunt, & sydera lambunt.
 Auditur mugire vadum, penitusque sonare
 Pulsati vento fluctus: ceu dira leonum
 Turba fremit, fremituq; procul nentus omne remugit
 Cùm sese contrâ exercent fera prælia: vel cùm
 Amisos quærunt catulos, quos rupibus atris
 Furtim Getuli juvenes rapuere. Leonem
 Hinc nostri dixere sinum, quâ gurgite in alto
 Innumeræ periæ rates, doctique magistri.
 Tu cave puppe fretum tentare, tumentia surgunt
 Cùm maria, & dubio pendent sub sydere nimbi.
 Cautus in 5 Egæo percurres, navita, ponto:
 Passim nauifragis sunt consita cæcula saxis.
 Si superandus 6 Athos, dextra desce carinam:
 Et tempestates fugies, nimbosque sonantes,
 Concava 7 Bæotum, & duras fuge 8 Chalcidis oras,
 Quâ fluit Euripus, refluitque rapacibus undis,
 Et vada vorticibus circum irrequieta recurant.
 Nec propè Symplegadas, durumq; 9 Capharea puppim
 Admoveas, 10 Maleamque procul transmittite sequacem.
 Dum rostris Helle, dum finditur alta Propontis,
 Sive procellosi per inhospita litora Ponti
 Errandum, tunc lentus iter per cæcula carpes.
 Semper & oram Asiæ lege puppe: nivosa rigentum
 Neve Borystenidum pete litora, neve nigrantum
 Cimmerium sedem, & 11 Mæotidis ora paludis.

Et

1 (Li Stivali) 2 (Golfo di Squillaci) 3 (Monti di Chimera)
 4 (Golfo di Lione) 5 (Monte Santo) 6 (Stretto di Negroponte)
 7 (Negroponte) 8 (Le Pavonare) 9 (Cape dell'oro) 10 (Cape
 Mali o) 11 (Mare delle Zabacche)

Et duros scopulos, & saxa sonantia nimbis,
Tollit ubi cælo sese 1 Marpæsia rupes.
Litus & Europæ fugias, ubi lata per ora,
Atque humilem irrorans spumoso gurgite 2 Peucen,
Euxinum in pontum se devehit arduus Ister.

Ister, purpureas qui nunc revoluta per undas
Barbara Threjjicum tot millia turbidus altum
Corpora in Euxinum devoluit, & æquore mergit,
Quæ sacra Christiadam sociatæ in fœdera dextræ
Demisere neci; dum CÆSAR in agmine victor,
Tot regna, & trepida gentes formidine solvit:
Barbara castra Polonus & hinc ferus ense tremendo
Fulminat, itumpitque, manuque à vertice signum
Evellit, domiti monumentum insigne tyranni:
Hinc & magnanimus Thracesque, Arabesque solutos
Prosternit Lotharus, cædesque, & funera passim
Aggerat, & rigidum rotat implacabilis enses:
Parte alia Bavatus piëtis ardescit in armis,
Spumantique in vectus equo tonat undique ferro,
Insternitque Scythas, & funere mergit acerbo.
O magnum Fidei columen, tegnique Latini
AUSTRIADE CÆSAR, vos & salvete beati,
Dilectique Deo Reges, quos laudibus omnes
Servatæ attollunt gentes, plauduntque receptæ,
Ite sub Auroram solio pulsare tyrannum:
Nunc tempus: nunc Fata vocant: dum clade recenti
Nutant regna: retrò & pavidus ruit Othomannus
Regnator; mixtimque duces formidine cæca
Præcipites una, signis, fugere, relictis,
Per saltus, & lustra vagi: dumque æthere ab alto
Jam vobis Superi aspirant, & Numen agit rem.
Tunc ego, vos Reges, si quid mea carmina possunt,
Et mihi si tantum concedent Numina vitæ,
Lætus in astra feram: læti vos ibitis astris,
Addita cœlicolis nova Numina. Sed vagus ardor
Quò me nunc rapuit? quæ puppim ad litora vexit
Oceano ex alto? vos ò procul ite, Camœnæ
Pierides, ponti me nunc per cœrula quando

M 4

Ne-

1 Camœnæ pars ad Euxinum, alii: mons in Persia, 2 Insula Danubii
obiecta (Pizina.)

Nereides ducunt, humili mea tempora musco
Neſcentes: lauro vos tunc redimire poteſtis.

Ergo age, qua nunc arte ſecunda pericula ponti
Effugias, dicam, repleta eſt Numine quando
Mens propiore Dei, Muſiſque errare per undas
Cæruleas ardor novus incidit. Eſt labor ingens
Declinare fuga ſyrtes, ſcopuloſque triſulcos:
Syrtribus Oceanus, ſcopuliſque armatur acutis.

Ac veluti cæcus baculo ſubnixus acerno
Ignorū prætentat iter, tractuſque viarū
Explorat, dum ſi fortè, aut ſentibus horrent i
Et caveam, & longo rimatur ſaxa bacillo,
Quæ vitet, caſuſque procul depellat iniquos.
Haud ſecus, ignari quoniam verſamur in undis,
Sedulus ipſe ſua faciet de puppe magiſter.

Quà brevia, & cæcæ lateant in gurgite Syrtes,
Fluctibus & mediis interlita ſaxa norabit:
Omnia quæ piſci cognoscet cortice mundi.

Aſt ego præcipuas, fugies quas æquore Syrtes,
Edoceam. Libyæ litus quàm barbara i Leptis
Infeſtat mare piratis, fuge ſemper, & oras
Barcæſas; duris horret quàm Syrtibus æquor.
Hinc ſunt Sardois vitandæ in fluctibus Aræ;
Saxa vocant Itali: Phrygias fregere carinas,
Cum pius Æneas ſulcabat claſſibus æquor,
Ilium in Italiam portans, magnosque Penates.
Syrtribus Ægyptus, brevibuſque latentibus omnis
Armatur: Syriæque fretum, Cilicumque triſulcis
Ora riget ſcopulis. latè maris aſperat undas
Clara Rhodos: ſaxis, & acuto murice Creta
Cingitur, & ſcopulis paſſim ſurgentibus omne
Ægæum ſtipatur: aquis circumlita ſaxa
Naufragium intentant. nemoroſam puppe Zacynthum,
Atque Samum, & te etiam cautus, Corcyra, cavebo,
Leucadiam, Strophadeſq, & fluctifragam Cephalenō,
Cautus & Illyricos, & lapidis ora Timavi
Puppe legam: crebris horrent freta conſita terris.
Tuſca etiam rigidis denſatur cautibus ora.

Aſ-

1 (Leptis, vel Lepedas) urbs in Regno Tripolitano, ex cuius ruinis ſortè
ſaſſe Tripolis crevit. 2 (Santa Maura.)

Asperaque è duris sunt Gallica litora saxis.

Et demum in mediis fugiam ; Balearidas undis .

Surgunt præterea sinè re, sinè nomine cautes

Oceano in medio, quas & vitare necesse est.

Illas in parvi signatas cortice mundi,

Inque suis, Palinure, locis spectabis ; & inde

Deprendes alto in pelago, duce pyxide, & aëtris.

Sunt etiam multæ indeprænsæ in gurgite Syrtis ,

Quas & nullus adhuc inscripsit in orbe magister:

(Omnia quis novit, quæ condit in æquore Nereus?)

At tu si solers cùm Doridos alta pererras ,

Vel casu, aut undis, & tempestatibus ætus ,

Deprendes nova saxa mari, fugiesque periculum,

Illa orbe in picto describe, locumque notato

Certis distantem spatiis à litore noto.

Sic alios facient tua dira pericula cautos .

Dicendum & quæ sint nautis solertibus artes,

Hærentes quibus è mediis subducere naves

Syrtibus, aut brevibus possint, si fortè procella

Illis impulsæ, atque undis spumantibus ætæ

Inciderint: pristinum merces educere puppi

Atque onera, ingentesque trabes, atque æra canora

Festina: hinc contis urgendæ, & vectibus illæ .

Aut funes circum scopulos, cautesque revolve;

Mox magno famuli nisu propellere certent.

Aut æstum pelagi refluentis, & æquora plena

Expecta, ut sese, fluctu veniente, carinæ

Syrtibus educant. vel circum robora plures

Subter aquas duris religandi pellibus utres ;

Utribus intus enim conclusus inanibus aër

Nititur in summum semper, vique allevat alnos .

Nocturnum dum carpis iter, densataque saxis

Æquora transmittis, perquire, ubi gurgite syrtis

Insidias tendant, & acuto murice rupes.

Ne deses somno, aut nimio frangas labore ;

Quippè salus agitur vitæ, quot nocte serena

Saxa rates, pigrosque simul fregere magistros .

Me quondam, Æolio quàm mergitur Himera ponto ;

Heu miserum! memini juvenem vidisse Sicanum ,

Quem

Quem patriæ ad litus gelidum maris egerat unda,
 Oceani, infelix ! præter vada, vectus Eoum
 Supra Indum, & Gangem, Serum pervenit ad oras.
 Lætus ubi æstates transegerat advena multas,
 Jamque novos doctus mores, cæloque suetus
 Externo. verum patriæ compulsus amore
 (Dulcis amor patriæ: Tellus nec gravior ulla est,
 Quàm quæ nascenti primas dedit ætheris auras)
 Europam remeat trans litora, transque sonantem
 Oceanum, atque Italiam tandem delabitur oris.
 Hinc lembo in patriam vehitur, rectore Sicano,
 Tyrrhenumque auris relegit felicibus æquor.
 Non procul à patria pura sub nocte secabat
 Lembus aquas, vento nunquam laxante rudentes.
 At victi somno nautæ per transtra jacebant,
 Et puer obscura clavum sub nocte regebat.
 Funditur hic etiam somno. remone relicto,
 Impegit saxis & procurrentibus alnus.
 Commotæ cautes, & acuto in murice rostrum
 Obnixum crepuit, collisæque prora pendit,
 Extemplò nautæ somno, vinoque sepulti
 Demerguntur aquis. Adeo vigilare per undas,
 Infamesque rati scopulos defendere multum est.
 Ille sed optatas patriæ Telluris ad oras
 Mergitur infelix, mortique occumbit acerbæ;
 Cùm nullæ purum velarent æra nubes,
 Et nulli tristes turbarent marmora nimbi.
 Qui toties vasti fulcaverat æquor Atlantidis,
 Et rapidos undis toties Typhonas Eois
 Fregerat, & centum vitaverat impiger Aras.
 Heu vatum ignaræ mentes ! qui sedulus unquam
 Talia Fata viro è cælo cecinisset haruspex ?
 Fidentes animis majora pericula sæpè,
 Ah miseri ! superamus: at hinc vitare minora
 Fata negant. Obstat rerum irrevocabilis ordo.
 Ignarus scopulis si fortè occurris, ab alto
 Confestim nautæ demittant vertice velum,
 Aut cursum certent remis inhibere morando.
 Si longè cautes aspexeris, atque potestas
 Evitare datur, clavum torquere, magister,

Festina, longos & circumflectere cursus.
 Quà mare inoffensum, nec fracta remurmurat unda,
 Carpe fugam: vacuum dabitur via tuta per æquor.
 Qualis ubi currus solers auriga volantes
 Egit, & Euripedes campo commisit aperto,
 Utque via saxum, foveamque advertit iniquam,
 Inflectit remone rotam, evaditque periculum.
 Verùm signa tibi cœcas prodentia syrtes
 Accipe. Cùm pelago surgit levis unda quieto,
 Volvunturque locis densata volumina certis,
 Illic infames deprendes, navita, rupes,
 Et vada, ubi ponto brevis æstuat unda refuso.
 At si turbatus fremit imo à gurgite Nereus,
 Quà fracti nimium spuma incandescere fluctus
 Aspectantur, ibi cumuli, cautesque rigescunt.

Hæc super; Ignotas cùm te devexit in oras
 Ventus, ne pronas illis appellere puppes
 Festinus, Palinure, sinas, demissa priusquam
 Linea rimetur fundum; si surgat aquarum
 Tanta imo moles de gurgite, quanta carinas
 Ferre potest: mediò pariter tibi 1 linea fundum
 Oceano exploret, cùm jam vicina patefcunt
 Æquora, ubi subter cumuli densantur arenæ.

Vestiget tibi prætereà gravis ære 2 Molorthus
 Commoda si ratiibus statio: quæ subter arenis
 Sternitur, apta: nigro verùm quæ plurima iuxta
 Aut scater, aut latè duris riger aspera saxis,
 Firmandis semper censetur iniqua carinis;
 Nam malè cœnoso firmabitur anchora fundo,
 Nec benè præruptis cum dente hærebit adunco
 In scopulis; & acuta revulsos marmora funes
 Disfrumpent. priùs ergo mari demitte Molorthum
 Illum autem visco, aut molli circumline cera.
 Hinc cùm deduces, referet si multus arenam,
 Apti rati statio, si lîxum, incommoda: sed si
 Inciderit rigidis descendens cautibus ille,
 Infidum fuge litus, & æquora rupibus aspera.

Insuper his, portus nigra dum nocte subintrat,

Quæ

1 Hoc est bolis (il Piombino, ò Scandaglio) Itali appellant.

2 Idem ac bolis, à plumbis restè descendente diffinit.

Quæ sit vera Pharos, quæ lumine litora pandas,
 Impiger explora, & certis cognoscere signis
 Niteres, sæpe ratos mediis periere sub umbris
 Indeprensæ errore Phari, dum litore multæ
 Irradiant flammæ, agricolæ cùm collibus altas
 Accendere pyras, vel cùm de nocte per urbes
 Festivi radiant passim de mœnibus ignes.

At tibi nunc, Siculis quod classibus 1 accidit olim
 Narrabo, Palinure. (juvat meminisse malorum,
 Quæ caveas) Victrix remeabat classis Eoo,
 Exuviasque ducum, captumque in signe tyranni
 Threiciæ, & victas referebat in agmine puppes.
 Jam multo exhaustos cursu demerserat undis
 Phœbus equos, primo volvi cùm sydera motu
 Incipiunt, trepidis & scintillare videntur
 Luminibus, spectata mari descendere ab alto
 Arcibus è summis tunc est, & mœnibus urbis
 Classis, & Austriacis vexilla undantia signis.
 Captivæ bello puppes, monumenta triumphii,
 Ponè sequebantur: longè trans litora classem
 Protinus ut videre, canoro murmure cives
 Conveniunt, omnisque ruit densata Panormus
 Visendi studio, plaususque ad sydera jactant;
 Accenduntque faces, lætosque in mœnibus ignes.
 Extemplò dira Boreas comitante procella,
 Ex Urfa ruit improvisus: in æquore fluctus
 Incandent, raucoque fremunt stridore sub auras.
 Densatur cœlum nimbis, tonitruque remugit,
 Quo campi, & valles, atque ardua pulsa tremiscunt.
 Tunc velum in ventum dat concita classis, & auris
 In portum contendit. at inscia quæ pharos igne
 Luceret fido: crebræ per litora quando
 Ardebant flammæ, mediis pars syrtibus hæsit,
 Pars scopulos inter prona incidit. haud mora cunctæ

Illi-

*Siciliæ pro Rege Catholico moderato Ursinis (Ossuna) duce, Classis Si-
 enna septem instructa viribus, pratore Octavio Aragonio in Orien-
 tem solvit, & cùm septem Turcharum viribus occurrisset, pugnam
 inilit, brevique pralio capta omnes: victrix mox cùm rediret nocte, &
 tempestate superveniente, errore Phari magna ex parte naufragium
 fecit in portu.*

Illisæ crepuere rates, sonitumque dedere.
 Victores, victosque trahit fors una vicissim.
 Heu miseros! per saxa animam, fluctusque rapaces
 Effudere inter sociorum murmura læta.
 Sæpè insperatos felicia gaudia luctus,
 Et lacrymas verso pepererunt ordine risus.
 At vos solliciti portum explore, magistri,
 Et fidæ vobis radient quo litore flammæ.

At nunc, quo fervent æstu maria alta refuso,
 Quæ loca, qui cursus, quibus & Lunaribus horis
 Vestigemus, & à scopulis diversa petamus.
 Concitus alterno procurrens gurgite pontus
 Nunc celeri in terras cursu ruit, atque refusus
 Fluctibus infundit, scopulosque superiacit undas.
 Spumeus at retrò nunc cedit, & humida salsi
 Purgamenta maris, revolutaque saxa resorbet.
 Nudatumque solum, fluctu labente, relinquit.
 Ac veluti geminæ cofere in prælia quando
 Mixtæ acies, & longis sese hastilibus urgent.
 Fortior illa premit, subnixaque viribus instat.
 Hæc cedit, retròque fugit, subitumque sub auras
 Clamorem attollit, flammantiaque ora reflectit.
 Illa fugit, penitusque datis se mandat habenis.
 Haud secus in terras irrumpit fervidus undis
 Oceanus, refugisque iterum se fluctibus aufert.

Sed quæ causa fretum confestim gurgite ab alta
 Tempore sub certo tollat, rursusque remittat,
 Non facilis quæsitum, omnique incognita vulgo est.
 Ardua mens hominum explorandis rebus, & acro
 Ingenium has pelagi refugas impegit in undas.
 Utque adeò verum est, certas perquirere causas,
 Et sita principia, & cunctarum exordia rerum
 Difficile esse: tamen varia est sententia multis.
 Nanque alii vastos sorberi in Tartara fluctus
 Rentur, & occulto subter tranare meatu;
 Inde vomit rursus, subitosque ad litora ferri,
 Esse alii Mundo vitales ætheris haustus,
 Et partem superæ mentis dixere: tumentes
 Sic & anhelus aquas, cum naribus accipit auras,
 Contrahit absorbens, illas, cum reddit, in altum

At.

Attollit, terrasque, vado exundante, refundit.
 Sunt quibus hæc melior risit sententia menti;
 Scilicet è cælo vertigine rapta diurna
 Surgere nunc æstu maria, & refluentibus undis
 Demitti. vasto multis sub gurgite visum est
 Ebullire fretum, latèque assurgere fluctus;
 Quippè putant vacuis magnæ telluris in antris
 Conclusos ignes cæcis ardere caminis.
 Verùm alii mira novitatis imagine capti
 (Non levis hic stimulus; suus incidit omnibus ardor
 Vestigare nova, & rerum confingere causas)
 In mundi medio Phœbi torpere jugales,
 Ac circum immenso terras versâries orbe:
 Cunctaque præcipiti pariter vertigine ferri,
 Ætheraque, tractusque maris, nubefque volantes,
 Audaces dixerunt. Aded dementia mentes
 Mortales vexat. certas inquirere causas
 Non hic verus amor, rerumque exordia nosse;
 Sed nova fingendi genius, seu dira cupido est.
 Hinc terræ trepidare sinu maria acta putarunt;
 Alternaque fuga tumidos fervere fluctus.
 Ipse sed Oceani spumantia cæcula duco
 Reginæ arbitrio Lunæ, imperioque cieri;
 Vimque illi arcanam, motu quæ concitet undas,
 Esse puto. parent Lunæ freta turgida; quando
 Illa abeunte cadunt maria, & veniente tumescunt.

Non tamen Oceani terrarum est unus ubique
 Æstus, & in certis non semper tollitur horis.
 Sive id aquæ vitio eveniat, vitiove locorum;
 Vel quoniam (nec fallor) erit non una marini
 Causa æstus, interdum aliæ in contraria causæ
 Res agitant, viresque aliarum sæpe morantur.
 Hinc per conclusæ Thetidos vada parcius undæ
 Assurgunt, refugioque iterum vix gurgite fidunt.
 Verùm in secessu superi maris altius æquor
 Turgescit veniens, longèque infundit arenas.

Sed magis Oceanus perfusus æstuat undis
 Ultra Abylam, & Calpens magno quia scilicet illic
 Corpore per cunctas latè diffunditur oras;
 Fluctuat & magis aurato quàm flumine ripas

Humectat virides Tagus aurifer, altiùs æquor
 Tollitur, & campos, & rura virentia fluctu
 Longè operit; totamque oram perfundit Iberam.
 Verùm quâ cælo se saxa 1 Gobæta tollunt
 Armoricum propter litus, quando unda resedit,
 Ingenti circum tractu nudata patefcunt
 Litora, nudatque etiam per litora pisces,
 Cereque, Vitulique, & fluctivagæ Balæna.
 Sæpe etiam & siccis puppes spectantur arenis.

Major, ubi gelidis semper riget Urfa pruinis,
 Bacchatur terris maris æstus, & unda tumescens
 Latè humiles sorbet Batavos, humilesque Britannos;
 Norvergos, Cymbrosque simul, Gotthosque nivales.

At Libyæ ad litus, quâ 2 Gis vagus alluit, & quâ
 Contrâ elata mari spectatur maxima 3 Cerne,
 Perque Arabum fines, Erythræaque litora circum
 Fervescit pelagus vehementior, & furit undis.
 Verùm Eoa per æquora lata, per Asida longè,
 Et quâ gemmiferæ vicinia Persidis Indum
 Accipit, & nitidis circum 4 Carmana lapillis
 Litora lata, modum suprâ furit æstus, & ingens
 Præcurrens tantum Nereus Telluris inundat,
 Quantum vix uno peragit sub Sole viator.
 Non tam præcipites effusi è carcere currus
 Corripuere viam, & laxis agitantur habenis:
 Ut cum perumpit, tunido jam gurgite, pontus
 In terram, refugus vel cum delabitur inde.
 Non fuga servaret gentes per litora Eoæ,
 Ni custos fumo daret alto à vertice signum,
 Cum terram aggreditur spumofum fluctibus æquor,

Hæc, loca, Tethys ubi Lunaribus æstuat horis,
 Nauta, fuge, & celeres infida ad litora proras
 Ne veritas, transversâ ferat ne fervidus illas,
 Dum ruit, Oceanus, nudo vel litore retrò
 Deserat aufugiens. Foveas fecere cavatas
 Litoribus passim, tutæ consistere ut illis,
 Subsidente, rates possent, trans litora Nereo.

Quin

1 Promontorium Gallie in ora Britannica (S. Mah.) 2 Idem ac Nigle
 Nilo pars fluminis (Fiume Negro) 3 Quæ ex Menuthiar maxima A-
 frica insula (Madagascar.) 4 (Kirman) Persidis regio.

Quin opus est, ut missa mari gravis anchora puppim
Fundet aquis; nam sæpe graves violentior æstus
Secum unâ abripuit, refluenti gurgite, naves.

Præterea sit cura tibi cognoscere, servens
Tempore quo surgit, vel quo delabitur unda;
Ne partem, Palinure, relinquo puppibus oram,
Oceano veniente; cito sed reflua cursu
Cum jam litoribus subsidunt æquora siccis:
Utque coronatis advertas ostia sylvis,
Cum surget veniens, non cum subducitur æquor,
Dum vaga confurgit radianti Delia cornu,
Atque orbem sextæ fugiens interfecat horæ,
Paulatim surgens crescit mare: vertice summi
Illa sed in medio cum jam libratur Olympi,
Consistit maris æstus: aquæ non amplius ultra
Ascendunt: refugæ sed retrò fræna retorquent.
Hinc ubi descendens orbem lustravit eundem,
Invadunt iterum spumantia marmora terras,
Quo tandem Manes descendat Cynthia ad imos,
Hinc ut candentes agit alto à cardine cervos,
Vertuntur maria, & retrò sublabitur unda.
Tarda maris quoniam de gurgite Luna refurgit
Semper (amat somnos, & amica silentia Luna)
Tardiùs hinc (dominæ mores imitatur & ipse)
Oceanus sumit violenti exordia motus.
Quoque dies abiere retrò crescentis ab ortu,
Tot cedunt momenta vagi primordia cursus.

Præterea cum Luna novos jam colligit ignes,
Tunc minùs ex imo tolluntur gurgite fluctus:
Sed cum per cælum pleno jam lucida cornu
Incedit, magnis tunc Nereus æstuat undis,
Nanque etiam dominæ novit dispendia Lunæ
Oceanus: simul & crescentia cornua sentit.

LIBRI SEXTI
FINIS.



NAUTICORUM

LIBER VII.

Sed jam nunc puppes animosior impulit aurâ
 Trans Abylæ metâ, Oceanoque immisit apertâ,
 Creber & Eoo veniens immurmurat Eurâs:
 Conclusæque, fectro cesserunt Tethyos undæ.
 Ergo animus, dum ventus agit, dum spirat Apollo,
 Oceani fluctus audaci currere puppi.

At tu, quæ vitreo subvecta per æquora curru,
 Cæruleum metiris iter, cœtuque beato
 Nereidum sociata volas, vari, aurea Dori,
 Pande viam: tecumque feras, precor, ò Dea, magnum
 CARDINIDEN curru sublimem, Euroque secundo.
 Hoc duce perpetuis sulcabimus æquora velis,
 Felici intendent semper quæ flamine Cori.
 Ergo age, CARDINIDE, & quò te vocat æmula Dòris,
 I, sequere, & mecum juvet ire, & quærere sedem
 Purpuream Eoi, & primi confinia mundi,
 Suprà Iudos, Seresque suprà, & Chrysenque repostam,
 Solis, & Auroræ in thalamos Titanidis usque:
 Nec non & nova regna, novasque inquirere gentes
 Axe alio, quâ nulla polum vaga circuit Arctos,
 Et nova monstra maris, nova sydera: trans & Atlantem
 Externum lustrare orbem, nova litora, & urbes,
 Atque alios portus, quò per tot secula nullæ
 Ire rates ausæ, & curvis sulcâre carinis
 Fluctibus horrendum Oceanum, horredumque procellis:
 Magnum equidem tentamus opus: sed magna sequetur
 Gloria, læva sinunt si Numina, & audit Apollo:

N

Et

1 (Giappone) ut Britanni, & aliis placeat; etiam si Japoniam alii habent
 dit insulâ putant. Marcus Polus Venetus Zypægrin vocat. eel ekiv-
 main Oceano Sinico insula ad Orientem posita.

Et qui me facili toties per cœrula nutu
 Magnus SABERIDES servavit. Age, æthere ab alto
 Dive veni, & ventos immitte in vela secundos,
 Ac tumidum substerne cavis jam puppibus æquor;
 Nanque potens pelagi Deus es: via nulla per undas
 Te sine tuta patet, trepidatque in gurgite pinus.
 Ergo adsis, cœptique operis hanc perface partem.

O mihi, si liceat, cœlo, pelagoque remenso
 Litus in Eoum servatam advertere puppim,
 Hic tibi i Carmano templum de marmore ponam
 Propter aquas, multo Ganges quàm turbidus auro
 Per septena vago devolvitur ostia cursu.
 In medio templi stabis mihi Numen, & aram
 Purpureis textam gemmis, auroque tenebis.
 Huc tibi servati spumosa per æquora nautæ
 Dona ferent, fundentque preces, & vota solvent,
 Primus ego (si tantò unquam dignabor honore)
 Romulidum de more sacro velatus amictu,
 Et nitida chlamyde, & Tyrio conspectus in ostro
 Dona feram, & sacris incendam altaria donis.
 Sanctam libabo Cæterem, sanctumque Lyzum
 Cernuus; èque manu mittetur victima postea
 Multa Patri. Sed jam festas indicere pompas
 Ad delubra juvat, Cæsi que insigne Tonantis
 Ac pictas auro tabulas, & figere dona
 Parietibus latè circum, contextaque Serum
 Vellera, purpureosque thola suspendere honores.

In foribus pugnam ex ebore, & nitida argenti
 Gangaridum faciam, fractumque peritus in auro
 Cælabo 2 Badagem, & victricia signa Quirini.
 Atque hic Romanis ascriptum legibus Indum,
 Ac rutilum sacro lustratum in flumine Gangem;
 Addam urbes Asiæ, servataque regna rubentis
 Auroræ, sacris tot & addita sceptris Latinis.
 Bisque triumphatas Chryseio in litore gentes,
 Taprobanen 3, 4 Sindasque, & odoriferas Moluccas,

Et

1 *Maritima Persidis regio (Katiman) in qua Armeniæ.* 2 *Barbari, quæ Indica peninsula montana colunt.* 3 *Est hac Ceylanum, quæ Cory promontorio phicella.* 4 *Tres magna insulae Eos Oceani (Sumatra, Borneo, & Java) vulgò (Isolè della sonda)*

Et captæ stabunt puppes, & victus 1 Achenus.
 Sub pedibus pingam Furias, amnemque severum
 Cocyti, & dira fufum cùm gente Tyrannum .
 E niveo fculpam saxo, fpirantia figna,
 Lufratos reges, afcriptaque nomina cælo.
 Intercæ magnum Oceanum, fluûufque fequamur
 Inactos, tua, SABERIDE, non ultima dona.
 Ergo age: rumpe moras: vocat alto à vertice pontus,
 Indufque, Gangesque, & divitis æquor Erythræ:
 Et vocat Hefperio fub Sole 2 Argenteus amnis,
 Virginei 3 fontes, auroque infignis 4 Amazoni;
 Et vox affenfu marium ingeminata refultat.
 Mox ego victrices accingar dicere palmas,
 Æternumque tuum proferre in fecula nomen.

Seu quis odoriferas Eoa per æquora terras
 Puppe petit, crocei feu quis fub Vefperis ora
 Ammerices quærit populos, hic cortice pictum
 Oceanum primùm, & vaffiffima cærula nofcatur;
 Ac maris ambages varias, curfusque viarum .

Trans Gades magnum fpumofis fluûibus æquor
 Panditur (Oceanum Graii dixere vocantes)
 Cum quo claufa Thetis (cecinit fi vera vetuftas)
 Nulla olim immiffio iunxit commercia Nereo.
 Isthmus erat medius, terræ difcrimine parvo
 Qui Libyam Europæ jungebat, & utraq; Tellus
 Una erat. at crebrò veniens vi pontus, & undis
 Paulatim exedit terras, medioque refufus
 Europam tandem è Libya dimovit, & alta
 Diducta ex Abyla tunc Calpe, & litora, & urbes:
 Ac primùm Thetis Oceano dignata marito eft.
 (Tantum pontus edax, & edacia fecula poffunt)
 Fluviolorum pater Oceanus, rex magnus aquarum;
 Quique finus centum, centum fluit æquora circum,
 Atque plagas omnes terrarum fluûibus ambit.
 Quin fubtus terras & præterlabitur omnes

N 2

Per

1 Populi Sumatra in ora Boreali (Achen) 2 Ingens America Meridionalis fluvius ab arenis Argenteis fic dictus (Rio de la Plata)

3 Qui funt in Virginia Septentrionalis America provincia.

4 (Rio de las Amazonas) Hispani vocant, perhibent enim huius fluvij ripas Amazonas incolere .

Per cæcos aditus, perque horrida Tartara Ditis.
 Ceu toto in tenues diffusus corpore venas
 Insinuat se sanguis, agitque per omnia vitam.
 Stagna, lacus, perhibent, hinc & vaga flumina, fontes
 Lymphæque, & quicquid saxis distillat aquarum
 Oceano ex alto consurgere. nanque ubi pontus
 Descendit magnæ per crebra foramina terræ,
 Quà via cæca patet, superas se rursus in auras
 Emittit saliens; nam quantum vertice ab alto
 Descendit maris unda, salit de gurgite tantum.
 Hinc Tagus auratam volvens cum flumine arenam
 Erumpit. Bætisque alba præcinctus oliva:
 Et qui tot terris, tot nomina gentibus Indus
 Caucasæa de rupe fluens imponit, & ipse
 Purpurea Ganges unda, Tanaisque nivalis:
 Ac gelidis venit Oxus aquis, & dives Hydaspes,
 Et Lycus, atque Hermus, fontesque binominis Istrî:
 Nilas &, Ægyptum nigra qui ditat arena,
 Usque ca cuminibus Lunæ devexus ab alris:
 Et Gis Æthiopum fama notissimus, & qui
 Spumeus Alpino Vesuli de vertice currit
 Eridanus, sceptrisque potens Tyberinus, & ipse
 Pauper aqua, at multo dives Sebethus honore.
 Orbe sub occiduo Panucus, & alta fluenta
 Amnis Amazonidum, centum qui flexibus errat,
 Et fata rura rigat latè felicia centum:
 Cæruleisque 1 Canada vadis, flavusque Siopis,
 Quique mari magno fluit ore Argenteus amnis,
 Et gemmas secum, & nidas subvectat arenas.

Hic freta trans Abylæ geminis se cornibus ingens
 Porrigit Oceanus: dextrâ petit arduus orbem
 Ammericæ, latèque omnem complectitur undis:
 At læva Libyam præterluit usque remotum
 Acronoton, Manesque fluens descendit ad imos.
 Eoum hinc saliens latus alluit, & vagus inde
 Suprà Arabem, Persamque suprà circumfluit Indos,
 Mox iterum ascendens gelidas iter urget ad Arctos;
 Lanigerosque lavat Seres, Chrysenque rubentem.

Hinc

1 (Canada) fluvius, seu potius ingens lacus Septentrionalis America,

Hinc & regna petens Boreæ damnata sub axe,
Sarmathiam, Scythiamque rigat, rigidoque relicto
Axe iterum, niveos cursu secat ille Britannos:
Moribus & niveam fluctu circumdat Hybernem.

Oceani quondam antiquis impervia nautis
Æquora: turritæ nec sulcavere carinæ
Id pelagi, ad Solem quod se diffundit Eoum,
Et quod in Hesperium procurrat, & omnia cingit
Ammerices nova regna. cava trabe currere fluctus
Oceani tumidos, montesque irrumpere aquarum
Non ausi, ignotumque fretum tentare magistri.
Proxima majorum Fatis melioribus ætas
Id tandem aggressa est: potuitque ingentibus ausis
Oceanum superare, rubrosque venire sub Indos.
Multa sed ante tamen cesserunt irrita vota
Rectorum, multusque labor profusus inanis.
Agmine nimborum metuendus, & ignibus Atlas
Terrebat nautarum animos, qui sæpè furentem
Tentavere sinum, & cautes superare rigentes.
Arduus ipse etiam præruptis montibus alnos
Oceanus retrò pepulit, nautasque coëgit
Vertere terga fuga, & magnis desistere coëptis.
At non conatus animorum, audaciaque ausa
Omninò cecidere: per invia cæcula Atlantis,
Perque hyemes iterum rigidas, nimbosque sonantes
Sternere iter tentarunt, magnum & sub juga pontum
Mittere: sed pulsi laceris abiectis carinis
Retrò iterum: ceciditque animis spes omnis, & altus
Non dictus Mons, & dicta est innabilis ora.
Sic intactus Atlas, multosque inarata per annos
Æquora manserunt. Tandem felicibus ausis,
Henrici 2 Ducis auspicio, ducentibus & Diis,
Lysiadæ petijere duces. non horrida nimbis
Æquora, non pelagi montes timuere tumentes.
Ac velut in tergum si quando pulsa recessit

N 3

Mæ-

1 Atlantis ingū (Capo Non) 2 Ioānis 1. Lusitania regis filius, qui primus
in Africa iter aperuit duabus Lusitanis navibus missis anno 1240.
mox Atlantis promontorium superatum est anno 1430. postremò Va-
sco duce trans ultimum Africa promontorium in Indiam penetra-
vit aī anno 1497.

Mœnibus ex altis acies, quæ scandere primum
 Ausa fuit, mixtimque abiit formidine cœcas;
 Spemque omnem belli deponit, & arce potiri.
 Ast ubi conspexit specula sublimis ab alta
 Contusas acies, fusosque redire maniplos
 Magnanimus dux, ingentique incanduit ira,
 Urget equum impatiens, tortasque relaxat habenas:
 Ocyûs & vento, ut versum pervenit in agmen,
 Increpitat primum dictis, sistitque ruentes:
 Addit & hinc stimulos animis, & laudis honores,
 Extemplò commotæ acies ad mœnia vertunt
 Sese præcipites, Martemque, hostemque lacessunt.
 Tela per, & glandes, & Martia fulmina, & ignes
 Irrumpunt; muros scandunt, & turribus altis
 Vi potiuntur: Honor stimulis præcordia pulsat.
 Non secus oceanum superarunt, & vada cœca
 Lysiadæ nautæ, postquam generosus adegit
 Dux stimulis animos, laudisque adiecit honores.
 Non formidandi vertex sublimis Atlantis,
 Nec trifidis disiecta polo Acroceraunia flammis
 Audaces fregere animos: Nec terruit ingens
 Fluctibus Oceanus: sed itum est in litus Eoum
 Per maris abruptum. Rerum discrimina nulla
 Altæ landis amor formidat, & invia nulla
 Semita virtuti; nam sentibus aspera mollit
 Gloria. Neptuni præter vada fervida vexit
 Idæas animosa virum solertia puppes.

Verum age, & oceani tumidos quo sydere fluctus
 Vertere conveniat, terras & adire repostas,
 Accipe. Cùm pelagus candenti corpore Cygnus
 Pronus adit, nitidis Arcturus & emicat astris,
 Herculeos fines, & amicos, navita, portus,
 Quà Tagus Oceano rutilis se miscet arenis,
 Desere. blanda novo sub sydere scindere pontum
 Tempestas aperit tunc (s; veniuntque secundi
 In velum Zephyri. verum si carcere curtus
 Seriùs emittas, cœlo cùm lucida Tauri
 Occidit, ardentesque pedes exarmat Orion,
 Haud equidem Phœbi fines lustrabis Eos
 Incolumis, retrò puppes age: Auster ab axe

Austrino veniens. vel si contenderé contrâ
 Audebis, Libyæ infames frangeris ad oras,
 Aut alium tandem venies jactatus in orbem,
 Brasiliæ ad cætes, aut barbata litota terræ
 Caribanz, pelago quâ se vagus addit Amazon:
 At 1 portum, Oceani gelidas ubi verberat undas
 Sequana, Pegaseum nitido cum sydus Olympo
 Tendit iter penhis, & jam novus incipit annus;
 Deserit, & Phœbi Gallus petit arva rubentis.
 Mense sed exacto solvunt de 2 Veste Britanni
 Litus in Eoum: at gelidæ vada tutâ relinquunt
 Texelæ 3 dices Batavi, charosque Penatès,
 Cum Tauri medium Titan secataureus orbem.

At quicumque petis trans æquora litus Eoum
 Ocyûs insistas cursu, Zephyrisque secundis,
 Abrumpasque mbras opus est; Nanque omnis in alto
 Prospera Fortuna, & felix stat meta viarum
 Concessis ventis, & tempestatibus uti.

Sed postquam cœli cæto sub sydere ventos
 Acceperè sinus, celeres, Palinure, carinas
 Dirige. Fortunæ præfert quâ plurima nomen
 Insula. prima tui sit & hæc data meta laboris.
 At tibi quæ magnò metuendâ periculâ ponto
 Intentent, canere aggredior. Vitare memento
 Navisfragum Libyæ litus, penitusque sonantes
 Atlantis scopulos; furit hic spumantibus undis
 Arduus Oceanus, strepitatque procæcibus Austris;
 Dextram puppe pete: & nimbos vitabis, & undas.

Ille sed in primis vasti per cœrula Atlantis
 Est labor exuperandus: aquæ nam præpete cursu
 Semper in Occasum, Solisque eubilia tendunt.
 Seu quoniam summi vertex dum fertur Olympi
 Pronus ad Occasum, retròque relinquit Eoum.
 Inclusos orbès, & syderâ, & aëra, & undas
 Oceani rapit, & celerè trahit omnia gyro.
 Qualis ubi magna rapitur vi fervidus axis
 Ingenti cum mole rotas, currusque volantes
 Abripit, & summa retrò vi rapta sequuntur;

N 4

Sive

1 (L'Haut de Grasse) Galli vocant. 2 insula Britannia (Vnight)
 3 (Texel) insula, & portus Batavorum.

Sive quia (hæc melior sententia visa magistris
 Nanque aliis) cœli per culmina cùm rapidus Sol
 Volvitur, immensis fervoribus excoquit alti
 Oceani fluctus, tenuesque resolvit in auras.
 Ergo ubi jam multus mediis è fluctibus humor
 Attenuatus abit, subsidunt æquora fundo:
 Hinc loca vicinæ succedunt protinus undæ
 In devexa. vagus quoniam se semper in orbem
 Versat, agens cùm luce diem Sol almus Olympo,
 In declive fluit mare semper, & orbe rotatur.
 Longior idcirco cursus, cùm Solis ad Ortum
 Tendimus: obiectum puppes mare tardat euntes.
 At verò Occasum, brevior, cùm quæris, & oras
 Ammericis: nam prona ferunt ipsa æquora puppes.
 Est major tamen hic motus, quæ torrida Mundi
 Zona rubet; veloci & aguntur cæcula cursu.
 Attenuat quoniam Sol ferventissimus undas
 Oceani magis: aut quia se velocius ipse
 In medio versat cœli vastissimus orbis.
 Est pariter varius variis in partibus altæ
 Cursus aquæ, & varias etiam deflectit ad oras,
 Auroræ hinc docti quæruni cùm regna magistris,
 Lentus ubi motus, descendunt; deinde sub Ortum
 Veloces recto ducunt temone carinas.
 Major ubi, veniunt cùm longè Atlante repostos
 Solis ad Occasum inquirunt per cæcula portus.
 Est etiam labor ille tibi, luctare fluentis
 Oceani, fluctus & declinare ruentes.
 Nam vaga in Occasum cùm perfluit Amphitrite
 Litora in adversa, atque in procurrentia saxa
 IncurSAT violenta, nec ultra excurrit inundans,
 Spumea confestim refluit sed pulsa retrorsum.
 Qualis ubi ripis devexior incidit amnis
 Allisus resilit, retròque reverberat undas.
 At quoniam in terras obiectas sæpius unda
 Obliquè incurSAT, pariterque impulsa retrorsum
 Obliquè in partes alias fluit, & vaga cursat.
 Ingentesque unà abreptas trahit æquore puppes.
 Quin etiam fluviis è magnis sæpe fluenta
 Prona ruunt, multoque cient maris impete fluctus.

Sic

Sic fluit Euxinum, & mediam perlabitur Hellen
 Austum fluminibus: sic pulsum à gurgite Nili
 It mare Virginium: sic claustra sonantia præter
 Oceanum currunt; devexa fluenta per altum:
 Quà Gis lata subit maris æquora, quàque rubentes
 Indus aquas auro devolvit, & aureus ipse
 Quà Ganges fluit, & Seres quà findit i Hoanges,
 Et quà se magno ciet ore Argenteus amnis,
 Ac fecat occiduos undis felicibus Indos.
 Amnis Amazonidum sed quà rapidissimus undas
 Torquet agens, celeri curtunt cita cærule cursu.

Hæc igitur tibi cura, silent cùm carbasa, in undas
 Anchora descendat, multo quæ pondere curvas
 Firmabit pinus, pelagoque obsistet eunti.
 At si ventus agit crepitanti flamine vela,
 Contendè in proram venientibus impiger undis,
 Obnitique vado semper, Palinure, memento.
 Nec te decipiat, fluctu labente, profundis
 Indeprensus aquis, atque irremeabilis error.
 Vicinam temone plagam, veloque require,
 Quà venit æstus aquæ, & fluctus conare ruentes
 Vincere, ne sensim pelagi devexa fluenta
 Veloces aliò impellant per cærule puppes,
 Tardior Oceanus quà se fert obviis undis,
 Flecteratem clavo, quin & superare fluenta,
 Nanta, potes, si proram omnis peat impetus undæ;
 Nec transversa latus feriat Thetis incita cursus;
 Nam sic prora vadum rostro proscindet acuto,
 Eludetque simul rapidam venientis aquæ vim,
 Non secus ac cuneus diffundit scissile robur,
 Et facile in partes acie disjungit acuta.

Quin & Hyperboreas glacies, fluxumque nivali
 Ex axe in medium tibi sunt vitanda, sub Urſas
 Dum tendis. Cùm longa dies illuxit in Orbe
 Arctoo, solvitque nives Sol fervidus igne,
 Et duras scindit glacies, maris unda refusus
 Imbribus è Septem cursu revoluta Trione

In

1 (Hoang) maximus Serum fluvius crocei, seu lutei coloris, unde ver-
 naculo Serum vocabulo Hoang dicitur. illius tamen aqua nigra
 fit iniecta alumine.

In medium de vena diem descendit, & altas
Fert secum glaciēs, repidumque revolvit in Austrum.

Sed quā torrentes descendant, cortice pīsto
Aspicias, & nostra etiam te plura docebunt
Carmina, & exacti toties per cæcula cursus.
Consule & in primis ætæna oracula docti
Dudici, quæ multa notat tibi pagina. Sed jam
Me falsa longè pulsât aspergine puppes,
Immensoque vocant venientia monstra stagore.

Ergo per Oceanum velis dum curris apertum,
Ignoti nova monstra maris, Cycladesque natantes
Evitanda tibi, lato quæ gurgite Proteus
Pastor agit, centum pelagō vastissima Cete,
Et centum mediis errant in fluctibus Orcæ,
Ac Phocæ turpes, & turrigeræ Balenæ.

Quin & Atlantæis in fluctibus axe sub alto
Agmina densa tuunt passim, latèque vagantur:
Sæpe cavæ magnis impingunt piscibus alni:
Densatosque globos inter, turbasque natantum
Vix sese medias aperit via tuta per undas.

Ergo tibi vasto fugienda hæc monstra profundo;
Nam sæpe, infandum, miseræ periere catinæ
Demersæ mediis in fluctibus: Hæc vaga magno
Errant Oceano, rostroque atmantur acuto.

Quæ si ferratis incurserint dentibus alno,
Exemplò, velut in scopulos allisa fragoranti
Illa dabis, rostroque abies pulsata dehiscet.

Illa ingens caput, atque horrentia lumina tollunt
Suprà undas, puppimque suprà, latèque revolvunt
Corpora per navim, tortoque volumine caudæ
Rostra super, proramque assurgunt, & mare subtes
Vi magna ingenti cum mole invetere gaulum
Adnituntur. aquas illa, & plena æquora vasto
Ore vomunt, fusoque replent torrente carinas.
Nonnulla horrifico per cæcula vasta natatu
Velificant, magnisque movent clangoribus alas.

Est etiam Oceano in magno malus ille Phyceter,
Monstrū horrendū ingens, cui quot sunt vertice nares;
Tot patuli ex illo tolluntur in astra canales
Ore cavo: immensum stridens quibus æquor in altum

Se.

Se jacit, & latè circum diffunditur imber :
 Cuncta in conspectu simul occulit omnia miscet
 Stridore. ingentes quot acuta cuspide spinæ
 Aprantur lateri, tot sunt hastilia ferro
 Dura magis: nitidæ splendent quot tergo squamæ,
 Scuta tot, horrédum quibus impenetrabile dorsum est;
 Instar montis, aquas suprà caput eminet: antrum
 Os immane refert: subter, mirabile dictu,
 Quot dentes, dextra totidem, lævæque secutes
 Horrent. Dii talem nautis avertite pestem.
 Hæc tu monstra maris cum videris, ocyûs omnes
 Inclamare tubas, magnumque ciere fragorem
 Æra jube, lituosque, & raucum cornua cantum.
 Nam sic confestim perterrita monstra fragore
 Descendunt, subterque vagis conduntur in undis.
 Quin etiam sæpe juvat (mihi rectulit Ægon,
 Ægon Oceani vidit qui monstra profundi)
 Horrida terrificis tormenta explodere bombis,
 Et capiti vibrare pilas; nam fulminis ictu
 Merguntur concussa mari; nec cominûs unquata
 Spectantur: Divosque etiam, Pállinure, vocato.
 Sæpe salutiferæ longè discedere signo
 Visa Crucis: jactu lustralis protinus undæ
 Interdum peciere cævas sub gurgite sedes.

Sed neque te aspectus Telluris fallat inanis:
 Nam sæpe in medio quæ creditur insula ponto,
 Est sese undoso tollentis ab æquore monstri
 Dorsum immane, leves cui susternuntur arenæ,
 Ac molle assurgit sabulum, & se subiicit alga.
 Non semel undivagæ puppes appellere ripæ
 Gavisæ nauræ, celeresque in litus inane
 Delapsæ, vtrgîs subitum crepitantibus ignem
 Accendunt, lætisque parant convivia mensis.
 Ast ubi paulatim senserunt monstra calorem
 In mate descendunt: tunc credita se pede Tellus
 Subtrahit extemplò: misetique in gurgite nauræ,
 Infandùm, pereunt, monstros data piçda nefandis:
 Anchora sæpe etiam sabuloso credita dorso,
 Et duris unco squamis infixæ tenaci,
 Cum monstro, & fundo se proripit, & ratis unâ

(Arcete ò Superi casum !) demergitur undis .
 Nonnulli in Cete mittunt scopulosa rudentes
 E navi: hinc illos, cùm se vastissima monstra
 Subducunt, dextra arripiunt, Fatumque morantur.
 Nec minùs intereà funes generosa juvenus,
 Ex alta suspensa manet quibus anchora prora,
 Haud mora, præcidunt ferro, vel solvere certant.

Sed quid monstra maris refero, mediasq; per undas
 Errantes Cycladas. est parvus in æquore piscis,
 (Romani Remoram appellant, Echeneïda Graii)
 Hic (si vera fides) turritam dente tenaci
 Apprendit navim è prora, sistitque volentem .
 Nec valido profunt spirantes flamine Cori;
 Nequicquam & remis diverberat æquora pubes:
 Turritæ voluti cautes in fluctibus illa
 Cùm vento, & velis, remisque immobilis hæret.
 Vis tanta exiguis Natura est indita rebus .

At verò, ut casum effugias, quid tunc tibi agendū est
 Accipe. Subtor aquas descendat nare peritus,
 Atque omnem circum cursat, visatque carinam,
 Quò tandem monstrum inveniat, dextraq; prehensum
 Amoveat, victorque mari consurgat ab alto .
 Sic mihi se quondam dixit fecisse Cloanthus,
 Qui mare, qui terras, qui barbara litora gaulis
 Lustravit toties, quà Sol utrumque recurrens
 Aspicit Oceanum, & victor remeavit ab Indis.

Nunc age, quæ cœli ratio sit habenda magistro,
 Ut varias Mundi partes exploret, & oras
 Oceano in magno, quà terræ, & litora nulla
 Apparent: sed cœlum est undique, & undique pontus
 Expediam (cœpti quæ pars non parva laboris)
 Hæc rectoris erit semper solertia major
 Vestigare plagam cœli, terræque, marisque,
 Quò ventus, cursusque, gubernatorque revexit.
 Sive per ignotas pelagi quà naviget undas;
 Nam sic optatos poterit contingere portus,
 Quàque rigent scopuli, & cœcæ, deprendere, Syrtis:
 Atque hinc exactos etiam deducere cursus.
 Quas igitur zonas, quas vento accefferis oras
 Contemplare: tibi cursus vaga sydera dicent, -

Et

Et Sol clivosi dum culmina scandit Olympi.
 Ergo ubi jam medio librabitur æthere curru,
 Quot partes sextante nota Sol altus Olympo est.
 Hinc Finitorem quot se super efferat Arctos,
 Explorare opus est: id tu quo, navita, possis
 Vestigare modo, paucis, adverte, docebo.

A cœli medio quot partibus aureus orbe
 Sol distet, perquire: illas tibi pagina dicet,
 Obliquos quæ Solis habet duodena rotatus
 Per loca Signiferi. numerumque deinde repertum
 Partibus inventis radio super adde, volantes
 Si Sol in tepidum bigas deflexerit Austrum,
 Cùm brevis est lux, & nostrum depressior orbem
 Aspicit: at Cancro propior si curribus ibit,
 Longinquas cœlo cùm protrahit altior horas,
 Subtrahe ab inventis, numerus qui proximus exit,
 Ostendet quantum è vitreis se circulus undis
 Æquator tollat, medium qui dividit orbem
 Signorum: quantum sed se super evehat Ursa,
 Monstrabunt partes quæ pro quadrante supersunt.
 Hinc quæ zœna poli, qui sit locus ille, carinæ
 Quò, Palinure, tuæ cursu venere sub Austrum:
 Et quantum à Septem jam descendere Triones
 Nam polus Oceano quot sese parribus alto
 Admovit propior, tantum per cœrula puppis
 In medium se prona diem devexit ab Arcto.
 At si diversum cœlo, & majoribus astris
 Trans Æquatorem perlustras, navita, mundum;
 Hæc eadẽ peragenda tibi; sed tollitur alter
 Axe polus, rerumque exit contrarius ordo.

At levis hic labor est nobis, ubi fecerit horas
 Nocturnas bis æqua pares Astræa diurnis;
 Ipse tibi medio in cursu Sol aureus, altus.
 Quot super Æquator confurgat partibus amnes
 Oceani dicet, sed si tunc fervidus igne
 Vertice in extremo Titan libretur Olympi,
 In cœli medium pervenit cœrula puppis.
 Alter & hinc tibi jam venienti panditur Orbis,
 Alter & assurgit Mundi polus, aurea circum
 Rara & inexhausto volvuntur sydera motu.

Que-

Quærendum & quantum cursu tuâ pinus in Ortum
A Fortunata fugiens Tellure recessit.

Verùm hoc difficile est: fertur pernicipibus alis
Hesperiam in partem cælum, nec fixa sub astris
Meta manet: cursus hinc & deducere multum est.
Auri multa viro Batavi donare talenta
Promisere, modum in mediis qui sedulus undie
Traderet, ut certò possent cognoscere quantum
Curva sub Eoûm spumosa per æquora puppis
Provecta est; cœlique simul qui circulus alti
Tunc noctesque, diesque pares partitur in horas:
Rem multi aggressi magno mercedis amore:
Verùm alii laudum stimulis, post irrita vota,
Nullus adhuc tanto pretio donatus abivit:
Et nullus tantam meruit pro munere laudem.

Attamen, angustis quoniam solertia rebus
Summa hominum est, crescitq; usu experientia longo,
Acre quid ingenium, multusque invenerit usus,
Edoceam. E vitro tibi clepsydra magna paretur,
Bis senas quæ tota fluens semel indicet horas.
Cum primum das vela Noto, Palinure, vocanti,
Hanc tu pendentem media sub puppe locato.
Verùm ubi jam totus spiramine depluit humor,
Verte illam, conclusa fluat quò molliter unda
Subiectam in partem: cautusque notare memento,
Quot levis unda vices spiramine depluit arctò;
Temporis exactas nam sic cognoveris horas,
Ex quò deserto solvisti ab litore funem.
Sed priùs, è portu pelagi cum tendis in altum,
Quære quot ascendens jam partes egerit orbis
Delius, atque vagi quæ fluxerit hora diei:
Atque illam in primis memori sub mente reconde.
Hinc cum vestigas quæ te plaga lucida cœli
Ambiat Oceano in medio, & qui circulus ille,
Et quantum Occasu è primo se vertat Eoo,
Principiò perquire, cavo pellucidus humor
E vitro quoties defluxit: & inde peractas
Deduces horas, ex quò de litore primum
Se dedit Oceano, ventis spirantibus, alnus.
Hinc & si solidos valeas subducere Soles,

In-

Invenies horam, momento quæ ruit illo
 Litore in adverso; & tabula signare memento.
 His actis, sextante nota, radiove quot altus
 Sol partes fuerit: mox quæ sublapsa diei
 Hora sit, hinc certis poteris deprendere signis.
 Horarum & numerum è signato subtrahe primo,
 Hinc tibi qui reliquus tandem quæ sita locorum
 Intervalla dabit, sese quibus alter in Ortum
 Submover, horarum numerum si ritè resolves
 In partes, quarum ter quinas continet hora,
 Sic quantum medijs tunc cæli circulus absit
 Ex alio, aut primo poteris prædiscere: Circo.

Sed puros quoniam servari tempore longo
 Difficile est amnes, partem subtilis arenæ
 Includunt vitris alii, & vaga tempora signant.
 At multi stamnum accipiunt, plumbumque liquatum,
 Et vivum admiscunt argentum; atque igne subactam
 Materiem in cinerem solvunt, tunduntque minutim:
 Secernuntque illam cribro: decussaque vitro
 Pars subtilis, aqua pro molli clauditur: inde
 Non interruptus currit spiramine pulvis.
 Sunt qui cæruleam Tethyn pro Naiade dulci
 Immittunt: conclusa cavo Thetis humida vitro
 In multum sincera manet falsugine tempus,
 Ast aliis visum est, varia experimenta secutis,
 Ut vivum sensim argentum spiramine parvo
 Deplueret. multo quoniam non deficit usu
 Attritum, & longo nunquam corrumpitur ævo.
 Hoc sed præcipio cûta maiore notandum:
 Mobilis ex alto depictæ clepsydra puppis
 Pendeat, in partes ut cûm se verterit ambas
 Navigium, aut vento, aut spumosis fluctibus actum,
 Hæc sese medio libret: sic leniter humor
 Non intermissus spiramine depluit arcto.

At si nocte locum perquiris, pulsa secundis
 Quò tua pervenit ventis per cærulea pinus,
 Astra tibi dicent transacti temporis horas,
 Scilicet aut Cepheus, vel proxima Cassiopea,

Aur

i A primo pimirum Meridiano, qui per Insulam Palenam, qua fortasse
 se est Ptol. Casperia, transit.

Aut Cynosura, polo quæ se nocturna revolvens
Tarda diem integra peragit vertigine totum.

Hæc cum nota tibi fuerint, spectare licebit
Qui locus ille, tuæ quem jam tenuere catinæ;
Et quâ continues velis iter, ut tua portus
Optatos tandem subeat trans æquora puppis.
His etiam emensos facilè est comprehendere cursus,
Et quantum navis spatium promotæ cucurrit,
Si tibi lustrati multa experientia cœli,
Et metiri etiam numerum, & subducere calles.
Nauta, vias Solis, numerosque & sydera disce.

Est etiam modus alter, aquas sulcante carina,
Quo valeas pelago exactos cognoscere cursus.
Assere quadruplici capsam compinge quadratam,
Cui geminus circum ex ulmo versatilis axis
Insit, uterque supra longo se corpore capsam
Efferat. instructam pennis impone recurvis
Mox uni, Palinure, rotam: super illâ quadratam
Assurgat capsam, & capulo versatilis axis
Insistat. pennas albi tibi bractea ferri
Secta dabit; partemque omnes vertantur in unam;
Ut rota continua possit vertigine volvi
Impulsa à vento, in pennas cum spirat ab alto.
Ceu puer intentus ludo, cum fixit æerno,
Subtilique crucem ligno, niveaque papyro
Inde cruci inseruit pennas, ventoque ruenti
Obiectat currens: vento propulsa papyrus
Se cita versat agens, & mobilis orbe rotatur.
At tu, nauta, rotam capulo subnecte quadrato
Ut cum decurrit vento rota concita, & unâ
In gyrum sese axis agat, mox fila revolve
Alterius medio longissima, quæ tibi fila
Semper erunt gemino lini de stamine torta.
Alter & accipiat fili caput, orbe revolvi
Circâ illum ut longo possit, cum plurimâ versat
Aura rotam. Hinc summa capsam sub puppe locato,
Ut rota devolvi semper vento incita possit.

His actis, Palinure locum, portumve notato
Illius èque tuo pariter distantia portu
Sis tibi nota: ratem mox tu cum litore solvis

Feli-

Felicem in Zephyrum, incipiet rota flamine verti;
 Inque alium sensim filum devolviet axem.
 Hinc cùm te notam, ventus devexit in oram,
 Quæ se multiplici vertere volumine, fila
 Extende, atque pares in totinox divide partes,
 Millenos quot nota tenet distantia passus,
 Atque pares alias poteris super addere primis,
 Ut longo valeat devolvi tempore filum:
 Singulæ & accipiant positis discrimina nodis.
 Sic certam semper mensuram, rector, habebis,
 Qua cursum pelago exactum, ambagesque viarum
 Quærere non multum est, Auris de puppe secundis
 Cùm rota se circum versat, versatque rotundum
 Unâ axem in gyrum, quot filii conspice partes
 Interea currant, alioque plicentur in axes
 Quippè ratis totidem spumosa per æquora passus
 Mille, in vela Notæ semper spirante, cucurrit.
 At si jam totus fuerit revolutus in axem
 Alternum funis, vacuo, Palinure, volentem
 Tunc impone rotam. certos cognoscere cursus
 Sic dabitur semper: nam cùm vehementior Eurus
 Incidit in velum, & cita dissecat æquora pinus,
 Tunc etiam celeri fertur rota percita motu.
 Verùm si leni canentia carbasa flatu
 Intendant Zephyri, pariter rota molliter axem
 Circumagat, & lentè filum se versat in orbem.

Ut cunque his tandem spatiis digressus iniquis,
 Jam tibi quàm varius sit per vada cæcula magni
 Oceani cursus, non multo carmine dicam.
 Primus, 1 cùm picta sectamur pyxide Rhombum
 Austrinum, & medii sub cœli circulo eodem
 Currimus, hic certus, nec (si vigil ipse magister
 Lora regat) transversa ratem feret. 2 alter, Eoum
 Cùm sequimur, magno cœli sub tramite, Rhombum,
 Aut alium quemvis medium percurrimus orbem:
 Certus & hic. verum superest qui 3 tertius, ille est

O

Obli-

1 Prima navigatio vella in Austrum per eundem Meridianum, quam Orithodromicam vident. 2 Secunda item vella in Orum, vel Occasum per eundem parallelum. 3 Tertia obliqua, quæ & Loxodromica appellatur, est autem cùm alios Rhombos petimus.

Obliquus, reliquosque petit per cœrula Rhombos:
 Ut cùm puppe plagam Vulturæ quærimus, aut cùm
 Leuconoti in sedem contendimus. Hic vagus error
 Navis erit: non illa maris dum marmora sulcat,
 Describet rectum spumanti in gurgite circum:
 Sed vento fugiens spirali tramite curret.
 Ergo inclinatum cùm quærimus æquore Rhombum,
 Haud equidem, Palinure, plagam veniemus ad illam,
 Quam prima egressi statione petivimus: at si
 Deucalionias 1 cursu contendimus oras
 Seu mundi adversum nobis properamus ad axem,
 Curva polis propior succedet puppis, at illis
 Acta per obliquos felici flamine cursus
 Per veniet nunquam, & circùm versabitur Urſas.
 Ast ab utroque polo dedimus si carbasa ventis,
 Inque Æquatorem descendimus, ire sub illum,
 Optatosque rati portus penetrare negatur.

His animadversis, docti solertia nautæ
 Illa erit, obliquos ut cùm per cœrula Rhombos
 Percurrit, proram semper defleat ad illum,
 Qui propior situs, atque à primo longiùs ibit;
 Sic quem non curvo quærit temone, videbit
 Litore in optato portum. Sed flectere partes
 Quot clavum solers dextra, lævæque magister
 Debeat, in geminos seu navim dirigat axes,
 Sive Æquatorem gemino perquirat ab axe,
 Vestiget numeris Geometres. Me vada magni
 Oceani jam læta vocant; & plausibus horti
 Hesperidum acclamant, viridique è vertice montis
 Vocibus assultat festis 2 Arſinaris altus:
 Inceptique petunt felici flamine cursus.
 Ergo ut præterit retrò celſissimus Atlas,
 Ardentem medii Zonam spectabis Olympi,
 Æstifer Æthiopus torret quâ circulus alti
 Solſtiti, Solem que sinu bibit alta 3 Syene;
 Cœli ubi tres spatium patet, & non amplius ulnas.
 Mox celeri Hesperidum terras, nemora aurea, cursu
 Contendas petere, & portus intrare repostos,

Quâ

1 Septentrionales, ab extrema Britannia ora. 2 (Capo Verde) Ptol. Arſinarium. 3 (Aſina) urbs Ægypti in confinibus Æthiopiarum, olim Romani Imperii terminus.

Quà læva Libyæ respondet barbara Tellus;
 Lætus ubi, atque iugens septena per ostia fertur
 In mare Cis; Libyamque nigra fecundat arena.
 Unde hinc & nomen fluvio invertere coloni;
 Et Nigrim fluvium, & se appellavere Nigritas.
 Has circum terras rapido sub sydere Cancri
 Perpetuò placidè solet aspirare Supernas,
 Vela vocans; celerem sed cursum tendere in Ortum
 Adverso torrente negat Thetis incita puppes.

Hinc ubi digressus propiùs descendis in Austrum,
 Horrendum fuge, nauta, sinum: fuge litus 1 Equarum:
 Aëre non sano, & nimboris Juppiter auris
 Sævit, & Oceano trucibus fremit unda procellis.
 Dum cælo, ut perhibent, descendit pestifer imber,
 Excitat, infandùm, putres in corpore bullas:
 Attactuque vadi membris diffunditur humor
 Lethifer, & venis bacchatur morbida tabes.
 Non secus, ac oleæ si quando fervida membris
 Gutta cadit: subitæ malesanæ in corpore bullæ
 Erumpunt, dirusque dolor per membra recurrit.
 Infames etiam cæco sub gurgite Syrtis,
 Ingentesque latent: dextra tibi marmora pinus
 Proscindat: longos & circumflectere cursus
 Convenit Ammericen versùs: sed litus 2 Olindæ
 Tu cave ne specula cernas sublimis ab alta;
 Nam si te ventus semotam advexit in oram
 Ammerices, scelerataque litora Brasiliorum,
 Flectere iter velis opus est, portusque relictos
 Quærere; nimboris nam tunc maria invia ventis.
 At si Fortunam audebis tentare sequendo,
 Et cetrum tibi naufragium, immanemque ruinam
 Prædico: infami jactatus in æquore 3 Castrum
 Præceps consilium, infelix, damnabis, & ausa.

At postquam Oceani rorantem aspergine multa
 Parrhasiam secuit Finitor circulus Ursam,
 In medio jam puppis erit, terræque, polique,
 Rectus ubi surgens Equator circulus orbem

O 2

Si-

1 (Mar delle Cavalle) ab undis sic dictum. 2 Brasilia urbs propè
 promontorium D. Angustini. 3 Ultimi Africa populi, qui litorea
 colunt: maribus super reliquos longè inhumanis ac, barbaris.

Signorum secat, & summo rapit omnia cœlo,
 Dividuum & paribus cœlum secat intervallis.
 Indicio Equatoris erit placidissima ponti
 Temperies: nulli hic contristant cœrula venti.
 Præterea durata Ceres, sicci que juvenci,
 Najadis & dulcis pariter corrumpitur humor,
 Hic tibi cum Jove non sano, pelagoque silenti
 Certandum, Palinure: calet sub cardine Titan,
 Et furit assensu radiorum fortior æstus.
 Sol ipse attenuans undam trahit igne vapores
 Non sanos, circumque leves latè insicit auras:
 Immotique gravem exhalat maris unda Mephitim,
 Corpora & ipse etiam cœli spirabilis æther
 Insicit insinuans sese: nocet artubus agris,
 Qui mare, qui terras Sol ferventissimus urit,
 Atque aër gravis, immotique malacia ponti.
 Sævior Æthiopum per litora, perque calentis
 Infames Guineæ terras: sed mitior æstus
 Oceano in medio, mitissimus insuper alto
 Cum cœlo rutilus splendent palearia setis
 Stellati minio Tauri, Phœboque propinquo,
 Aurati rutilant oculi, & majoribus astris.
 Nam tunc aspirant auris felicibus Euri,
 Ac læti veniunt ruptis de nubibus imbres,
 Hoc igitur cœli sub sydere, nauta, secato
 Oceani fluctus: facilis via gurgite vasto
 Tunc tibi: nec medium rapidus Sol excoquit æquor,
 Postquam servarus puppi devexus in Austrum
 Veneris, alteriusque Orbis conspexeris axem,
 Conare in lævos cursum deflectere fluctus,
 Quà sacra confurgit Triadi medio: insula ponto,
 At cava semotis remeat dum pinus ab Indis
 Sepostos 2 Helenæ colles, portusque subintret:
 Quà virides circum sylvæ venaribus aptæ
 Assurgunt, vitreoque vagantur Najades amne,
 Hic fractas cuncta vires, animumque juvenus
 Instauret. magno pressus ceu fasce viator
 Æstivo sub Sole, cavo cum venerit antro,

Et

1 (Isola della Trinità) 2 (Isola di S. Helena) in medio Oceani sita, quam rari redeuntes gauli vident.

Et gelidos citrà fontes prostratus in umbra
 Optatam caprat summis fervoribus auram;
 Sol aturque alta recubans sub rupe laborem.
 Jure sibi optatam poscunt membra ægra quietem,
 Atque operę pretium est animum revocare parumper
 A curis, cœptum ut possit robustior inde
 Continuare opus, atque datam pertingere metam.

Hinc geminos pelagi dimenso gurgite 1 Picos
 Cùm cernes, fluctusque avibus resonare marinis,
 Arduus Ægoceri venientem circulus alnum
 Accipiet: fessos recreabit & altera cœli
 Temperies. Palinure, sinum obliquare memento,
 Transversumque Notum (nāq; est Notus arbiter oræ)
 Accipe, & obliquos nimboſa per æquora cursus
 Dirige, pinguis ubi, & nemorosa assurgit 2 Acuna,
 Insula ab Ægoceti quæ distat partibus orbe
 Bissenis læva, Solisque cubilia præter,
 Viginti Auroram tendit. Sed maximus hîc jam
 Insequitur labor, horrendis superare procellis
 Extremum Libyæ latus invium, & æquora summo
 Fluctibus alternis sese tollentia cœlo.

Ægoceri fines ultrà se fundit ad Austrum
 Africa, & adversum cuneata erumpit in æquor.
 Hesperius venit hinc: illinc descendit Eous
 Oceanus: geminique adversa fronte ruentes
 Concurrant, liquidoque exercent prælia campo.
 Præcipiti impulsu cursu, venientibus undis
 In transversa citis, ventis & agentibus ipsis,
 Despumant rabie, & duplici torrente refuso
 Ingeminantur aquæ, & magno se vertice tollunt;
 Allisæque fremunt magnis clangoribus undæ.
 Auditur longè strepitus: cava litora longè
 Responſant, fractos sonitus imitata tubarum.
 Non secus ac geminæ cùm Martis in æquore sese
 Implicuere acies: premit hæc, premit illa: sub astra
 Et galeæ, & magno diffracta hastilia nisu
 Agglomerata volant, magnusque it clamor ad auras;
 Horrendoque cavæ responſant murmure valles.

O 3

Quin

1 *Cemina insula* (Los dos Picos) *Hispani vocant.* 2 *Isola di Tristano & Acuña.*

Quin & uterque ruens prærupto à vertice pontus
 Fluctibus adversis, & magna concitus ira,
 Ad latus extremum cumulos humentis arenæ
 Egerit ingentes, litumque, algasque fluentes,
 Et fluctus, fundique ejectionem marini.
 Arabiæ deserta velut, Libyæ & loca circum,
 Cum gemini adverso spirant flamine venti:
 Hinc Notus abreptas magna vi voluit arenas,
 Inde levem Boreas nubem ciet horridus: ingens
 In medio cumulus sustollitur; atque ubi quondam
 Campus erat, magnus congestæ surgit arenæ
 Confestim mons, & miseros premit altus euntes.

Ergo pererrato venies cum denique ponto,
 Acronoton, tu magna alacrem ad certamina pubem
 Instrue; luctandum vento, & cum fluctibus atris.
 Qualis ubi in mediam durus luctator arenam
 Ire parat, magnis luctæ se viribus aptat,
 Atque animos revocat priscos, solitumque vigorem:
 Intendit nervos, & fortia brachia, & omne
 Denudat corpus: mox grandia crura, lacertosque,
 Et latos humeros pingui perfundit olivo:
 Ut tandem à dubio veniat certamine victor.
 Spiramenta ratis, cunctasque occlude fenestras:
 Atque imis tormenta locis, tabulataque subter
 Ænea descendant, pariterque ignobile vulgus.
 Nudati tabulata super stent corpora nautæ;
 Præsentique animo cuncti luctare parati
 Oceano, & ventis, validasque expromere vires.
 Quin etiam forti ad malos cum fune ligentur
 Ut cum prærupti veniunt à gurgite fluctus,
 Absorbentque ratem (nanque hic ingentibus undis,
 Sub vada descendunt, cumuloque reguntur aquarum
 Ipsi etiam magno præstantes corpore Gauli)
 Obluctentur aquis medio torrente, nec ingens
 Transversum abreptos ferat æquoris unda ministros,
 Austrinum latus, & longo maria alta petantur
 Circuitu: lævum Libyæ fuge litus, & undas.
 Non tibi rarefiant dubio sub lumine montes
 Solorum Æthiopum, scelerataque litora terræ:
 Nam ruct in brevia, & cumulos premet alnus arenæ.

Præ: 3

Prædaque relliquæ Cafris immanibus ibunt.
 Indicio Telluris crunt per falsa volantes
 Aligeræ volucres niveo cum pectore: quales
 Mæandri circùm volitant per flumina cygni.
 Pyxis ipsa etiam tornatæ ferrea cuspis
 Signa dabit; nanque, ut perhibent, acus acta veneno
 Recta polum, sydusque ferit, cùm venit ad altum
 Acronoton, Libyæque ratis legit vltima regna.

Mox ubi transmissus fuerit retrò arduus undis
 Acronotos, Tellusque simul scelerata refugit,
 Flecte viam velis, cursusque intende sub Urfas.
 Inter & Eoum, sedesque Aquilonis iniqui,
 Quò te pyxis agit: cœli quò sydera ducunt,
 Carpe fugam, & pictum membrana consule mundum.

Nunc age, quæ tibi non cura levioe cavenda,
 Expediam (non finis adhuc, requiesque labori est)
 Proxima 1 Nathalis venit ora, Eoaque Cafrum
 Litora, naufragiis, scelerataque litora Cafris,
 Hic centum merfi perierunt gurgite Gauli
 Naufragio infando, & totidem periire magistri,
 Et clari virtute duces, quos fluctibus hausit
 Oceanus, vel quos ad barbara litora volvit:
 Concessitque feris prædam, Cafrisque nefandis.
 Nobilis ante alios, & avito à sanguine regum
 Naufragio ejectus sceleratæ ad litora terræ,
 Cum socia, & natis crudeli funere Sosa
 Interiit, pariterque viri interiere trecenti:
 Quassatum & totidem ventis immitibus æquor
 Spumoso absorbit sub gurgite. Per freta vasti
 Dum miser Oceani nigris devectus ab Indis
 Lysiadum peteret fines, sua regna, Penatum,
 Hic prope terribilem ventis, & fluctibus oram
 Lucidus exemplo densatis nubibus ær
 Texitur, & toto nigrescit gurgite pontus.
 Nèc mora, ab Occasu ruit atra, sonantibus alis,
 Tempestas, ventis comitata, & fulmine, & imbri.
 Tolluntur ventis undæ, tonitruque tremiscunt
 Sylvosi montes, & campi, & maximus æther.
 Velorum fragor insequitur, clamorque virorum

Exemplo, & pavidò miscentur cuncta tumultu,
 Terror ubique viris, & plurima mortis imago
 Obilcitur; certamque intentant omnia mortem.
 Ipse gubernator puppi proclamat ab alta:
 Ponite corde metum, ò focii, quid pectora pulsat
 Vestra pavor? redeat solita in præcordia virtus.
 O mihi sorte dati, vasti quibus æquor Atlantis
 Ter jam velivolis sulcavi puppibus, & ter
 Formidanda maris superavi cæcula Eoi.
 Eja animos revocate; trucique occurrите nimbo
 Unà alacres cuncti, & melius confidite rebus.
 O passi graviores, (aderit modò Numen amicum)
 Fortunam, & casus etiam superabimus istos.

Dixerat. At sævi diverso à litore venti
 Ingeminant stridore: furens ruit Eurys Eo,
 Antennæque immugit, & horridus intonat alis
 Africus imbriferis; fluctusque in sydera jactant.
 Protinus ingentes cælo tolluntur aquarum,
 Et super horrendo pendent curvamine montes:
 Hinc & deducto subsidunt gurgite valles.
 Non fortes nautarum animi, non ipsa magistri
 In dubiis sæpe explorata industria rebus,
 Nec quidquam valet ars, superant artemque animumque
 In diversa vago venti stridore ruentes;
 Et fracti horrendo ventorum verberè fluctus,
 Ecce ruens Boreas à finibus usque nivosis
 Incidit obliquus; malumque à vertice summo
 Deicit: & frustra pelago oblucente magistro,
 Ipsa gubernaculum veniens rapit unda: revulsumque
 Abripit Oceanus, longèque ad litora volvit.
 Tunc spes incisæ. præcepta puppis habena
 Oceano jactata ruit, quæ turbine venti
 Abripiunt: rupto veluti remone quadriga
 Fertur in abruptum præceps, perque invia, quæ illam
 Quadrupedes agitant cursu properante feroces.
 Ad latus allisi quatiant cava mœnia fluctus.
 Concussæque trabes fluctu, tabulæque fatiscunt.
 Armamenta rapit turbo, rapit omnia præceps
 Æthiopum de rupe cadens stridore procella.

At Sosa intercæ casu turbatus acerbo

Uti.

Uritur, & magno percussus corda dolore
 Infelicem animam vix ægro in corpore versat.
 Non sua perterrent Heroa pericula; nec se,
 Nec vitæ quidquam curat mortalis honorem:
 Verùm aliena timet: scinditque potentiùs altum
 Pectus amor natorum, & charæ conjugis ardor.
 Ille & crudeli tóties occumbere morti
 Se spectat, quoties miserans, sua pignora, natos
 Exhorrere metu, & sua conjugis aspicit ora.
 Ante oculos, ante ora patris cum conjugē natos
 Fluctibus oppetere, & crudeli funere mergi
 Tristius est morte, & tormento durius omni est.
 Attamen ingentes condens sub corde dolores,
 Dissimulat, pellitque metum, & spem fronte serenat.
 Atque his ingreditur dictis: Non omnis, amici,
 Spes nobis prærepta: manet via certa salutis,
 Si soliti vobis animi, & fiducia cordi
 Restat adhuc. Tantùm quemquam sperare licebit
 Casibus adversis, quantùm fidentior ibit.
 Transversis quoniam ferimus per litora Castrum;
 Nec datur adversum vento luctare potestas,
 Cedamus: geminæque cadant latus inter utrumque
 Anchoræ Oceanum in magnum: quæ dente tenaci
 (Spero equidem) vasto fundabunt gurgite puppim.
 Interea cuncti lembo scelerata petamus
 Litora; nam Cafros, & vim pulsabimus armis.
 Verùm (præsentiavertant Dii numine casum)
 Si victi ferro non æquo in Marte cadamus;
 Non moriemur aquis: terris periisse juvabit.

Dixerat: & dictis paret manus omnis: & ingens
 Exemplò è puppi demittitur anchora in undas,
 Altera & è prora jacitur: ratis ilicet alto
 Sistitur in pelago librata, Notoque resistit.
 Efferus ut quondam sonipes, cui frænâ magister
 Vi multa injecit, fregitque tumentia colla,
 Constitit cluctans, injectaque lora momordit.
 Haud mora, conscendunt lembum, scinduntque sonantē
 Remigio pontum, & diram vertuntur ad oram.
 Attamen, heu miseros! tercentum fluctibus haussit
 Oceanus: cuncti monstros data præda marinis.

Verùm non reliquos melior Fortuna secuta est :
Æthiopum manibus crudelia funera passi
 Infandùm periere. Vijs urgemur iniquis
 Mortales: semperq; hominum lacrymabile fatum est.

Tu, *Sosæ* casus si te docuere sinistri,
 Cautus in infido moderaberis æquore puppim :
 Nec cœlo credas, aut fluctibus. Ergo ubi longè
 Barbara *Castrorum* curvantem litora pontum
 Aspicias, celerem dextris da fluctibus alnum:
 Canaque solliciti circumstent vela ministri.
 At tu cuncta mari, & cœlo, *Palinure*, notato,
 Et suspecta tibi læva de rupe procella
 Semper erit. diro venientem turbine nimbum
 Sic facilè effugies. Meliùs prævisa feremus,
 Quæ nostris veniunt adversa pericula votis.

Casibus his tandem servatus, & æquore iniquo
 Dilapsus, Diis vota piis, tu navita, primùm
 Solve genu supplex. tibi mox, quid restat agendum,
 Quærere opus; præsensque petit quà tempus eundū est.
 Ergo ubi velivolis superasti navibus altum
Acronoton, nitido lumen cùm spargit *Olympo*
Erigone, fluctusque subit cum *Matre Cupido*,
 Altum puppe seca, & *Libyci* fuge litoris oram.
 Illum depicta sectare in pyxide *Rhombum*,
 Eurum inter medius qui stat, *Septemque Triones*;
 Ut tandem advertas *Colchorum* ad litora puppim.
 Nanque hæc meta viæ: non tempestate repostas
 Illa concessum: *Barygassæ* appellere ad oras;
 Seriùs *Acronoton* nam cùm transmisisimus, auræ
 Adversæ spirant, rapiuntque fluenta sub *Austrum*.

At formidandi retrò si cesserit altus
Acronoti vertex, cùm *Bacchi* vector ab undis
 Surgit, & obscurum *Titan* 2 Præsepe subintrat,
 Litus ama, & *Libyæ* stringat tibi litora puppis,
Æthiopus, Cernenque inter quà semita ducit
 In 3 Præsum. at pelago syrtes vitare latentes,
 Atque æstus tibi cura, ruit violentibus undis

In

1 Insula, & urbs India *Lustanorum Colonia* (Goa) 2 Stella nebulae
 propè *Ajellæ*. 3 Promontorium, insula, & urbs Africa in ora o-
 rientali *Lustanorum Colonia* (Mozambique).

In Libycum, & vario serpit *Thetis* incita cursu.
 Si Præsum, extremis cedit dum mensibus annus,
 Veneris, & Cancro propior sol aureus ibit,
 Sydera cùm nimbis, cùm sunt maria aspera ventis.
 Imbriferas durare hyemes, cursusque per undas
 Differre inceptos opus est, cùm ventus in altum
 Vela vocat rediens, & jam vagus incipit annus
 Tempestate nova, verùm si cæcula ponti
 E cælo immissis non dum fremuere procellis,
 Instaurare licet cursus, atque aurea tandem
 Auroræ regna, & portus penetrare repostos.

Ergo sub Augustum vento da vela vocanti .
 Proxima 1 Barbariæ radat tibi litora puppis.
 Hinc altas cautes, & saxa sonantia 2 Rhapti
 Longiùs ære seca, & diras fuge, navita, syrtes .
 Inde sinus lege 3 Barbaricos, & mœnia parvæ
 Melindæ, & curvam Lami lege puppibus urbem.
 Cùm procul Oceano colles spectabis apricos,
 Barbara ubi Tellus roseo prorumpit Eoo,
 Partibus & denis Finitor circulus Ursam
 Elatam spectat, protam, Palinure, sub Ortum
 Dirige ad Eoos 4 Erythræa per æquora portus.
 Quò facilis cursus cùm jam sua tempora donat
 Lancibus æquatæ cæli mitissima Virgo ;
 Nanque ubi postremis decedit solibus æstas ,
 Immenso cælo demittit Juppiter imbres,
 Et crebrò alata turbant maria alta procellæ .

At si Rubra *Thetis*, Nabathæaque regna petenda,
 Ad lævam torquebis iter, quæ verrice summo
 Ardua odoriferis tolluntur 5 Aromata sylvis.
 Hinc & Erythræas fauces proventus, iniquum
 Adverso torrente fretum tentabis, acutis
 Cautus & armatum scopulis mare puppe secabis.

At lustranda tibi si sint felicia regna
 Perfidos, & rutilis passim freta turgida gemmis ,

Lx-

1 Regio Africa in Æthiopia sub Ægypto (Regno di Quiloa) affle (Zanguebar) 2 Raptæ urbs (Quiloa) raptum promontorium (Capo del Gado) 3 (Mare di Zanguebar) 4 Non solum Arabicus sinus Erythræum, & Rubrum mare appellatur est, sed etiam tota illa Indici Oceani pars, quæ inter Arabiam, & Indiam interiacet. 5 (Capo del Guardafuy)

Læva 1 Dioscoridis transmittitur in sulca, & inde
 Sunt juga sylvestri catu lustranda 2 Syagri.
 Hinc quæ se 3 Melani sustollit in æthera vertex,
 Intrabis rutilis felicia cærulea gemmis.
 Mox læva duris fugiat 4 Tylos aspera saxi:
 Inde 5 Tharos, 6 sacrique sinus; retroque relictis
 Scenitis 7, magni subeat ratis ostia Tigris.
 Sed dextra ante aditum falcato in litore tutos
 Ipsa tibi pandet venienti 8 Armusia portus,
 Insula dives opum variarum, dives & auri,
 Opportuna situ facili, & statione reducta.
 At nos immensum Oceani tranavimus æquor:
 Tempus & in tuto puppes confidere portu.

-
- 1 *Insula contra Aromata, ad fauces sinus Arabici (Zacotorà)*
 2 *(Capo Sachalat) alii (Fartach) 3 Sinai pars (Gebel Tor) Arabi-*
bus. 4 Insula finis Persici, fortasse (Baharen) 5 Altera finis
Persici insula. 6 Pars finis Persici circa Arabiam 7 Populi A-
vabia à scenis, in quibus habitabant, dicti. 8 Insula in faucibus Persi-
ci finis, qui nunc dicitur (Golfo di Balserà) Emporis celebris (Or-
muz)

F I N I S L I B R I S E P T I M I.



NAUTICORUM

LIBER VIII.

P Rotinus Auroræ cursum surgentis ad oras
 Prosequar: Eoi jam se felicia pandunt
 Litora, & umbroso 1 Bepyrri à vertice Nymphæ
 Agarides 2, rutilæque vocant 3 Chryseides auro,
 Omnes Aurora genitæ, & Titanides omnes.
 Quin & Nereides, præsentia Numina nautis,
 Jamque præire cavis certant per marmora cursu
 Puppibus, & placidis intendere carbasa Coris.

Ergo ubi stellati liquit pælearia Tauri,
 Et pulchros Ledaæ pueros invisit Apollo,
 Mitte ratem pelago, & tepidum descende sub Austrû,
 Nauta, vel Eois ditissima litora gemmis,
 Taprobanes, 4 Ophyresque petas uberrima regnas
 Aut Seres longè cupias penetrare repostos:
 Sive Asiam, notique suprâ confinia mundi
 Divisos toto perquiris Iaponas orbe.
 At si 5 Gangaridæ lustrandi, & proxima 6 Gange,
 Tende sub Aprilem velis iter, aurea cælo
 Tunc se lux aperit, veniuntque è puppe secundi
 Carbasa tendentes festivo murmure Cori.
 Sæpe sub Aprilem poteris tentare sonantes
 Agarici fluctus pelagi, si Gangis ad ora
 Tendis, ubi ripa surgit viridante 7 Palura,
 Aut 8 Tindum petis, & flavas 9 Adamantis arenas.
 Rum -

1 Mons India exivâ Gangem. 2 Ab Agarico finu, qui Gangetici pars est.
 3 A finu Magno, qui & Chryse dicitur. 4 Aurea Chersonesus, vel, ut
 alijs placet Sumatra. 5 Populi circa Gangem (Regno di Bengala)
 6 Viri India ad Gangem fra (Bengala) 7 Urbs India inivâ Gangem
 8, 9 India fluvii Adamas fortasse erit, qui nunc Guenga ab indigenis
 appellatur.

Rumpe moras, Palinure; die si serius uno
 Solveris, adversa jam tempestate sonante,
 Non tua Gangaridum continget litora puppis.
 Fleâere iter velis opus est, pelagoque relicto,
 Imbriferas durare hyemes 1 Meliaporis urbe.

Verum age, quæ, vento in velum spirante, pericla
 Declines (nec pauca tibi, & leviora supersunt)
 Exequar. Aërio surgunt quâ vertice cælo
 Apocopi 2 montes, & 3 Vindius inferit astris
 Nimbiferum caput, & vento quassatur, & imbris,
 Descendens longo tractu procurrat in æquor
 Eoû Tellus, quam litore cingit utroque
 Oceanus, sensimque caput tenuatur in unum,
 Calligiis extensa jugis (sic nomine prisca
 Dixere, ut perhibent, quæ nunc Comorina minores
 Appellant juga) magna mari jacet insula contrâ
 Agarico, parvo Nereus quam dividit æstu.
 Humanæ in speciem linguæ se terra sub Austrum
 Porrigit, 4 Adisathrus mediam secatur arduus illam.
 Antiquam velut Hesperiam pater Apenninus
 Dividit, Alpe vagus dum currit ab usque nivosa.
 Ad latus Hesperium, Zephyroque obiecta salubri
 Insula parva jacet; Barygasam nomine Graii,
 Sed patrio sermone Goam vocat Indus uterque.
 Hanc longè Europa, per Atlantis cæcula vecti,
 Et magnis animorum ausis, & milite multo,
 Lysiadæ 5 cæpere duces, pulsisque tyrannis,
 Æternam hîc regni sedem posuere, quod ultra
 Cathygaren 6, atque Auroræ Titanidis ultra
 Extendere sinus, latèque per æquora magni
 Oceani vexere Patris sacra signa Latini:
 Insignes bello populos, regesque potentes
 Edomuere armis victricibus, atque superbos
 Egerunt toties victo ex Oriente triumphos.
 At latere adverso, quâ primo aspergit Eoo
 Delius Adisathrum, stat campo imposta 7 Milispar,
 Quæ sacra servat adhuc, & religionis avitæ

Rel-

1 (Meliapor) vel S. Tomaso 2, 3 *Caucasi parvi, quæ longo jugo latè per Indiam excurrent.* 4 (Gate) 5 *Lusitani, à Lyso Bacchi comite sic dicti.* 6 *Sinarum Imperium (Canton)* 7 *Eadem, ac Meliapor.*

Reliquias, quas nulla unquam delere vetustas,
 Perdere & immanes nunquam potuere tyranni.
 Hic olim saxum (nanque est certissima fama)
 Ad mare constiterat, nimio quâ fessus ab æstu
 Insedit quondam Didymus sub sydere Cancrî:
 Tunc vatem divino afflatum numine mentem,
 Hæc niveo scripsisse ferunt oracula saxo:

Ut Thetis hoc saxum circumfluet, alba sub Ortum
 Gens veniet, quæ sacra Dei, ritusque Latinos
 Instauret, cœloque errantes dirigat Indos:
 Aurea tum largis decurrent secula rivis.

Certa fides. Nerei trans æquora vectus Eoî
 Ipse coronatis ut puppibus appulit Indis
 SABERIDES, vitreas festivo murmure læta
 Jam Thetis ad saxum undas egerat. O mihi tanti
 Facta viri liceat celebrare, & carmine digno
 Egregiam palmam, & clari monumenta triumphî
 Pieria ad virides umbras subtexere lauro.
 Spero equidem pelago servatam ad litora puppim
 Vertere, lætus ubi descendit in æquora molli
 Pausilypus clivo, & sub tegmine rupis opaco
 Stant vatis sedes, & cognita rura Camœnis.
 Hic ego, dum tremuli vicino ab litore ponti
 Aspirant lenes Zephyri, & vaga murmuris aura
 Aoniam motat sylvam, sacro incitus æstro
 Alta trophœa viri, atque illustria facta sub Ortum;
 Et victos dicam populos, regesque subactos.

Quin etiam, si Parca mihi non invidet annos,
 Firmaque provenier spatiis vivacibus ætas,
 Difficiles artes, & duri munera belli
 Expediam, magnoque accendam prælia cantu.
 Sin, has ne valeam Musarum accedere sedes,
 Infirmæ obstiterint malesano in corpore vires,
 Antra mihi, & vitres placeant in litore fontes;
 Æquora amem, scopulosque inglorius, ò ubi Nefis;
 Pausilypusque, & Olympiacis lustrata puellis
 Mergilline? ò, qui gelidæ me rupis in antro
 Sistat, & optata Zephyrorum recreet aura?
 Felix qui potuit famam protendere factis,
 Æternùmque virum victor volitare per ora;

Et potuit rores Musarum haurire beatos:
 Fortunatus & ille, maris qui Numina nouit,
 Nerea. Neptunumque senem, Divasque sorores:
 Quique peroptata scopuli pendentis in umbra
 Ducere felicem tranquilla per otia vitam,
 Infansque Urbis valuit vitare tumultus.
 Ille, coloratis dum vesta Aurora quadrigis
 Oceano redit ex alto, felicia lustrat
 Rura per apricos colles: aut divitis horti
 Delicias consuetus adit, fontesque revisit.
 Hic per pulvinos, & per segmenta viarum,
 Quà lætæ areolæ multo se flore coronant,
 Multo & odore fragant, it creber, & aurea lustrat
 Dona Deum. nunc buxus ubi variata figuris
 Assurgit media, aut murum prætexit, & arcus,
 Assidet, & dulces volucrum bibit aure susurrus.
 Hinc ubi jam saturas implevit cantibus aures
 Garrula turba avium, surgit festivus, & umbram
 Pinguis ubi gestit ramis felicibus arbos,
 Arbuteas inter sylvas, & amœna vireta
 Perquirrit, cursatque cito pomaria gressu.
 Et juvat interdum felici ex arbore poma
 Carpere, mellitos hinc & libare sapes:
 Exploratque, suum si duxerit uva colorem,
 Si livent ficus, si multo persica Sole
 Mala rubent curventque graves pomaria ramos.
 Cum verò tenui rupere silentia flabro
 Jam Zephyri, & leni crispantur verbera fluctus,
 Litus adit, scopulosque, & saxa virentia musco.
 Hic celeres spectat cursare per æquora cymbas,
 Et pueros inrer delphinas ludere cursu:
 Nec non & pelagi Divas, tenerasque puellas
 Concelebrare choros per litora, perque beatam
 Pausilypi sedem, & passim indulgere choreis.
 Audit & umbroso stratum Corydona sub antro
 Litoreum gracili carmen deducere avena,
 Et simul ingratæ meditari Phyllidis ignes.
 Interdum picto lustrat tranquilla phaselo
 Æquora, & Euphrasam cursu, viridemque revisit
 Nesida, & longè Bajas, collesque Dicarchi,

Et te de navì aspectans, Misene, salutat.
 At nunc quàm placidè sonat aura, & plurimus halat
 Muscus odoratis è cauribus, & vaga rorem
 Ad scopulos veniens aspergit Doris amarum,
 Cærulea insidit super alga, aut vertice in udo.
 Hic piscatores solventes retia in undas
 Aspicit, & captas properare ad litora prædas;
 Cernit & inclusos resiliire indagine pisces,
 Ac nitido squamas argento, auroque nitere,
 Atque ostro, minioque, coruscantique smaragdo.
 Hanc olim veteres vitam coluisse putarim,
 Qui validi centum spatiis felicibus annos
 A morbis procul expertes, curisque trahebant.
 At nunc (ò læti colles, scopulique valete)
 Quò me Fata vocant per Eoi cærulea, cursus
 Inceptos, quantum tenuis fert aura, sequamur.

Mons ubi Calligius vitreas descendit in undas,
 Ac bifidos findit tractus i Comorinus aquarum,
 Alternas Natura vices sortitur, & uno
 Admiranda loco rerum spectacula præbet,
 Nec tertiis spectata aliis; nam tempore eodem
 Hinc lævâ, vitreos quàm Sol perit aureus amnes
 Oceani, rigidis contristat cærulea nimbis
 Juppiter, & nigra perturbat sydera nube.
 Arva rigent crebris Aquilonibus, alta pruinis
 Piniferum incandent juga montium, & horrida passim
 Omnia frigoribus densis concreta rigescunt.
 At dextrâ interea montis discrimine parvo,
 Purpurei fulgent Soles, cælumque serena
 Luce micat, Zephyrique maris læta æquora perflant.
 Versicolor pratis ver purpurat: aurea rident
 Culta, novæque nitent viridi de palmite gemmæ.
 At cum dextera hyems pelago, & nox incubat atra,
 Tunc læva Zephyris ridet spirantibus æstas.
 Qualis in Ammericæ sylvis felicibus arbor,
 Quæ simul, ut fama est, & trunco, & mensibus iisdem,
 Informem præfert hyemem, foliisque comantem
 Æstatem, sentitque vices, mirabile dictu,

P

Ad-

1 *Ultimum Indica peninsula intra Gangetis promontorium (Capo di Comorin.)*

Adversas, hinc læta comis frondentibus umbram
 Subtexit viridem, teneroque è cortice gemmas
 Fundit odoratas, suavemque exhalat odorem:
 Parte alia ramos foliis nudata rigentes
 Horret, & amisso squallescit honore comarum .

Ergo ubi trans 1 Colchos mollè te ventus in Austrū
 Vexit, & horrendæ Comorini admovent oræ,
 Ne te decipiat blandi pellacia ponti ,
 Atque leves Zephyri venientes niurmure læto ;
 Instrue solettem magna ad certamina pubem
 Sollicitus: vix puppe læus transmiseris, ecce
 Horrida tempestas cælo ruet, & freta cæca
 Subverti rapido spectabis turbine venti.
 Arte truces supera nimbos, Palinure: latentes
 Et Syrtes etiam, & scopulos vitabis acutos.
 Hinc si regalem Gangem petis, atque Paluram,
 Fleste viam velis, tardamque ascende sub Arcton.
 Hinc & Taprobanen linquens, 2 Corynque jacentem,
 Gemmiferum juxta litus vada cærule sulca .

At si purpureis passim baccata lapillis
 Sit Chryseque, Ophyreque vagis lustranda carinis ,
 Tunc lævâ velis transmittitur insula, quâ se
 Arboribus tollunt densis nemora avia centum,
 Quæ calidum piper, & felicia cinnama fundunt ,

Hic tibi prærupto venienti à vertice pontus
 Ingens ante oculos aperitur, & insonat undis ,
 Agaricum dixere sinum, cui nomina Ganges
 Ipse etiam rutilo prolapsus flumine fecit .
 Hic furit immanis violento turbine Typhon,
 Barbarus Oceani regnator, & arbiter undæ
 Eoæ, centum puppes qui fluctibus hausit;
 Et totidem per saxa tulit, totidemque sub auras
 Abripuit, summoque iterum de vertice misit
 In scopulos, in saxa, aut vortice merfit aquarum,
 Et miseros nautas quoque funere merfit acerbo ,
 Vis, Typhon, violenta, procacibus horrida nimbis,
 Et latè horriferis stridens animata procellis:
 Improvisa ruit nigro de Vespere, nube

Di-

1 Celebes India citrioris imperium (Cochin) 2 Insula inter Tapro-
 banen, & indicam peninsulam (Manar)

Discissa, & longè fugiens assibilat auris.
 It citus orbe vago, cursatque per aëra circum
 Cum sonitu, cœlumque ingenti murmure miscet,
 Conclusum nubis gremio cœu fulmen apertum
 Cùm molitur iter, medium per nubila rauco
 Excursat fremitu, & cœli loca concava lustrat,
 Si qua via in terras pateat: summaque repentè
 Scindit vi nubem obiectam, lapsumque per auras.
 It præceps, circumque vago secata aëra cursu,
 Incandetque ardens flammis, & murmurat alto
 Cum sonitu: latèque poli convexa resultant.

Principiò lenes insternit in æquore fluctus
 Cæruleus Typhon: mox imo cæcula fundo
 Alta ciet, frangitque, auris stridentibus, undas.
 Non altæ in summis tutantur montibus ornos
 Radices: forti vellit de cespice truncos,
 Ac penitus diro populatur turbine sylvas.
 Non & litoribus defendunt mœnia turres:
 Testa, domosque trahit, vastasque à culmine turtes.
 Sævior Oceani in medio furit æquore Typhon,
 Horrendùm stridens, magnasque à gurgite puppes
 Abripit, & longè in scopulos, in saxa repentè
 Dejectat, mille in partes cava frangitur alnus.
 Nunc Gaulos circum ingentes immurmurat, & se
 Per gyros flectit varios, atque orbibus orbes
 Implicat, & celeri secum rapit aëra motu.
 Cœu rota, nitrato quæ pulvere fulminis instat
 Armatur, festisque solet flagrare diebus.
 Utque ignem in sicca servatum recte minister
 Admoveri extemplò correpto è fomite velox
 Ignea circumsepta ruit vis: & cita fertur
 Igne rota, & sparsas jaculatur vertice flammæ:
 Ingeminatque vagos, intus vi pulsa, rotatus
 Cum strepitu, & rapido circum rapit aëra gyro.
 Dat motus vento vires: tollitque sub auras
 Vis ingens puppes: medio stant pendula cœlo
 Navigia (horrendùm dictu, & mirabile visu)
 Hinc, aura fugiente, cadunt, demersaque ponto
 Infandùm pereunt. Dii talem avertite casum
 Puppibus, & toto rapidos Typhonas Eoo,

Oceano & toto pariter pulsate benigni .

Est etiam ille malus per Eoi cœrula turbo ,
 (Quem Graii Prestera vocant) immanis, & atrox.
 Ventus ab Æolia quo non violentior alter
 Post Typhona venit, nimbisque, & fulmine septus.
 Horrendum reboans disrupta è nube supernè
 In terras ruit impacatus, & igne coruscat.
 Ac velut horrifico erumpit globus ære sub auras,
 Pulvis ut exarsit, dira flammante favilla,
 Fertur vi magna, atque ignito turbine fervens
 Aëraque, nubesque, atque altas verberat urbes
 Cum sonitu, tonitruque, & mœnia disincit ictu.
 Non secus accenso incandescens fulgure Prestera,
 Et violentus aquis descendit, & omnia flammis
 Involuit, miserasque rates sub Tartara mittit;
 Terrifico & longè replet maria alta tumultu .

Cùm spectas torpente mari, cœloque sereno,
 Exiguam summo dispergier aëre nubem,
 Immanem ex alto Ecnephiam properare videbis.
 (Hoc etiam Prestera vocant cognomine Graii)
 Principiò, tumidos pelagi ne findere fluctus
 Incipias, operitur ager dum fronde caduca,
 Autumno squaliente, vel igneus ardet Olympo
 Sol rapidis in vectus equis sub sydere Cancris;
 Lunaque fraternas cùm jam petit æmula bigas .
 Nam tunc Eoo crebrescit in æquore Typhon,
 Et reddit fluctus, & non tractabile cœlum.
 At si te medio (vitare pericula cuncta
 Non opis est nostræ) comprehendit gurgite Typhon;
 Armatos longè scopulos, & saxa caveto,
 Navigium nè fortè feroci turbine Typhon
 Abreptum ad cautes allidat, & æquore mergat.
 Est cava præterea trans litora, gurgite vasto
 Mitior ira: rates nec sæpius obruit undis .
 Illa sed in primis animo tibi cura recurset
 Sydera adire prece, & bona Numina poscere cœlo .

Ergo ubi terribilem descendere nubibus atris
 Typhonem aspicias, geminas ad sydera palmas
 Tende genu supplex, Divosque in vota vocato:
 Incipe tu: sociique iterent tua verba precantes.

Pria-

Principiò clamore Pater, Genitusque vocetur
 Æqualis Patri, & qui pectore spirat utroque
 Igne sacro, Deus ipse, & amoris amabile pignus.
 Et te, Virgo, vocent, quæ afflatu Numinis aucta,
 Servatorem hominum peperisti, & gaudia mundo.
 Hinc &, Syderios orbes qui præpete gyro
 Devolvunt, summique ferunt mandata Tonantis:
 Quique Deum nostræ contextum carnis amictu
 Jordanem ad fontem lustralibus abluit undis.
 Et magni Patres, & qui cecinere futura
 Fatidici multo repleti Numine Vates.
 Mox regni decus ætherii, columenque vocetur
 Grandævus senior, supero & qui raptus Olympo est.
 Atque alii, divina Dei qui dicta per omnem
 Missi orbem in populos, in barbara regna tulere.
 Atque illi qui ignominias, & tristitia passi
 Servitia, æternam meruerunt laude coronam,
 Et cælo regnare: suo & qui sanguine fuso
 Firmavere fidem dictis, animamque volentes
 Pro re divina, pro religione dedere.
 Inde pio magni pariter clamore magistri,
 Qui sacra nos docuere Dei, ritusque, vocentur;
 Quique altum tenuere nemus, quique auspice cælo,
 Virgineos primi cætus coluere parentes.
 Teque vocent summo dilecta, Ancilla, Tonanti,
 Quæ vitam in melius referens, luxusque superbi,
 Et Veneris pertæsa, Deum, & meliora sequuta es.
 Ac Divæ palma insignes, castæque puellæ,
 Desponsata Deo felicia pectora: & illæ
 Quæ tot magnanimæ tormenta, & barbara iussa,
 Et gentem immanem, & reges sprevere superbos,
 Proque pudicitia, & pro cæsi Numinis igne.
 Ac demum Oceani præsentia Numina magni
 SABERIDÆ, Palinure, voca: premit ille potent
 Dextra Typhones, animosque, & pectora mulcet.
 Mille rates, pulsus Typhonibus, æquore vasto
 Servavit, totidemque alias sub Tartara missas
 Restituit, nigroque potens avexit ab Orco
 Magnus SABERIDÆS, Deus ætheris, Oceanique
 Regnator: centum delubra per aurea Divi

Dependent passim tabulæ, cælataque in auro
Dona virum, mediis quos merfos traxit ab undis,
Syrtibus & quos, & scopulis eduxit acutis.

Sunt tibi præterea fugienda in gurgite Eo
Maniolarum, durj montes Magnete rigescunt
Latè ubi, qui pelago puppes vel tardat euntes,
Vel rapit arcana sensim virtute, propinquæ
Si vada dum sulcant, animatis rupibus ibunt.
Quippè flix ferrum trahit æmula; fertur & ipse
Sponte sua chalybis furor insitus, atque rigentes
Amplexus petit, & nexu sociantur eodem.
Sic sæpè Oceani proscindere segniùs undas
Lysidæ puppes mirati, & flantibus Austris,
Nequicquam validis impleri linthea flabris.
Sæpe rates etiam (multi cecinere magistri)
Abreptæ in scopulos, in saxa ruere repente,
Creber ubi cælo sustollitur Herculeus mons.
Hinc nativa legunt quæ litora, clavibus alnos
Fagineis nectunt gentes, truncove cavato
Nota secant patrii maris æquora, nec secus Arcto
Sub gelida faciunt nautæ, qui pellibus undas
Sæpe etiam sulcant; nam fundo plurimus imo
Occulitur Nerel Magnes, ferrumque, trabesque
Vi rapit: abreptæ subeunt freta cærule puppes,
Et miseri pariter merguntur in æquore nautæ.

Postquam servata tandem cum puppe Malacam
Veneris, in placida pinus statione reconde.
Hic nota instauret vires per litora pubes:
Quassatæque etiam præstat sarcire carinas,
Et commissuras, rimasque opplere patentess
Perfusaque pice, & molli simul ungere cera.

Chrysum 2 extrema sedet in Tellure reposta
Urbs, Indi patrio appellant sermone Malacam.
Hæc placidas nautis sedes, & commoda præbet.
Seu sint extremo lustrandi in litore Seres,
Ultima vel Chryse rosea sub sede petenda:
Sive tot Oceano passim perquirere regna
Sparsa vago: ignotumque velint penetrare sub Orbem.
Contrà elata mari, & medio sub vertice cæli

Ma-

2 (Isola di Præcel) 2 Chrysi populi sunt Antea Chersones.

Máxima 1 Sindarum jacet æquore perlita Eo
 Insula, odoriferis sylvarum ditior umbris,
 Et nigro sæcunda ebèno, niveoque Elephanto.

Hinc intemptos roseum, Palinure, sub Orum
 Instigare tibi liceat quo sydere cursus,
 Expediam. Gemini vario pro tempore Soles
 Dant faciles vento cursus, si dices Eo
 Cathygare quærenda sinu, dicesque 2 Cyambes
 Sylvæ ebèno, & multa felices macere sylvæ.
 Tethyos ex æmne ardenti cùm Sirlus astro
 Surgit, & adversum cedens Jovis armiger ales.
 Occidit, & rostro tumidas premit atdus undas,
 Carpe fugam: tibi nulla datis mora cursibus obstet.
 Altera tempestas fulcandis fluctibus apta est,
 Cùm Sol Ægoceri lustrat jam proxinus orbem,
 Oleniæque cadit syduð glaciale capellæ.
 Chrysaò ut primùm solvisti à litore funem,
 Oceano cùm Luna novo venit aurea cornu,
 Austrinum pete puppe laus, cautusque 3 Palandæ
 Naufragio infames scopulos, syrtisque dolosas
 Vitabis: geminas inter freta concita terras
 Horrendis passim scopulis, & syrtibus horrent.

Sed postquam retrò saxis vada dura Palandæ
 Liquisti velis, remisque, & protinus Arctos
 Incipit apparere, viam tu flecte, relictoque
 Ichorio 4, dextrâ currat tibi cæcula pinus.
 Mitis ubi Oceani, & superabilis unda recurſat.
 Nam quæ cæruleos diffundit ab ære nimbos
 Africus improvisus, & æquora turbine vertit,
 Ingens æstus aquæ, & veloci cæcula cursu
 Transversum recto rapiunt de tramite puppes.
 Aurea ut Eoi legisti & litora longo
 Circuitu, Seres tandem, gentemque togatam,
 Atque oras Asiæ extremas servatus adibis.

At superata maris post æquora, quæ tibi in ipso
 Sint nunc externo fugienda pericula portu,
 Expediam, & paucis rem totam ab origine dicam.

P 4

Im-

1 (Sumatra) 2 *Sindarum* provincia Ptol. fuisse erit vegnum (Ciam-
 bi) 3 *Urbs Aurea Chersones*, qua est (Pari) ut Castaldo placet.
 4 (Ichor)

Imperium Seres magnum, atque uberrima regna
 Oceano Eoo, & magno circumdata muro
 Soli habitant, vastasque colunt cum mœnibus urbes.
 Jura, magistratusque tenent, & sacra Deorum
 Antiquo cultu, alta & religione parentam.
 Officiis gens tota vacat, cultuque decoro;
 Acris & ingenio, inveniendis artibus acris.
 Attamen externos nimium sprevere superbi,
 Seu potius gentes armis timuere potentes
 Externas, nimia preffi formidine regni;
 Vincere ne quis eos, neu quis submittere possit.
 Nanque animæ imbelles, pietis splendescere in armis,
 Nec celeres arcu gaudent vibrare sagittas:
 Non acri exercentur equo, nec Martia curant.
 Barbaricas hinc gens indixit barbara leges:
 Ausus inaccessis si Serum appellere terras
 Advena quis fuerit, tanto pro crimine pœnas
 Supplicio luet, atque infamæ morte piabit.
 Crimen & intactas Serum est contingere terras.
 (Ausu nefas tantum servandi regna cupido est)
 Commerci tandem causa, post sæcula sera,
 Ausi Lyfiadæ gentes penetrare repostas.
 Sed tamen Oceano primum consistere iussi
 In medio: super alta habita & commercia navi.
 Insulam & hinc pretio mercati, ut litore tuto
 Imbriferas durare hyemes, & frigora possent.
 (Tandem regna aurum irrupit, legesque refixit)
 Hic furtim jactis fundarunt mœnibus urbem;
 Atque etiam turres, & propugnacula muro
 Imposuere: Jovisque imitantia abœnea fulmen
 Æra tenent altæ turres, urbemque tuentur.
 Ergo ubi Sinarum ventus te vexit ad oras,
 Portus tutus adi socios, urbemque i Macai.
 At si te portus, urbemque intrare negabit
 E prora assurgens ventus, dabit insula portus
 Plurima, quam circum mitis Natura locavit.
 Nec tibi vicina Seres de sede timendi:
 Nam rara Oceani percurrunt æquora puppi:
 Magna coronatis sed flumina navigat alnis

Gens

1. Insula, & urbs cum celebri portu, Insularumque portus, & a. x.

Gens illa, & toto jungit commercia regno.
 Mille rates fluviis visuntur: & ordine longo
 Ire alia adverso, atque alia descendere pronò
 Torrente, & magnas per flumina ducere merces.
 Undique tecti amnes sunt puppibus, undique remis;
 Ut vastas urbes vestrari flumine credas.
 Nanque domus ratibus fabricata, & mœnia parva;
 Et res imperio unius rectoris aguntur.
 Oram solvendi hic cunctis sua tempora dicit;
 Quæque fugam primæ capiant, quæ deinde sequantur;
 Quæ dextram teneant ripam, quæ litora propter
 Læva secent fluvios: ubi Vespere figere castra
 Conveniat, pluviosque imbres sufferre morando;
 Ac fluvio interdum, atque adverso cedere vento.
 Legibus hinc omnes certis per maxima currunt
 Flumina: nec primæ venientes ordine tardant;
 Nec segnes istæ primas velocius urgent:
 Nec magnas inter naves, numeroque frequentes,
 Exiguo & spatio fluviorum cernitur unquam,
 Aut levis incursus vententum, aut inter euntes
 Fit fragor, & parvo gliscit discordia motu.
 (Quid non lex, hominumque potest prudentia major!)

Præterea (miranda tibi spectacula dicam)

Per latos regni campos, perque æquora circum
 Curribus alatis fugiunt, ventosque laceßunt.
 Ingentes ratibus similes de robore currus
 Edificant, geminasque rotas urrinque reponunt.
 Atrolluntque altum medio de corpore malum:
 Antennam & malo sociant, ac lineæ pandunt
 Vela Notis; lætoque inflantur carbasa vento;
 Et ceu puppis aquas, sic findunt æra currus,
 Ut ventum acceperè suus: atque æquora tranant.
 (Vis tantum valet ingenii, atque ars æmula tantum)
 Tales velivolòs spectarunt æquora currus
 Campana, & summo miratus colle i Tifata,
 Cùm nuper serum mores imitatus, & artes
 Alata fugi per rura virentia puppi.
 Et Batavi tales agitant per litora currus;
 Et ventum sæpè inceptit aut clamore morantem.

Sed

1. *Id est Campania prope Capuam, ubi Antibal castra posuit.*

Sed tandem populos jam tempus adire repostos
 Oceani fines ultrà, quàm terminus Orbis
 Eoi. Titanis ubi sub sede rubentis
 Purpureas Aurora domos, croceumque cubile
 Tithoni tenet, & radiis micat aurea primis:
 Oceano lita cœruleo jacet ultima Chryse,
 Insula dives opum, & tot regibus inclyta, & armis,
 Eoo semota mari, divulsæque Mundi
 Litore ab extremo, tot sc̃clis abdita quondam
 Terrarum latuit dominos, gentemque rogatam;
 Nec Latios vidit fascēs, timuitque secures.
 Barbaræ gens habitu est, & diris barbaræ sacris:
 Alta tamen mens olli, atque altum spirat honorem;
 Fortunæ perferre vices, casusque sinistros
 Impatiens, vitamque petit pro laude pacisci.
 E cœlo traxisse genus, Divisque beatis
 Jactat, & innumeræ series numerantur avorum,
 Progenitos quos ante putat primordia Mundi,
 Et retrum coluisse chaos: per sc̃cula mille
 Mentitur genus antiquum, deliria centum
 Barbaræ gens fingit, quæ nunquam fabula Grajunt,
 Nunquam indulgentes genio finxere poetæ.
 Mortales adèd vanus tumor, altaque mentis
 Ambitio insanos fecit. commercia quondam
 Nulla mari nobis habuere: sed impia leges
 Illas gens posuit: pereat quicumque per æquor
 Jactatus ventis, & fluctibus appulit oris,
 Quas miseris Natura dedit, statuitque benigna
 Perfugium rabidi fugientibus æquora ponti,
 O Genus invlsū mortalibus, & fera corda
 Nescia crudeli miserorum funere fleat!
 Sic immanis, atrox, & moribus effera gens est,
 Quæ nequit hospitilis, & sordete jungete dextas.
 Heu! fuge crudeles oras, fuge, navita, gentes.
 Te nudi accipiant scopuli; perisse juvabit
 Desertas inter cautes, quàm funere acerbo
 Exaturare avidas miserorum in sanguine gentes.
 Nunc age, quò cœli sub sydere puppibus æquor
 Sulcandum Eoi, & ferus inquirendus Iapon,
 (Nam tali patrio se gens cognomine dicit)

Ac-

Accipe. Ut ardentem stellis fulgentibus ensē
Exerit Oceano surgens armatus Orion,
Mitte ratem pelago; Divisq; in vota vocatis,
Carbasa da Zephyris felicibus: æquora verrunt
Foi lenes Zephyri, dum candida cælo
Lux nitet, & radiis lustrat Sol aureus orbem.
At pelago immerfus cū noctem induxit, & umbram,
Auster agit fluctus, strepitatque sonantibus auris.
Sæpe etiam Boreas felici carbasa flatu
Noctes, atque dies intendit, proximus Ursam
Cū petis, & longè incipiunt ctebescere terræ.
Solvete sæpe oram fas est, dum contrahit orbem
Fervidus exactum Cancet, decrescere cū jam
Incipiunt luces, sensūque extendiet umbræ,
Ocyùs è noto verū si litore funem
Ruperis, & flantes cursu prævenietis aurās,
Visibis, Palinure, trucem Typhona procellis,
Et tandem Autoræ venies servatus ad axem.

Hic ego nī fractus curis sub fine laborum,
Jam spumantis equi festinem solvere colla,
Forſitan Arctoas irem cum puppe sub oras
Primus, & ærato gelidi per inhospita Mundi
Sulcarem roſtro glacialis marmora ponti;
Unde iter Eoum, cursusque brevissimus undis.
Necnon & Manes alios, atque abdita regna
Adversa sub sede poli, quò navita nullus
Ivit adhuc, & nullæ unquam venire carinæ,
Lustrarem impavidus; non me cōcicta pruiniſ
Terrerent vada, non glacies, noctesque profundæ.
Nunc quoniam me Fata vetant petere abdita Mundi
Litora, & argentes cæli penetrare sub axes,
Fessus ad Hesperium flectam mea carbasa litus;
Ammericæque novas quærat trans æquora terras
Puppibus illa aliis post me lustranda relinquo.

At mihi vos clarum pelagi decus, ite per undas
Ite duces, Nymphæ Oceanirides: ite Camœnæ
Vos unâ comites; quoniam sinē munere vestro
Incaſſum ſulcamus aquas; nec vertice Pindi
Vocales Vati aspirant Zephyritides auræ.
Vos mihi quifnam hominum confidentissimus ille,
Sive

Sive aliquis fuerit satus alto à sanguine Divùm ,
 (Nanquid censendū; mortalis enim haud homo tātūna
 Ausus opus tentare) canenti pandite, Musæ,
 Pandite, quandoquidem, Divæ, spectastis & illum ,
 Et meministis adhuc, vasti qui cæcula Atlantis
 Remigio audaci, & Fatis ducentibus ipsis,
 Sulcavit primus, domuitque incognita Nerei
 Æquora, & alterius petiit felicia Mundi
 Regna, novos populos, vastissima flumina, & urbes:
 Atque novo imposuit leges, & nomina Mundo.
 Ingentes animi, generosum pectus, & ingens
 Olli robur erat, mentisque interrita virtus:
 Acce erat ingenium; Superisque simillimus ille.
 Quo duce, terrarum non amplius ultima Thule,
 Non intactus Atlas tumidis manet amplius undis,
 Plus ultra Oceanum licet ire: tumentia quando
 Pervia sunt maria, atque alter jam pervius Orbis .

Vir fuit Aufonia in magna de sanguine Divùm
 Progenitus, magnisque animis, & corpore pulchro:
 Illum Italæ gentes appellavere Columbum
 Nomine, Diva parens oui formosissima Nympha
 Uranie fuit, astrigeri quam sydera cæli
 Divino attollunt plausu, dum currit Olympi
 Stellati metam, atque orbis metitur, & ignes.
 Hæc puerum teneris annis nemora avia circum
 Nutriit: & fotum gremio Dea sæpe sub altis
 Ætheris immensi tractus, & concava cæli
 Sustulit, & dulces animo inspiravit amores
 Magnarum laudum, stimulosque incendit honoris.
 Nam juvat à teneris annis ut gloria pectus
 Spe dulci lactet, foveatque cupidine laudis:
 Ut magnos animos, & spem capiamus adulti:
 Et clara in decora, atque illustra facta gerenda
 Instimulet nos laudis amor, plaususque cupido .
 Ut major lustro crevit puer, aurea mater
 Syderiis illum studiis, & Palladis arte
 Erudit, cælique vias, & sydera dixit.
 Cur medio librata loco vastissima Tellus
 Stet firma, & trepidum nunquam latus ineita mutet,
 Et: vastis conclusa fluant maria alia cavernis

Fluctibus alternis. cur latè mobilis àër
 Per mare, per terras circum diffunditur omnes;
 Scilicet ut dulces vitæ mortalibus auras
 Præbeat insinuans sese per corpora ubique.
 Unde & tot variis versentur motibus orbes
 Ætherii: sed certa vagis data meta viarum
 Syderibus: spatiis & per sua tempora certis
 Quodque ruat, loca & inter tot perplexa vagetur:
 At cæli convexa super cur segniùs astra
 Fixa orbi incedant, una & sub lege ciantur.
 Præterea tantùm cur sese tingere ponto
 Hybernî properent Soles, vel quæ mora tantùm
 Æstivos tardet; cæli quia cardine summo
 Scilicet obliquus Signorum volvitur orbis.
 Et quid se in varios Virgo Latonia vultus
 Induat, & rutilos alternet frontis honores,
 Vel cur interdum media sub nocte repenti
 Occulat amissis totum splendoribus orbem.
 Nimirum quia luce sua non illa coruscat:
 Sed nitet accepto fraterna è luce nitore:
 Ut reliqui radiant ignes; nam luminis unus
 Sol pater, & Solis sunt omnia lumine plena.
 Dixit &, obductis fulgoribus, unde labores
 Sol ipse; ante oculos quia scilicet invida nostros
 Sese Luna tulit: ceu cùm velamen apertam
 Scenam in conspectu subito occulit interjectum.

Insuper his, nigro quâ se sub Vespere condit
 Sol ultrâ Oceanum, alterius felicia Mundi
 Regna etiam abscondi, gentesque, & flumina, & urbes,
 Edocuit: pronis quæ jam voluentibus annis,
 Ipse per immensum velis audacibus æquor
 Attinget primus, populosque in fœdera nostra,
 In leges, in sacra Deum, moresque vocabit:
 Nominaque imponet Mundo, seque æthere ab alto
 Ignotis monstrare viam promisit in undis.

Ille in spem tantam primis nutritus ab annis,
 Utque ætate novâ pubescere cœpit adultus,
 Cùm vigor accrescit membris, & vivida virtus
 Irritat laudis stimulos, viresque ministrat
 Ingentes animo, & mens altum affectat honorem,

Hoc opus, hoc imis versabat sensibus ingens,
 At laudis studium, & lustrandi gloria Mundi
 Incessit pectus, stimulisque accensa cupido
 Urgebat dammare moras, per somnia lætus,
 Aut videt, aut vidisse putat nova litora Terræ.
 Nam quæ sæpè diu meditamur sensibus imis,
 Ac penitus menti insidunt, cupimusque futura,
 Illa eadem somni sub imagine sæpe videmus.
 Ardua non illum magnarum exordia rerum,
 Non varii terrent casus, cursumque retardat
 Dulcis amor patriæ, studiumque ignobilis otii,
 Sufficit ipsa animis ingentes gloria vires.
 Ergo moras ultrà differre, ruentibus annis,
 Impatiens, jam carpit iter, quàm terminus olim
 Herculeæ noti Orbis erant, rerumque columnæ.

Hic quondam Libyam juxta, quàm maximus Atlas
 Alio cælum humero, & flammantia sydera torquet,
 Insula magna fuit medio fra gurgite, prisca
 Dicta est, ut perhibent, Atlantia nomine regis;
 Quæ magno terræ motu concussa repente
 Corruit absorpta Oceano: sententia multis
 Hæc alia est; primo submersam scilicet illam
 Diluvio periisse: sed alta cacumina montium
 Emergere mari, Fortunatæque vocantur
 Insulæ Oceano in vasto, quas lustrat Apollo
 Dum caput immergit pelago defessus Ibero.
 Ultimus hic Phœbi labor est, & meta diei;
 Et Libyæ præter fines olim ultima rerum
 Meta fuit: circum mare fluctuat Atlanteum.
 Primus & hæc cæli percurrit circulus alti
 Quique diem, noctemque secans, duo tempora signat,
 Quo Sol in medio micat axe altissimus, & quo
 Sub pedibus Manes lustrat, Diemque profundum.

At Fortunatas inter celeberrima Tellus,
 Quæ Superùm sacra Regina, cognomina jactat
 Junonis magnæ, centum cui templa sacrarunt
 Æthiopes passim per litora. Tollitur hic mons
 Æmulus Atlanti, cælumque cacumine pulsat
 Extremo: sentitque vices, mirabile dictu,
 Adversas. centum dorso nemora avia densis

Ar-

Arboribus surgunt, latèque virentia centum
 Prata coloratis cum floribus undique spirant:
 Fluctibus & vitreis medius fluit irriguus fons,
 Murmura blanda cicens: sed candida colla pruinis
 Incandescit, nivibusque riget senis horrida barba.
 Ardescit flamma vertex: nam proximus urget
 Ætheriam flammam, atque Elementi simplicis ignem,

Huc ubi Tartessi præter vada fervida venit,
 Immensum molitur opus, crebræque recurvant
 Curæ animo: monstrante Dea, quod cæcula possit
 Tutus adire, novumque Orbem illustrare latentem;
 Et matrem expectat cælo, incusatque morantem,
 Altas, Oceano puppes, jam certus eundi
 Mittit ovans: dat vela Notis: sed vertere retrò
 Cogitur inde iter, & magnis abstinere cœptis.
 Nam dubius nescit quo sydere naviget æquor,
 Quasve plagas cursu primùm petat, & freta primùm
 Quæ turbet, qua parte poli ruat incita classis:
 An Boream, an lævâ tepidum descendat in Austrum;
 Quas & inaccessible tandem se vertat in oras.
 His animum pressus curis subit ardua montis
 Culmina: si matrem forsan juga celsa colentem
 Uraniam inveniat miser, & promissa reposcat,
 Verticibus fessus summis jam proximus ibat,
 Cùm videt ingentem molli descendente clivo
 Planitiem, & circum gemmantia floribus arva:
 Amnis ubi placidus, nitidisque argenteus undis
 Pumice muscoso manabat, & aurea propter
 Culta caporus aquis, & molliter ibat in herbas,
 Hic sedet, & tristi diffundit ab ore quærelas.

Quid juvat, ò mater, præclaro à sanguine Divum
 Ætherium traxisse genus, si pulcher Apollo,
 Ut mihi narrabas, pater est, & montibus altum
 Agrestes inter Divas, & Oreas inter;
 Et me natum in laudem, & facta illustra natum;
 Si te nunc nostræ cœperunt ædia laudis,
 Non servas promissa memor: non æthere summo
 Pandis iter, trepidamque ratem per cæcula ducis,
 I, perge, & totam nigris tege nubibus æthram:
 Irrita ventos: fluctusque ad sydera tolle.

Quia

Quin age, & ipsa manu nostris jace classibus ignem.
Sic pereant naves, & spes simul excidat omnis.

Non procul auratis ubi floribus arva rubebant,
Argutum nemus, & crebris loca consita sylvis
Gratam præbebant mediis fervoribus umbram,
Deliciæ Superùm, & statio placidissima Divùm.
Hùc fortè Uranie cœtu stipata Dearum
Venerat ex alto nimio defessa labore.

Ac nemora inter sacra Jovis, sedesque beatas
Felicem Zephyrum, & frigus captabat opacum.
Quam circum Divæ centum, teneræque puellæ
Suavi ludebant cantu, placidisque choreis.
Purpureis formosa comis, & candida mammas
Andromede, & roseis Helice succincta cothurnis,
Nestebant primæ choreas: Cynosura sororem
Ponè sequebatur, dulci placidissima visu,
Cæsariemque effusa levem per candida colla.
Ægleque, & soror Amphichrysis, Olympides ambæ,
Ambæ auro, & stellis redimitæ ardentibus ambæ.
Parte alia celeres jungentibus orbibus orbes
Erigoneque, & flava Pelorias (altera virgo,
Altera tum primùm thalamo dotata jugali)
Et Berenice, Ephyreque, atque aurea Cassiopeja;
Ac demum niveas Erato nudata papillas.
Illæ dum choreas ducebant, candida Clio
Pulchros Belidæ cantabat Agenoris hortos,
Dulcia purpureis subpretraque pignora ab hortis,
Dum choreas inter ludit chorus omnis, & almi
Furta Jovis, toto & mutatas corpore formas,
Ac pavidam Europam Tauro super æquora nantem.
Quo blando Nymphæ mulcebant carmine mentem.
Divarum luctus tum flebilis impulit aures,
Ac simul audiri gemitus cœpere Columbi.
Exemplò Nymphæ choreis, cantuque relicto,
Obstupuer: sed ante alias Cynosura sorores
Egreditur nemore, & nitidum caput extulit umbris:
Et procul: ò soror Uranie, tua cura, Columbus
Tristis ad irriguas muscosi marginis undas
Stat lacrymans, alti sive replet nemus omne querelis.
Te crebrò vocat, & crudelem nomine dicit.

Hic

Hic, iterum perculsa parens formidine mentem:
 Duc, ait, ò Cynosura soror, duc alta Columbum
 In nemora, & sacros liceat penetrare recessus.
 Tunc illum solata, jubet Cynosura sub umbras
 Sacraei nemoris succedere. protinus ille
 Exequitur data jussa Deæ, graditurque per arva.
 Utque nemus subiere, viro venit obvius omnis
 Nympharum chorus: ante alias procedit ovanti
 Uranie gnato, & sacra in penetralia ducit.
 Postquam est in nemus argutum, saltusque beatos
 Perventum, & nati questus audivit inanes
 Uranie, manibus dant vitrea flumina Nymphæ,
 Canaque deronsis tendunt mantilia villis.
 Mox dulces mensis epulas, & pocula ponunt,
 Pocula felici spumantia nectare Divum.
 Accubuerunt Deæ mensis, seditque Columbus
 Uranien inter genitricem, Opinique sororem.

Hinc epulis postquam expleti, mensæque remotæ,
 Uranie affari natum jubet: incipit ille:
 Uranie mater, cœli pulcherrima Nympha,
 Unum oro (quando Superum mihi munere Divum
 Ingentes aperire datur mortalibus Orbes)
 Ire novum in Mundum trans longè Atlantra repostum
 Contingat: doceas iter: & maria invia pandas.

Cui contrà roseo mater sic ore locuta est:
 Nulla tui me unquam cœpere oblivia, nate:
 Obstabant sed Fata: suis nec vellera fufis,
 Solicitæ quamquam, explerant felicia Parcæ.
 Et nobis nihil invitis fas quærere Divis.
 Nunc promissa, sinunt dum Fata, & Juppiter æquus,
 Implebo. Superi jam te per concava cœli
 Supra undas, montesque supra, & vaga nubila ducam:
 Cernere quò terras omnes, maria omnia possis,
 Et novus ignoti præter freta cœrula Atlantis
 Orbis ubi nigro sese sub Vespere condit:
 Et carpenda tibi quâ sit via tuta per undas,
 Expediam. Mora nulla: velut vada flava Caystri,
 Aut cùm Mæandri, vel Minci flumina linqunt
 Candentes cygni, celerique per aëra lapsu
 Sydera summa petunt: niveum volat agmen in auras:

Q

Arri-

Arripuerunt fugam Divæ, & pernicibus alis
 Alta secant, cœlumque petunt. præit agmina prima
 Uranie, & gnatum secum Dea tollit in altum
 Purpureæ innixum nubi: volat ille per auras
 Lætus, & ætherios gaudet contingere honores,
 Jam super æreas sedes, camposque liquentes
 Divarum pennata cohors conscenderat: & jam
 Incipiunt sensim concentum audire beatum,
 Et tractim resonare, novo modulamine captus
 Constat extemplo Divæ satus, & bibit aure
 Concentum, pascitque avidos dulcedine sensus
 Insueta: longumque oculis mirantibus hæsit.
 Mox charam alloquitur genitricem, & talia dicit:
 Quisne hic concentus, genitrix, dulcisque susurrus,
 Qui nunc exoritur, sensimque accrescit eundo?
 An est hæc Superum sedes, ubi sydera cantu
 Mota sonant, placidisque ruunt concentibus orbes?

Sic gnatus: sic orsa refert contrâ aurea mater:
 Non longè hinc radiat stellatæ regia cœli,
 Mota ubi concentu Superis vaga sydera plaudunt,
 Mens sua syderibus, vastos quæ perciet orbes,
 Et paribus numeris, paribus rotat intervallis,
 Intus agit molem: concepto machina motu
 Labitur, & motis concurrant orbibus orbes,
 Fit sonus, & certis modulantur pulsibus astra.
 Percurrit numeros mens illa, & lege sequuntur
 Disparibus, paribusque modis vocalibus orbes.
 Subsultat, modulante polo, concentibus ætheri:
 Et vario cœlum replet modulamine cantus.

Jamque propinquabat venientibus aurea Phœbe,
 Et major gemino splendebat lucida cornu.
 Inde jugis quondam cupressiferæ Cyllenes
 Patre Jove, & Maja genitus, summusque Deorum
 Nuncius, ardenti mortalibus igne videri
 Difficilis: quem ponè Venus fulgentibus astris,
 Orbis amor, placidi que parens gratissima risus,
 Insequitur, blandoque oblectat lumine Divos.
 Proximus & Titan fulvo circumdatus auro
 Divarum ante oculos magnum dabat igneus orbem.
 Grandior apparet Mavoi, latèque coruscat,

Cui

Cui lateri gemma intertextum baltheus ensē
 Sustinet, & capiti cristis micat aurea cassis.
 Juppiter hinc sociis radians argenteus astris,
 Puraque diffundens sua lumina: proximus ibat
 Huic genitor, longo sed proximus intervallo.
 Attonitus stetit Uranie satius, aurea cœli
 Sydera dum spectat rutilis ardētia flammis.
 Miratur molem ingentem, celerēsq; rotatus
 Astrotum, & magnis se volvere cursibus orbes.
 Miraturque vagi suspendier ætheris ignes,
 Luminaque ardentes radiis imitata pytopos.
 Hic stetit Uranie, & cœtus stetit omnis ovanū
 Nympharum, & niveis librat se pendulus alis.
 Ipsa fugam veluti cū cepit ab arce columbar
 Et super ætlias sedes se sustulit alis.
 Sistit iter liquidum, & simul aëre tuta quicō
 Pennarum iusto libratur pondere, nec se,
 Nec circū nutans candentes commover alas.

Ipsa sed interea Tellus minor æthere ab alto,
 Sub pedibusque Deæ, roseaque è nube videtur:
 Et simul ante oculos sensim curvata patescit.
 Apparet demissus Atlas, demissa Pyrene;
 Multū piniferis nec se cum montibus Alpes
 Attollunt: humiles quantū consurgere clivi
 Cernuntur, tantū se tollere cernitur Atlas;
 Et iura, atque Alpes, & montibus alta Pyrene,
 Contractus fertur spatiis Gis fertilis alveo;
 Et Tagus aurifera longè rarefcit arena;
 Contrahit Oceanus sua cornua, contrahit undas:
 Et placidè fluviant contracto, cœrula limbo.
 Qualis ubi picto spectatur scena theatro,
 In breve collecti spatium, montesque, lacusque,
 Ac fluvii, sylvæque, arcesque videntur, & urbes.
 Magna sub Occasum Oceani trans æquora vasti
 Terrarum moles dubia sub luce patescit.
 Ceu, cū prima aperit ferrugine lutea cœlum
 Aurora, & Solem terris prænuncia pandit,
 Eminūs apparent lustrati lumine montes

Q 1

Cæ.

1 Gallia mons Sequanor ab Helvetiis discludens (Monte di S. Claude & Jura)

Carulei, & fusca cęli ferrugine tincti.

Has longę in terras sua lumina flectere natum,
 Protinus Uranie Dea jussit: & ore profari
 Incipit ille Deę pender dicentis ab ore.
 Terra, procul vasto quam cernis Atlante repostam,
 Et longę à nostris via dividit invia terris,
 Est novus Orbis, aquis latę circumfluis udis,
 (Ammericen dicent) quem noscere Fata negarunt
 Antiquis, intactus adhuc manet abditus ultra
 Oceani fines: sed nunc post secula sera
 Jam visum est Superis aperire, & jungere tandem
 Noto Orbi, gentesque alias in fędera nostra,
 In leges, & sacra Deum, moresque vocari.
 Teque opus in tantum felicia Fata reposcunt
 Auctoremque, ducemque: inventi gloria Mundi
 Est uni concessa tibi: tu fędera junges
 Tu leges, & sacra dabis: tu nomina nostra
 Gentibus Impones. Sed jam tibi singula paucis
 Expediam, nates: & quę sint ventura, docebo.

Terra potens regnis, & gentibus inclyta mille,
 In geminos Orbes se dividit: alter in Austrum,
 Alter in Arctos latę se porrigit oras.
 Quos geminos orbes hinc inde interlitus Isthmus
 Adnectit, maria alta secans discrimine parvo.
 Sed circũ tota Oceano vastissima Tellus
 Cingitur. Equator medius quam dividit orbis,
 E læva secat Ægoceros, quā stricteior Austro
 Irrumpit: contrā pręter freta consita saxis
 Insula 1 responder flagrantibus horrida flammis;
 At dextra Cancer rutilantibus igneus astris
 Percurrit mediam: longęque extensa sub Urfas
 Clauditur Arctoo gyro, glacieque rigescit.
 Dives opum, dives gemmarum, dives & auris
 Et cultu parens, & fertilis ubere glebę.
 Flava Ceres campis: nascuntur collibus uvę;
 Et nemora alta regunt montes, vallesque per imas
 Irriguis centum labuntur fluctibus amnes,
 Ac loca læta rigant. Venientibus Insula magno
 Quę prima Oceano occurrit (cognomine Haytim

Gen s

1 (Terra del fuoco) ab ignivomis montibus dicta.

Gens vocat) æratas rura in statione carinas
 Accipiet, concessa tibi quæ prima laboris
 Meta est. purpureis, illam, cum fulserit astris
 Candida Taygere, vectorque Athamantidos Helles
 Jam caput extulerit stellato in vellere fulgens:
 Aut longos cum Libra dies æquaverit umbris,
 (Nam fortunatos faciunt duo tempora cursus)
 Nate, petes; auris nam tunc felicibus Euri
 Aspirant, præbetque viam quoque prævius Atlas:
 Tende iter in Noton, & quæ circulus imminet altæ
 Solstitii, quò cum perveneris, agmen opacum
 Dirige in Occasum, quæ se currentibus undis
 Pronus agit pelagus; nam sic, ducentibus ipsis
 Fluctibus, Oceanum celeri cum puppe secabis.

Antè sed Oceanus placandus, & humida Doris;
 Nate, tibi; facilisque simul Dea divitis Orbis
 Ammerice: per vasta dabunt tibi cæcula cursus
 Felices illi; hæc felicia litora pandet.
 Monstra maris magni vitulos in litote septem
 Oceano mactabis, & æquoris insuper Orcam
 Cæde ante aras; Oceanoque hæc munera mittes.
 Dorida sed geminis ovibus venerabere cæcis
 Inde Deam: dicesque: Tibi, pulcherrima Dori,
 Has geminas mactamus oves; tu gurgite puppes
 Lætæ præi, & vitreas necum, Dea, curre per undas.
 At Divam, cui cura remoti contigit Orbis
 Ammerican, fuso vitulæ venerare cruore,
 Effundesque preces, Numenque vocabis, amicum.

Hæc dedit Uranie: & subito pernicipibus alis
 In terras delapsa volat, natumque reducit:
 Et circum comites Nymphæque, Deæque sequuntur;
 Ut sacrum venere nemus, sedesque beatas;
 Natum iterum Uranie affatur, Dea syderis alti,

Te, nunc qui casus varii, durique labores,
 Nate, manent, salvis venias quàm puppibus antè
 Litus in ignotum, & dulci potiaris arena;
 (Quippe ferunt secum magnarum exordia rerum
 Difficiles casus, exudandosque labores)
 Expediam. Indomiti per inhospita cæcula venti,
 Et tempestates duræ, nimbique ferendi.

Et

Et maris intoleranda quies, crudelior ipsa
 Ventorum rabie: magnarum & longa viarum
 Tædia, & ardentes Cancræ sub sydere Soles.
 Sæpius ambefas coget consumere quadras
 Diræ famæ: sæpe & vestras discordia puppes
 Invadet, Stygiisque furet stipata manipulis:
 Exacuetque iras, socios & in arma vocabit.
 His ne cede malis, nec retrò vertere cursum
 Inceptum tentes, superisque obistere Fatis.
 Cuncta ferēs animosè, & durando omnia vinces.
 Finis erit: finem tandem properasse malorum
 Indicio tibi erunt volucres: tibi mittet & illas
 Conciliatâ tuis precibus, vitulaque litata
 Ammerice. festo volucres clamore saluta,
 Et socii festo volucres clamore saluent:
 Quippè novæ optatos ostendent litore portus.
 Perge modo: & quâ te magnum via ducit in Orbem
 I, sequere: & tandem felicibus utere Fatis:
 Dux adero ipsa tibi, & præsentî Numine ducam.

Hæc ubi: confestim rosea cervice refulsit
 Avertens vultum; & cætu comitata sororum
 Se dedit in nubem: natumque reliquit. At ille,
 Matre Dea monstrante vias, inît æquore cursum,
 Atque novæ gentes, urbesque, & litora Mundi
 Lætus adit, jungitque aliis commercia terris.

Puppibus hæc super, & Velis, Ventisque cantebam,
 Et super Oceano, CÆSAR dum magnus ad Istrum
 Fulminat Odrysios bello, victorque tyrannum
 Auroræ pulsât, populosque avertit iniquos:
 Atque illum submisit Avaræ, Hunnique rebelles,
 Depositisque vagi venerantur lazyges armis.
 Illo Parthenium me tempore patria Sireni
 Pausilypi ad colles, & Olympia dulcis alebat,
 Uraniæ studiis florentem, & Palladis arte;
 Alter qui patria lusi piscator in acta:
 Tityre, te vitreas cecini Crateris ad undas.

F I N I S.



I N D E X

Rerum Notabilium.

<i>Acronoti, seu promontorii Bona Spei descriptio.</i>	<u>P. 213</u>
<i>Aëris regionum descriptio.</i>	92
<i>Andrea Auali elogium,</i>	176
<i>Antlia descriptio.</i>	170
<i>Arborum varius usus <u>apud gentes.</u></i>	53
<i>Arbores quæ aptæ navibus fabricandis,</i>	54
<i>Arbores quando cadende.</i>	55
<i>Archimedææ machina descriptio.</i>	83
<i>Astrorum concentus.</i>	242
<i>Atlantia quæ fuerit.</i>	<u>238</u>
<i>Audax militis factum, & quot in Siculo freta æstus,</i>	<u>161</u>
<i>Calabria litoralia describuntur.</i>	<u>153</u>
<i>Clavi vires, & usus.</i>	117
<i>Comorini promontorii descriptio.</i>	215
<i>Crateris (Golfo di Napoli) descriptio.</i>	146
<i>Currus velivoli per campestria.</i>	<u>233</u>
<i>Egregii iuvenis miserabile naufragium.</i>	<u>149</u>
<i>Error in ventis indagandis.</i>	<u>123</u>
<i>Iaponia descriptio.</i>	234
<i>Indica peninsula descriptio, & D. Thomæ vaticinium,</i>	213
<i>Infandum hominis naufragium.</i>	<u>185</u>
<i>Iosephi Mayescalci elogium,</i>	116
<i>Itineris æstimandi modus.</i>	208
<i>Latitudinis inveniendæ modus.</i>	205
<i>Longitudinis item,</i>	<u>206</u>
<i>Lembi ex India in Europam navigatio.</i>	141
<i>Lucania litora describuntur.</i>	<u>148</u>
<i>Magnetis declinatio quomodo inveniendæ.</i>	<u>136</u>
<i>Magnetis montes vitandi.</i>	230
<i>Mapparum descriptio.</i>	<u>118</u>
<i>Marini Carasæ elogium.</i>	<u>130</u>
<i>Maris errores detecti,</i>	<u>132</u>
<i>quomodo corrigendi.</i>	<u>137</u>
<i>Maris æstus descriptio, & <u>causæ.</u></i>	189

<i>Monstrorum Oceani descriptio.</i>	202
<i>Morgana Rheginorum descriptio.</i>	163
<i>Navalis Neapolitani descriptio.</i>	67
<i>Naves variae, & variorum gentium usus.</i>	69
<i>Navis Victoria circuitus.</i>	12
<i>Navis Gallia pratoria descriptio.</i>	117
<i>Naupactica pugna descriptio.</i>	88
<i>Novi Orbis detecti author.</i>	236
<i>Ejusdem descriptio.</i>	244
<i>Obliqua per accessus, recessusq; navigatio (Bordeggiare)</i>	114
<i>Oceani descriptio.</i>	125
<i>Physeteris descriptio.</i>	202
<i>Publicae supplicationes.</i>	212
<i>Presteris descriptio.</i>	218
<i>Portuum catalogus.</i>	183
<i>Puppis Hepteris descriptio.</i>	75
<i>Pyxidis inventio, & descriptio.</i>	26
<i>Scytharum vitium in navibus fabricandis.</i>	58
<i>Serum, seu Sinici imperii descriptio.</i>	232
<i>Siculi freti descriptio.</i>	157
<i>Sicula classis naufragium.</i>	188
<i>Siculi motus narratio.</i>	111
<i>Sila montis, & sylvae descriptio.</i>	12
<i>Ejusdem alia.</i>	56
<i>Sosa naufragium.</i>	215
<i>Tempestatis descriptio, & vatis penè naufragium.</i>	172
<i>Truncos vestandi facilis modus.</i>	61
<i>Typhonis descriptio.</i>	216
<i>Vates quae canenda promittat.</i>	223
<i>Vatis penè naufragium.</i>	115
<i>Varius motus Oceani.</i>	122
<i>Ventorum causae, & productiones.</i>	23
<i>Eorundem nomina.</i>	24
<i>Prasagia.</i>	100
<i>Venetiarum elogium.</i>	105
<i>Velorum inventio.</i>	72
<i>Varium genus, & usus.</i>	81
<i>Urle Rhogina ad Canym descriptio.</i>	126





